

**Bil. 3**

**Rabu  
13 Mac 2019**



**MALAYSIA**

**PENYATA RASMI PARLIMEN  
DEWAN RAKYAT**

**PARLIMEN KEEMPAT BELAS  
PENGAL KEDUA  
MESYUARAT PERTAMA**

## K A N D U N G A N

### **JAWAPAN-JAWAPAN LISAN BAGI PERTANYAAN-PERTANYAAN**

(Halaman 1)

### **USUL:**

Menjunjung Kasih Titah Seri Paduka Baginda Yang Di-Pertuan Agong  
- *Tuan Haji Akmal Nasrullah bin Mohd Nasir (Johor Bahru)*

(Halaman 20)

**AHLI-AHLI DEWAN RAKYAT**

1. Yang Berhormat Tuan Yang di-Pertua, Dato' Mohamad Ariff bin Md Yusof
2. “ Timbalan Yang di-Pertua, Dato' Mohd Rashid Hasnon [Batu Pahat] – PKR
3. “ Timbalan Yang di-Pertua, Tuan Nga Kor Ming [Teluk Intan] – DAP

**MENTERI**

1. Yang Amat Berhormat Perdana Menteri Tun Dr. Mahathir bin Mohamad [Langkawi] – PPBM
2. “ Timbalan Perdana Menteri dan Menteri Pembangunan Wanita, Keluarga dan Masyarakat, Dato' Seri Dr. Wan Azizah Wan Ismail, D.P.P.N. [Pandan] – PKR
3. Yang Berhormat Menteri Dalam Negeri, Tan Sri Dato' Sri Muhyiddin bin Mohd Yassin, P.S.M., S.P.M.P., S.P.M.J., S.M.J., P.I.S., B.S.I., S.H.M.S., S.P.S.A., S.P.M.P., S.U.N.S., S.P.D.K., D.P., P.N.B.S. [Pagoh] – PPBM
4. “ Menteri Kewangan, Tuan Lim Guan Eng [Bagan] – DAP
5. “ Menteri Pertahanan, Tuan Mohamad bin Sabu [Kota Raja] – AMANAH
6. “ Menteri Pendidikan, Dr. Maszlee bin Malik [Simpang Renggam] – PPBM
7. “ Menteri Pembangunan Luar Bandar, Datuk Seri Rina binti Mohd Harun, D.G.S.M. [Titiwangsa] – PPBM
8. “ Menteri Hal Ehwal Ekonomi, Dato' Seri Mohamed Azmin bin Ali, S.P.M.S, D.S.M.S. [Gombak] – PKR
9. “ Menteri Perumahan dan Kerajaan Tempatan, Puan Hajah Zuraida binti Kamaruddin [Ampang] – PKR
10. “ Menteri Pengangkutan, Tuan Loke Siew Fook [Seremban] – DAP
11. “ Menteri Komunikasi dan Multimedia, Tuan Gobind Singh Deo [Puchong] – DAP
12. “ Menteri Sumber Manusia, Tuan M. Kulasegaran [Ipoh Barat] – DAP
13. “ Menteri Pertanian dan Industri Asas Tani, Dato' Haji Salahuddin bin Ayub, D.S.P.N. [Pulau] – AMANAH
14. “ Menteri Kesihatan, Datuk Seri Dr. Haji Dzulkefly bin Ahmad, D.G.S.M. [Kuala Selangor] – AMANAH
15. “ Menteri Belia dan Sukan, Tuan Syed Saddiq bin Syed Abdul Rahman [Muar] – PPBM
16. “ Menteri Pembangunan Usahawan, Datuk Seri Mohd Redzuan Yusof, D.G.S.M. [Alor Gajah] – PPBM
17. “ Menteri Air, Tanah dan Sumber Asli, Dr. Xavier Jayakumar [Kuala Langat] – PKR
18. “ Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution bin Ismail, D.G.S.M. [Kulim Bandar Baharu] – PKR
19. “ Menteri Kerja Raya, Tuan Baru Bian [Selangau] – PKR
20. “ Menteri Luar Negeri, Dato' Saifuddin Abdullah [Indera Mahkota] – PKR
21. “ Menteri Industri Utama, Puan Teresa Kok Suh Sim [Seputeh] – DAP
22. “ Menteri Tenaga, Sains, Teknologi, Alam Sekitar dan Perubahan Iklim, Puan Yeo Bee Yin [Bakri] – DAP

23. Yang Berhormat Menteri Di Jabatan Perdana Menteri, Datuk Seri Dr Mujahid Yusof Rawa, D.G.S.M. [Parit Buntar] – AMANAH
24. “ Menteri Wilayah Persekutuan, Tuan Khalid bin Abd Samad [Shah Alam] – AMANAH
25. “ Menteri Di Jabatan Perdana Menteri, Datuk Liew Vui Keong [Batu Sapi] - WARISAN
26. “ Menteri Perdagangan Antarabangsa dan Industri, Datuk Ignatius Dorell Leiking [Penampang] – WARISAN
27. “ Menteri Pelancongan, Seni dan Budaya, Datuk Mohamaddin bin Ketapi [Silam] – WARISAN
28. “ Menteri Di Jabatan Perdana Menteri, Tuan Waytha Moorthy a/l Ponnusamy – *Senator*

#### **TIMBALAN MENTERI**

1. Yang Berhormat Timbalan Menteri Wilayah Persekutuan, Datuk Dr. Shahrudin bin Md Salleh [Sri Gading] – PPBM
2. “ Timbalan Menteri Di Jabatan Perdana Menteri, Datuk Wira Dr. Md Farid bin Md Rafik [Tanjong Piai] – PPBM
3. “ Timbalan Menteri Kewangan, Dato’ Haji Amiruddin bin Hamzah [Kubang Pasu] – PPBM
4. “ Timbalan Menteri Komunikasi dan Multimedia, Tuan Eddin Syazlee Shith [Kuala Pilah] – PPBM
5. “ Timbalan Menteri Industri Utama, Datuk Seri Shamsul Iskandar @ Yusre bin Mohd Akin [Hang Tuah Jaya] – PKR
6. “ Timbalan Menteri Pertanian dan Industri Asas Tani, Tuan Sim Tze Tzin [Bayan Baru] – PKR
7. “ Timbalan Menteri Pembangunan Luar Bandar, Tuan Sivarasa Rasiah [Sungai Buloh] – PKR
8. “ Timbalan Menteri Di Jabatan Perdana Menteri, Puan Fuziah binti Salleh [Kuantan] – PKR
9. “ Timbalan Menteri Kesihatan, Dr. Lee Boon Chye [Gopeng] – PKR
10. “ Timbalan Menteri Pelancongan, Seni dan Budaya, Tuan Muhammad Bakhtiar bin Wan Chik [Balik Pulau] – PKR
11. “ Timbalan Menteri Perdagangan Dalam Negeri dan Hal Ehwal Pengguna, Tuan Chong Chieng Jen [Stampin] – DAP
12. “ Timbalan Menteri Air, Tanah dan Sumber Asli, Tengku Zulpuri Shah bin Raja Puji [Raub] – DAP
13. “ Timbalan Menteri Pembangunan Wanita, Keluarga dan Masyarakat, Puan Hannah Yeoh [Segambut] – DAP
14. “ Timbalan Menteri Pendidikan, Puan Teo Nie Ching [Kulai] – DAP
15. “ Timbalan Menteri Belia dan Sukan, Tuan Sim Chee Keong [Bukit Mertajam] – DAP
16. “ Timbalan Menteri Perdagangan Antarabangsa dan Industri, Dr. Ong Kian Ming [Bangi] – DAP
17. “ Timbalan Menteri Sumber Manusia, Dato’ Mahfuz bin Haji Omar, D.S.D.K. [Pokok Sena] – AMANAH
18. “ Timbalan Menteri Kerja Raya, Tuan Haji Mohd. Anuar Mohd. Tahir [Temerloh] – AMANAH

19. Yang Berhormat Timbalan Menteri Pembangunan Usahawan, Datuk Wira Dr. Mohd. Hatta bin Md. Ramli [Lumut] – AMANAH
20. “ Timbalan Menteri Di Jabatan Perdana Menteri, Tuan Mohamed Hanipa bin Maidin [Sepang] – AMANAH
21. “ Timbalan Menteri Pengangkutan, Dato’ Kamarudin Jaffar, D.S.N.S., B.C.M. [Bandar Tun Razak] – PKR
22. “ Timbalan Menteri Dalam Negeri, Datuk Mohd Azis bin Jamman [Sepanggar] – WARISAN
23. “ Timbalan Menteri Tenaga, Sains, Teknologi, Alam Sekitar dan Perubahan Iklim, Puan Isnaraissah Munirah binti Majilis @ Fakharudy [Kota Belud] – WARISAN
24. “ Timbalan Menteri Luar Negeri, Dato’ Haji Marzuki bin Yahya – *Senator*
25. “ Timbalan Menteri Hal Ehwal Ekonomi, Dr. Mohd Radzi bin Md Jidin – *Senator*
26. “ Timbalan Menteri Pertahanan, Tuan Liew Chin Tong – *Senator*
27. “ Timbalan Menteri Perumahan dan Kerajaan Tempatan, Dato’ Raja Kamarul Bahrin Shah bin Raja Ahmad Baharuddin Shah - *Senator*

#### AHLI-AHLI (PH)

1. Yang Berhormat Dato’ Abdullah Sani bin Abdul Hamid, D.S.P.N. [Kapar] – PKR
2. “ Datuk Dr. Haji Abd. Latiff bin Ahmad, D.M.S.M, S.S.A.P, P.J.N., D.P.M.K. [Mersing] – PPBM
3. “ Tuan Ahmad Fahmi bin Mohamed Fadzil [Lembah Pantai] – PKR
4. “ Dato’ Seri Ahmad Faizal bin Azumu, S.P.M.P. [Tambun] – PPBM
5. “ Tuan Haji Akmal Nasrullah bin Mohd Nasir [Johor Bahru] – PKR
6. “ Tuan Ali anak Biju [Saratok] – PKR
7. “ Puan Alice Lau Kiong Yieng [Lanang] – DAP
8. “ Dato’ Seri Anwar bin Ibrahim [Port Dickson] – PKR
9. “ Tuan Awang Husaini bin Sahari [Putatan] – PKR
10. “ Dr. Azman bin Ismail [Kuala Kedah] - PKR
11. “ Tuan Cha Kee Chin [Rasah] – DAP
12. “ Tuan Chan Foong Hin [Kota Kinabalu] – DAP
13. “ Tuan Chan Ming Kai [Alor Setar] - PKR
14. “ Tuan Chang Lih Kang [Tanjong Malim] – PKR
15. “ Tuan Charles Anthony Santiago [Klang] – DAP
16. “ Tuan Chow Kon Yeow [Tanjong] – DAP
17. “ Datuk Christina Liew Chin Jin [Tawau] – PKR
18. “ Tuan Fong Kui Lun [Bukit Bintang] – DAP
19. “ Dato’ Seri Hamzah bin Zainudin, S.P.M.P., D.P.M.P., D.P.T.J., K.M.N., A.M.P., P.P.T., J.P. [Larut] – PPBM
20. “ Datuk Dr. Hasan bin Bahrom [Tampin] – AMANAH
21. “ Datuk Haji Hasanuddin bin Mohd Yunus [Hulu Langat] – AMANAH
22. “ Tuan Hassan bin Abdul Karim [Pasir Gudang] – PKR
23. “ Dato’ Sri Ikmal Hisham bin Abdul Aziz, D.I.M.P, S.S.A.P. [Tanah Merah] – PPBM

24. Yang Berhormat Dato' Johari bin Abdul, D.S.D.K. [Sungai Petani] – PKR
25. “ Tuan Jonathan bin Yasin [Ranau] – PKR
26. “ Tuan Jugah a/k Muyang @ Tambat [Lubok Antu] – PKR
27. “ Tuan Karupaiya a/l Mutusami [Padang Serai] – PKR
28. “ Puan Kasthuriraani a/p Patto [Batu Kawan] – DAP
29. “ Dr. Kelvin Yii Lee Wuen [Bandar Kuching] – DAP
30. “ Tuan Kesavan a/l Subramaniam [Sungai Siput] – PKR
31. “ Tuan Khoo Poay Tiong [Kota Melaka] – DAP
32. “ Puan June Leow Hsiad Hui [Hulu Selangor] – PKR
33. “ Tuan Larry Soon @ Larry Sng Wei Shien [Julau] – PKR
34. “ Tuan Lim Kit Siang [Iskandar Puteri] – DAP
35. “ Tuan Lim Lip Eng [Kepong] – DAP
36. “ Dato' Mansor bin Othman, D.M.P.N. [Nibong Tebal] – PKR
37. “ Puan Maria Chin binti Abdullah [Petaling Jaya] – PKR
38. “ Datuk Wira Hajah Mas Ermieyati binti Samsudin, D.S.M., B.C.M., A.N.S., P.J.K., P.B.B., D.M.S.M., D.C.S.M., [Masjid Tanah] – PPBM
39. “ Dr. Michael Teo Yu Keng [Miri] – PKR
40. “ Dato' Haji Mohd Fasih bin Mohd Fakeh, P.J.K., K.M.N. [Sabak Bernam] - PPBM
41. “ Tuan Mordi anak Bimol [Mas Gading] – DAP
42. “ Dato' Seri Haji Mukhriz Tun Dr. Mahathir [Jerlun] – PPBM
43. “ Tuan Muslimin bin Yahaya [Sungai Besar] – PPBM
44. “ Dato' Sri Mustapa bin Mohamed, S.J.M.K., S.S.A.P., S.I.M.P., D.P.M.S. [Jeli] - PPBM
45. “ Puan Hajah Natrah Ismail [Sekijang] – PKR
46. “ Dato' Ngeh Koo Ham, D.P.M.P. [Beruas] – DAP
47. “ Tuan Nik Nazmi bin Nik Ahmad [Setiawangsa] – PKR
48. “ Tuan Noor Amin bin Ahmad [Kangar] – PKR
49. “ Dato' Dr. Haji Noor Azmi bin Ghazali, D.P.M.P. [Bagan Serai] - PPBM
50. “ Puan Noorita binti Sual [Tenom] – DAP
51. “ Puan Nor Azrina binti Surip [Merbok] – PKR
52. “ Puan Nurul Izzah binti Anwar [Permatang Pau] – PKR
53. “ Tuan Oscar Ling Chai Yew [Sibu] – DAP
54. “ Tuan Pang Hok Liong [Labis] – DAP
55. “ Tuan P. Prabakaran [Batu] – PKR
56. “ Tuan Ramkarpal Singh a/l Karpal Singh [Bukit Gelugor] – DAP
57. “ Dato' Rosol bin Wahid [Hulu Terengganu] – PPBM
58. “ Puan Rusnah binti Aluai [Tangga Batu] – PKR
59. “ Tuan Sanisvara Nethaji Rayer a/l Rajaji [Jelutong] – DAP
60. “ Dato' Seri Dr. Santhara [Segamat] – PKR
61. “ Datuk Haji Shabudin Yahaya, P.J.K. [Tasek Gelugor] – PPBM

62. Yang Berhormat Tuan Sivakumar Varatharaju Naidu [Batu Gajah] – DAP
63. “ Tuan Steven Choong Shiau Yoon [Tebrau] – PKR
64. “ Tuan Su Keong Siong [Kampar] – DAP
65. “ Tuan Syed Ibrahim bin Syed Noh [Ledang] – PKR
66. “ Tuan Tan Kok Wai [Cheras] – DAP
67. “ Datin Paduka Dr. Tan Yee Kew [Wangsa Maju] – PKR
68. “ Tuan Teh Kok Lim [Taiping] – DAP
69. “ Tuan Tony Pua Kiam Wee [Damansara] – DAP
70. “ Tuan William Leong Jee Keen [Selayang] – PKR
71. “ Tuan Willie anak Mongin [Puncak Borneo] – PKR
72. “ Tuan Wong Chen [Subang] – PKR
73. “ Tuan Wong Hon Wai [Bukit Bendera] – DAP
74. “ Tuan Wong Kah Woh [Ipoh Timur] – DAP
75. “ Tuan Wong Ling Biu [Sarikei] – DAP
76. “ Puan Wong Shu Qi [Kluang] – DAP
77. “ Tuan Wong Tack [Bentong] – DAP
78. “ Datuk Wong Tien Fatt @ Wong Nyuk Foh [Sandakan] – DAP

#### AHLI-AHLI (BN)

1. Yang Berhormat Datuk Seri Panglima Abdul Azeez bin Abdul Rahim, P.J.N., D.I.M.P., J.P., S.P.D.K., S.J.M.K., S.S.A.P, D.H.M.S, D.C.S.M., P.J. [Baling] – UMNO
2. “ Dato’ Haji Abdul Rahman bin Mohamad, D.I.M.P., S.M.P., A.M.P. [Lipis] – UMNO
3. “ Datuk Seri Dr. Adham bin Baba [Tenggaru] – UMNO
4. “ Datuk Seri Haji Ahmad bin Haji Hamzah, D.C.S.M., D.M.S.M., K.M.N., P.J.K., D.G.S.M., S.S.A.P. [Jasin] – UMNO
5. “ Datuk Seri Haji Ahmad bin Haji Maslan, D.M.S.M., P.J.K. [Pontian] – UMNO
6. “ Datuk Ahmad Jazlan bin Yaakub, P.J.N., K.M.N. [Machang] – UMNO
7. “ Dato’ Haji Ahmad Nazlan bin Idris, D.I.M.P., [Jerantut] – UMNO
8. “ Dato’ Seri Dr. Ahmad Zahid bin Hamidi, S.S.A.P., D.P.M.P., D.M.S.M., A.M.P., P.P.T., P.J.K., J.P., S.P.M.P., S.J.M.K., S.P.S.N., S.P.D.K., D.U.N.M., P.N.B.S., D.P.M.K., [Bagan Datuk] – UMNO
9. “ Tan Sri Datuk Seri Panglima Haji Annuar bin Haji Musa, P.S.M., S.P.D.K., D.G.S.M., S.I.M.P. [Keteroh] – UMNO
10. “ Dato’ Sri Azalina Othman Said, D.P.M.K., S.P.M.P., D.P.M.S., D.G.M.K., P.G.D.K. [Pengerang] – UMNO
11. “ Dato’ Sri Bung Moktar bin Radin, P.G.D.K., A.S.D.K., A.D.K., S.S.A.P. [Kinabatangan] – UMNO
12. “ Datuk Halimah binti Mohamed Sadique, P.J.N., P.I.S. D.C.S.M. [Kota Tinggi] – UMNO
13. “ Dato’ Sri Hasan bin Arifin, D.S.A.P., S.S.A.P. [Rompin] – UMNO
14. “ Dato’ Hasbullah bin Osman, D.P.M.P., A.M.P., J.P. [Gerik] – UMNO

15. Yang Berhormat Dato' Seri Hishammuddin Tun Hussein, S.P.M.P., S.S.A.P., S.I.M.P., D.P.M.J., D.S.A.P., P.N.B.S., D.G.S.M., S.P.D.K. [Sembrong] – UMNO
16. “ Dato' Seri Haji Idris bin Jusoh, S.S.M.Z., D.P.M.T., P.J.K. [Besut] - UMNO
17. “ Dato' Sri Dr. Haji Ismail bin Haji Abd Muttalib, S.A.P., A.A.P., A.M.P., P.K.C., D.I.M.P., D.S.A.P., S.S.A.P. [Maran] – UMNO
18. “ Dato' Sri Dr. Haji Ismail bin Haji Mohamed Said, D.I.M.P., S.M.P., K.M.N., S.S.A.P. [Kuala Krau] – UMNO
19. “ Dato' Sri Ismail Sabri bin Yaakob, S.S.A.P., D.I.M.P., D.M.S.M., A.D.K. [Bera] – UMNO
20. “ Dato' Jalaluddin bin Alias [Jelebu] – UMNO
21. “ Tuan Khairy Jamaluddin Abu Bakar [Rembau] - UMNO
22. “ Datuk Seri M. Saravanan, D.M.S.M., P.M.W., A.M.N. [Tapah] – MIC
23. “ Dato' Seri Mahdzir bin Khalid, S.H.M.S., S.S.D.K., D.P.M.P., J.P., B.K.M. [Padang Terap] – UMNO
24. “ Datin Mastura binti Mohd Yazid [Kuala Kangsar] – UMNO
25. “ Dato' Seri Mohamed Nazri bin Abdul Aziz, S.S.A.P., S.P.M.P., D.M.S.M., A.M.P., B.K.T., D.J.M.K., [Padang Rengas] – UMNO
26. “ Dato' Mohd Nizar bin Haji Zakaria [Parit] – UMNO
27. “ Tuan Mohd Shahar bin Abdullah [Paya Besar] – UMNO
28. “ Dato' Sri Mohd Najib bin Tun Abd Razak, S.P.D.K., S.S.A.P., S.S.S.J., S.I.M.P., D.P.M.S., D.S.A.P., P.N.B.S., D.K., S.P.M.K., S.P.M.S., D.M.K., S.P.S.A., S.P.N.S., D.U.P.N., D.U.N.M, D.P. [Pekan] – UMNO
29. “ Tan Sri Haji Noh bin Haji Omar, P.S.M, D.P.M.S., D.M.S.M., K.M.N., A.S.A., P.J.K., J.P. [Tanjong Karang] – UMNO
30. “ Dato' Dr. Noraini Ahmad, D.S.A.P., D.M.S.M. [Parit Sulong] – UMNO
31. “ Tuan Ramli bin Mohd Nor [Cameron Highland] – UMNO
32. “ Dato' Sri Reezal Merican bin Naina Merican, D.I.M.P., S.S.A.P. [Kepala Batas] – UMNO
33. “ Dato' Haji Salim Sharif [Jempol] – UMNO
34. “ Dato' Seri Dr. Shahidan bin Kassim, S.P.M.P., S.S.A.P., A.M.P [Arau] - UMNO
35. “ Dato' Dr. Shamsul Anuar bin Nasarah, D.P.M.P., S.M.S., P.P.N., P.P.T. [Lenggong] - UMNO
36. “ Dato' Sri Haji Tajuddin bin Abdul Rahman, D.P.M.P., D.M.S.M., K.M.N., A.M.P., J.P. [Pasir Salak] – UMNO
37. “ Datuk Seri Tengku Adnan bin Tengku Mansor, S.S.A.P., D.G.S.M., S.I.M.P., S.J.M.K., D.M.S.M., P.J.N., D.S.D.K., D.S.A.P., K.M.N., D.I.M.P. [Putrajaya] – UMNO
38. “ Tengku Razaleigh Hamzah, D.K., S.P.M.K., P.S.M., S.S.A.P., S.P.M.S. [Gua Musang] – UMNO
39. “ Datuk Seri Ir. Dr. Wee Ka Siong, D.M.S.M., D.G.S.M. [Ayer Hitam] – MCA
40. “ Datuk Zahidi bin Zainul Abidin, D.M.S.M., S.M.P. [Padang Besar] – UMNO

#### AHLI-AHLI (PAS)

1. Yang Berhormat Dato' Seri Haji Abdul Hadi Awang, S.S.M.T. [Marang]
2. “ Tuan Abdul Latiff bin Abdul Rahman [Kuala Krai]



3. “ Tuan Haji Ahmad Amzad bin Mohamed @ Hashim [Kuala Terengganu]
4. “ Tuan Ahmad Fadhli bin Shaari [Pasir Mas]
5. “ Ustaz Haji Ahmad Marzuk bin Shaary [Pengkalan Chepa]
6. “ Tuan Ahmad Tarmizi bin Sulaiman [Sik]
7. “ Tuan Haji Awang bin Hashim [Pendang]
8. “ Dato' Haji Che Abdullah bin Mat Nawi [Tumpat]
9. “ Tuan Che Alias bin Hamid [Kemaman]
10. “ Dato' Dr. Mohd Khairuddin bin Aman Razali, D.M.P., D.I.M.P. [Kuala Nerus]
11. “ Tuan Nik Mohamad Abduh bin Nik Abdul Aziz [Bachok]
12. “ Dr. Nik Muhammad Zawawi bin Haji Salleh [Pasir Puteh]
13. “ Tuan Sabri bin Azit [Jerai]
14. “ Tuan Shahrizukirnain bin Abd Kadir [Setiu]
15. “ Puan Hajah Siti Zailah binti Mohd Yusoff [Rantau Panjang]
16. “ Dato' Takiyuddin bin Hassan, D.J.M.K., J.P. [Kota Bharu]
17. “ Dato' Tuan Ibrahim bin Tuan Man [Kubang Kerian]
18. “ Tuan Haji Wan Hassan bin Mohd Ramli [Dungun]

#### **AHLI-AHLI (PBB)**

1. Yang Berhormat Tuan Haji Ahmad Johnie bin Zawawi [Igan]
2. “ Datuk Alexander Nanta Linggi, D.P.M.P., D.M.S.M., A.M.P., P.P.T., P.J.K., J.P., P.B.S., A.B.S. [Kapit]
3. “ Dato' Sri Haji Fadillah bin Yusof, P.G.B.K., A.B.S., S.S.A.P., D.G.S.M. [Petrajaya]
4. “ Dato Hajjah Hanifah Hajar Taib [Mukah]
5. “ Tuan Haji Hasbi bin Haji Habibollah [Limbang]
6. “ Dato' Henry Sum Agong, P.B.S., P.S.B.S. [Lawas]
7. “ Tuan Lukanisman bin Awang Sauni [Sibuti]
8. “ Dato' Sri Hajah Nancy Shukri, K.M.N., P.G.B.K., S.S.A.P. [Batang Sadong]
9. “ Datuk Robert Lawson Chuat [Betong]
10. “ Dato' Sri Hajah Rohani binti Abdul Karim, P.G.B.K., P.B.S., P.P.B., S.S.A.P. [Batang Lupar]
11. “ Puan Rubiah binti Wang [Kota Samarahan]
12. “ Dato' Sri Dr. Haji Wan Junaidi bin Tuanku Jaafar, P.J.N., P.B.S., J.B.S., J.S.M., P.N.B.S. [Santubong]
13. “ Tuan Yusuf bin Abd Wahab [Tanjong Manis]

#### **AHLI-AHLI (BEBAS)**

1. Yang Berhormat Datuk Abd Rahim bin Bakri, D.M.S.M., A.S.D.K. [Kudat]
2. “ Dato' Sri Anifah bin Aman, S.S.A.P., D.I.M.P., P.G.D.K., A.S.D.K., J.P., S.P.D.K. [Kimanis]
3. “ Dato' Hajah Azizah binti Mohd Dun, D.I.M.P., P.G.D.K. [Beaufort]

4. “ Datuk Seri Dr. Ronald Kiandee, S.M.W., P.G.D.K., A.S.D.K. [Beluran]
5. “ Dato' Syed Abu Hussin bin Hafiz Syed Abdul Fasal [Bukit Gantang]
6. “ Tuan Haji Yamani Hafez bin Musa [Sipitang]
7. “ Datuk Zakaria bin Mohd. Edris @ Tubau [Libaran]

**AHLI-AHLI (PRS)**

1. Yang Berhormat Datuk Aaron Ago Dagang, P.J.N. [Kanowit]
2. “ Dato' Masir anak Kujat, P.P.B., D.I.M.P., J.M.N. [Sri Aman]
3. “ Datuk Ugak anak Kumbong, P.J.N. [Hulu Rajang]

**AHLI-AHLI (WARISAN)**

1. Yang Berhormat Tuan Haji Ahmad bin Hassan [Papar]
2. “ Tuan Ma'mun bin Sulaiman [Kalabakan]
3. “ Datuk Seri Panglima Haji Mohd Shafie bin Haji Apdal, P.G.D.K., D.S.A.P., D.M.S.M., J.P., S.P.M.P., S.P.D.K., P.G.D.K. [Semporna]
4. “ Datuk Rozman bin Isli, K.M.W., P.P.N. [Labuan]

**AHLI-AHLI (PDP)**

1. Yang Berhormat Tuan Anyi Ngau [Baram]
2. “ Dato' Seri Tiong King Sing, S.S.S.A., D.S.S.A., J.P., P.J.N. [Bintulu]

**AHLI-AHLI (PBS)**

1. Yang Berhormat Datuk Seri Panglima Dr. Maximus Johnity Ongkili, P.G.D.K., A.S.D.K., J.P., S.P.D.K., D.G.S.M., [Kota Marudu]

**AHLI-AHLI (PBRs)**

1. Yang Berhormat Tuan Arthur Joseph Kurup [Pensiangan]

**AHLI-AHLI (UPKO)**

1. Yang Berhormat Datuk Seri Panglima Wilfred Madius Tangau, J.S.M., P.G.D.K., J.P., A.D.K., S.P.D.K. [Tuaran]

**AHLI-AHLI (SUPP)**

1. Yang Berhormat Dato' Sri Dr. Richard Riot anak Jaem, P.J.N., J.B.S., K.M.N., S.S.A.P. [Serian]

**AHLI-AHLI (STAR)**

1. Yang Berhormat Datuk Dr. Jeffrey Kitingan [Keningau]

**DEWAN RAKYAT****Ketua Pentadbir Parlimen**

Datuk Kamis bin Samin

**Setiausaha Dewan Rakyat**

Datuk Roosme binti Hamzah

**Setiausaha Bahagian (Pengurusan Dewan)**

Amisyahrizan bin Amir Khan

**PETUGAS-PETUGAS****CAWANGAN PENYATA RASMI (HANSARD)**

Azhari bin Hamzah

Monarita binti Mohd Hassan

Rosna binti Bujairomi

Alzian binti Baharudin

Halijah binti Mat Sin @ Mt Zain

Muhammad Qhidir bin Mat Isa

Siti Norlina binti Ahmad

Noraidah binti Manaf

Nor Hamizah binti Haji Hassan

Nor Liyana binti Ahmad

Sharifah Nor Asilah binti Syed Basir

Nik Nor Ashikin binti Nik Hassan

Hafilah binti Hamid

Nor Faraliza binti Murad @ Nordin Alli

Sherliza Maya binti Talkah

Tengku Sofia Dora binti Tengku Mohamad

Nor Effazimmah binti Maliki

Nur Annisa binti Hamid

Sharifah Nazurah binti Wan Sahdi

Herdawati binti Mohd Amir Abbu

Hasnah Sakinah binti Mohd Hashim

Nor Sakinah binti Samat

Nurammarah binti Md Isa

Nur Hazwanie binti Mohd Rozali

Mohd Salleh bin Ak Atoh

Azmir bin Mohd Salleh

Mohd. Izwan bin Mohd. Esa

Nor Kamsiah binti Asmad

Siti Zubaidah binti Karim

Aifarina binti Azaman

Noorfazilah binti Talib

Farah Asyraf binti Khairul Anuar

Julia binti Mohd. Johari

Syahila binti Ab Mohd Khalid

Ismalinda binti Ismail

Hazliana binti Yahaya

Amir Arshad bin Ab Samad

Hizamihatim Maggisa bin Juara

Muhammad Firdaus bin Ahmad

Izzul Syazwan bin Abdul Halim

Maryam binti Azinuddin

Mohd Aizuddin bin Pahrol Laili



**MALAYSIA**  
**DEWAN RAKYAT**  
**PARLIMEN KEEMPAT BELAS**  
**PENGGAL KEDUA**  
**MESYUARAT PERTAMA**

**Rabu, 13 Mac 2019**

**Mesyuarat dimulakan pada pukul 10.00 pagi**

**DOA**

*[Timbalan Yang di-Pertua (Tuan Nga Kor Ming)  
mempengerusikan Mesyuarat]*

---

**JAWAPAN-JAWAPAN LISAN BAGI PERTANYAAN-PERTANYAAN**

**Timbalan Yang di-Pertua [Tuan Nga Kor Ming]:** Ahli-ahli Yang Berhormat sebagai pembuka tirai, saya ingin hadiahkan serangkap pantun untuk Yang Berhormat dan juga seluruh rakyat Malaysia yang sedang menonton secara langsung persidangan Parlimen pagi ini.

*Waktu pagi pergi ke pekan;  
Pulang membawa sebungkus laksa;  
Hidup muhibah perlu diamalkan;  
Di negara Malaysia yang berbilang bangsa... [Tepuk]*

Hidup muafakat adalah amalan hidup kita.

**1. Dato' Sri Mustapa bin Mohamed [Jeli]** minta Menteri Perdagangan Antarabangsa dan Industri menyatakan, apakah kerajaan akan mengemukakan bantahan rasmi kepada *World Trade Organisation* (WTO) berhubung cadangan Kesatuan Eropah untuk melarang penggunaan minyak sawit dalam *biofuel* mulai 2021. Apakah kerjasama yang dijalin Malaysia dan Indonesia untuk menangani perkara berkenaan.

**Timbalan Menteri Perdagangan Antarabangsa dan Industri [Dr. Ong Kian Ming]:** Terima kasih kepada Yang Berhormat Jeli yang selalu peka kepada isu perdagangan antarabangsa.

Untuk menjawab soalan yang pertama, saya hendak memaklumkan Yang Berhormat Jeli bahawa kerajaan telah menyuarakan kebimbangan Malaysia berkenaan isu diskriminasi minyak sawit oleh Kesatuan Eropah ataupun *European Union*, dengan izin, dengan mengemukakan bantahan rasmi di pelbagai mesyuarat peringkat jawatankuasa dan juga majlis ataupun *council, as well as committee*, dengan izin. Misalnya antaranya, Mesyuarat Jawatankuasa Halangan Teknikal Perdagangan (*Technical Barriers to Trade Council*), Majlis bagi Perdagangan Barangan (*Council for Trade in Goods, CTG*) dan juga Mesyuarat Jawatankuasa Perdagangan dan Alam Sekitar (*Trade and Environment Committee, CTE*).

Dalam masa yang sama, Malaysia juga telah membangkitkan isu diskriminasi minyak sawit ini sebagai *Specific Trade Concern* (STC) di Majlis Jawatankuasa TBT dalam usaha untuk memberi tekanan kepada Kesatuan Eropah agar mempertimbangkan semula cadangan pelaksanaan peraturan terbaru tersebut. Selaku negara anggota WTO, Malaysia juga mempunyai pilihan untuk membawa isu ini ke peringkat Badan Penyelesaian Pertikaian ataupun *Dispute Settlement Body* (DSB), walau bagaimanapun, ini hanya dapat dilakukan setelah kaedah pelaksanaan dan isi kandungan peraturan terbaru berkenaan diterbitkan.

dengan lebih jelas oleh pihak EU bagi membolehkan negara-negara ahli WTO yang terjejas menilai dengan lebih teliti aspek-aspek yang bercanggah dengan peraturan-peraturan WTO.

Selain itu, inisiatif lain yang telah dilakukan oleh kerajaan di peringkat WTO adalah dengan mewujudkan satu gabungan yang dikenali sebagai *Friends of Palm Oil* (FPO) di Geneva bermula pada April 2017. Gabungan FPO adalah terdiri dari perwakilan negara-negara pengeluar utama minyak sawit di WTO termasuk Malaysia, Indonesia, Thailand, Columbia, Guatemala, Ecuador, Costa Rica dan juga Honduras. Antara tindakan yang telah diambil oleh ahli-ahli FPO adalah untuk menyuarakan bantahan secara bersama di pelbagai mesyuarat-mesyuarat Jawatankuasa WTO. FPO juga telah menganjurkan sesi khas semasa forum awam WTO pada 26 September 2017 dalam usaha untuk memperbetulkan persepsi negatif terhadap minyak sawit berdasarkan bukti fakta dan juga saintifik.

Tuan Yang di-Pertua, berhubung kerjasama yang dijalin antara Malaysia dan Indonesia, selain tindakan yang diambil di bawah gabungan FPO seperti yang dinyatakan tadi, Malaysia dan Indonesia telah bersama-sama mendapatkan sokongan daripada negara-negara ASEAN yang lain bagi menggesa supaya peringkat hubungan antara ASEAN dan EU ditangguhkan daripada status rakan dialog kepada perkongsian strategik sehingga isu larangan minyak sawit ini diselesaikan. Terima kasih.

**Dato' Sri Mustapa bin Mohamed [Jeli]:** Terima kasih Yang Berhormat Timbalan Menteri dan Tuan Yang di-Pertua. Pertama, apakah hasil rujukan kepada WTO berkaitan dengan *Technical Barriers to Trade* (TBT) tadi setelah dirujuk, saya hendak tahu apa hasilnya, berkesan ataupun tidak?

Kedua, memandangkan kelapa sawit ini melibatkan jutaan rakyat di Malaysia dan juga Indonesia, apakah kerajaan bercadang untuk menubuhkan satu badan yang berwibawa untuk berkempen secara agresif, Malaysia-Indonesia, di Eropah dan seluruh dunia kerana ini masalah yang besar untuk negara, disediakan peruntukan yang secukupnya dan sekretariat yang kuat untuk memastikan bahawa segala diskriminasi ini dapat dihapuskan secepat mungkin terima kasih.

**Dr. Ong Kian Ming:** Terima kasih atas soalan itu. Saya rasa tumpuan utama Kementerian MITI dan juga Kementerian Perusahaan Utama ialah untuk membuat rujukan kepada *Delegated Act* ILUC yang masih dalam perbincangan di tahap *European Commission* kerana ini adalah undang-undang yang akan ada impak yang begitu besar kepada industri kelapa sawit tetapi untuk makluman Yang Berhormat, *Delegated Act* ini belum lagi dimuktamadkan dan belum lagi dibawa ke *European Parliament*. Jadi kita tunggu maklumat yang terkini sebelum membuat satu keputusan bersama dengan rakan-rakan seperjuangan di negara yang lain.

Untuk isu yang dibangkitkan tadi mengenai *independent body*, saya rasa badan-badan yang wujud sekarang seperti *Friends of Palm Oil* memang ada kuasa mereka dan juga ada *effect* mereka dalam segi memberi satu persepsi yang lebih baru kepada pengguna-pengguna di Eropah dan juga di tempat lain. Jadi, saya rasa tidak perlu lagi tubuhkan satu *independent body* yang baharu. Terima kasih.

**Datuk Seri Haji Ahmad bin Haji Maslan [Pontian]:** Terima kasih. Dalam dunia ini di bawah PBB ada 194 negara, di MATRADE ada 46 cawangan di seluruh dunia. Apakah yang dibuat oleh MITI untuk memastikan MATRADE dalam KPI pegawai-pegawainya yang menjual sawit Malaysia ke negara-negara yang berhampiran dengan kawasan yang mereka jaga?

Jika kita tidak dapat menjual di negara-negara yang berkaitan, ada banyak lagi negara lain. Saya hendak tahu, berapa banyak negara yang membeli sawit Malaysia dan kita kasihanlah 650,000 pekebun kecil di Malaysia dan ratusan ribu lagi di Indonesia. Terima kasih.

■1010

**Dr. Ong Kian Ming:** Saya rasa itu adalah satu cadangan yang baik. Untuk makluman Yang Berhormat Pontian, memang MATRADE dan juga agensi-agensi yang lain bersama dengan KPU sedang bekerjasama untuk mendapatkan akses, *market access* dan juga untuk melebarkan *market access* ke negara-negara yang lain seperti yang saya rasa, Yang Berhormat Pontian pun tahu negara utama dari segi eksport kelapa sawit ini bukan negara di Eropah tetapi adalah di India. Saya rasa apa yang kita perlu ialah bukan sahaja untuk membuat promosi yang lebih agresif tetapi pada masa yang sama untuk juga

membincang dengan pihak-pihak negara seperti India untuk mengurangkan tarif terhadap kelapa sawit.

Untuk makluman Yang Berhormat Pontian, tahun lepas tarif yang dikenakan oleh negara India ke atas kelapa sawit telah turun dari 45 peratus kepada 40 peratus. Saya rasa kita ada ruang lagi dalam kaedah RCEP untuk mengurangkan lagi tarif di atas kelapa sawit. Terima kasih.

**2. Puan Hajah Siti Zailah binti Mohd Yusoff [Rantau Panjang]** minta Menteri Pembangunan Wanita, Keluarga dan Masyarakat menyatakan, statistik bilangan pusat asuhan kanak-kanak di seluruh negara dan apakah langkah yang diambil bagi memastikan keselamatan anak-anak terjaga di bawah pengasuh yang terlatih.

**Timbalan Menteri Pembangunan Wanita, Keluarga dan Masyarakat [Puan Hannah Yeoh]:** Tuan Yang di-Pertua, statistik bilangan taska berdaftar dengan JKM sehingga Januari tahun ini adalah sebanyak 4,466 buah. Bagi memastikan keselamatan anak-anak terjaga di bawah pengasuh terlatih, pihak kementerian mengambil beberapa inisiatif seperti berikut:

- (i) memantapkan lagi kualiti pemantauan ke atas taska oleh pegawai diberi kuasa taska dengan menghantar 33 orang PDBK iaitu pegawai penguat kuasa mengikut kursus asuhan dan didikan awal kanak-kanak PERMATA, KAP secara *online* yang dilaksanakan oleh UPSI Holdings Sdn. Bhd. dan 36 orang pegawai institusi mengikut KAP secara konvensional selama 28 hari yang dilaksanakan oleh Institut Sosial Malaysia;
- (ii) mengadakan kursus berkaitan kepada pengasuh taska di rumah melalui kerjasama NGO seperti Persatuan Pengasuh Berdaftar Malaysia;
- (iii) menyediakan status pendaftaran yang terkini di portal rasmi JKM bagi memudahkan semakan ibu bapa sebelum menghantar anak. *Websitenya* [www.jkm.gov.my](http://www.jkm.gov.my);
- (iv) menyediakan info grafik panduan pemilihan pengasuh di rumah yang telah dilancarkan pada November 2018, memberi kemudahan kepada ibu bapa semasa memilih pengasuh dan selepas menghantar anak. Info grafik ini telah pun saya hantar kepada semua Yang Berhormat untuk disebarkan kepada Persatuan Penduduk dan juga Rukun Tetangga;
- (v) kerap menghadiri program meningkatkan kesedaran ibu bapa dan masyarakat tentang kepentingan taska berdaftar. Ini adalah program Jom Daftar;
- (vi) kita telah menjalankan satu program pemutihan taska di Putrajaya untuk mengenal pasti semua kawasan perumahan di Putrajaya bagi mengumpul maklum balas daripada pengusaha taska yang tidak berdaftar dan usaha ini masih berjalan. Hasil pemutihan, kita dapati ada 49 buah taska institusi dikenal pasti tidak berdaftar dan telah diberi khidmat nasihat bagi membantu taska-taksa ini berdaftar; dan
- (vii) pada tahun ini, kita ada RM10 juta diperuntukkan dalam Bajet 2019 untuk geran penubuhan taska di tempat kerja sektor awam dan telah dibuka permohonannya daripada 24 Januari hingga 7 Februari kepada semua agensi kerajaan yang tidak mempunyai taska. Sebanyak 101 permohonan telah diterima dan kita juga telah mendapati terdapat 541 agensi kerajaan termasuk agensi kerajaan negeri yang tidak mempunyai taska di tempat kerja.

Jadi itu usaha-usaha terkini yang telah kita lakukan untuk meningkatkan lagi jumlah taska yang berdaftar bagi menjamin keselamatan kanak-kanak. Terima kasih.

**Puan Hajah Siti Zailah binti Mohd Yusoff [Rantau Panjang]:** Terima kasih atas jawapan Yang Berhormat Menteri. Soalan tambahan saya ialah di antara masalah yang dihadapi ialah kos operasi yang tinggi dan mengenakan pelaksanaan gaji minimum menyebabkan pengusaha terpaksa mengenakan yuran yang tinggi. Jadi, ini merupakan satu beban terutama bagi golongan yang berpendapatan B40.

Jadi, saya ingin tahu apakah inisiatif yang dibuat oleh kerajaan untuk membantu golongan ini? Apakah kerajaan bercadang untuk mengecualikan gaji minimum terutama pengusaha yang kecil dan yang berskala kecil. Begitu juga, adakah kerajaan bercadang untuk mengenakan hukuman yang lebih berat terhadap pengusaha yang telah mengabaikan keselamatan kanak-kanak. Terima kasih.

**Puan Hannah Yeoh:** Terima kasih. Ya ada, saya rasa ada tiga soalan tambahan dalam satu soalan itu. Sukar untuk saya jawab semua tetapi saya usahakan. Kos gaji minimum RM1,100 terhadap pengasuh memang kita telah menerima rintihan daripada pengasuh-pengasuh dan operator sedia. Kita juga dalam kementerian sedang memeriksa penstrukturan semula *early childhood care* bagi menjamin, kita ada kualiti untuk pengasuh dan ada *career growth* untuk pengasuh-pengasuh. Kalau mereka hanya melihat tugas mereka hanya *babysitting* dan mereka tidak boleh lihat dalam tiga tahun hingga empat tahun, apa cadangan penaiktarafan *career* mereka memang ada ramai yang akan keluarlah. Selepas mereka menerima latihan, mereka akan keluar.

Jadi, impak gaji minimum sekarang ini sedang diteliti oleh Kementerian Sumber Manusia dan untuk usaha yang kerajaan ambil adalah untuk menaikkan subsidi. Itu sebab kita ada 10 juta geran itu untuk membolehkan lebih ramai lagi golongan B40 termasuk pegawai kerajaan untuk menghantar anak-anak mereka ke taska di tempat kerja, meringankan kos mereka. Kos bulanan mereka. Terima kasih.

**Puan Alice Lau Kiong Yieng [Lanang]:** Terima kasih Tuan Yang di-Pertua, Kementerian Pembangunan Wanita, Keluarga dan Masyarakat telah mengumumkan bahawa sebuah pusat asuhan kanak-kanak akan diwujudkan di Parlimen bagi membantu dan memudahkan tugas anggota Parlimen serta warga kerja yang bertugas semasa Parlimen bersidang. Jadi, saya ingin tahu tentang status perkembangan pusat asuhan kanak-kanak yang bakal diwujudkan di Parlimen dan bilakah agaknya ia akan diwujudkan. Terima kasih.

**Puan Hannah Yeoh:** Itu saya rasa Yang Berhormat Tuan Yang di-Pertua pun boleh jawab tetapi memang permohonan telah dibuka kepada semua agensi kerajaan dan kami dalam kementerian, Jabatan Kebajikan Masyarakat sedang menunggu kertas cadangan permohonan daripada Parlimen. Memang Yang Berhormat Timbalan Perdana Menteri ada berjumpa dengan Tuan Yang di-Pertua mengatakan ini adalah tempat di mana undang-undang digubal dan ini adalah satu mesej yang sangat penting untuk seluruh Malaysia melihat bahawa tempat di mana penggubalan undang-undang berlaku, ada infrastruktur untuk menggalakkan lebih ramai lagi golongan wanita untuk menjadi wakil rakyat dan infrastruktur ini wujud untuk mereka. Saya juga gembira Parlimen telah mengurangkan waktu bersidang setiap hari, membolehkan lebih ramai lagi wanita berfungsi di Parlimen dan juga di rumah.

Ini saya lihat adalah satu *cultural* ataupun *mindset shift* yang perlu berlaku supaya golongan masyarakat mula menghargai peranan wanita dalam kerjaya dan juga di dalam rumah. Terima kasih.

**Timbalan Yang di-Pertua [Tuan Nga Kor Ming]:** Supaya Yang Berhormat Timbalan Menteri tidak payah cuci baju pada waktu malam. Seterusnya saya jemput Yang Berhormat Tuan Noor Amin bin Amin, Yang Berhormat Kangar.

**3. Tuan Noor Amin bin Ahmad [Kangar]** minta Menteri Pertanian dan Industri Asas Tani menyatakan, apakah usaha-usaha yang dirancang bagi memastikan pendapatan kaum petani, peladang dan nelayan meningkat secara signifikan dalam tempoh sederhana.

**Timbalan Menteri Pertanian dan Industri Asas Tani [Tuan Sim Tze Tzin]:** Terima kasih Tuan Yang di-Pertua. Saya mohon soalan ini dijawab bersama lima soalan yang lain kerana menyentuh isu yang sama. Pada 14 Mac oleh Yang Berhormat Tanah Merah, 21 Mac oleh Yang Berhormat Igan, 27 Mac oleh Yang Berhormat Tanjong Manis, 1 April Yang Berhormat Kota Tinggi, 8 April oleh Yang Berhormat Ledang.



Tuan Yang di-Pertua, kerajaan sentiasa berusaha untuk memastikan pendapatan kaum petani, penternak, pesawah, nelayan, pekebun getah dan pekebun kecil dapat ditingkatkan secara signifikan dalam tempoh sederhana agar taraf sosioekonomi kelompok ini dapat diperbaiki. Justeru itu antara perancangan yang dibuat dan usaha-usaha yang dilaksanakan adalah seperti berikut:

Pertama, menggiatkan keterlibatan petani, pesawah, penternak, nelayan secara aktif dalam program-program khusus yang boleh meningkatkan pengeluaran. Contohnya, bagi sektor tanaman melibatkan kumpulan petani dalam program TKPM bagi tanaman jangka pendek dan sederhana dan pembangunan tanaman secara kluster seperti tanaman kontan, pembangunan ladang organik dan sebagainya. Bagi sektor penternakan, kita ada program pembangunan tanaman rumput *Napier* secara *home plot* sebagai salah satu sumber makanan ternakan supaya kita menurunkan input kos dan meningkatkan pendapatan petani. Bagi sektor perikanan, kita pula ada Pemodenan Vessel menangkap penangkapan ikan supaya mereka boleh pergi lebih jauh ke laut dalam untuk mendapatkan pendapatan yang lebih tinggi.

Kedua, menyediakan bantuan subsidi dan insentif bagi menggalakkan peningkatan pengeluaran. Antaranya insentif peningkatan hasil tanaman, pemberian bantuan ternakan, program baik pulih kandang, pemberian mesin perincih, insentif pendaratan ikan, skim subsidi minyak dan kemudahan dana nelayan bagi meningkatkan keupayaan vessel dan alat penangkapan ikan sedia ada.

#### ■1020

Bagi menggalakkan penerapan amalan pertanian baik dalam pelaksanaan projek pertanian iaitu myGAP dan myOrganic di sepanjang rantai nilai bagi meningkatkan produktiviti berikutan sistem pengurusan ladang yang lebih sistematik.

Pemindahan teknologi juga berupaya meningkatkan produktiviti dan pendapatan pengusaha contohnya dalam sektor ternakan dengan melaksanakan kaedah peranakan beradas atau *artificial insemination* dalam sektor ternakan supaya meningkatkan pendapatan para penternak dan *internet of things* (IoT) dalam pengeluaran tanaman seperti cili, dalam aspek kemahiran latihan disediakan bagi meningkatkan kecekapan produktiviti. Kita juga mewujudkan ruang pasaran bagi produk-produk pertanian secara terus untuk mengurangkan orang tengah. Itu adalah antara usaha-usaha kerajaan. Terima kasih.

**Tuan Noor Amin bin Ahmad [Kangar]:** Terima kasih Yang Berhormat Timbalan Menteri. Kita tahu kelompok yang saya nyatakan dalam soalan ini adalah kelompok yang paling rapuh. Bukan sahaja baru tetapi sejak dahulu. Jadi saya ingin bertanya, sama ada kerajaan merancang untuk mewujudkan skim-skim bantuan yang berbeza. Misalnya biasiswa khusus untuk anak-anak petani, nelayan. Mungkin sebahagian mereka tidak ada rumah. Jadi ada program-program khusus termasuklah juga pencen. Ini kerana apabila sampai satu tempoh, mereka ini bukanlah dapat melakukan lagi kerja-kerja fizikal sebagaimana yang mereka biasa lakukan. Terima kasih.

**Tuan Sim Tze Tzin:** Terima kasih soalan tambahan. Kerajaan sememangnya tengah mengkaji lebih banyak program atau insentif khusus. Contohnya antaranya yang telah dibincangkan adalah insurans kepada petani dan pesawah dan sebagainya supaya kita boleh- kerana petani terdedah kepada keadaan cuaca yang tidak menentu dan juga malapetaka, bencana dan sebagainya. Jadi, antara salah satu yang kita tengah kaji adalah model-model tertentu untuk petani. Itu adalah antara satu usaha kita. Kita juga ada Agropreneur Muda yang memberi insentif kepada petani muda supaya mereka menceburi sektor pertanian.

Untuk biasiswa dan sebagainya, kita kena minta pandangan daripada Kementerian Pendidikan yang duduk di sini dan mereka nanti ada soalan juga boleh tambah soalan. Sememangnya saya rasa sebagai dasar, kita memang memberi peluang kepada B40 untuk memasuki universiti. Baru-baru ini ada pengumuman dasar memberi mereka masuk kepada sekolah berasrama penuh. Jadi itu adalah usaha kerajaan. Terima kasih.

**Dato' Sri Dr. Haji Ismail bin Haji Mohamed Said [Kuala Krau]:** Terima kasih Tuan Yang di-Pertua. Biasanya petani, pesawah, nelayan dan juga penternak ini atau bekerja juga termasuk, yang disebut oleh Yang Berhormat Timbalan Menteri tadi adalah golongan yang sangat susah. Yang Berhormat Sungai Petani selaku Ketua Whip kerajaan juga telah melahirkan rasa kesal kerana subsidi bagi nelayan, bagi petani dan juga pesawah telah dikurangkan 50 peratus. Baru-baru ini diumumkan RM90 juta untuk pesawah. Saya ingin

tahu, adakah subsidi ini telah turun ke bawah kepada pesawah. Saya juga ingin tahu tentang subsidi baja bagi pertanian dan juga bantuan bagi nelayan. Terima kasih.

**Tuan Sim Tze Tzin:** Terima kasih Yang Berhormat Kuala Krau tetapi saya rasa Yang Berhormat Kuala Krau itu salah fakta dan saya rasa Yang Berhormat Kuala Krau tidak duduk dalam Dewan pagi semalam apabila Yang Berhormat Menteri jawab isu subsidi dan sebagainya. Saya rasa ini- saya rasa Yang Berhormat Kuala Krau kena buat *homework*. Sila duduk. Ini *floor* saya.

**Dato' Sri Dr. Haji Ismail bin Haji Mohamed Said [Kuala Krau]:** Yang Berhormat, Yang Berhormat, saya berjumpa dengan Yang Berhormat Menteri semalam.

**Tuan Sim Tze Tzin:** Ini *floor* saya.

**Dato' Sri Dr. Haji Ismail bin Haji Mohamed Said [Kuala Krau]:** Yang Berhormat jangan mengatakan saya tidak ada fakta Yang Berhormat. Yang Berhormat, Yang Berhormat perlu tarik balik, kata saya tidak ada fakta Yang Berhormat.

**Beberapa Ahli:** *[Berucap tanpa menggunakan pembesar suara]*

**Tuan Sim Tze Tzin:** Fakta salah, fakta salah kerana tidak ada pengurangan...

**Timbalan Yang di-Pertua [Tuan Nga Kor Ming]:** Yang Berhormat, ini adalah sesi soal jawab.

**Dato' Sri Dr. Haji Ismail bin Haji Mohamed Said [Kuala Krau]:** Yang Berhormat Menteri telah mengatakan bahawa RM90 juta telah diumumkan, telah diumumkan. Saya tanya baik-baik Yang Berhormat Timbalan Menteri. Sila jawab secara baik. Saya...

**Timbalan Yang di-Pertua [Tuan Nga Kor Ming]:** Masa tinggal 20 saat. Yang Berhormat Timbalan Menteri jawab terus.

**Dato' Sri Dr. Haji Ismail bin Haji Mohamed Said [Kuala Krau]:** *[Berucap tanpa menggunakan pembesar suara]*

**Timbalan Yang di-Pertua [Tuan Nga Kor Ming]:** Yang Berhormat Kuala Krau, sila duduk. Yang Berhormat Timbalan Menteri jawab.

**Dato' Sri Dr. Haji Ismail bin Haji Mohamed Said [Kuala Krau]:** Tuan Yang di-Pertua, saya minta Yang Berhormat Timbalan Menteri ini berhemah, saya bertanya secara berhemah, jawab secara...

**Seorang Ahli:** Duduklah.

**Tuan Sim Tze Tzin:** Yang Berhormat Kuala Krau adalah bekas Timbalan Yang di-Pertua, tahu apa...

**Seorang Ahli:** Yang Berhormat Kuala Krau bukan Kurau...

**Dato' Sri Dr. Haji Ismail bin Haji Mohamed Said [Kuala Krau]:** Saya tahu. Saya Ahli Parlimen Kuala Krau, bukan 'Kurau' ya.

**Tuan Sim Tze Tzin:** Yang Berhormat Kuala Krau ya.

**Datuk Seri Panglima Abdul Azeez bin Abdul Rahim [Baling]:** Kalau Yang Berhormat Menteri tidak cerdik... *[Berucap tanpa menggunakan pembesar suara]* ...Cerdiklah. Yang Berhormat Menteri pun kurang cerdik, takut hendak jawab soalan, tidak betul...

**Tuan Sim Tze Tzin:** Untuk menjawab...

**Datuk Seri Panglima Abdul Azeez bin Abdul Rahim [Baling]:** *Gentleman*, terus terang. Tidak tahu, cakap tidak tahu. Senang.

**Timbalan Yang di-Pertua [Tuan Nga Kor Ming]:** Ahli Yang Berhormat yang lain, sila duduk. Yang Berhormat Timbalan Menteri pun duduk. Saya terpaksa mengikut Peraturan Mesyuarat 24(5) dan menepati masa. Oleh kerana di sini ada bertikam lidah, sana bertikam lidah, masa sudah lepas. Soalan seterusnya.

4. **Dato' Haji Salim Sharif [Jempol]** minta Menteri Perdagangan Dalam Negeri dan Hal Ehwal Pengguna menyatakan, keberkesanan mekanisme baharu untuk mengurangkan kos sara hidup rakyat melalui subsidi petrol RON95 secara bersasar dapat dimanfaatkan sepenuhnya oleh masyarakat luar bandar yang terletak jauh di pedalaman serta berjauhan dari stesen minyak.

**Timbalan Menteri Perdagangan Dalam Negeri dan Hal Ehwal Pengguna [Tuan Chong Chieng Jen]:** Terima kasih Tuan Yang di-Pertua.

**Dato' Tuan Ibrahim bin Tuan Man [Kubang Kerian]:** Tuan Yang di-Pertua, soalan tambahan yang kedua. Soalan tambahan yang kedua.

**Timbalan Yang di-Pertua [Tuan Nga Kor Ming]:** Tunggu giliran. Sila.

**Tuan Chong Chieng Jen:** Terlebih dahulu, izinkan saya menjawab pertanyaan ini bersekali pertanyaan daripada Yang Berhormat Johor Bahru pada 14 Mac 2019 dan Yang Berhormat Kuala Nerus pada 9 April 2019 kerana menyentuh berkenaan mekanisme penyampaian subsidi petrol secara bersasar yang akan dilaksanakan pada suku tahun kedua 2019. Pemberian subsidi petrol dan diesel secara pukal pada masa ini membolehkan semua lapisan pengguna menikmati harga runcit di pam tanpa mengira tahap pendapatan dan kerakyatan.

Ini menyebabkan kerajaan menanggung beban subsidi yang tinggi. Pelaksanaan subsidi bersasar adalah satu langkah kerajaan bagi mengurangkan tanggungan subsidi dan pada masa yang sama dapat memastikan subsidi petrol dan diesel hanya dinikmati oleh golongan yang memerlukan sahaja. Kerajaan akan memberikan bantuan subsidi petrol sebanyak 30 sen seliter terhad kepada 100 liter sebulan bagi kereta atau 40 liter sebulan bagi motosikal.

Belanjawan 2019 telah mengumumkan peruntukan sebanyak RM2 bilion bagi program subsidi petrol bersasar ini dan dijangka akan memanfaatkan seramai empat juta orang pemilik kereta dan 2.6 juta orang pemilik motosikal. Dengan bantuan subsidi ini, ia akan membantu golongan B40 untuk membeli petrol pada harga yang lebih rendah. Kerajaan sedang memastikan mekanisme pemberian subsidi ini dapat menyasarkan hanya golongan yang benar-benar layak menerima bantuan. Ini termasuk masyarakat luar bandar dan pedalaman. Mekanisme ini adalah penting supaya bantuan kerajaan akan sampai kepada semua penerima walau di mana mereka berada.

Kementerian ini bekerjasama rapat dengan Kementerian Kewangan untuk memastikan ciri-ciri utama yang perlu ada pada mekanisme subsidi petrol bersasar adalah seperti berikut:

- (i) *seamless* - sistem pelaksanaan subsidi bersasar mestilah berlangsung dalam keadaan lancar dan memudahkan pengguna;
- (ii) *sekuriti* - sistem subsidi perlu mempunyai ciri-ciri keselamatan tinggi untuk mendapat kepercayaan orang awam bahawa sistem ini tidak boleh disalah guna dan mengurangkan berlaku ketirisan; dan
- (iii) *acceptance* - sistem ini mudah dan boleh digunakan di semua stesen minyak yang terdapat di Malaysia sama ada di bandar atau luar bandar.

Sekian, terima kasih.

**Dato' Haji Salim Sharif [Jempol]:** Terima kasih Yang Berhormat Timbalan Menteri tetapi soalan saya tidak dijawab, bagaimana subsidi tersasar dapat dimanfaatkan di pedalaman yang tidak ada stesen minyak, sama ada subsidi minyak ini ditukar kepada barang makanan. Ini tidak dijawab. Minta Yang Berhormat Timbalan Menteri jawab dengan tepatlah.

Keduanya, saya hendak tahu apakah kriteria yang diambil kementerian bagi membolehkan seseorang itu layak? Kalau dia mempunyai kereta, contohnya kereta dan motosikal. Adakah kedua-duanya mereka dapat? Ketiganya, apakah kad sistem petrol ini dapat digunakan di seluruh negara dan daerah? Terima kasih.

## ■1030

**Tuan Chong Chieng Jen:** Terima kasih Yang Berhormat Jempol. Tadi saya ada sebut mekanisme-mekanisme yang akan dilaksanakan, kita ada mengambil perhatian tentang mereka yang di dalam bandar dan di luar bandar. Akan tetapi, untuk satu keputusan muktamad belum dibuat tentang apakah mekanisme yang akan dilaksanakan. Kementerian Kewangan telah membuka tender untuk mana-mana pihak yang ingin mencadangkan apakah mekanisme yang terbaik untuk melaksanakan program subsidi bersasar.

Oleh itu kita masih dalam pertimbangan dan penelitian apa-apa cadangan yang telah dibentangkan, disampaikan kepada kedua-dua kementerian, Kementerian Kewangan dan Kementerian Perdagangan Dalam Negeri dan Hal Ehwal Pengguna. Oleh itu, sampai ke hari ini, setakat ini belum ada satu mekanisme yang muktamad yang telah dibuat. Oleh itu kita tentu ada— saya jamin bahawa kita akan mengambil berat tentang apa yang disebutkan oleh Yang Berhormat dan tentang apa masalah yang dihadapi oleh penduduk-penduduk di luar bandar. Sekian, terima kasih.

**Dato' Dr. Haji Noor Azmi bin Ghazali [Bagan Serai]:** Terima kasih Tuan Yang di-Pertua. Orang kaya ini sebenarnya dia pun banyak kereta dan banyak juga dia ada kereta yang bawah 1500cc dan motor bawah 125cc. Kereta ini anak dia pakai, anak saudara dia pakai, adakah ini dapat subsidi ataupun bagaimana sistem bersasar yang kita hendak buat ini? Terima kasih Tuan Yang di-Pertua.

**Tuan Chong Chieng Jen:** Pada dasarnya hanya seorang yang layak untuk mendapat subsidi ini kalau dia memiliki satu kereta. Oleh itu kalau ada dua kereta, dia tidak layak mendapat subsidi ini. Untuk penduduk di pendalaman, di mana mereka diperlukan untuk memakai kereta Hilux itu yang lebih besar cc, walaupun cc nya lebih besar tetapi kita memandang bahawa ini adalah satu keperluan dan juga ia juga dalam pertimbangan kita untuk memberikan subsidi kepada mereka. Walaupun cc nya lebih tinggi, asalkan mereka layak di bawah klasifikasi golongan B40. Terima kasih.

**5. Tuan Sivakumar Varatharaju Naidu [Batu Gajah]** minta Menteri Pembangunan Luar Bandar menyatakan, peranan Jabatan Kemajuan Masyarakat (KEMAS) dalam pembangunan sosioekonomi masyarakat luar bandar. Adakah kementerian bercadang untuk mengubahsuai atau menstrukturkan semula fungsi agensi ini sebagai langkah pemantapan dalam usaha meningkatkan tahap kecekapan dan keberkesananannya.

**Timbalan Menteri Pembangunan Luar Bandar [Tuan Sivarasa Rasiah]:** Terima kasih Tuan Yang di-Pertua, terima kasih Yang Berhormat Batu Gajah atas soalan ini. Untuk makluman Yang Berhormat, tidak dinafikan KEMAS adalah salah sebuah jabatan yang bertanggungjawab dalam pembangunan sosioekonomi masyarakat luar bandar. Di antara peranan KEMAS adalah:

- (i) memperkasakan pendidikan awal kanak-kanak melalui perkembangan sosioemosi, fizikal, intelek dan rohani berdasarkan piawaian atau standard yang telah ditetapkan selari dengan Kurikulum Standard Prasekolah Kebangsaan (KSPK) dan Kurikulum Permata Negara, kedua-dua ini yang disusun oleh Kementerian Pendidikan Malaysia;
- (ii) memberi latihan kemahiran yang berkualiti dan diiktiraf bagi mengupayakan ekonomi keluarga luar bandar;
- (iii) memperkasa sosioekonomi masyarakat luar bandar yang harmoni, berjaya dan sejahtera; dan
- (iv) meningkatkan pembangunan modal insan yang bersesuaian melalui program pembangunan sumber manusia yang berteraskan pembangunan kompetensi dan kemajuan kerjaya, dengan izin, *attitude, skills, and knowledge*.

Bagi mengukuhkan peranan anggota KEMAS sebagai penggerak kemajuan masyarakat dalam membangunkan sosioekonomi masyarakat luar bandar, KEMAS telah melaksanakan penstrukturan semula dari segi hala tuju dan perjawatan anggota KEMAS. Penjajaran fungsi, senarai tugas dan gerak kerja anggota KEMAS ini disusun semula mengikut bahagian operasi di KEMAS iaitu pendidikan awal kanak-kanak, pendidikan

kemahiran dan pembangunan komuniti agar menjadi lebih kreatif dan berinovatif demi mencapai peningkatan produktiviti dalam melaksanakan tugas mereka.

Terdapat lima teras strategi dibangunkan dan 25 inisiatif pemantapan kapasiti organisasi dilaksanakan. Di sini saya sebut lima teras itu, mendaya upaya kepimpinan, memastikan pencapaian keberhasilan, memantapkan kapasiti organisasi, merangsang penglibatan rakyat dan menerapkan nilai-nilai murni.

Penyusunan program dan aktiviti KEMAS sedia ada dan penstrukturan baru ini adalah selari dengan pelan harapan pembangunan luar bandar yang telah dilancarkan oleh KPLB bertemakan 'Luar Bandar Sejahtera' yang merupakan perancangan dan hala tuju pembangunan luar bandar bagi tahun yang akan datang iaitu bermula pada tahun 2018 hingga tahun 2023. Berdasarkan aspirasi rakyat seperti mana yang terkandung di dalam manifesto Pakatan Harapan. Pelan ini bertujuan untuk menaik taraf dan meningkatkan kualiti hidup yang memenuhi keperluan sosioekonomi, fizikal, rohani dan sahsiah masyarakat luar bandar. Terima kasih.

**Tuan Sivakumar Varatharaju Naidu [Batu Gajah]:** Terima kasih Tuan Yang di-Pertua. Yang Berhormat Menteri, saya dimaklumkan bahawa tabika KEMAS masih kekurangan prasarana, kelengkapan dan peralatan. Adakah kerajaan bercadang untuk menambahkan peruntukan supaya KEMAS dapat diperbaiki dan bagaimanakah tabika KEMAS ini dapat bersaing dengan tabika swasta yang lebih canggih?

**Tuan Sivarasa Rasiyah:** Terima kasih Yang Berhormat Batu Gajah atas soalan tambahan yang ada dua bab nampaknya. Memang betul Kerajaan Pakatan Harapan telah mewarisi daripada kerajaan lama. Banyak premis KEMAS sekarang boleh dikatakan adalah usang dan perlukan penambahbaikan ataupun dinaiktarafkan.

Di dalam bajet tahun lepas, sebanyak RM5 juta telah disediakan untuk membantu lebih kurang 300 buah tabika dan taska untuk dibaik pulih. Saya mengakui jumlah ini agak-mungkin tidak mencukupi untuk memenuhi semua keperluan, contohnya di Sabah dan Sarawak ada banyak lagi premis-premis KEMAS yang perlu bantuan sedemikian.

Jadi, kementerian sekarang membuat usaha spesifik untuk kemas kini senarai tabika KEMAS yang memerlukan penaiktarafan dan permintaan tambahan akan dibuat dalam persiapan bajet untuk tahun ini.

Dari segi kurikulum secara ringkas Tuan Yang di-Pertua, memang KEMAS telah diiktiraf *most trusted brand* oleh *Reader's Digest 2017*. Walau bagaimanapun, kita terus membuat usaha untuk menaik taraf dan piawaian kurikulum kita. Terima kasih.

**Tuan Mohd Shahar bin Abdullah [Paya Besar]:** Terima kasih Tuan Yang di-Pertua, terima kasih Timbalan Yang Berhormat Menteri. Persoalan saya, berkaitan tentang, adakah fungsi dan peranan ini yang telah dipertingkatkan, adakah pihak kementerian juga bercadang untuk menetapkan pekerja-pekerja kontrak yang begitu banyak di bawah KEMAS, itu yang pertama.

Keduanya, saya dapat makluman daripada rakyat, bantuan makanan ke tabika KEMAS daripada RM2.50 telah dipotong kepada RM1.50, apakah justifikasi potongan tersebut? Terima kasih Tuan Yang di-Pertua.

**Tuan Sivarasa Rasiyah:** Terima kasih Yang Berhormat Paya Besar atas kedua-dua soalan itu. Berkaitan dengan kakitangan yang berstatus kontrak, dasar yang sedia ada ialah kakitangan yang sudah berkhidmat lebih daripada 15 tahun, ini dasar lama, juga dikekalkan akan boleh memohon dan akan dipertimbangkan untuk dijadikan kakitangan tetap. Berkaitan dengan bajet makanan itu tidak betul, tiada apa-apa kekurangan dalam peruntukan untuk bajet makanan di semua tabika dan taska KEMAS di seluruh Malaysia, memang tidak betul langsung. Saya boleh jamin di sini, apa-apa yang perlu untuk keperluan makanan mereka yang telah disediakan oleh Kementerian Kesihatan memang akan disampaikan kepada mereka. Sekian, terima kasih.

■1040

6. **Tuan Ahmad Fadhli bin Shaari [Pasir Mas]** minta Menteri Pertahanan menyatakan, usaha-usaha kerajaan dalam mengawal ruang pertahanan negara kita daripada serangan provokatif negara luar terutama daripada Singapura.

**Timbalan Menteri Pertahanan [Tuan Liew Chin Tong]:** Terima kasih Tuan Yang di-Pertua, terima kasih Yang Berhormat Pasir Mas. Saya dipesan oleh Menteri Pertahanan untuk mengirim salam kerana beliau sedang menghadap Raja Perlis pagi ini. Saya akan jawab secara umum dan secara dasar. Sistem pertahanan udara negara sentiasa peka dan siap siaga terhadap sebarang kemungkinan pencerobohan dan ancaman udara dalam memelihara kedaulatan dan keselamatan ruang udara negara dan kepentingannya.

Sistem perintah dan kawalan (*command and control system*) dalam sistem pertahanan udara negara diawasi secara berterusan dan pesawat pejuang sentiasa berada dalam keadaan siap siaga (*on alert*). Sistem pertahanan udara negara juga dilengkapi dengan beberapa pelan operasi dalam melaksanakan tanggungjawab pengawasan ruang udara, pemantauan ruang udara dan juga tindakan penguatkuasaan. Dalam melindungi kedaulatan ruang udara negara, beberapa pelan operasi khusus telah dirancang atau dirancang dan dilaksanakan.

Pemantauan dilaksanakan secara berterusan dan segala maklumat akan direkod dan dikumpulkan. Sekiranya terdapat pesawat asing dikesan mencerobohi ruang udara negara, tindakan melancarkan pesawat pejuang akan diambil sekiranya perlu bagi tujuan pengenalan pesawat, mengawasi pergerakan pesawat, sebagai tindakan memperagakan kehadiran (*show off presence*) dan tindakan penguatkuasaan. Laporan pencerobohan akan turut diajukan ke Kementerian Luar Negeri untuk tindakan bantahan diplomatik kepada negara berkenaan, terima kasih.

**Tuan Ahmad Fadhli bin Shaari [Pasir Mas]:** Terima kasih Yang Berhormat Timbalan Menteri, saya ingin bertanya berdasarkan jawapan tadi. Kita tahu bahawa sistem pertahanan *surface to air missile system* berperanan penting untuk mempertahankan kedaulatan negara.

Jadi, kita tahu bahawa kerajaan telah membeli *STARStreak LMLNG* dari UK beberapa tahun lepas. Setakat manakah keadaan siap siaga persenjataan tersebut? Setakat manakah perbincangan Kerajaan Malaysia dengan Singapura ketika mereka melancarkan *instrument landing system* (ILS) berkuat kuasa Januari lepas yang menyebabkan pencerobohan-pencerobohan berlaku? Terima kasih.

**Tuan Liew Chin Tong:** Memang semua aset digunakan untuk menjaga ruang udara dan juga untuk menjaga kedaulatan negara kita. Saya tidak masuk kepada kesiapan aset spesifik tetapi isu tentang ILS ini sebenarnya di bawah Kementerian Pengangkutan. Akan tetapi untuk isu *delegated air space* ataupun ruang udara yang diamanahkan kepada negara Singapura, itu adalah salah satu dasar ataupun salah satu cadangan daripada TUDM bahawa ruang itu diamanahkan kepada Malaysia pada masa depan. Ini telah diusahakan oleh Kementerian Pengangkutan. Terima kasih.

**Puan Nurul Izzah binti Anwar [Permatang Pauh]:** Terima kasih Tuan Yang di-Pertua, saya ingin menanyakan kepada Yang Berhormat Timbalan Menteri. Kita bercakap tentang kesiapsiagaan dan kita tahu Singapura contohnya telah menghasilkan perancangan menjelang tahun 2030 bagi mempersiapkan negara tersebut. Sementara saya merujuk kepada Malaysia, ada dikeluarkan sebuah kajian soal selidik Kertas Putih Pertahanan Awam untuk mendapatkan maklum balas daripada pihak yang berkepentingan. Apakah perkembangan terkini? Adakah Malaysia benar-benar di bawah kementerian boleh menyediakan satu perancangan yang setimpal atau setanding dengan negara Singapura? Terima kasih.

**Tuan Liew Chin Tong:** Kertas Putih Pertahanan Awam akan di bentang di Parlimen dalam sesi ketiga tahun ini. Ini adalah peluang untuk kerajaan dan juga untuk rakyat Malaysia supaya semua dapat memberi pandangan tentang hala tuju pertahanan negara kita. Dalam usaha untuk menjayakan kertas putih ini, bukan sahaja kertas putih tetapi juga kita perlukan rancangan kewangan, kita perlukan rancangan kesiapan siaga, strategi ketenteraan. Semua ini akan jadi usaha sampingan Kertas Putih Pertahanan Awam. Saya harap Ahli-ahli Parlimen boleh memberi pandangan dan melibatkan diri dalam perbincangan Kertas Putih Pertahanan Awam. Terima kasih.

**7. Puan Nor Azrina binti Surip [Merbok]** minta Menteri Tenaga, Sains, Teknologi, Alam Sekitar dan Perubahan Iklim menyatakan, adakah pihak kementerian bercadang untuk mengubah Akta Perlesenan Tenaga Atom 1984, Akta 304 yang mana sangat terkait dengan sisa pembuangan Lynas.

**Timbalan Menteri Tenaga, Sains, Teknologi, Alam Sekitar dan Perubahan Iklim [Puan Isnaraissah Munirah binti Majilis @ Fakharudy]:** Terima kasih Tuan Yang di-Pertua. Untuk makluman Ahli-ahli Yang Berhormat, kementerian sedang dalam proses akhir memuktamadkan pindaan Akta Pelesenan Tenaga Atom 1984, Akta 304 sebelum dikemukakan kepada Jabatan Peguam Negara dan dibentangkan di Parlimen. Antara pindaan yang dicadangkan dalam akta tersebut adalah penambahbaikan terhadap kawalan dan kawal selia keselamatan, sekuriti dan kawal guna bahan radioaktif, nuklear dan pengurusan sisa radioaktif.

Untuk makluman juga, satu sesi taklimat mengenai penambahbaikan akta sedia ada dengan *stakeholders engagement*, dengan izin, bersama Ahli Parlimen telah diadakan pada 8 Oktober 2018 yang lalu yang telah dipengerusikan oleh Yang Berhormat Menteri MESTECC. Sekian, terima kasih.

**Puan Nor Azrina binti Surip [Merbok]:** Terima kasih di atas jawapan yang Yang Berhormat Timbalan Menteri. Kita sedia maklum bahawa Akta 304 ini sudah terlalu lama, lebih 30 tahun. Suatu yang menggembirakan, sekiranya pihak kementerian dalam proses memuktamadkan. Cuma soalan saya, adakah *amendment* tersebut melibatkan bagaimana untuk kita mengurus sisa pepejal yang mengandungi radioaktif iaitu yang kita lebih kenali sebagai *naturally occurring radioactive materials* (NORM) seperti yang ada di kilang Lynas. Terima kasih.

**Puan Isnaraissah Munirah binti Majilis @ Fakharudy:** Penambahbaikan akta sedia ada ini supaya kita memberi punca kuasa lebih jelas terhadap kawalan pelbagai aspek. Sebagai contoh, keperluan pertambahan skop kawalan *safety, security dan safeguards*, keperluan pengukuhan kuasa perundangan, sisa radioaktif dan bahan api terpakai, pengurusan bahan radioaktif di luar kawalan perundangan, termasuklah merangkumi semua jenis sisa, dengan izin, *liquid, solid, gas*. Terima kasih.

**Dato' Hasbullah bin Osman [Gerik]:** Terima kasih Tuan Yang di-Pertua. Soalan saya, apakah perkembangan terkini laporan penuh dan hasil kajian Pengerusi Jawatankuasa Eksekutif Penilaian Operasi *Lynas Advanced Materials Plant* (LAMP)? Apakah tindakan susulan berhubung status operasi loji Lynas tersebut? Terima kasih.

**Puan Isnaraissah Munirah binti Majilis @ Fakharudy:** Untuk makluman Yang Berhormat, kementerian telah menubuhkan *taskforce* bagi memudahkan cara syarikat Lynas untuk membawa keluar *residue* WLP dari Malaysia. Untuk mempercepatkan syarikat Lynas mendapatkan kebenaran daripada Kerajaan Australia untuk menghantar balik *residue* WLP ke negara tersebut, kementerian juga telah memanjangkan surat rasmi kepada pihak berkuasa Australia pada 26 Februari 2019 untuk kita maklumkan mengenai kerjasama yang diperlukan bagi pengeluaran *residue* WLP dari Malaysia ke Australia.

Bagi memastikan proses penghantaran keluar *residue* WLP adalah selamat, kerajaan melalui Lembaga Pelesenan Tenaga Atom akan memastikan syarikat Lynas mematuhi segala peruntukan Akta Pelesenan Tenaga Atom 1984 dan peraturan-peraturan yang dibuat di bawahnya serta lain-lain keperluan ditetapkan oleh pihak berkuasa yang berkaitan. Terima kasih.

**8. Dato' Sri Haji Fadillah bin Yusof [Petrabaya] minta Menteri Pendidikan** menyatakan, apakah sudah ada mekanisme baru bagi peminjam PTPTN membayar pinjaman tanpa membebaskan mereka seperti yang diumumkan tahun lepas.

**Timbalan Menteri Pendidikan [Puan Teo Nie Ching]:** Terima kasih Tuan Yang di-Pertua, terima kasih Yang Berhormat Petrabaya. Tuan Yang di-Pertua, terdapat empat pertanyaan lagi yang berhubung kait mengenai isu mekanisme pembayaran PTPTN. Oleh itu, izinkan saya menjawab pertanyaan-pertanyaan pada hari ini serentak dengan pertanyaan daripada Yang Berhormat Rembau pada 20 Mac 2019, Yang Berhormat Lenggong pada 26 Mac 2019, Yang Berhormat Tampin pada 2 April 2019 dan Yang Berhormat Bukit Gelugor pada 3 April 2019.

Untuk makluman Ahli-ahli Yang Berhormat, Jemaah Menteri mengarahkan agar pelaksanaan potongan gaji berjadual (PGB) peminjam PTPTN ditangguhkan pada 7 Disember 2018 bagi mendapat pandangan pemegang taruh, susulan menerima maklum balas daripada masyarakat.

Buat masa ini, sesi libat urus sedang dijalankan melibatkan semua pihak yang berkepentingan seperti Persatuan Majikan, Persatuan Pekerja, Persatuan Belia, Majlis Perwakilan Pelajar, badan bukan kerajaan dan lain-lain pemegang taruh yang akan dijalankan selama enam bulan, bermula Januari 2019 hingga Jun 2019.

#### ■1050

Cadangan baharu serta implikasi kewangan bagi pelaksanaan Skim PGB akan disediakan setelah mengambil kira semua pandangan daripada sesi tersebut. Sekian, jawapan saya.

**Dato' Sri Haji Fadillah bin Yusof [Petrajaya]:** Terima kasih, Tuan Yang di-Pertua. Daripada jawapan tadi, saya ingin mendapatkan maklumat tambahan berhubung kait dengan berapakah jumlah peminjam yang masih belum membayar semenjak tahun 2017 sehingga tahun 2018?

Seterusnya, apakah ada mekanisme untuk memastikan mereka yang tidak membayar? Apakah tindakan yang bakal diambil? Apakah dengan jumlah tidak membayar pinjaman itu akan ada sekatan ataupun pengurangan kepada pinjaman peminjam yang baharu untuk PTPTN pada masa akan datang?

**Puan Teo Nie Ching:** Terima kasih, Tuan Yang di-Pertua. Untuk makluman Ahli Yang Berhormat, jumlah yang patut dibayar balik setakat Januari tahun 2019 adalah sebanyak RM20,914 bilion. Setakat ini, jumlah yang telah dibayar balik adalah sebanyak RM14,524 bilion.

Setakat ini, tindakan undang-undang telah ditangguhkan sejak Mac tahun 2018. Saya rasa keputusan pada masa itu adalah untuk menangguhkan tindakan undang-undang adalah oleh sebab pilihan raya. Setakat ini, kita tidak bermula lagi dengan tindakan undang-undang kerana kita masih dalam prosedur untuk mengenal pasti mekanisme untuk bayaran balik. Setakat ini, kita tidak ada masalah untuk meneruskan dengan tawaran PTPTN kerana pada bulan Mac ini, kita telah memulakan dengan satu *score* yang baharu iaitu sebanyak RM3 bilion. Terima kasih.

**Dato' Seri Haji Idris bin Jusoh [Besut]:** Yang Berhormat Menteri, boleh beritahu Dewan, apakah kutipan PTPTN tahun 2018 berbanding dengan kutipan tahun 2017?

**Puan Teo Nie Ching:** Kutipan pada tahun 2017 adalah sebanyak RM3.9 bilion dan untuk tahun 2018 adalah sebanyak RM3.3 bilion.

**9. Dato' Abdullah Sani bin Abdul Hamid [Kapar]** minta Menteri Sumber Manusia menyatakan, apakah dibolehkan sekiranya pekerja memohon cuti tanpa rekod untuk membuat ulang kaji dan persiapan bagi pekerja yang sedang mengikuti pengajian untuk mengambil peperiksaan. Sekiranya tidak, apakah pihak kementerian bercadang untuk memberikan keistimewaan tersebut.

**Menteri Sumber Manusia [Tuan M. Kulasegaran]:** Terima kasih Yang Berhormat Kapar. Nombor satu, tidak ada berita baik. Mengikut peruntukkan undang-undang tidak ada apa-apa peruntukan untuk yang memberikan peruntukan cuti tanpa rekod untuk membuat ulang kaji apabila menyiapkan persiapan menduduki peperiksaan kepada pekerja di sektor awam. Itu adalah dari segi undang-undang.

Akan tetapi, jika ada *collective agreement* di mana di situ ada terma-terma yang telah disetujui maka ia boleh diimplementasikan. Jika majikan enggan memberikan cuti tersebut, kita boleh mengambil tindakan. Akan tetapi, cadangan Yang Berhormat Kapar, saya akan membawa kepada *National Labour Advisory Council* (NLAC) untuk membuat satu perbincangan dengan majikan di sana, di mana dari segi undang-undang perlu diadakan sekurang-kurangnya dua perjumpaan setiap tahun. Di antaranya adalah untuk membincangkan semua hal berkaitan dengan hal ehwal perburuhan. Di sana, perkara ini akan dibawa oleh saya dan kemungkinan besar di mesyuarat yang akan datang minggu hadapan. Kita tengok apa yang kita boleh bincang dan satu persetujuan kalau boleh. Terima kasih.

**Timbalan Yang di-Pertua [Tuan Nga Kor Ming]:** Yang Berhormat Kapar, tanya soalan dengan cepat, jangan tanya soalan yang dahsyat.



**Dato' Abdullah Sani bin Abdul Hamid [Kapar]:** Terima kasih, Tuan Yang di-Pertua. Meneliti daripada jawapan Yang Berhormat Menteri, lapan peratus sahaja yang ada kesatuan yang melibatkan perjanjian bersama di bawah Akta Perhubungan Perusahaan 1967. Akan tetapi persoalan pada hari ini ialah di manakah hala tuju orang-orang yang tidak berkesatuan ini? Maka, apakah tindakan Kementerian untuk mengadakan rang undang-undang baharu di bawah akta kerja. Misalnya, di bawah Akta Kerja 1955 untuk memastikan mereka juga tidak disekat oleh majikan untuk meneruskan pendidikan. Oleh sebab, kerajaan ada TVET, Kementerian ada HRDF, tetapi mereka-mereka yang tidak ada, dalam lingkungan undang-undang ini. Terima kasih, Tuan Yang di-Pertua.

**Tuan M. Kulasegaran:** Terima kasih, Tuan Yang di-Pertua. Dari segi undang-undang tidak ada apa-apa untuk menolong mereka. Akan tetapi, kalau kita tengok, kita menghalusi undang-undang yang ada. Jika terpakai kepada persatuan *union*, mereka juga terikat dengan perkara tersebut. Maka, majikan tidak boleh lari dari tanggungjawab tersebut. Akan tetapi, yang mustahak adalah, adakah majikan boleh dipaksa memberikan apa yang Yang Berhormat Kapar mohon? Itu tidak ada dari segi undang-undang. Yang Berhormat Kapar sebagai mantan presiden MTUC pun tahu bahawa itu adalah satu di antara yang kita perlu capai dalam masa sedekad ini. Terima kasih.

**Dato' Sri Dr. Haji Ismail bin Haji Abd Muttalib [Maran]:** Maran, Maran. Terima kasih, Tuan Yang di-Pertua. Terima kasih Yang Berhormat Menteri. Cuti tanpa rekod boleh diberikan kepada- atas pelbagai sebab termasuklah bersalin. Buat masa ini, cuti bersalin kepada bapa tanpa rekod dalam sektor awam adalah satu minggu. Bagi swasta pula, tertakluk kepada budi bicara jabatan masing-masing. Adakah kerajaan bercadang untuk mengkaji semula penetapan cuti bersalin kepada bapa di sektor awam dan sektor swasta untuk memberikan peluang supaya mereka dapat membantu isteri dalam menguruskan rumah tangga? Terima kasih.

**Tuan M. Kulasegaran:** Jawapannya ialah ya, sedang dihalusi dan perbincangan telah dibuat dengan majikan. Satu keputusan yang muktamad akan diberikan tidak lama lagi di mana kita sedang meminda undang-undang tersebut dan akan merangkumi pandangan dari Yang Berhormat Maran. Terima kasih.

**10. Datuk Seri Panglima Dr. Maximus Johnnity Ongkili [Kota Marudu]** minta Menteri Kerja Raya menyatakan, apakah status terkini pelaksanaan projek *Pan Borneo* di Sabah. Fasa mana yang telah digantung pelaksanaannya dan setakat ini berapakah peruntukan yang telah diguna pakai daripada bajet asal bagi Negeri Sabah.

**Timbalan Menteri Kerja Raya [Tuan Haji Mohd. Anuar Mohd. Tahir]:** Tuan Yang di-Pertua, saya rasa bertuah dapat menjawab soalan daripada Ahli Parlimen kita yang cukup ternama. Terlebih dahulu saya ingin menjawab soalan ini bersekali dengan soalan dari Ahli Parlimen Ranau yang dijadualkan pada keesokan hari, pada esok iaitu 14 Mac 2019. Memandangkan ia menyentuh isu yang sama iaitu berkaitan status Projek Lebuhraya *Pan Borneo* Negeri Sabah.

Tuan Yang di-Pertua, untuk makluman Dewan yang mulia ini, pelaksanaan Projek Lebuhraya *Pan Borneo* Negeri Sabah Fasa 1, telah dibahagikan kepada 35 pakej kerja dengan anggaran jarak keseluruhan sepanjang 706 kilometer. Sehingga kini, 12 pakej kerja telah dibuat, pelantikan kontraktor bagi tujuan kerja-kerja pembinaan. Walau bagaimanapun, terdapat satu kontraktor pakej kerja iaitu yang melibatkan laluan Tawau ke Semporna telah ditamatkan kontrak disebabkan prestasi kontraktor pakej kerja berkenaan yang tidak memuaskan.

Tuan Yang di-Pertua, sehingga akhir Februari tahun 2019, status kemajuan keseluruhan projek pembinaan Lebuhraya *Pan Borneo* Negeri Sabah ialah sebanyak 12.4 peratus, dengan melibatkan kos peruntukan yang telah dibelanjakan untuk kos pembinaan sahaja sebanyak RM609 juta. Bagi menjawab soalan dari Ahli Parlimen Ranau, pakej kerja Lebuhraya *Pan Borneo* Negeri Sabah yang terlibat di kawasan Ranau ialah dari Ranau ke Kampung Nabutan iaitu pakej kerja 35 dengan anggaran jarak 31 kilometer.

■1100

Sehingga kini pakej kerja ini masih belum ditender memandangkan penelitian ke atas reka bentuk masih dalam tindakan oleh juru perunding. Tuan Yang di-Pertua, berhubung dengan isu hala tuju pelaksanaan Projek Lebuhraya *Pan Borneo* Negeri Sabah, untuk

makluman Dewan yang mulia ini, Kerajaan Persekutuan bersama dengan Kerajaan Negeri Sabah pada masa ini sedang meneliti semula mekanisme pelaksanaan projek ini secara keseluruhan.

Sehubungan dengan itu, penentuan berhubung hala tuju projek ini akan dibentangkan kepada Jemaah Menteri pada akhir bulan ini iaitu bulan Mac untuk pertimbangan Kerajaan Persekutuan. Sekian, terima kasih.

**Datuk Seri Panglima Dr. Maximus Johny Ongkili [Kota Marudu]:** Terima kasih Tuan Yang di-Pertua dan pada Yang Berhormat Timbalan Menteri. Dengan sekadar 12 peratus, kemajuan setakat ini dan peruntukan sejumlah RM609 juta sudah pun terpakai. Apakah sasaran dari segi jadual-jadual untuk menyiapkan projek-projek yang telah pun diserahkan, memandangkan begitu banyak duit sudah pun digunakan.

Seterusnya, bagi pakej 1B iaitu *Northwest Zone*, daripada Tuaran melalui Kota Belud, Kota Marudu sampailah ke Kudat. Apakah status terkini? Saya sedia maklum pihak kerajaan dalam proses pengambilan tanah. Saya ingin tahu, bilakah projek ini akan dilancarkan seterusnya dan berapakah peruntukan yang telah pun dicommitkan untuk tujuan *Northwest Zone* ini? Terima kasih.

**Tuan Haji Mohd. Anuar Mohd. Tahir:** Tuan Yang di-Pertua, seperti mana yang saya sebut tadi bahawa banyak perkara yang berkaitan dengan Pan Borneo Sabah ini. Bukan sebut soal tertangguh, tetapi kita menunggu kepada keputusan akhir yang akan dicapai pada hujung bulan ini. Untuk itu, saya juga difahamkan bahawa Menteri Kerja Raya akan membuat jawapan yang tuntas selepas ini dan semasa penggulungan nanti, maka lebih banyak lagi maklumat-maklumat yang akan dapat disampaikan. Dalam masa yang singkat ini, saya belum dapat memberikan jawapan tepat dan saya berharap ini akan dijawab oleh Yang Berhormat Menteri selepas ini. Terima kasih.

**Tuan Ma'mun bin Sulaiman [Kalabakan]:** Terima kasih Tuan Yang di-Pertua. Memandangkan hanya 12.4 peratus dan jalan-jalan lama yang sedia ada pun sudah rosak teruk, jadi apakah usaha kementerian untuk memperbaiki jalan-jalan sementara menunggu Pan Borneo disambung semula? Kita mahu tahu jalan-jalan yang sedia ada pun tidak diperbaiki. Itu yang kita mahu tahu. Terima kasih.

**Tuan Haji Mohd. Anuar Mohd. Tahir:** Tuan Yang di-Pertua, seperti mana yang kita maklum tidak sahaja cuma terhad di Sabah. Banyak tempat-tempat lain, jalan-jalan raya yang lain yang menghadapi masalah. Kita hanya menunggu apabila Kementerian Kewangan memberikan bajet tambahan yang telah diumumkan sebelum ini untuk kita laksanakan semua iaitu dari Perlis sampai ke Sabah. Semua yang memerlukan penaikan taraf dan sebagainya untuk dilaksanakan. Kita memang komited tentang soal ini.

Saya sendiri dua tiga kali dah ke Sabah dan melihat tempat itu. Ini tidak terhitung oleh Yang Berhormat Menteri kita lagi. Saya sendiri pun dah turun banyak kali dan kita tahu masalah yang dihadapi dan kita tunggu *insya-Allah* peruntukan tambahan untuk membaiki pulih, menaik taraf jalan-jalan yang disebutkan tadi.

**11. Tuan Wong Kah Woh [Ipoh Timur]** minta Menteri Pendidikan menyatakan, senarai jenis biasiswa dan jumlah peruntukan yang ditawarkan oleh kerajaan bagi pengajian peringkat ijazah pertama untuk tahun 2018 dan 2019. Senaraikan jumlah mahasiswa yang mendapat manfaat.

**Timbalan Menteri Pendidikan [Puan Teo Nie Ching]:** Terima kasih Tuan Yang di-Pertua. Terima kasih Ahli Yang Berhormat. Tuan Yang di-Pertua, saya hendak pohon hendak buat sedikit pembetulan data tadi yang salah sebut. Tunggakan PTPTN yang patut bayar balik setakat ini adalah RM20.9 bilion dan jumlah yang telah dibayar balik adalah RM14.5 bilion. Saya salah sebut tadi, jadi saya pohon buat pembetulan data di sini.

Untuk maklumat Ahli Yang Berhormat Ipoh Timur, Kementerian Pendidikan Malaysia menawarkan sejumlah 10 jenis program penajaan di peringkat pengajian ijazah pertama yang bertujuan untuk memenuhi keperluan perkhidmatan di KPM. Berikut adalah maklumat terperinci mengenai 10 program biasiswa dan bilangan tawaran yang diberikan mengikut tahun:

- (i) Ijazah Sarjana Muda Pendidikan di universiti awam pada tahun 2018, sebanyak 293 tawaran telah diberikan;
- (ii) Skim Latihan Tenaga Kepakaran Pendidikan Khas di universiti awam pada tahun 2018, seramai 21 orang pelajar telah menerima tajaan ini;
- (iii) penghantaran pelajar cemerlang bahasa Mandarin pada tahun 2018, seramai 53 orang pelajar telah menerima pembiayaan ini;
- (iv) Program Kembar Bahasa Perancis pada tahun 2018, tajaan telah diberikan kepada 15 orang pelajar;
- (v) program penghantaran pelajar cemerlang Pendidikan Islam Al-Quran Wal Qiraat pada tahun 2018, seramai 20 pelajar telah menerima manfaat daripada penajaan ini;
- (vi) program penghantaran pelajar cemerlang Pendidikan Islam Bahasa Arab pada tahun 2018, melibatkan tajaan kepada 10 orang pelajar;
- (vii) program penghantaran pelajar cemerlang matrikulasi pada tahun 2018, seramai 9 orang pelajar telah mendapat tajaan program ini;
- (viii) pelajar cemerlang politeknik pada tahun 2018, tajaan ini melibatkan seramai 100 orang pelajar;
- (ix) atlet cemerlang IPTA pada tahun 2018, 75 orang atlet pelajar telah menerima manfaat tajaan ini; dan
- (x) MyBrainSC pada tahun 2018. Bagi tujuan ini diberikan kepada 149 orang pelajar.

Untuk makluman Dewan yang mulia ini, jumlah peruntukan bagi tahun 2018 sebanyak RM14.8 juta. Manakala peruntukan bagi tahun 2019, meningkat kepada RM17.13 juta bagi program tajaan biasiswa ijazah pertama. Akan tetapi, penerima untuk tahun 2019, tidak dapat kita berikan pada hari ini kerana masih dalam proses penawaran. Sekian sahaja, terima kasih.

**Tuan Wong Kah Woh [Ipoh Timur]:** Terima kasih Timbalan Menteri dan terima kasih Tuan Yang di-Pertua. Soalan tambahan saya adalah, pada akhir tahun lepas Timbalan Menteri telah menyatakan bahawa untuk menggalakkan pelajar-pelajar kita untuk menerima tawaran biasiswa daripada institusi negara asing.

Soalan saya, apakah usaha atau pun inisiatif yang telah pun diambil oleh pihak kerajaan untuk menggalakkan biasiswa-biasiswa dapat ditawarkan oleh institusi-institusi pengajian di luar negara demi manfaat pelajar-pelajar kita?

**Puan Teo Nie Ching:** Terima kasih Tuan Yang di-Pertua. Terima kasih Ahli Yang Berhormat Ipoh Timur atas soalan tersebut. Sebenarnya memang seperti yang disebutkan oleh Ahli Yang Berhormat Ipoh Timur, selain daripada tajaan biasiswa daripada peringkat KPM, banyak lagi tajaan biasiswa yang sedia ada di beberapa peringkat seperti Kementerian Kesihatan juga ada biasiswa mereka sendiri dan juga institusi-institusi daripada luar negeri.

Jadi, kita memang menggalakkan pelajar kita untuk mendapat maklumat terperinci melalui *embassy* negara-negara lain untuk dapat maklumat terperinci, apa biasiswa yang sedia ada di peringkat kerajaan dan juga di peringkat institusi lain-lain, sama ada di Malaysia atau pun di luar negara.

Bukan itu sahaja, kita juga ada tajaan biasiswa daripada pelbagai GLC atau pun syarikat swasta yang selalu memberi tajaan sendiri. Jadi, saya menggalakkan pelajar kita untuk mencari maklumat ini, dapatkan maklumat terperinci melalui laman web sekarang. Itu sahaja.

**Dato' Haji Ahmad Nazlan bin Idris [Jerantut]:** Terima kasih Tuan Yang di-Pertua. Yang Berhormat Timbalan Menteri, saya ingin mendapatkan kepastian daripada kerajaan. Apakah rasionalnya kerajaan menanggungkan program MyBrain yang telah dilaksanakan sebelum ini dan dalam masa yang sama memberikan peruntukan khas kepada kolej-kolej swasta yang saya kira mereka tidak sepatutnya menerima peruntukan. Terima kasih.

## ■1110

**Puan Teo Nie Ching:** Terima kasih atas soalan tersebut. Saya rasa alasan kita untuk menghentikan MyBrain, tajaan MyBrain telah diperjelaskan pada sidang yang dahulu. Jadi saya mintalah Ahli Yang Berhormat semak balik *Hansard*. Saya hendak nyatakan di sini, bukan sahaja di bawah Kerajaan Pakatan Harapan yang memberi peruntukan kepada IPTS, seperti lah yang saya hendak sebut bahawa KUTAR sebelum ini memang tiap-tiap tahun menerima tajaan daripada Kerajaan Barisan Nasional. Akan tetapi, pada masa itu Ahli Yang Berhormat Jerantut dia tidak bising.

Selain daripada itu, seperti Universiti Islam yang berada di Cyberjaya, Putrajaya, kita juga memberi tajaan ataupun peruntukan sebanyak RM15 juta... [*Tepuk*] Jadi saya rasa janganlah kita mempertikaikan usaha-usaha Kerajaan Pakatan Harapan ataupun Barisan Nasional yang berhasrat untuk membantu universiti kerana akhirnya pelajar di universiti itu kebanyakan adalah anak Malaysia. Terima kasih.

**12. Datuk Ahmad Jazlan bin Yaakub [Machang]** minta Menteri Kesihatan menyatakan, berapakah jumlah hospital yang berdepan dengan masalah kepadatan pesakit yang terlalu tinggi dan apakah langkah yang diambil oleh pihak kementerian bagi mengatasi masalah ini.

**Timbalan Menteri Kesihatan [Dr. Lee Boon Chye]:** Terima kasih Tuan Yang di-Pertua dan terima kasih kepada Yang Berhormat Machang kerana membangkitkan soal masalah kepadatan pesakit yang terlalu tinggi di hospital-hospital.

Tuan Yang di-Pertua, hospital-hospital negeri dan berpakar Kementerian Kesihatan Malaysia mempunyai kepadatan pesakit yang sangat tinggi berbanding hospital yang tanpa pakar. Di mana kadar *bed occupancy rate* (BOR) adalah 75 peratus dan ke atas. Terdapat 33 buah hospital kementerian mengalami masalah ini dan ini termasuk Hospital Machang walaupun Hospital Machang adalah hospital tanpa pakar.

Bagi mengatasi masalah ini, Kementerian Kesihatan Malaysia sedang melaksanakan inisiatif Hospital Kluster, di mana tiga atau lebih dengan sekurang-kurangnya satu hospital berpakar di dalam kawasan geografi yang sama digabungkan di bawah satu sistem. Semua sumber termasuk sumber manusia, fasiliti, peralatan dan lain-lain di dalam hospital-hospital di dalam kluster tersebut akan dikongsi dan dioptimumkan penggunaannya bagi meningkatkan kualiti perkhidmatan yang disampaikan.

Dengan ini penggunaan katil bagi hospital-hospital yang kurang digunakan dapat dipertingkatkan di samping mengurangkan kesesakan di hospital berpakar. Sehingga kini, telah terbentuk 25 buah Hospital Kluster di 12 negeri melibatkan 88 buah hospital Kementerian Kesihatan Malaysia. Ini merangkumi 60.7 peratus daripada jumlah keseluruhan hospital KKM. Daripada 12 negeri, enam negeri iaitu Melaka, Negeri Sembilan, Pulau Pinang, Terengganu, Pahang dan Kelantan telah selesai melaksanakan kluster di kesemua hospital di negeri masing-masing.

Manakala Sabah telah membentuk empat Hospital Kluster, Negeri Perak, Kedah, Sarawak membentuk dua Hospital Kluster dan Negeri Johor dan Selangor masing-masing telah membentuk satu Hospital Kluster. Inisiatif ini telah mula dilaksanakan sejak 2014 dan akan berterusan dan akan diperluaskan secara berperingkat sehingga semua hospital Kementerian Kesihatan yang bersesuaian akan dapat diklusterkan. Melalui inisiatif Hospital Kluster, pesakit dapat dipindahkan ke hospital-hospital yang kurang padat di dalam kluster masing-masing.

Penempatan pakar yang bersesuaian juga dilaksanakan di hospital tanpa pakar secara tetap dan bergilir. Sesetengah perkhidmatan yang bersesuaian termasuk pembedahan dapat dipindah dari hospital berpakar yang sesak ke hospital tanpa pakar. Fasiliti di hospital tanpa pakar akan ditambah baik dari semasa ke semasa. Sekian.

**Datuk Ahmad Jazlan bin Yaakub [Machang]:** Terima kasih Tuan Yang di-Pertua, terima kasih Yang Berhormat Menteri. Mengikut nisbah dalam negara kita, 1.9 katil pesakit dalam Kajian Perancangan Separuh Penggal. Baru-baru ini kerajaan menyasarkan untuk meletakkan 2.0 dan untuk makluman juga, di peringkat global sebenarnya standard yang telah diunjurkan ialah 2.5 katil pesakit. Saya hendak tanya pihak kerajaan, Hospital HRPZ II Kota Bharu ada tak perancangan untuk membesarkan atau membina hospital baru? Ini

kerana kesesakan katil pesakit di situ dan juga tempat letak kereta *parking* bertingkat. Ada tak cadangan daripada pihak kementerian? Terima kasih.

**Dr. Lee Boon Chye:** Terima kasih. Oleh sebab soalan tambahan itu luar daripada soalan yang asal, saya akan rujuk dan akan memberi jawapan bertulis. Berkenaan dengan kemudahan yang sedia ada, memang kita sasarkan supaya ada tambahan kemudahan katil di keseluruhan hospital kerajaan dan dalam rancangan kita akan tambah beberapa hospital baru yang di bawah beberapa peringkat pembinaan. Hospital-hospital berkenaan termasuklah Hospital Petra Jaya yang akan *ditender* semula. Hospital Pasir Gudang akan dimulakan, Hospital Parit Buntar, Hospital Pendang dan Hospital Tanjong Karang dan ini mudah-mudahan akan menambah kemudahan untuk katil di Kementerian Kesihatan. Sekian.

**Tuan Cha Kee Chin [Rasah]:** Terima kasih Tuan Yang di-Pertua kerana memberikan peluang. Berkenaan dengan kepadatan pesakit di hospital yang dinyatakan oleh Yang Berhormat Timbalan Menteri tadi ada mengatakan bahawa tiga hospital yang ada doktor pakar.

Saya hendak tanya macam mana keadaan kepadatan pesakit yang berlaku di Hospital Tuanku Ja'afar Seremban yang saya percaya ia ada doktor pakar di situ. Berkenaan dengan hospital ini, macam mana dengan keadaan di Jabatan Nefrologi yang mana sekarang ini kita tahu keadaan masalah dialisis di Seremban yang dalam keadaan kritikal selepas Hospital Mawar menghadapi masalah. Jadi saya mohon status terkini berkenaan dengan kepadatan, khususnya daripada Jabatan Nefrologi. Sekian, terima kasih.

**Dr. Lee Boon Chye:** Terima kasih. Untuk Hospital Tuanku Ja'afar Seremban, BOR adalah 76.03 peratus. Berkenaan dengan perkhidmatan nefrologi, memang kita tahu oleh sebab masalah penutupan Mawar Hemodialisis Centre jadi kita menghadapi sedikit kesulitan. Akan tetapi, kita memang janji- Kementerian Kesihatan, supaya semua pesakit yang memerlukan rawatan hemodialisis akan di rawat sama ada di Kementerian Kesihatan ataupun di luar daripada Kementerian Kesihatan. Buat sementara waktu, sehingga masalah itu selesai antara beberapa hospital termasuk Hospital Seremban akan terus membekalkan perkhidmatan tersebut kepada semua yang memerlukan hemodialisis di hospital. Sekian.

**13. Datin Paduka Dr. Tan Yee Kew [Wangsa Maju]** minta Menteri Wilayah Persekutuan menyatakan, tindakan dan strategi yang akan atau sedang diambil oleh Dewan Bandaraya Kuala Lumpur (DBKL) untuk mengatasi masalah kesesakan lalu lintas di Kuala Lumpur khususnya di Wangsa Maju.

**Menteri Wilayah [Tuan Khalid bin Abd Samad]:** *Assalamualaikum warahmatullahi wabarakatuh.* Tuan Yang di-Pertua, untuk makluman Yang Berhormat Wangsa Maju, Dewan Bandaraya Kuala Lumpur (DBKL) telah merangka beberapa strategi utama yang dijangka akan dapat mengurangkan kesesakan di bandar raya Kuala Lumpur. Di antaranya adalah seperti berikut.

Pertama, menggalakkan penggunaan pengangkutan awam seperti GoKL, *Monorail*, LRT, MRT dan Komuter KTM. Tindakan ini adalah untuk mempertingkatkan *ridership* yang sekarang ini masih rendah, lebih kurang dalam 18 peratus ke paras yang lebih tinggi iaitu 50 peratus dalam jangka masa lima tahun akan datang. Strategi untuk menggalakkan penggunaan pengangkutan awam ini termasuk memperbaiki perkhidmatan *first mile* dan *last mile* di stesen-stesen yang terlibat.

Kedua, kemudahan pengangkutan awam akan dipertingkatkan menjadi lebih menarik dengan tindakan penyediaan laluan pejalan kaki dan basikal khususnya menyediakan laluan yang selesa dan selamat dari aspek *continuity*, *linkages*, laluan berbumbung berserta kelebaran laluan mobiliti yang mencukupi dan selamat.

■1120

Ketiga, tindakan yang digariskan dalam pelan induk perancangan Kuala Lumpur akan secara langsung mampu mengurangkan kemasukan kenderaan persendirian ke pusat bandar Kuala Lumpur dengan membina beberapa lokasi *park and ride*, pengurangan kemudahan *on-street parking* serta polisi penyediaan tempat letak kereta swasta di pusat bandar Kuala Lumpur. Secara langsung kos penggunaan kenderaan persendirian akan menjadi lebih tinggi berbanding dengan kos menggunakan pengangkutan awam.

Keempat, dalam kita mengamalkan perancangan bandar yang lebih tersusun, kita akan menentukan penggunaan konsep *transit on demand* (TOD) yang akan menentukan bahawa persoalan pengangkutan awam juga akan diutamakan.

Bagi Wangsa Maju, ada tiga projek yang telah kita lakukan. Pertama, pembinaan jalan sambungan, Jalan 1/27A yang menyambungkan Wangsa maju ke Taman Setiawangsa. Ini sudah siap pada November 2018.

Kedua, pembinaan Jalan Kilang yang menyambungkan Jalan Genting Klang ke kawasan perumahan Sri Rampai yang siap pada Februari 2019, dan pembinaan Jalan Air Panas yang menyambungkan Jalan Genting Klang ke Jalan Tun Razak siap Mac 2019. Akhirnya, projek pembinaan Lebuhraya Setiawangsa-Pantai (SPE) yang akan siap pada November 2020. Terima kasih.

**Datin Paduka Dr. Tan Yee Kew [Wangsa Maju]:** Terima kasih, Yang Berhormat Menteri. Masa dahulu, boleh dikatakan hampir semua projek infrastruktur khususnya jalan-jalan dilaksanakan tanpa rundingan dengan orang tempatan dan juga wakil rakyat. Itu telah mengakibatkan jalan-jalan yang dibina itu tidak dapat menyelesaikan masalah kesesakan lalu lintas yang dihadapi oleh orang tempatan.

Adakah Yang Berhormat Menteri bercadang melibatkan Ahli Parlimen dalam rundingan dengan jabatan dan konsultan jalan raya untuk projek-projek jalan yang akan dilaksanakan di kawasan mereka masing-masing. Ini akan memberi peluang kepada Ahli Parlimen untuk mengemukakan cadangan-cadangan jalan baharu ataupun cadangan alternatif untuk memperbaiki sistem trafik sesuatu tempat di kawasan masing-masing.

**Tuan Khalid bin Abd Samad:** Jawapan mudah, ya. Itu memang kita akan berusaha untuk melibatkan semua pihak dan ini akan kita lakukan dalam usaha kita untuk menghasilkan satu pelan, *master plan* bagi Kuala Lumpur 2040 yang sedang dilaksanakan mulai daripada 2019 ini. Ini kerana kita hendak hasilkan *Master Plan* Kuala Lumpur untuk 2040 yang akan 2020 hingga 2040.

So, ini akan kita pamerkan untuk penglibatan semua pihak termasuklah penglibatan Ahli Parlimen dan perkara ini juga akan kita bahaskan bersama dalam Mesyuarat Majlis Menteri Wilayah Persekutuan untuk menjamin bahawa apa yang dirancang itu memenuhi keperluan setempat. Prinsip *transit oriented development* adalah akan merupakan prinsip yang utama dalam perancangan itu.

**Tuan Fong Kui Lun [Bukit Bintang]:** Terima kasih, Tuan Yang di-Pertua. Soalan tambahan. Memandangkan DBKL belum ada satu pelan induk yang menyeluruh untuk mengatasi masalah kesesakan lalu lintas di Kuala Lumpur seperti pelan induk pengangkutan awam Kuala Lumpur. Saya ingin tanya bilakah pelan induk pengangkutan awam Kuala Lumpur akan diadakan untuk menyelesaikan isu kesesakan lalu lintas di Ibu Kota Kuala Lumpur ini. Terima kasih.

**Tuan Khalid bin Abd Samad:** Terima kasih Yang Berhormat Bukit Bintang. Seperti mana yang saya sebutkan tadi, bila kita hasilkan Kuala Lumpur punya *development master plan*, 2020-2040, ia akan termasuk persoalan *traffic management* dan perancangan untuk cara bagaimana untuk kita menangani kesesakan lalu lintas dan sebagainya. Ini sedang kita usahakan dan berikan pada kita lebih kurang dalam dua tahun iaitu tahun ini dan 2020 untuk kita menghasilkan *master plan* ini. Ia bukan sekadar dari segi penggunaan tanah dengan plot *ratio* dan sebagainya. Akan tetapi *master plan* ini juga akan mengambil kira persoalan trafik, *master plan* itu.

**14. Dato' Haji Che Abdullah bin Mat Nawi [Tumpat]** minta Perdana Menteri menyatakan, apakah kajian terperinci telah dilaksanakan sebelum keputusan pemansuhan hukuman mati dicapai dan apakah kerajaan bersedia mendedahkan kajian tersebut jika ada.

**Timbalan Menteri di Jabatan Perdana Menteri [Tuan Mohamed Hanipa bin Maidin]:** Terima kasih Tuan Yang di-Pertua. Terima kasih kepada Yang Berhormat Tumpat. Untuk makluman Dewan ini, saya pohon menjawab soalan ini bersekali dengan soalan-soalan lisan daripada Yang Berhormat Marang pada 26 Mac 2019, Yang Berhormat Ayer Hitam 1 April 2019, Yang Berhormat Sik 4 April 2019, Yang Berhormat Bukit Gelugor 10 April 2019, Yang Berhormat Bachok 10 April 2019.

Untuk makluman Yang Berhormat mengenai hukuman mati ini- saya hendak betulkan sedikit ya. Dalam soalan Yang Berhormat sebenarnya kita telah buat keputusan kerajaan hanya menghapuskan hukuman mandatori sahaja. Maknanya kita akan buat pindaan. Itu adalah seperti mana janji manifesto Pakatan Harapan dalam janji yang ke 27. Jadi dalam konteks ini untuk makluman Yang Berhormat, hukuman mati mandatori diperuntukkan dalam Kanun Keseksaan (*Penal Code*) dan juga Akta Senjata Api (Penalti Lebih Berat) 1971.

Sehubungan dengan itu, kerajaan mencadangkan untuk menggantikan hukuman mati mandatori yang diperuntukkan dalam Kanun Keseksaan dan Akta Senjata Api dengan hukuman mati atas budi bicara, *discretion* mahkamah iaitu sembilan kesalahan dalam kanun keseksaan dan dua kesalahan dalam Akta Senjata Api (Penalti Lebih Berat) 1971. Sekian, terima kasih.

**Dato' Haji Che Abdullah bin Mat Nawi [Tumpat]:** Tuan Yang di-Pertua, apakah kerajaan tidak berhasrat untuk menubuhkan satu jawatankuasa terpilih Parlimen, kiranya belum ada, yang terdiri daripada pelbagai pihak bagi melakukan perbincangan secara yang lebih terperinci dan teliti sebelum ia dibentangkan sebagai rang undang-undang di Parlimen.

**Tuan Mohamed Hanipa bin Maidin:** terima kasih kepada Yang Berhormat. Untuk makluman Yang Berhormat, setakat ini belum ada lagi keputusan kerajaan. Akan tetapi bagaimanapun untuk makluman Yang Berhormat, sebelum keputusan dibuat, kita telah pun mengadakan satu kajian yang agak terperinci. Akan tetapi bagaimanapun Yang Berhormat, cadangan Yang Berhormat cadangan yang baik. Saya akan panjangkan kepada pihak yang berkenaan. Sekian terima kasih.

**15. Tuan Mordi anak Bimol [Mas Gading]** minta Menteri Sumber Manusia menyatakan, apakah langkah-langkah yang diambil oleh kerajaan untuk mengurangkan kebergantungan kepada tenaga kerja asing dan bagaimanakah kerajaan memastikan bahawa pengambilan pekerja asing tidak menjejaskan peluang pekerjaan untuk rakyat tempatan.

**Timbalan Menteri Sumber Manusia [Dato' Mahfuz bin Haji Omar]:** Terima kasih, Tuan Yang di-Pertua. Dasar dan polisi kerajaan ialah pengambilan dan sebarang pengambilan dan pengajian pekerja asing di Malaysia tidak melebihi 15 peratus daripada jumlah tenaga negara pada tahun 2020 nanti dan pengajian pengambilan pekerja asing ini hanya dihadkan kepada tujuh sektor iaitu pembinaan, pertanian, perladangan, perkilangan, perkhidmatan perlombongan dan kuari dan juga perkhidmatan domestik. Kita juga menyasarkan untuk 35 peratus pekerja mahir pada menjelang 2020. Sebab itu kita menggalakkan supaya semua sektor yang berintensif buruh beralih kepada penggunaan mekanisasi dan juga automasi.

Kita juga menekankan supaya keperluan industri yang betul-betul memerlukan pekerja asing sahaja yang akan diberikan kelulusan. Syarat-syarat permohonan pekerja asing sangat ketat dan sentiasa diperketat untuk memastikan nisbah pengambilan berdasarkan pada komposisi pekerja tempatan dan juga pekerja asing.

Berkaitan dengan penempatan pekerja tempatan di dalam negara kita, *JobsMalaysia* sentiasa memainkan peranan yang penting untuk memberikan penempatan pekerja tempatan di dalam negara kita. Untuk pengetahuan Dewan, sepanjang tahun 2018, kita menyasarkan, KPI kementerian Yang Berhormat Menteri ialah penempatan pekerja tempatan 172,000. Akan tetapi kita telah capai sebanyak 168,677 orang. Bermakna bahawa KPI kita 98.1 percent.

■1130

Ini suatu yang kita harap dapat ditingkatkan lagi daripada masa ke semasa untuk memastikan penempatan pekerja tempatan akan dapat diberikan peluang secara yang lebih meluas. Terima kasih.

**Tuan Mordi Anak Bimol [Mas Gading]:** Terima kasih, Yang Berhormat Menteri. Sudah banyak program atau usaha yang telah dilakukan oleh kerajaan yang bertujuan untuk meningkatkan kualiti serta kemahiran warga tempatan bagi memenuhi keperluan industri atau syarikat-syarikat yang sedia ada pada hari ini.

Oleh sebab apa kita lihat kolej-kolej swasta ataupun pusat latihan swasta yang memberikan perkhidmatan latihan sebegini tumbuh seperti cendawan malah ada yurannya disubsidi oleh kerajaan tetapi objektifnya seolah-olah lebih kepada peluang perniagaan iaitu mengutip yuran semata-mata dan kurang menyelesaikan masalah yang sedia ada. Jadi apakah rancangan pihak kementerian bagi mengatasi masalah ini.

**Dato' Mahfuz bin Haji Omar:** Terima kasih. Kita sentiasa memberikan galakan dan kita akan pastikan supaya kolej swasta ini khususnya kolej-kolej kemahiran ini akan memberikan sesuatu yang benar-benar memberikan sesuatu yang benar-benar memenuhi keperluan industri itu sendiri dan kita sentiasa menentukan dengan pihak industri NOS yang ditentukan oleh industri supaya pihak pusat bertauliah ataupun kolej-kolej kemahiran ini memenuhi apa yang dikehendaki oleh industri. Terima kasih.

**Timbalan Yang di-Pertua [Tuan Nga Kor Ming]:** Terima kasih. Baiklah Ahli-ahli Yang Berhormat, waktu pertanyaan soalan lisan telah pun tamat. Saya ingin mengucapkan ribuan terima kasih dan syabas kepada Yang Berhormat-Yang Berhormat Menteri, Ahli-ahli Yang Berhormat kerana berjaya menepati masa yang ditetapkan. Hari ini kita berjaya menjawab 15 soalan... *[Tepuk]*

Saya harap pada persidangan yang akan datang setiap hari kita dapat menjawab sekurang-kurangnya 15 soalan maka satu minggu kita dapat jawab 60 soalan dalam satu minggu. Sekarang saya menjemput Setiausaha.

***[Masa untuk pertanyaan-pertanyaan bagi Jawab Lisan tamat]***

### **USUL**

#### **MENJUNJUNG KASIH TITAH SERI PADUKA BAGINDA YANG DI-PERTUAN AGONG**

*Aturan Urusan Mesyuarat* dibaca bagi menyambung semula perbahasan yang ditangguhkan atas masalah:

Bahawa suatu ucapan yang tidak sepertinya dipersembahkan kepada Kebawah Duli Yang Maha Mulia Seri Paduka Baginda Yang di-Pertuan Agong, demikian bunyinya;

"Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih Titah Kebawah Duli Yang Maha Mulia Seri Paduka Baginda Yang di-Pertuan Agong semasa membuka Penggal Pertama, Parlimen Yang Keempat Belas." ***[12 Mac 2019]***

**Timbalan Yang di-Pertua [Tuan Nga Kor Ming]:** Sekarang saya jemput Ketua Pembangkang masa ada lagi baki masa 1 jam 9 minit, dipersilakan.

***[Tuan Yang di-Pertua mempengerusikan Mesyuarat]***



**11.32 pg.**

**Dato' Sri Ismail Sabri bin Yaakob [Bera]:** Terima kasih, Tuan Yang di-Pertua. Saya ingin menyambung perbincangan. Semalam saya berhenti setakat Khazanah Nasional Berhad. Jumlah nilai Khazanah Nasional Berhad telah naik berganda dari RM33.7 bilion pada akhir tahun 2008 kepada RM115.6 bilion pada akhir 2017. Ini bersamaan dengan kadar pertumbuhan 14.7 peratus setiap tahun.

Nilai aset bersih Khazanah telah turun RM25 bilion iaitu 21.6 peratus kepada RM91 bilion pada akhir tahun 2018 berbanding RM116 bilion pada tahun sebelumnya. Khazanah merekodkan kerugian RM6.3 bilion untuk tahun 2018 berbanding dengan untung sebanyak RM2.896 bilion bagi tahun sebelumnya di bawah Kerajaan Barisan Nasional. Jelas Khazanah Nasional rugi semasa di bawah pemerintahan Kerajaan Pakatan Harapan.

Laporan media antarabangsa telah mendedahkan bahawa kebanyakan aset Khazanah telah dan dalam proses untuk dijual dan ditukar kepada *cash* bagi membayar Kementerian Kewangan. Jadi ianya untuk membayar hutang kerajaan pun apa logiknya untuk menjual aset yang mempunyai keuntungan 14.7 peratus setiap tahun untuk membayar hutang yang faedahnya pada kadar 3.8 peratus setiap tahun.

Antara aset yang sudah dijual tahun lepas ialah pegangan Khazanah di dalam IHS Berhad. Ramai tidak tahu bahawa Malaysia di bawah Kerajaan BN dahulu memiliki kumpulan hospital antarabangsa kedua terbesar di dunia. Setelah Khazanah menjual IHS kepada syarikat Jepun pada bulan Oktober tahun lalu, kumpulan hospital ini tidak lagi boleh dipanggil sebagai kumpulan syarikat milik Malaysia atau menjadi kebanggaan negara tetapi telah menjadi syarikat milik negara Jepun.

Difahami juga, difahami juga Khazanah juga telah menjual pegangan di dalam hospital di Singapura, menjual pegangan bank di Filipina dan sebagainya. Laporan media juga mendedahkan bahawa syarikat-syarikat Jepun terus berminat dengan aset-aset Khazanah yang lain. Satu lagi aset Khazanah yang dilaporkan mungkin akan dijual tidak lama lagi ialah pegangan 100 peratus di dalam UEM Berhad.

Pada tahun 2011 UEM Berhad bersama dengan KWSP telah membeli balik syarikat Lebuhraya PLUS Berhad dari tangan swasta. Kini, UEM memiliki 51 peratus di dalam PLUS dan KWSP sebanyak 49 peratus sekali gus keuntungannya dikembalikan semula kepada negara dan pencarum KWSP. Oleh itu saya ingin mendapatkan penjelasan daripada...

**Datuk Seri Haji Ahmad bin Haji Maslan [Pontian]:** Yang Berhormat Bera.

**Dato' Sri Ismail Sabri bin Yaakob [Bera]:** Menteri Kewangan mengenai penjualan aset dan kepentingan selain daripada Khazanah adalah aset dan juga kepentingan Tabung Haji, FELDA, FELCRA dan lain-lain. Apakah penjualan ini dilakukan secara tender terbuka? MOF perlu mendedahkan kepada rakyat secara telus mengenai penjualan-penjualan tersebut.

**Datuk Seri Haji Ahmad bin Haji Maslan [Pontian]:** Terima kasih kepada Yang Berhormat Bera. Antara yang dicadangkan, disebut oleh Yang Berhormat Langkawi bahawa oleh kerana masalah hutang yang ditanggung oleh Malaysia Airlines (MAS) beliau menyebut bahawa kemungkinan Malaysia Airlines boleh ditutup atau dijual. Adakah perkara ini rasional untuk dilakukan dan tadi Yang Berhormat Bera ada menyebut kepentingan Malaysia dalam IHH Healthcare Berhad dijual dengan saya sebut di sini RM1.442 bilion.

Akan tetapi saya juga ingin menyatakan di sini Yang Berhormat Bera, antara yang dijual juga ialah kepentingan tertentu dalam CIMB RM363 juta. Kemudian kepentingan Khazanah dalam BDO Uni Bank RM360 juta, dalam Infosys Limited RM284 juta, dalam PT Charoen Pokphand Indonesia, kepentingan Khazanah dijual RM222 juta, dalam Titan Industries Limited kepentingan Khazanah dijual RM212 juta. Kelihatan mereka ini menjual, menjual, menjual... [Dewan riuh] Semua dijual.

Senarai yang saya baca itu ialah jawapan daripada Kementerian Kewangan soalan yang saya tanya apakah yang dijual dan mereka menjawab begitu banyak sekali yang dijual. Ada 1, 2, 3, 4, 5 kepentingan Malaysia, kepentingan Khazanah telah dijual. Jadi kerajaan sekarang ini kerjanya menjual, menjual, menjual, kerajaan zaman Yang Berhormat Pekan membeli dan memiliki. Itu beza yang cukup beza... [Dewan riuh] Memiliki aset besar untuk negara.

**Tuan Sanisvara Nethaji Rayer a/l Rajaji [Jelutong]:** Bukan curi.

**Datuk Seri Haji Ahmad bin Haji Maslan [Pontian]:** Aset besar, pencuri itu.

**Tuan Yang di-Pertua:** *[Menutup pembesar suara]* Saya mendengar perkataan pencuri. Sila tarik balik... *[Dewan riuh]*

**Tuan Sanisvara Nethaji Rayer a/l Rajaji [Jelutong]:** Pencuri saya tarik balik, pencuri.

**Tuan Yang di-Pertua:** Terima kasih. Okey, Yang Berhormat Bera silakan.

**Dato' Sri Dr. Haji Ismail bin Haji Mohamed Said [Kuala Krau]:** Yang Berhormat Bera, Kuala Krau.

**Tuan Yang di-Pertua:** Silakan.

**Dato' Sri Dr. Haji Ismail bin Haji Mohamed Said [Kuala Krau]:** Terima kasih, Tuan Yang di-Pertua. Terima kasih, Yang Berhormat Bera dan tahniah menjadi Ketua Pembangkang. Apabila kita menimbulkan soal kerugian Khazanah dan juga penjualan aset-aset dan isu-isu yang bergantung juga, berkait juga dengan projek-projek pembangunan yang lain.

#### ■1140

Senang, Yang Berhormat Menteri Kewangan akan sebut kerana beban hutang yang telah diwarisi daripada kerajaan terdahulu, termasuk juga dikatakan skandal 1MDB menyebabkan Kerajaan Pakatan Harapan tidak boleh memberikan atau membuat pembangunan-pembangunan yang lain termasuk yang disebut oleh Ketua Pembangkang tadi mengatakan bahawa Khazanah rugi dan juga penjualan aset di bawah Khazanah ini, senang sahaja jawapan daripada pihak kerajaan, kerana skandal hutang. Apa pandangan Yang Berhormat Ketua Pembangkang?

**Dato' Sri Bung Moktar bin Radin [Kinabatangan]:** Boleh jawab sekali kah?

**Dato' Sri Haji Tajuddin bin Abdul Rahman [Pasir Salak]:** Pasir Salak.

**Tuan Yang di-Pertua:** Yang Berhormat Kinabatangan, beri laluan?

**Dato' Sri Bung Moktar bin Radin [Kinabatangan]:** Kinabatangan dulu, baru dia.

**Dato' Sri Haji Tajuddin bin Abdul Rahman [Pasir Salak]:** Okey.

**Dato' Sri Bung Moktar bin Radin [Kinabatangan]:** Terima kasih. Tuan Yang di-Pertua, Yang Berhormat Bera, mutakhir ini kita lihat bagaimana kecenderungan Kerajaan PH pada hari ini, kerja dia menjual, bukan mencari tetapi sebelum memerintah dia cakap banyak, nak memperbetulkan ekonomi. Sekarang ini sudah hampir satu tahun, tidak ada satu pun ekonomi negara yang dilihat boleh dibentuk untuk dikembangkan, yang ada jual. Lama-lama negara dia jual, tanah dia jual, air dia jual, skandal tidak berhenti, macam-macam skandal. Jual lagi! Minta penjelasan... *[Dewan riuh]*

**Dato' Sri Haji Tajuddin bin Abdul Rahman [Pasir Salak]:** Minta laluan Yang Berhormat Bera.

**Tuan Yang di-Pertua:** Laluan diberi? Ya, silakan Yang Berhormat Pasir Salak.

**Dato' Sri Haji Tajuddin bin Abdul Rahman [Pasir Salak]:** Terima kasih Yang Berhormat Bera.

**Tuan Sanisvara Nethaji Rayer a/l Rajaji [Jelutong]:** Minta laluan Yang Berhormat.

**Dato' Sri Haji Tajuddin bin Abdul Rahman [Pasir Salak]:** Terima kasih kepada Tuan Yang di-Pertua. Saya sudah mengagak apabila Perdana Menteri pergi ke Jepun untuk mendapatkan bantuan daripada Jepun dari segi pinjaman, apa yang dipanggil Samurai Bon. Kita bukan baru, Jepun ini tidak akan tolong secara percuma. Kita dah tahu dan berlaku dulu semasa Perdana Menteri yang sama. Kita melihat apa akibatnya, terpaksa jual IHH kepada Mitsui, syarikat Jepun dan kita sanggup mengorbankan kepentingan anak bangsa kita mendapat peluang untuk menunjukkan kebolehan mereka, kehebatan mereka di seluruh dunia. Satu lagi, saya hendak bertanya kepada Yang Berhormat Bera.

**Dato' Seri Tiong King Sing [Bintulu]:** Yang Berhormat Pasir Salak, itulah samurai, dia sembelih kepala punya *[Ketawa]*

**Dato' Sri Haji Tajuddin bin Abdul Rahman [Pasir Salak]:** Ya, sembelih kepala punya, tunggu pula selepas ini.

**Tuan Yang di-Pertua:** Ya, ya silakan.

**Dato' Sri Haji Tajuddin bin Abdul Rahman [Pasir Salak]:** Satu lagi, sikit saja lagi. Di mana yang dikatakan menjana kekayaan? Kerajaan Pakatan Harapan bercakap untuk menjana kekayaan baru kepada negara dan rakyat kita. Ini bukan menjana kekayaan, ini menjahanamkan kekayaan. Terima kasih.

**Dato' Sri Ismail Sabri bin Yaakob [Bera]:** Terima kasih Yang Berhormat. Saya akan masukkan pertanyaan daripada Yang Berhormat Pasir Salak kepada Yang Berhormat Menteri dan *info* yang diberikan oleh Yang Berhormat Pontian tadi, saya masukkan dalam ucapan saya. Saya setuju dengan Yang Berhormat Kuala Krau, kerja mudah yang dilakukan oleh kerajaan hari ini untuk menjana pendapatan, jual segala aset yang ada.

Saya juga ingin bertanya kepada Menteri Kewangan, berhubung dengan langkah-langkah yang beliau dan kerajaan ambil bagi mengatasi permasalahan kejatuhan nilai ringgit, kemerosotan rizab negara, kejatuhan pasaran saham dan sehubungan dengannya. Satu perkara yang saya ingin ambil perhatian di sini, ini perkara yang serius apabila Raja Petra menulis tentang Yang Berhormat Bagan berhubung dengan projek terowong bawah laut di Pulau Pinang.

**Tuan Sanisvara Nethaji Rayer a/l Rajaji [Jelutong]:** Yang Berhormat Bera, minta penjelasan.

**Dato' Sri Ismail Sabri bin Yaakob [Bera]:** Sekejap, saya tidak habis lagi.

**Tuan Yang di-Pertua:** Duduk dulu Yang Berhormat Jelutong.

**Dato' Sri Ismail Sabri bin Yaakob [Bera]:** Saya tak habis lagi.

**Tuan Sanisvara Nethaji Rayer a/l Rajaji [Jelutong]:** Saya minta Yang Berhormat ulangi di luar Dewan... [*Dewan riuh*]

**Dato' Sri Ismail Sabri bin Yaakob [Bera]:** Saya tak habis lagi Yang Berhormat.

**Tuan Sanisvara Nethaji Rayer a/l Rajaji [Jelutong]:** Saya cabar Yang Berhormat Bera ulangi kenyataan ini di luar Dewan.

**Dato' Sri Ismail Sabri bin Yaakob [Bera]:** Tak habis cakap lagi... [*Dewan riuh*]

**Tuan Mohd Shahar bin Abdullah [Paya Besar]:** Eh! Duduklah Yang Berhormat Jelutong.

**Tuan Sanisvara Nethaji Rayer a/l Rajaji [Jelutong]:** Siapa Raja Petra?

**Tuan Mohd Shahar bin Abdullah [Paya Besar]:** Duduk! Duduk! Duduk!... [*Dewan riuh*]

**Dato' Sri Ismail Sabri bin Yaakob [Bera]:** Sabar dulu, sabar dulu.

**Tuan Sanisvara Nethaji Rayer a/l Rajaji [Jelutong]:** Siapa Raja Petra?

**Dato' Sri Bung Moktar bin Radin [Kinabatangan]:** Duduklah!

**Tuan Sanisvara Nethaji Rayer a/l Rajaji [Jelutong]:** Jangan jadi modal politik di sinilah Yang Berhormat.

**Dato' Sri Bung Moktar bin Radin [Kinabatangan]:** Duduk!

**Tuan Yang di-Pertua:** Yang Berhormat, tolong.

**Tuan Noor Amin bin Ahmad [Kangar]:** Semalam kata surat khabar tak boleh petik, ini petik.

**Tuan Yang di-Pertua:** Sila duduk. Yang Berhormat Jelutong, giliran selepas ini... [*Dewan riuh*]

**Dato' Jalaluddin bin Alias [Jelevu]:** Ha! Tunggulah.

**Dato' Sri Ismail Sabri bin Yaakob [Bera]:** Beliau secara berani...

**Tuan Yang di-Pertua:** Yang Berhormat Jelevu, sila duduk.

**Dato' Sri Ismail Sabri bin Yaakob [Bera]:** ...Menuduh Yang Berhormat Bagan terlibat dalam penyelewengan projek tersebut.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua.

**Dato' Sri Ismail Sabri bin Yaakob [Bera]:** Beliau, saya kata beliau.

**Tuan Sanisvara Nethaji Rayer a/l Rajaji [Jelutong]:** Yang Berhormat Bera, saya cabar Yang Berhormat Bera ulangi kenyataan ini di luar Dewan... *[Dewan riuh]*

**Dato' Jalaluddin bin Alias [Jelebu]:** Hei! Duduklah. Tak payah cabar.

**Tuan Sanisvara Nethaji Rayer a/l Rajaji [Jelutong]:** Ulangi di luar Dewan... *[Dewan riuh]*

**Tuan Mohd Shahar bin Abdullah [Paya Besar]:** Duduklah!

**Dato' Jalaluddin bin Alias [Jelebu]:** Jangan tunjuk keras kepalalah Yang Berhormat Jelutong.

**Tuan Mohd Shahar bin Abdullah [Paya Besar]:** Duduklah. Apa fasal panas? Tunggu *you* punya *floor*, duduk saja... *[Dewan riuh]*

**Tuan Yang di-Pertua:** Duduk dulu, cabaran telah dibuat, direkodkan. Sila duduk.

**Dato' Sri Ismail Sabri bin Yaakob [Bera]:** Yang Berhormat Tuan Yang di-Pertua, saya baca kenyataan daripada tulisan Raja Petra.

**Dato' Dr. Noraini Ahmad [Parit Sulong]:** Yang Berhormat Jelutong dengarlah dulu.

**Tuan Su Keong Siong [Kampar]:** APK... bankraplah.

**Dato' Dr. Noraini Ahmad [Parit Sulong]:** ...Suruh keluar pula.

**Dato' Sri Ismail Sabri bin Yaakob [Bera]:** Ianya melibatkan ratusan juta ringgit wang rakyat.

**Tuan Su Keong Siong [Kampar]:** APK tidak ada kualiti langsung. Kualiti zero.

**Tuan Sanisvara Nethaji Rayer a/l Rajaji [Jelutong]:** Minta penjelasan.

**Tuan Yang di-Pertua:** Yang Berhormat Kampar sila duduk, Yang Berhormat Jelutong pun sila duduk... *[Dewan riuh]* Kita berpegang kepada kebebasan bersuara dalam Dewan ini. Tiap pihak akan mempunyai hak kebebasan ini untuk menyatakan sebaliknya. Jadi pihak di sini pun bila dibangkitkan di sebelah sana, jangan keterlaluan juga untuk membantah... *[Tepuk]* Silakan ya.

**Dato' Sri Ismail Sabri bin Yaakob [Bera]:** Raja Petra mengatakan Menteri Kewangan mempunyai kepentingan di dalam syarikat yang terlibat di dalam projek tersebut... *[Dewan riuh]*

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, peraturan.

**Tuan Su Keong Siong [Kampar]:** Suruh dia balik Malaysia cakaplah, jangan sembunyi di London... *[Dewan riuh]*

**Tuan Yang di-Pertua:** Peraturan mesyuarat telah dibangkitkan, saya perlu mendengar dulu. Ya, silakan.

**Tuan Sanisvara Nethaji Rayer a/l Rajaji [Jelutong]:** Saya merujuk kepada Peraturan 36(6), 'Seseorang Ahli tidak boleh mengeluarkan sangkaan jahat ke atas siapa-siapa Ahli yang lain'. Ini merupakan sangkaan jahat... *[Dewan riuh]*

**Dato' Jalaluddin bin Alias [Jelebu]:** Duduklah!

**Seorang Ahli:** Kau ni *lawyer* kah apa?

**Dato' Jalaluddin bin Alias [Jelebu]:** Duduklah! Duduklah!.. *[Dewan riuh]*

**Tuan Sanisvara Nethaji Rayer a/l Rajaji [Jelutong]:** Yang Berhormat Bera menggunakan kesempatan berbahas untuk membuat sangkaan jahat terhadap Menteri Kewangan dan ini merupakan satu kesalahan.

**Dato' Sri Bung Moktar bin Radin [Kinabatangan]:** Bikin malu semua peguam saja... [Dewan riuh]

**Tuan Yang di-Pertua:** Saya menerima bantahan ini. Atas dasar yang sama saya menerima bantahan daripada sebelah sini berhubung dengan kenyataan-kenyataan akhbar terhadap PAS. Jadi, sila tarik balik.

**Dato' Sri Ismail Sabri bin Yaakob [Bera]:** Yang Berhormat, Yang Berhormat.

**Tuan Su Keong Siong [Kampar]:** Tarik balik! Tarik balik! Tarik balik!

**Dato' Sri Ismail Sabri bin Yaakob [Bera]:** Beri saya peluang Yang Berhormat.

**Tuan Sanisvara Nethaji Rayer a/l Rajaji [Jelutong]:** Bukan, *no*, arahan telah diberikan.

**Tuan Su Keong Siong [Kampar]:** Tuan Yang di-Pertua sudah buat *ruling*, tarik balik!

**Tuan Sanisvara Nethaji Rayer a/l Rajaji [Jelutong]:** Tarik balik kenyataan... [Dewan riuh]

**Tuan Yang di-Pertua:** Teruskan dengan hujahan lain.

**Tuan Su Keong Siong [Kampar]:** Yang Berhormat Bera, tarik balik!

**Dato' Sri Ismail Sabri bin Yaakob [Bera]:** Tuan Yang di-Pertua, 36(6).

**Tuan Yang di-Pertua:** Ya, saya akan mendengar dulu.

**Dato' Sri Bung Moktar bin Radin [Kinabatangan]:** [Bercakap tanpa menggunakan pembesar suara]

**Tuan Yang di-Pertua:** Yang Berhormat Kinabatangan, amaran ya... [Dewan riuh]  
Semua saya akan beri amaran, saya tidak akan berganjak daripada menggunakan peraturan mesyuarat, kalau tidak kita akan menjadi pasar borong. Ya silakan, saya akan mendengar Ketua Pembangkang.

**Dato' Sri Ismail Sabri bin Yaakob [Bera]:** Yang Berhormat, 36(6) adalah *statement* daripada Ahli Dewan kepada Ahli Dewan yang lain. Saya mengambil kenyataan daripada Raja Petra dan saya ada cadangan di sini. Sekiranya kenyataan tersebut dianggap sebagai tuduhan liar dan fitnah, maka saya mohon kepada Menteri Kewangan untuk membuat penjelasan di dalam Dewan ini.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua... [Dewan riuh]

**Tuan Su Keong Siong [Kampar]:** Tarik balik!

**Tuan Yang di-Pertua:** Saya telah pun membuat *ruling*, sila duduk. Kenapa itu? Sila duduk... [Dewan riuh] Saya telah pun membuat *ruling*, sesuatu yang dikemukakan berasaskan laporan akhbar, laporan sosial media tanpa dibantu dengan fakta-fakta yang lebih kukuh, tidak boleh disuarakan dalam Dewan ini. Sila tarik balik.

**Dato' Sri Haji Tajuddin bin Abdul Rahman [Pasir Salak]:** Tuan Yang di-Pertua, ini ada yang lebih kukuh ini, dengan fakta berkenaan dengan Menteri Kewangan. Boleh sebut?

■1150

**Tuan Sanisvara Nethaji Rayer a/l Rajaji [Jelutong]:** Yang Berhormat Pasir Salak, kalau berani, ulang di luar Dewan.

**Tuan Su Keong Siong [Kampar]:** Yang Berhormat Pasir Salak, duduklah!

**Tuan Sanisvara Nethaji Rayer a/l Rajaji [Jelutong]:** Saya cabar!

**Puan Wong Shu Qi [Kluang]:** 1MDB... [Berucap tanpa menggunakan pembesar suara] [Dewan riuh]

**Tuan Yang di-Pertua:** Saya telah membuat *ruling*. Jadi, *ruling* saya mesti dipatuhi. Teruskan dengan isu lain.

**Dato' Sri Ismail Sabri bin Yaakob [Bera]:** Saya teruskan dengan isu lain.

**Tuan Yang di-Pertua:** Ya, terima kasih.

**Tuan Wong Kah Woh [Ipoh Timur]:** Tarik balik! Ketua Pembangkang kena tarik balik!

**Beberapa Ahli:** Tarik balik, tarik balik.

**Dato' Sri Haji Tajuddin bin Abdul Rahman [Pasir Salak]:** Tuan Yang di-Pertua, saya tak habis... *[Berucap tanpa menggunakan pembesar suara] [Dewan riuh]*

**Dato' Sri Ismail Sabri bin Yaakob [Bera]:** Boleh saya teruskan?

**Tuan Yang di-Pertua:** Ya, Ketua Pembangkang akan meneruskan dengan isu-isu lain. Itu kesannya sama lah ya. Baik, baik. Silakan.

**Dato' Sri Ismail Sabri bin Yaakob [Bera]:** Rakyat hidup di luar bandar dan bandar, hidup di dalam keadaan...

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, Tuan Yang di-Pertua. Tuan Yang di-Pertua, saya minta maaf, saya minta maaf. Saya minta *ruling*, saya minta supaya kalau perkara ini dibenarkan, Ahli-ahli Yang Berhormat lain akan meneruskan dengan hujahan selepas mengeluarkan kenyataan-kenyataan begitu. Ia akan menyebabkan... *[Dewan riuh]*

**Dato' Haji Ahmad Nazlan bin Idris [Jerantut]:** Teruklah kalau semua orang boleh bercakap tanpa ada Speaker ini!

**Tuan Sanisvara Nethaji Rayer a/l Rajaji [Jelutong]:** Saya cabar Yang Berhormat Bera... *[Berucap tanpa menggunakan pembesar suara]*

**Tuan Yang di-Pertua:** Saya telah membuat *ruling*, tidak boleh ditimbulkan dalam Dewan yang mulia ini, saya harap semua orang faham apa Dewan yang mulia sini. Kalau ditimbulkan oleh Ahli-ahli yang lain, *ruling* saya tetap kekal. Perkara ini tidak boleh dibangkitkan kecuali ada bukti-bukti kukuh ya.

**Dato' Sri Ismail Sabri bin Yaakob [Bera]:** Okey.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, saya minta maaf. Kelmarin, Yang Berhormat Johor Bahru telah mematuhi arahan dan menarik balik kenyataan. Jadi, kalau benarkan Yang Berhormat Bera meneruskan, ia adalah sesuatu yang tidak bertanggungjawab. Dia perlu mematuhi arahan Tuan Yang di-Pertua.

**Tuan Haji Awang bin Hashim [Pendang]:** Yang Berhormat Jelutong, kami minta bukti. Tak boleh dibuktikan!

**Tuan Sanisvara Nethaji Rayer a/l Rajaji [Jelutong]:** Perlu tarik baliklah. *There cannot be double standard, there cannot be double standard!*

**Tuan Yang di-Pertua:** Sila tarik balik sebab itu arahan saya. Memang ada *point* ya... *[Dewan riuh]*

**Beberapa Ahli:** Tarik balik! Tarik balik!

**Tuan Yang di-Pertua:** Tarik balik, tarik balik.

**Tuan Wong Kah Woh [Ipoh Timur]:** Tarik balik sahaja, tak payah tanya-tanya.

**Tuan Sanisvara Nethaji Rayer a/l Rajaji [Jelutong]:** Kena tarik balik kerana itu jangkaan kepada Ahli Parlimen! Tuduhan!

**Tuan Wong Kah Woh [Ipoh Timur]:** Ini Cuma... *[Berucap tanpa menggunakan pembesar suara] [Dewan riuh]*

**Beberapa Ahli:** Tarik balik! Tarik balik!

**Tuan Yang di-Pertua:** *Ruling* telah pun saya buat supaya tarik balik.

**Dato' Sri Ismail Sabri bin Yaakob [Bera]:** *[Berucap tanpa menggunakan pembesar suara]*

**Tuan Yang di-Pertua:** Ya lah, daripada segi teknikalnya tarik balik dululah ya.

**Dato' Sri Ismail Sabri bin Yaakob [Bera]:** *Ruling* supaya tidak membangkitkan semula.

**Tuan Su Keong Siong [Kampar]:** Tarik balik! Tarik balik!

**Tuan Sanisvara Nethaji Rayer a/l Rajaji [Jelutong]:** Tarik balik kenyataan! Tarik balik!

**Dato' Dr. Noraini Ahmad [Parit Sulong]:** Ini yang panas sangat ini apa pasal?...  
[*Dewan riuh*]

**Tuan Sanisvara Nethaji Rayer a/l Rajaji [Jelutong]:** Langsung tak hormat Tuan Yang di-Pertua. Langsung tak hormat!

**Tuan Yang di-Pertua:** Semua duduk. Sila duduk, sila duduk. Yang Berhormat Kampar, sila duduk. Ya, Yang Berhormat Kuala Krau ada nak bawa peraturan mesyuarat. Silakan Yang Berhormat Kuala Krau.

**Dato' Haji Abdul Rahman bin Mohamad [Lipis]:** Kita sini berapa panas, haaa. Yang Berhormat Pekan, Yang Berhormat Pekan, Yang Berhormat Pekan. Sekarang rasa panas? Kita tak nak tarik balik.

**Tuan Haji Awang bin Hashim [Pendang]:** Tuan Yang di-Pertua, Tuan Yang di-Pertua.

**Tuan Sanisvara Nethaji Rayer a/l Rajaji [Jelutong]:** Tarik balik kenyataan! Tarik balik! Tarik balik!

**Tuan Yang di-Pertua:** Yang Berhormat Pekan, Yang Berhormat Lipis, sila duduk.

**Dato' Haji Abdul Rahman bin Mohamad [Lipis]:** Minta Menteri Kewangan jawab. Ini minta Menteri Kewangan jawab.

**Tuan Sanisvara Nethaji Rayer a/l Rajaji [Jelutong]:** Kelakuan yang biadab, kelakuan yang biadab!

**Tuan Haji Awang bin Hashim [Pendang]:** Tuan Yang di-Pertua.

**Tuan Yang di-Pertua:** Saya akan mendengar Yang Berhormat Kuala Krau yang akan membangkitkan peraturan mesyuarat. Silakan.

**Dato' Sri Dr. Haji Ismail bin Haji Mohamed Said [Kuala Krau]:** Tuan Yang di-Pertua dan Ahli-ahli Dewan yang saya hormati sekalian, ini adalah suatu sejarah yang baharu dalam Dewan yang mulia ini...

**Tuan Sanisvara Nethaji Rayer a/l Rajaji [Jelutong]:** Peraturan mesyuarat mana? Peraturan mesyuarat mana?... [*Dewan riuh*]

**Tuan Yang di-Pertua:** Kita dengar dahulu, dengar dahulu. Ya, ya. Yang Berhormat Paya Besar, sila duduk. Ya, silakan.

**Dato' Sri Dr. Haji Ismail bin Haji Mohamed Said [Kuala Krau]:** Saya ingin respons daripada apa yang telah diberikan petua oleh Tuan Yang di-Pertua terhadap Peraturan Mesyuarat 36(6).

Sebenarnya Tuan Yang di-Pertua, banyak bahan yang kita rujuk sebelum ini seperti surat khabar sama ada *Berita Harian*, *Utusan Malaysia*, *Sarawak Report* dan pembacaan-pembacaan kita tentang keputusan atau yang diulas mengenai DOJ juga melalui surat khabar dan jurnal-jurnal. Tuan Yang di-Pertua, saya mohonlah supaya kalau kita bukannya seorang Ahli itu menurut Peraturan 36(6) untuk mempunyai niat sangkaan jahat seperti mana Yang Berhormat Ketua Pembangkang sebut. Dia memetik tulisan Raja Petra dan petikan itu ditanya... [*Dewan riuh*] Dengar dulu Yang Berhormat, dengar dulu.

**Tuan Yang di-Pertua:** Dengar Yang Berhormat Kuala Krau, silakan.

**Dato' Sri Dr. Haji Ismail bin Haji Mohamed Said [Kuala Krau]:** ...dan Yang Berhormat Ketua Pembangkang memberi cadangan kepada Yang Berhormat Menteri Kewangan, Yang Berhormat Bagan untuk menjawab atau memberikan penjelasan dalam Dewan apabila giliran Yang Berhormat Menteri Kewangan menjawab nanti. Jadi, ada peluang. Yang Berhormat Bera bukan kata ini Yang Berhormat Bagan terlibat dengan skandal terowong, tak. Akan tetapi memetik petikan sebagaimana...

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, Yang Berhormat Kuala Krau mengulangkan... *[Berucap tanpa menggunakan pembesar suara]* *[Dewan riuh]*

**Tuan Yang di-Pertua:** Biarkan Yang Berhormat Kuala Krau habiskan. Ya, silakan.

**Dato' Sri Dr. Haji Ismail bin Haji Mohamed Said [Kuala Krau]:** Saya tak mengulang, saya kata bukan Yang Berhormat Ketua Pembangkang sebut Yang Berhormat Pekan, eh Yang Berhormat Bagan terlibat dalam skandal terowong, bukan. Itu petikan Raja Petra melalui tulisan. Begitu juga Ahli-ahli Yang Berhormat sana begitu teruk menghentam Yang Berhormat Pekan dalam tulisan, jurnal, *Sarawak Report* dan bagai-bagai Ahli-ahli Yang Berhormat lain dapati, berhujah dalam Dewan ini. Adalah tak adil Yang Berhormat. Jadi, ini...

**Tuan Su Keong Siong [Kampar]:** Perintah tetap, perintah kata apa?

**Beberapa Ahli:** *[Bangun]* *[Dewan riuh]*

**Dato' Sri Dr. Haji Ismail bin Haji Mohamed Said [Kuala Krau]:** Saya harap, saya harap, kita dah lama.

**Tuan Yang di-Pertua:** Mohon yang lain-lain yang tidak terlibat secara langsung duduk dahulu ya, silakan.

**Dato' Sri Dr. Haji Ismail bin Haji Mohamed Said [Kuala Krau]:** Kita dah lama mengadakan sistem Demokrasi Berparlimen. Sidang Dewan Rakyat ini berhujah dan ada peluang di sini berbahas, ada peluang di sana menjawab. Itu adalah sistem yang kita amalkan selama ini. Saya harap Tuan Yang di-Pertua mempunyai inspirasi yang cukup baik untuk meningkatkan martabat Dewan yang mulia ini. Mohon sangatlah, janganlah disekat-sekat petikan-petikan tertentu untuk mendapatkan penjelasan kepada Ahli Yang Berhormat yang lain. Saya mohon sangat, Yang Berhormat. Terima kasih.

**Tuan Ramkarpal Singh a/l Karpal Singh [Bukit Gelugor]:** Peraturan Mesyuarat, Peraturan Mesyuarat.

**Tuan Yang di-Pertua:** Ya, Yang Berhormat Bukit Gelugor.

**Tuan Ramkarpal Singh a/l Karpal Singh [Bukit Gelugor]:** Tuan Yang di-Pertua, saya ingin bertanya berkenaan dengan apa yang disebutkan oleh Yang Berhormat Kuala Krau. Pada pendapat saya, Yang Berhormat Kuala Krau itu menyoal *ruling* yang telah pun dibuat oleh Tuan Yang di-Pertua tadi. *He is asking.*

Tuan Yang di-Pertua, saya ingin membawa perhatian kepada Peraturan Mesyuarat 43 yang jelasnya menyatakan bahawa sesuatu *ruling* itu adalah *final*. Sekiranya apa apa-apa penyoalan ataupun penjelasan yang ingin diminta berkenaan dengan *ruling* tersebut, ianya perlu dibuat melalui satu usul. Jadi, itu adalah Peraturan Mesyuarat dan rakan saya merupakan seorang bekas Tuan Yang di-Pertua. Beliau tahu berkenaan perkara ini.

**Dato' Sri Dr. Haji Ismail bin Haji Mohamed Said [Kuala Krau]:** *[Bangun]*

**Tuan Ramkarpal Singh a/l Karpal Singh [Bukit Gelugor]:** *No, let me finish.* Jadi, ini adalah satu prosedur. Kalau kita membenarkan perkara-perkara seperti untuk minta penjelasan, *we go on 28n don. It will never end.* Itu sebabnya kita mempunyai satu Peraturan Mesyuarat 43. Sekiranya rakan ataupun kawan-kawan saya di sebelah sana tidak berpuas hati atau *happy* dengan *ruling* tersebut, ada *avenue*, ada *relief* iaitu untuk memfailkan usul. Jadi, saya mohon agar Tuan Yang di-Pertua membuat *ruling* bahawa satu usul difailkan sekiranya *ruling* Tuan Yang di-Pertua tadi dipersoalkan seperti oleh Yang Berhormat Kuala Krau. Terima kasih.

**Dato' Sri Dr. Haji Ismail bin Haji Mohamed Said [Kuala Krau]:** Tuan Yang di-Pertua, saya- izinkan saya, Tuan Yang di-Pertua. Saya sangat menghormati Yang Berhormat Bukit Gelugor tentang hujah dan saya juga faham tentang Peraturan Mesyuarat 43, 44 dan sebagainya.

Cuma saya dengan izin tadi minta Tuan Yang di-Pertua memberikan peluang dan budi bicara untuk saya memberikan pandangan. Saya percaya Tuan Yang di-Pertua dengan tenang mendengar meneliti. Saya tak faham kenapa ada Ahli Yang Berhormat yang lain mempersoalkan apabila kebenaran untuk saya bangun dan memberikan pandangan tersebut dengan secara berhemah.



Jadi, saya minta budi bicara Tuan Yang di-Pertua untuk mempertimbangkan apa sahaja yang ditimbulkan oleh rakan-rakan sama ada di sebelah sana dan sebelah sini mengenai terbitan-terbitan, jurnal-jurnal, surat khabar dan sebagainya yang boleh kita tanya adakah perkara itu benar dan pihak yang ditanya diberi peluang untuk memberikan penjelasan. Itu sahaja Tuan Yang di-Pertua.

**Tuan Yang di-Pertua:** Baik.

**Tuan Haji Awang bin Hashim [Pendang]:** Tuan Yang di-Pertua, sikit tambah. Tuan Yang di-Pertua.

**Tuan Yang di-Pertua:** Yang Berhormat Pendang, peraturan mesyuarat kah?

**Tuan Haji Awang bin Hashim [Pendang]:** Ya. Untuk tambah apa yang Yang Berhormat Kuala Krau sebut tadi.

**Tuan Yang di-Pertua:** Apa asasnya?

**Tuan Haji Awang bin Hashim [Pendang]:** Yang tadi Peraturan Mesyuarat 36(6) untuk bangkitkan berkenaan dengan sangkaan yang perbandingan di antara kelmarin, semalam, isu semalam dengan hari ini.

■1200

**Tuan Yang di-Pertua:** Semalam cerita semalamlah.

**Tuan Haji Awang bin Hashim [Pendang]:** Tidak, yang dia bangkitkan tadi fasal semalam. Hari ini isu lain. Ini satu kenyataan...

**Tuan Yang di-Pertua:** Boleh tolong duduk. Prinsipnya sama saja.

**Tuan Haji Awang bin Hashim [Pendang]:** ...Kelmarin tuduhan jahat. Ini isu kenyataan. Kalau tidak betul memang kita nafilah. Kita terima. Ia berbeza... [Dewan riuh]

**Tuan Yang di-Pertua:** Pokoknya sekarang ialah *ruling* telah dibuat, ada asasnya. Saya membuat *ruling* itu atas asas bahawa tidak ada fakta ataupun *basis* yang kukuh, dasar yang kukuh. Jadi, saya akur dengan apa yang disebutkan oleh Yang Berhormat Kuala Krau yang juga mempunyai pengalaman pernah duduk di sini sebagai Tuan Yang di-Pertua. Jadi sebab itu, saya membenarkan Ketua Pembangkang untuk meneruskan atas hujah-hujah lain. Saya ingat itu adalah cara yang terbaik untuk masa ini.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, saya minta maaf. Saya merayu sekali lagi kalau tidak ada... [Dewan riuh]

**Dato' Sri Ismail Sabri bin Yaakob [Bera]:** ...*Ruling*.

**Tuan Yang di-Pertua:** Tuan Yang di-Pertua, kelmarin Tuan Yang di-Pertua telah membuat *ruling* atas isu yang sama diminta supaya...

**Tuan Haji Awang bin Hashim [Pendang]:** Yang Berhormat Jelutong minta jawatan jadi Tuan Yang di-Pertua kalau... [Dewan riuh]

**Tuan Yang di-Pertua:** Walau apa pun, Tuan Yang di-Pertua mempunyai budi bicara. Saya lihat daripada inti pati sesuatu *ruling* itu. Ya, teruskan. Kalau tidak kita akan berbahas sampai pukul 12 tengah malam.

**Dato' Sri Ismail Sabri bin Yaakob [Bera]:** Terima kasih Tuan Pengerusi.

**Tuan Haji Awang bin Hashim [Pendang]:** Kita harap Yang Berhormat Jelutong tidak jadi Tuan Yang di-Pertua.

**Tuan Yang di-Pertua:** Sila duduk, sila duduk, sila duduk. Teruskan. Oleh sebab masa pun hampir habis. Ya, silakan.

**Dato' Sri Ismail Sabri bin Yaakob [Bera]:** Tuan Yang di-Pertua, rakyat miskin luar bandar dan bandar kini hidup di dalam keadaan yang amat terhimpit akibat kegagalan Kerajaan Pakatan Harapan yang memerintah hari ini. Ketika ini, para peneroka FELDA dan pekebun kecil merasa begitu resah dan gelisah selepas harga komoditi sawit mencatatkan penurunan hari demi hari sekali gus menjejaskan pendapatan mereka sehingga memperoleh pendapatan kasar sekitar RM1,000 ribu sebulan.

Dalam sebulan, setiap peneroka dianggarkan dapat menuai kira-kira empat tan hasil kelapa sawit setiap sepuluh ekar. Anggaran pendapatan diperoleh selepas mengambil kira harga sawit ketika ini iaitu purata kira-kira RM320 sehingga RM380 pada 7 Mac 2019 bagi satu metrik tan selepas ditolak pula dengan pelbagai kos operasi lain seperti baja, racun dan upah memotong buah sawit. Peneroka hanya mendapat purata pendapatan sekitar RM300 sehingga RM500 sahaja sebulan. Dengan hanya sekitar RM300 sehingga RM500 sahaja, apa yang mampu mereka lakukan? Itu belum lagi ditolak bil-bil serta pinjaman yang perlu mereka selesaikan.

Bagi peneroka FELDA pula, menerima bayaran kini adalah dalam selepas dua bulan, mereka menjual hasil tanaman mereka. Dengan ekonomi serta kos sara hidup yang tinggi ketika ini, apa yang mampu mereka lakukan? Inilah yang sepatutnya Kerajaan Pakatan Harapan lihat dengan teliti. Bukannya membuat keputusan-keputusan yang tidak menguntungkan rakyat seperti ingin membina kereta terbang dan sebagainya.

Semasa Kerajaan Barisan Nasional, sekiranya pendapatan peneroka kurang daripada RM1,500 sebulan, maka kerajaan menangguhkan semua pembayaran hutang oleh peneroka FELDA. Jadi, sekali lagi saya mencadangkan di sini, walaupun telah beberapa kali cadangan dibuat dan mungkin tidak dilayan oleh Kerajaan Pakatan Harapan, sekali lagi saya mencadangkan supaya Kerajaan Pakatan Harapan meneruskan apa yang dilakukan oleh Kerajaan Barisan Nasional dulu iaitu apabila pendapatan mereka kurang RM1,500 sebulan, maka segala hutang mereka ditangguhkan.

**Dato' Haji Salim Sharif [Jempol]:** Yang Berhormat Bera.

**Dato' Sri Ismail Sabri bin Yaakob [Bera]:** Saya kira itu tidak berat.

**Dato' Haji Salim Sharif [Jempol]:** Yang Berhormat Bera.

**Dato' Sri Ismail Sabri bin Yaakob [Bera]:** Saya kira itu tidak berat. Ini kerana apa? Ini kerana di dalam janji pilihan raya mereka...

**Dato' Haji Salim Sharif [Jempol]:** Yang Berhormat Bera.

**Dato' Sri Ismail Sabri bin Yaakob [Bera]:** ...Mereka ingin menghapuskan semua hutang-hutang peneroka. Saya tidak minta supaya dihapuskan segala hutang peneroka, Cuma minta supaya tangguhkan hutang sewaktu pendapatan mereka kurang daripada RM1,500.

**Dato' Haji Salim Sharif [Jempol]:** Yang Berhormat Bera. Saya hendak menambah...

**Dato' Sri Ismail Sabri bin Yaakob [Bera]:** Ya, silakan Yang Berhormat Jempol.

**Dato' Haji Salim Sharif [Jempol]:** Terima kasih Yang Berhormat Bera. Saya hendak menambah tentang kesengsaraan, penderitaan rakyat yang FELCRA pula. Di kawasan saya telah sembilan bulan tidak bayar sara hidup. Ini lagi teruk daripada apa yang disebut tadi. Jadi, kesengsaraan rakyat ini perlu dibela. Jadi, Kerajaan Pakatan Harapan ini, janganlah menganiaya rakyat. Rakyat tengah derita sekarang ini. Jadi, saya mohon supaya ianya dapat dimasukkan bersekali dengan kesengsaraan rakyat tadi.

**Dato' Sri Ismail Sabri bin Yaakob [Bera]:** Saya mohon masukkan sebagai sebahagian daripada ucapan saya. Menteri Industri Utama mencadangkan agar pekebun sawit, peneroka dan peserta FELCRA menanam tanaman alternatif lain bagi menggantikan kelapa sawit dan menjana pendapatan mereka. Usaha tersebut amat murni sekali. Ibarat menanam buluh hari ini, esok tumbuh mekar dan boleh mengeluarkan hasilnya.

Apakah kerajaan telah mengambil kira faktor-faktor lain seperti berikut? Tempoh matang. Sebelum buluh dapat dituai, apakah sumber pendapatan pekebun sepanjang tempoh tersebut? Apakah kerajaan akan menyalurkan bantuan kepada golongan pekebun sekiranya ingin membuat penanaman semula kepada buluh serta bantuan yang akan diberikan sehingga tempoh boleh semai? Adakah sudah terdapat pasaran yang besar bagi memasarkan hasil-hasil tersebut? Saya mohon Yang Berhormat Menteri memberikan penjelasan.

Selain itu, masalah berkaitan pekebun kecil getah juga perlu mendapat perhatian yang lebih daripada pihak kerajaan bagi menjamin taraf kehidupan mereka lebih terjamin menempuh peningkatan kos sara hidup yang dihadapi sekarang. Adakah kerajaan sedar bahawa penoreh getah ketika ini sukar untuk meneruskan kehidupan mereka? Ini kerana

harga getah yang sangat tidak stabil. Apakah mekanisme kerajaan di dalam menstabilkan harga getah supaya dapat membantu penoreh dan pekebun-pekebun kecil getah?

Oleh itu, saya ingin bertanya, apakah usaha kerajaan dalam merencanakan kajian di dalam memaksimumkan penggunaan getah bagi kegunaan industri dalam negara terutamanya agar kita dapat melonjakkan harga getah ke peringkat yang lebih tinggi? Pada masa kini, apa yang perlu dilaksanakan oleh pihak kerajaan adalah mencari solusi baharu...

**Tuan Haji Awang bin Hashim [Pendang]:** Yang Berhormat Bera.

**Dato' Sri Ismail Sabri bin Yaakob [Bera]:** ...Di dalam mempelbagaikan produk hasil daripada kelapa sawit dan getah negara. Meningkatkan industri hiliran dan meluaskan hasil sawit dan getah kita kepada pasaran yang lebih besar dan bukannya berkelahi dengan negara-negara pengimport seperti China dan sebagainya.

**Tuan Haji Awang bin Hashim [Pendang]:** Yang Berhormat Bera. Minta sedikit tambahan.

**Tuan Yang di-Pertua:** Silakan.

**Tuan Haji Awang bin Hashim [Pendang]:** Terima kasih Yang Berhormat Bera. Kita sekarang ini pernah dimaklumkan oleh Menteri Kewangan berkenaan dengan harga lantai getah dan telah diumumkan bahawa harga lantai untuk meningkatkan hasil kepada penoreh-penoreh getah RM2.50. Akan tetapi, apa yang berlaku sekarang, kaedahnya lebih menyusahkan penoreh-penoreh getah kerana harga getah sekarang masih lagi dalam lingkungan di antara RM2, RM1.90 sehingga RM2.20.

Katakanlah penoreh menjual RM2.20, lagi 30 sen penoreh getah kena pergi lebih kurang 20 kilometer hingga 30 kilometer daripada tempat dia menjual getah untuk menuntut lebih 30 sen ini kepada LGM yang berada di pusat-pusat tertentu dalam bandar. Kebun getah di luar bandar. Pusat menuntut lebih untuk mendapat RM2.50 di dalam bandar yang mana penoreh terpaksa untuk berbelanja untuk minyak, makan melebihi RM20 hingga RM30 untuk sampai bagi mendapat 30 sen yang mana kadang-kadang tuntutan tidak sampai RM20.

Ini kita minta Yang Berhormat Bera ataupun Ketua Pembangkang supaya membuat satu cadangan kerajaan terus kepada *price supplier* getah ataupun pembeli-pembeli getah supaya menyenangkan dan memudahkan penoreh-penoreh getah untuk mendapat harga lantai RM2.50. Terima kasih.

**Dato' Sri Ismail Sabri bin Yaakob [Bera]:** Terima kasih Yang Berhormat. Memang itulah masalah yang dihadapi oleh pekebun-pekebun kecil ketika ini untuk menuntut perbezaan harga tersebut. Saya bersetuju dengan pandangan Yang Berhormat dan kita masukkan dalam sebahagian ucapan saya. Terima kasih.

Waktu, Kerajaan Barisan Nasional, kita sedar tentang kesusahan penoreh getah terutamanya sewaktu musim tengkujuh.

#### ■1210

Sebab itulah kita memberikan elaun sara hidup waktu musim tengkujuh sebanyak RM200 sebulan walaupun tidak mencukupi sekurang-kurangnya mengurangkan bebanan mereka. Saya berharap supaya elaun musim tengkujuh ini diteruskan kepada nelayan.

Seperti yang kita sedia maklum, elaun sara hidup kepada golongan nelayan telah pun diturunkan daripada RM300 kepada RM200. Tujuan kita memberikan elaun sara hidup nelayan untuk mengurangkan bebanan mereka kerana pendapatan nelayan tidak menentu. Mereka keluar ke laut menggunakan minyak diesel dan sebagainya- pergi kosong, belum tentu pulangnya berisi. Kemungkinan pergi kosong, pulangnya kosong. Sebab itulah pihak kerajaan memperuntukkan sebanyak RM300 untuk membantu nelayan. Kita tidak pernah mengatakan nelayan malas dan sebagainya. Kita tidak pernah membangkitkan soal nelayan tidak pergi ke laut kerana malas bekerja dan sebagainya kerana nelayan tidak turun ke laut kerana musim yang begitu bergelora yang boleh membahayakan nyawa mereka.

Sebab itulah kita memberikan peruntukan RM300 untuk golongan nelayan ini tetapi telah pun dikurangkan kepada RM200. Dengan kenaikan kos sara hidup hari ini, sepatutnya pihak kerajaan tidak boleh mengurangkan perbelanjaan ataupun elaun sara hidup nelayan kepada RM200 dan saya mohon supaya dikekalkan RM300.

Apabila kerajaan membuat keputusan untuk mengurangkan jumlah tersebut, adakah pihak kerajaan telah menjalankan kajian yang menyeluruh dengan mengambil kira kos sara hidup yang semakin meningkat ini? Apakah pemberian RM200 ini diberikan sekadar 'melepaskan batuk di tangga'? atau pihak kerajaan kluatir akan kehilangan sokongan daripada golongan ini. Malah, harga pasaran ikan yang tinggi disebabkan wujudnya penglibatan orang tengah yang mengaut keuntungan dari nelayan, dan juga harga yang tinggi kepada pembeli.

Sebelum ini, Kerajaan Barisan Nasional telah melaksanakan jihad memerangi orang tengah bagi meningkatkan pendapatan nelayan dan mengurangkan harga kepada *consumer*. Apakah perancangan kerajaan bagi menghapuskan isu orang tengah ini akan diteruskan oleh kerajaan hari ini atau pun tidak? Saya harap Yang Berhormat Menteri Pertanian boleh menjawab persoalan ini.

Nelayan tempatan juga berdepan dengan isu pukut tunda, iaitu pencerobohan oleh pukut tunda nelayan tempatan dan juga pukut tunda nelayan asing. Apakah kerajaan berhasrat untuk mengharamkan penggunaan pukut tunda di Zon B yang sentiasa menceroboh di kawasan Zon A? Kerana perkara ini telah pun diumumkan oleh Kerajaan Barisan Nasional dahulu tetapi ditangguhkan. Adakah pihak kerajaan hari ini akan meneruskan cadangan kita untuk mengharamkan pukut tunda daripada Zon B ini dan juga mengharamkan kepada pukut-pukut tunda daripada luar yang kini menggunakan lesen nelayan-nelayan tempatan.

Aktiviti ekonomi di luar bandar juga perlu dipertingkatkan bagi memberikan lebih banyak peluang pekerjaan kepada penduduk setempat di dalam usaha membantu meningkatkan taraf sosioekonomi mereka. Keadaan dan perkembangan di luar bandar-masih banyak memerlukan perubahan dalam usaha meningkatkan kuasa beli mereka. Saya ingin bertanya, apakah perancangan daripada pihak kerajaan hari ini untuk membangunkan belia luar bandar bagi meningkatkan pendapatan mereka.

Saya juga ingin bertanya tentang isu yang melibatkan perumahan generasi kedua kampung tradisional. Kita ada Program Perumahan Generasi Kedua FELDA tetapi tidak ada Program Perumahan Generasi Kedua Kampung Tradisional. Sewaktu Kerajaan Barisan Nasional memerintah, kita memperkenalkan program perumahan untuk generasi kedua kampung tradisional iaitu Program Rumah Bina Negara. Saya difahamkan program ini telah pun dibatalkan oleh Kerajaan Pakatan Harapan hari ini. Soalan saya, apakah alternatif kepada projek tersebut? Adakah ia dibatalkan terus ataupun ada nama-nama lain kerana seperti kita tahu kecekapan Kerajaan Pakatan Harapan hari ini meneruskan projek yang lama dengan menukar nama baru dan sebagainya.

Tuan Yang di-Pertua, saya terpenggil untuk membangkitkan isu berkenaan dengan penghinaan agama yang semakin berleluasa sejak kebelakangan ini. Daripada satu kes kepada satu kes yang lain dan kebiasaannya yang menjadi sasaran adalah penghinaan terhadap agama Islam, agama suci yang menjadi amalan dan anutan majoriti penduduk di negara ini. Penghinaan terhadap agama ini sememangnya tidak boleh diterima langsung kerana ia boleh menggugat keamanan dan mencetuskan huru-hara. Apatah lagi dengan kedudukan Islam sebagai agama rasmi bagi Persekutuan seperti mana yang diperuntukkan di dalam Perkara 3, Perlembagaan Persekutuan. Namun, masih terdapat lagi individu tidak bertanggungjawab dengan sengaja mencetuskan provokasi, menghina agama Islam termasuklah penghinaan terhadap junjungan besar, Rasulullah SAW serta keluarga Baginda.

Perbuatan menghina Baginda Rasulullah SAW adalah satu perkara yang sangat biadab dan tidak boleh diterima sama sekali.

**Seorang Ahli:** Betul.

**Dato' Sri Ismail Sabri bin Yaakob [Bera]:** Komitmen kerajaan untuk mengatasi beberapa peruntukan membabitkan kesalahan terhadap kebencian agama dan perkauman perlu direalisasikan segera, memandangkan penghinaan terhadap agama semakin menular di kalangan masyarakat. Malahan, bukan hanya penghinaan terhadap agama Islam sahaja yang perlu diberikan perhatian, bahkan penghinaan terhadap agama lain juga perlu diambil tindakan yang tegas. Jangan hanya manis di mulut sahaja walaupun Unit Pemantauan Isu Hina Islam telah ditubuhkan tetapi tiada tindakan susulan yang lebih tegas dikenakan terhadap individu yang bersalah.

**Tuan Haji Awang bin Hashim [Pendang]:** Yang Berhormat Bera, minta sedikit Yang Berhormat Bera. Minta laluan.

**Dato' Sri Ismail Sabri bin Yaakob [Bera]:** Tindakan yang keras perlu diambil dalam usaha memastikan perkara ini tidak terus menular dan menjadi barah kepada keharmonian kaum yang telah tercipta sekian lama. Saya ingin bertanya kepada Yang Berhormat Menteri yang menjaga agama, apakah bidang kuasa perundangan Unit Pemantauan Isu Hina Agama ini? Apakah tindakan yang boleh dilakukan atau sekadar untuk menerima aduan semata-mata?

**Dato' Takiyuddin bin Hassan [Kota Bharu]:** Yang Berhormat, minta laluan.

**Dato' Sri Haji Tajuddin bin Abdul Rahman [Pasir Salak]:** Pasir Salak sedikit?

**Tuan Yang di-Pertua:** Yang Berhormat Pasir Salak kah, Yang Berhormat Pendang?

**Dato' Sri Ismail Sabri bin Yaakob [Bera]:** Yang Berhormat Pendang dahulu.

**Tuan Yang di-Pertua:** Silakan Yang Berhormat Pendang dan selepas itu...

**Tuan Haji Awang bin Hashim [Pendang]:** Terima kasih Yang Berhormat Bera, Yang Berhormat Ketua Pembangkang. Saya hendak minta pandangan daripada Yang Berhormat Ketua Pembangkang, apakah apabila kita memanggil ataupun kita membuat kenyataan kita bersatu atas nama Islam boleh dikatakan perkauman atau pun rasis serta boleh dilabelkan sebagai Taliban? Ini juga saya hendak minta pandangan daripada Ketua Pembangkang.

Keduanya, apabila kita sebut penyatuan atas nama Islam dikatakan sebagai perkauman, rasis dan sebagainya. Sedangkan kita Islam memanggil semua, tidak kira yang beragama Islam dan bukan beragama Islam supaya kita bersatu di bawah atas nama Islam kerana Islam penuh dengan tolak ansur dan tidak pernah menzalimi sesiapa. Satu lagi, kita tengok- saya berasa sedih apabila dikatakan apabila kita menyebut atas nama Islam, bersatu atas nama Islam dikatakan Taliban. Taliban berdiri sebagai kerajaan atas peperangan. Kerajaan- contoh kita ambil kerajaan PAS Kelantan, kita berdiri atas demokrasi tanpa ada kita menzalimi sesiapa. Tokong berdiri, tidur dan duduk masih ada daripada tahun sebelum 1990. PAS sudah memerintah 18 tahun, dari tahun 1990 sampai sekarang 28 tahun- 46 tahun tidak ada seorang pun yang kena kerat kepala oleh yang dituduh Taliban ini.

Ini satu kenyataan yang sangat berbahaya! Perlu kita melihat kepada kenyataan yang mencetuskan huru-hara kepada rakyat yang berbilang kaum ini.

■1220

Saya hendak minta, apa pandangan Yang Berhormat Ketua Pembangkang tentang kenyataan-kenyataan yang menuduh kita rasis, sedangkan kenyataan mereka adalah sangat perkauman! Minta pandangan daripada Ketua Pembangkang.

**Dato' Sri Ismail Sabri bin Yaakob [Bera]:** Saya anggap ini sebagai satu hasutan yang perlu diambil tindakan oleh pihak berkuasa... [*Tepuk*] dan dihadapkan mereka ke mahkamah. Kita jangan pentingkan individu, tetapi kita pentingkan rakyat secara keseluruhannya. Kita tidak mahu kerana kenyataan yang dibuat oleh satu dua individu, yang menjadi sengsara kerana akibat perpecahan kaum dan sebagainya, yang menjadi sengsara adalah rakyat jelata.

Saya bersetuju dengan apa yang dibangkitkan oleh Yang Berhormat Pendang. Yang Berhormat Bagan, jangan marah. Ini memang ada kenyataan daripada Yang Berhormat Bagan, menyatakan apabila ada penyatuan di antara, ada kerjasama di antara UMNO dan PAS, ia merupakan satu pengisytiharan perang kepada kaum bukan Melayu dan Islam... [*Tepuk*]

Adakah ia merupakan provokasi kepada kaum bukan Melayu, untuk mengisytiharkan perang kepada orang Melayu di negara kita... [*Tepuk*]

**Seorang Ahli:** Yang Berhormat Jelutong setuju!

**Dato' Sri Ismail Sabri bin Yaakob [Bera]:** Ini merupakan satu provokasi yang amat serius. Kalaupun provokasi ini diambil oleh pihak orang bukan Melayu dan seterusnya mengisytiharkan perang kepada orang Melayu, bermakna tentu sahaja akan berlaku sesuatu perkara yang tidak kita ingini seperti 13 Mei 1969 dahulu. Sebab itulah...

**Dato' Takiyuddin bin Hassan [Kota Bharu]:** Berperang pun boleh. Kita sambut perang kalau mahu perang.

**Datuk Seri Haji Ahmad bin Haji Maslan [Pontian]:** Yang Berhormat Bera. Yang Berhormat Bera...

**Dato' Sri Ismail Sabri bin Yaakob [Bera]:** Macam mana? Ulang sekali lagi. Ulang sekali lagi.

**Dato' Sri Azalina Othman Said [Pengerang]:** Siapa cakap itu, siapa cakap? Siapa cakap itu, siapa yang cakap?

**Tuan Che Alias bin Hamid [Kemaman]:** Siapa cakap sambut perang?

**Tuan Yang di-Pertua:** Tidak dengar. Saya tidak dengar.

**Dato' Takiyuddin bin Hassan [Kota Bharu]:** Saya cakap kalau ada isytihar perang, kita boleh sambut perang. Itu akan berlaku.

**Tuan Sanisvara Nethaji Rayer a/l Rajaji [Jelutong]:** Mana boleh Yang Berhormat.

**Tuan Cha Kee Chin [Rasah]:** Tuan Yang di-Pertua, saya mohon rujuk Yang Berhormat Kota Bharu untuk tindakan. Dia kena tarik balik.

**Tuan Sanisvara Nethaji Rayer a/l Rajaji [Jelutong]:** Janganlah. Tarik balik!

**Tuan Cha Kee Chin [Rasah]:** Yang Berhormat Kota Bharu jangan berperang. Kamu orang profesional.

**Tuan Sanisvara Nethaji Rayer a/l Rajaji [Jelutong]:** Yang Berhormat, tarik balik kenyataan itu Yang Berhormat. Tarik balik.

**Dato' Takiyuddin bin Hassan [Kota Bharu]:** Siapa yang isytiharkan perang? Kalau kata, kalau ada isytihar perang, kami sambut.

**Dato' Sri Bung Moktar bin Radin [Kinabatangan]:** Kalau ada perang, kita sambut perang!"... [Dewan riuh]

**Dato' Dr. Noraini Ahmad [Parit Sulong]:** Persoalannya...

**Tuan Yang di-Pertua:** Sila duduk, sila duduk, sila duduk... [Dewan riuh] Sila duduk! Yang Berhormat Kinabatangan, Yang Berhormat Kuala Krau dan sebagainya sila duduk. Dalam peraturan mesyuarat, juga disebutkan jangan membangkitkan isu-isu yang menimbulkan perasaan yang jahat di antara kaum. Jadi memadai sesuatu itu disebut dan tidak perlu disokong atau pun diapi-apikan.

**Dato' Sri Ismail Sabri bin Yaakob [Bera]:** Yang Berhormat, Yang Berhormat, saya hanya...

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, Tuan Yang di-Pertua, saya minta bangkitkan isu peraturan mesyuarat.

**Tuan Yang di-Pertua:** Ya, silakan Yang Berhormat Jelutong.

**Tuan Sanisvara Nethaji Rayer a/l Rajaji [Jelutong]:** Kita telah lihat tadi beberapa Ahli Yang Berhormat di sebelah Barisan Nasional yang telah mengulangi kenyataan yang tidak sepatutnya diulangi, yang melanggar Perintah 36(9)(c). "*Perkataan-perkataan yang harus menaikkan perasaan bersakit-sakit hati atau bermusuhan-musuhan di antara satu kaum...*"

**Dato' Sri Haji Tajuddin bin Abdul Rahman [Pasir Salak]:** Siapa yang menyakitkan hati?

**Dato' Dr. Noraini Ahmad [Parit Sulong]:** Siapa yang buat... [Dewan riuh]

**Tuan Yang di-Pertua:** Sila duduk. Yang Berhormat Pasir Salak, Yang Berhormat Kinabatangan, sila duduk. Yang Berhormat Kinabatangan sila duduk, sila duduk. Yang Berhormat Jelutong pun sila duduk. Saya ingat, memadai kalau apa yang disebut oleh Ketua Pembangkang supaya dapat dijawab kemudian. Saya harap tidak diapi-apikan oleh pihak-pihak yang lain. Ucapan seperti, kalau mereka hendak perang, kita akan berperang semula, ini sesuatu yang saya ingat tidak secocok dengan adab orang...

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, saya minta Yang Berhormat Barisan- tarik balik!

**Seorang Ahli:** Tarik apa?... [Dewan riuh]

**Tuan Yang di-Pertua:** Teruskan. Yang Berhormat Jelutong, giliran seterusnya boleh bangkitkan perkara-perkara ini semula. Ya, silakan.

**Dato' Sri Ismail Sabri bin Yaakob [Bera]:** Terima kasih Tuan Yang di-Pertua.

**Tuan Yang di-Pertua:** Ya saya. Masa, masa.

**Dato' Sri Ismail Sabri bin Yaakob [Bera]:** Tuan Yang di-Pertua, inilah contoh jikalau perkara-perkara yang sensitif dibangkitkan. Oleh sebab itu jangan bangkitkan, jangan bangkitkan!

**Tuan Sanisvara Nethaji Rayer a/l Rajaji [Jelutong]:** Yang Berhormat Bera, siapa yang membangkitkan kenyataan tersebut?

**Dato' Sri Ismail Sabri bin Yaakob [Bera]:** Yang Berhormat Bagan! Yang Berhormat Bagan...

**Tuan Cha Kee Chin [Rasah]:** Yang Berhormat Kota Bharu... [Dewan riuh]

**Tuan Yang di-Pertua:** Sila duduk, sila duduk. Tentu sekali penjelasan akan diberikan oleh sebelah sini. Yang Berhormat Paya Besar sila duduk.

**Dato' Sri Ismail Sabri bin Yaakob [Bera]:** Yang Berhormat...

**Tuan Yang di-Pertua:** Ya silakan.

**Dato' Sri Ismail Sabri bin Yaakob [Bera]:** Saya menggesa Yang Berhormat Bagan menarik balik kenyataan beliau.

**Tuan Abdul Latiff bin Abdul Rahman [Kuala Krai]:** Setuju, setuju.

**Tuan Sanisvara Nethaji Rayer a/l Rajaji [Jelutong]:** Barisan Nasional dan PAS tarik balik dahulu.

**Tuan Abdul Latiff bin Abdul Rahman [Kuala Krai]:** Yang Berhormat Bagan mula dahulu.

**Tuan Yang di-Pertua:** Teruskan dengan isu lain. Yang Berhormat Bagan kemungkinannya akan bangkitkan isu ini apabila menjawab. Itu sahaja.

**Tuan Haji Awang bin Hashim [Pendang]:** Yang Berhormat Bera, Yang Berhormat Bera, sekejap.

**Dato' Sri Ismail Sabri bin Yaakob [Bera]:** Satu lagi isu provokasi yang dibangkitkan oleh Yang Berhormat Pendang tadi iaitu apabila Yang Berhormat Teluk Intan sendiri menuduh jika pakatan ini diteruskan dan UMNO dan PAS memerintah negara ini akan menjadi negara Taliban. Ini juga merupakan penghinaan.

**Dato' Sri Haji Tajuddin bin Abdul Rahman [Pasir Salak]:** Apa cakap macam itu. Siapa cakap?

**Tuan Yang di-Pertua:** Teruskan dengan *point* lain.

**Dato' Sri Ismail Sabri bin Yaakob [Bera]:** Ini merupakan penghinaan kepada kita keseluruhannya.

**Tuan Haji Awang bin Hashim [Pendang]:** Yang Berhormat Bera, Yang Berhormat Bera minta laluan Yang Berhormat Bera.

**Dato' Sri Ismail Sabri bin Yaakob [Bera]:** Saya ingin jelaskan sedikit, hendak beri penjelasan. Islam adalah agama kedamaian. Apabila Rasulullah berada di Madinah, piagam atau perjanjian pertama yang ditandatangani antara Islam dan juga orang-orang bukan Islam, termasuk juga Yahudi dan sebagainya, adalah untuk mengekalkan Madinah menjadi kawasan yang aman dan semua agama diberikan hak dan sebagainya. Tidak ada penindasan kepada agama lain di Madinah.

**Dato' Takiyuddin bin Hassan [Kota Bharu]:** Faham Yang Berhormat Jelutong? Yang Berhormat Jelutong faham?

**Datuk Seri Haji Ahmad bin Haji Maslan [Pontian]:** Mohon pencelahan.

**Dato' Sri Ismail Sabri bin Yaakob [Bera]:** Saya juga hendak maklumkan supaya boleh sedar. PAS memerintah Kelantan begitu lama, memerintah Kedah begitu lama dan pernah memerintah di Terengganu. Kita tidak dengar pun penyeksaan dan penyingkiran hak kepada kaum bukan Melayu dan Islam di negeri diperintah oleh PAS... [*Tepuk*]

Jadi, jangan tuduh dan jangan cuba memburuk-burukkan Islam dengan membandingkan dengan Taliban dan sebagainya. Ini adalah salah satu penghinaan kepada kami.

**Tuan Haji Awang bin Hashim [Pendang]:** Betul, betul.

**Dato' Sri Ismail Sabri bin Yaakob [Bera]:** Kita juga menggesa supaya Yang Berhormat Teluk Intan juga memohon maaf dan tarik balik...

**Beberapa Ahli:** Tarik balik. Setuju, setuju.

**Tuan Abdul Latiff bin Abdul Rahman [Kuala Krai]:** Yang Berhormat Bagan dan Yang Berhormat Teluk Intan tarik balik.

**Tuan Yang di-Pertua:** Teruskan dengan *point* lain.

**Tuan Haji Awang bin Hashim [Pendang]:** Yang Berhormat Bera, okey. Terima kasih Yang Berhormat Bera.

**Tuan Yang di-Pertua:** Yang Berhormat Pontian, Yang Berhormat Pontian, silakan.

**Datuk Seri Haji Ahmad bin Haji Maslan [Pontian]:** Terima kasih. Saya ingin pihak di sini merekodkan, pihak Parlimen merekodkan bahawa ketika Ketua Pembangkang berucap, hanya seorang sahaja wakil daripada kerajaan yang ada di sini. Ini menunjukkan mereka langsung tidak hormat kepada Ketua Pembangkang. Mungkin mereka semua itu takut dengan apa yang dinyatakan oleh Ketua Pembangkang.

**Tuan Haji Awang bin Hashim [Pendang]:** Satu lagi saya buat tambahan, Yang Berhormat Bera. Yang Berhormat Bera, kita dalam Dewan...

**Tuan Yang di-Pertua:** Saya ingin mengingatkan, Yang Berhormat Bera ada 15 minit lagi. Saya tidak akan tambah masa ya.

**Tuan Haji Awang bin Hashim [Pendang]:** Sedikit saya tambah Yang Berhormat Bera. Sedikit sahaja. Terima kasih Yang Berhormat Bera. Kita ada 222 orang Ahli Parlimen, ditambah dengan tiga orang, Tuan Yang di-Pertua dan Timbalan Yang di-Pertua dua orang. Jadi 225 orang.

**Tuan Yang di-Pertua:** Semua 222 orang Ahli Parlimen.

**Tuan Haji Awang bin Hashim [Pendang]:** Jadi, kita minta semua pemimpin yang ada di sini, janganlah di luar sana buat kenyataan yang boleh menimbulkan kepanasan.

**Seorang Ahli:** Dalam ini takut.

**Tuan Haji Awang bin Hashim [Pendang]:** Dalam inilah tempat. Kalau kita dalam ini tidak boleh bercakap untuk hendak menyatukan balik rakyat Malaysia, di luar sana kita tidak tahu macam mana kita hendak kawal. Kalau pemimpin-pemimpin macam ini bercakap menimbulkan panas kepada rakyat di luar sana. Jadi kita mesti menyelesaikan masalah ini, dalam Dewan ini! Seramai 222 orang Ahli Parlimen mengawal 30 juta orang...

**Tuan Cha Kee Chin [Rasah]:** Yang Berhormat Pendang, *you* punya Setiausaha Agung kata hendak peranglah. Tolong ajar *you* punya Setiausaha Agung.

**Tuan Haji Awang bin Hashim [Pendang]:** ...Kenyataan-kenyataan ini keluar daripada Yang Berhormat Bagan!

**Seorang Ahli:** Duduk! Duduk!... [*Dewan riuh*]

**Tuan Yang di-Pertua:** Sila duduk, sila duduk. Sila duduk, sila duduk. Sila duduk. Yang Berhormat Pendang sila duduk. Ya teruskan.

**Seorang Ahli:** Eh! Ini kalaulah...

**Dato' Sri Ismail Sabri bin Yaakob [Bera]:** Tuan Yang di-Pertua,...



**Seorang Ahli:** Bodohlah...

**Tuan Yang di-Pertua:** Saya dengar perkataan bodoh. Bodoh ya? Tarik balik.

**Seorang Ahli:** Tarik balik.

■1230

**Tuan Yang di-Pertua:** Siapa yang menyebut perkataan bodoh.

**Beberapa Ahli:** *[Berucap tanpa menggunakan pembesar suara] [Dewan riuh]*

**Tuan Yang di-Pertua:** Saya tahu di barisan belakang... *[Dewan riuh]*

**Dato' Sri Ismail Sabri bin Yaakob [Bera]:** Boleh saya teruskan. Kita tidak tahu siapa.

**Tuan Yang di-Pertua:** Ya, teruskan.

**Dato' Sri Ismail Sabri bin Yaakob [Bera]:** Yang Berhormat, provokasi agama adalah isu yang amat serius di negara kita. Memandangkan negara ini didiami oleh rakyat pelbagai agama dan etnik. Oleh itu, jika isu ini gagal dibendung, dikhawatiri akan berlaku sesuatu yang tidak diingini. Apa yang paling dibimbangi adalah kesan terhadap keselamatan negara yang boleh mendatangkan suasana huru-hara. Pagi tadi saya terbaca di dalam media, saya harap saya boleh petik ini Yang Berhormat, dalam *Utusan Malaysia*.

**Tuan Yang di-Pertua:** Media massa?

**Dato' Sri Ismail Sabri bin Yaakob [Bera]:** Media perdana iaitu *Utusan Malaysia*.

**Tuan Yang di-Pertua:** Ya, silakan.

**Dato' Sri Ismail Sabri bin Yaakob [Bera]:** Iaitu kenyataan daripada Yang Berhormat Kuantan, yang mengatakan dalam seminggu ini, JAKIM menerima aduan daripada 10 ribu pengadu tentang perkara-perkara yang berkaitan dengan penghinaan agama. Ini merupakan satu perkara serius, 10 ribu dalam seminggu yang berkaitan dengan penghinaan agama.

Oleh kerana itulah kita harap kerajaan mengambil serius tentang perkara ini. Saya harap apabila pihak berwajib seperti polis, termasuk juga mahkamah menjalankan kerja mereka, membuat penghukuman dan sebagainya, jangan ada campur daripada kalangan ahli politik untuk tidak menyokong apa yang dilaksanakan oleh polis ataupun pihak mahkamah.

Saya ingin menarik perhatian Dewan ini. Kita perlu mencontohi negara Eropah melalui Mahkamah Hak Asasi Manusia Eropah (ECHR) di Perancis pada 27 Oktober tahun lalu, apabila telah memutuskan bahawa adalah menjadi satu kesalahan sekiranya mana-mana individu memfitnah Nabi Muhammad SAW. Ini mahkamah Eropah, Hak Asasi Manusia. ECHR menyatakan pendirian sekiranya terdapat perbuatan atau aktiviti memfitnah Rasulullah adalah melanggar hak kebebasan bersuara.

Jadi, jangan ingat apabila kita mempunyai kebebasan bersuara, maka kita boleh buat apa saja, termasuk menghina Rasulullah dan sebagainya kerana Eropah sendiri mengatakan ianya melanggar had kebebasan kita.

**Dato' Takiyuddin bin Hassan [Kota Bharu]:** Minta laluan Yang Berhormat Ketua Pembangkang. Terima kasih Tuan Yang di-Pertua. Kita telah mendengar dengan panjang lebar kupasan daripada Yang Berhormat Ketua Pembangkang mengenai isu penghinaan kepada Rasulullah. Kita tahu bahawa di dalam Perlembagaan Negara, menyatakan dengan jelas bahawa ketua agama kepada negara kita adalah Yang di-Pertuan Agong dan juga Sultan-sultan, Raja-raja Melayu. Sekarang ini adakah Yang Berhormat Ketua Pembangkang sedar ada satu lagi fenomena selain daripada penghinaan Rasulullah iaitu penghinaan terhadap Yang di-Pertuan Agong dan juga Raja-raja Melayu. Apa pandangan Yang Berhormat Ketua Pembangkang?

**Dato' Sri Ismail Sabri bin Yaakob [Bera]:** Ya, perkara ini juga perlu diberikan perhatian yang serius. Oleh kerana berdasarkan Perlembagaan Persekutuan, Raja-raja Melayu adalah ketua agama dan juga ketua negara yang tidak boleh difitnah, dihina dan sebagainya, termasuk di dalam Parlimen ini. Kita tidak dibenarkan untuk mengaibkan Raja Melayu di dalam sebarang isu sekalipun. Ianya salah dari segi peraturan Parlimen ini.

Jadi, bermakna Raja-raja Melayu perlu kita hormati. Ini tidak berlaku kerana kita lihat di dalam media dan sosialnya, Raja-raja Melayu dihina begitu rupa dan sebagainya. Malah, yang terbaru apabila Tengku Mahkota Johor memberikan pandangan, reaksi dia tentang ICC ini, dia dianggap tidak boleh bercakap kerana dia bukan wakil rakyat. Ini merupakan satu penghinaan kepada Raja-raja Melayu juga yang perlu diberikan perhatian serius oleh pihak kerajaan hari ini.

Isu yang saya hendak bangkitkan satu lagi tentang penghinaan terhadap agama kita, adalah isu LGBT yang merupakan antara isu yang mampu menggugat keharmonian agama. Biarpun prinsip demokrasi dijadikan sebagai alasan untuk memperjuangkan hak mereka, namun ianya bercanggah dengan Perkara 3 – Perlembagaan Persekutuan yang meletakkan agama Islam sebagai agama Persekutuan. Kita mengetahui LGBT ini merupakan perkara yang dilarang oleh agama, bahkan ianya juga melanggar norma-norma kehidupan manusiawi. Oleh itu...

**Tuan Sabri bin Azit [Jerai]:** Yang Berhormat, laluan.

**Dato' Sri Ismail Sabri bin Yaakob [Bera]:** Ya, sikit saja. Oleh itu- saya hendak habiskan. Oleh itu, apabila berlakunya penyalahgunaan platform hak wanita antarabangsa yang disertai oleh golongan LGBT yang berlangsung di hadapan kompleks beli-belah SOGO dan berakhir di Dataran Merdeka apabila bendera warna pelangi yang menjadi lambang kepada golongan tersebut turut dikibarkan. Maka, saya memohon, saya menggesa tindakan tegas perlu diambil kepada penganjur yang menganjurkan perarakan ini bagi pihak LGBT.

**Tuan Sabri bin Azit [Jerai]:** Terima kasih Tuan Yang di-Pertua.

**Tuan Yang di-Pertua:** Yang Berhormat Jerai, silakan.

**Tuan Sabri bin Azit [Jerai]:** Apa pandangan Yang Berhormat Ketua Pembangkang tentang perarakan yang dibuat oleh LGBT menandakan Pakatan Harapan kuat? Minta pandangan.

**Tuan Yang di-Pertua:** Pakatan Harapan? Tidak jelas tadi.

**Tuan Sabri bin Azit [Jerai]:** Perarakan LGBT itu menunjukkan Pakatan Harapan kuat. Sedangkan negeri-negeri yang...

**Dato' Sri Ismail Sabri bin Yaakob [Bera]:** Itu Yang Berhormat Pokok Sena punya *statement*. Saya percaya ianya menunjukkan kelemahan pakatan pembangkang untuk menjaga kepentingan agama Islam di dalam negara kita.

**Beberapa Ahli:** Pakatan Harapan.

**Dato' Sri Ismail Sabri bin Yaakob [Bera]:** Pakatan Harapan. Untuk menunjukkan kelemahan Kerajaan Pakatan Harapan di dalam menjaga kesucian agama Islam negara kita. Itu sebenarnya.

Tuan Yang di-Pertua, saya ada sampai pukul 1, dengan izin. Di Malaysia, kadar pertumbuhan pendapatan adalah lebih rendah berbanding dengan peningkatan harga barangan. Pendapatan yang tidak setara ini menyumbang kepada masalah kos sara hidup di negara kita.

Kuasa beli isi rumah yang semakin menurun secara langsung meningkatkan lagi bebanan kos sara hidup. Tambahan pula saya merasa bimbang dengan Yang Berhormat Menteri Kewangan yang telah mula mencari alasan dan mengeluarkan kenyataan meminta rakyat berkorban, kononnya kerajaan tidak ada wang dan terpaksa memotong pelbagai bantuan yang diberikan.

Antaranya ialah bantuan untuk nelayan dan petani dikurangkan, bantuan musim tengkujuh dimansuhkan, bantuan untuk veteran Angkatan Tentera Malaysia yang banyak berkorban untuk negara dihapuskan, bantuan untuk pelajar, khususnya diskaun pembayaran PTPTN ditarik balik, bantuan untuk peneroka FELDA kesan daripada kejutan harga komoditi juga tidak diperuntukkan. Tiada polisi baru yang diperkenalkan berkaitan dengan dasar kebajikan rakyat. Apa yang ada hanyalah polisi salin kulit. Seperti BR1M ditukar kepada BSH, AES yang dulunya ditentang begitu hebat, diteruskan, ditukar nama kepada AWAS, RTC kepada PKD dan yang lain-lainnya hanya menyalahkan kerajaan yang lama.

Saya hendak tanya tentang AES ini. Silakan.

**Dato' Seri Tiong King Sing [Bintulu]:** Terima kasih.

**Seorang Ahli:** Kurindu lagi suara itu.

**Dato' Seri Tiong King Sing [Bintulu]:** Terima kasih Yang Berhormat Ketua Pembangkang. Saya mahu minta pandangan atas isu AES. AES ini memang kita pelaksana sistem AES ini yang telah dilulus dalam Dewan pada tahun 2013. Dalam masa itu, pembangkang itu kuat hebat, riuh satu Dewan, terutama sekali DAP, sama Yang Berhormat Pokok Sena, hebat. Dalam itu Yang Berhormat Anthony Loke mengatakan dalam masa itu, dia sekarang Yang Berhormat Menteri Pengangkutan. Dia kata memang dalam ini AES dia tidak bersetuju tetapi kita barisan masa itu, *butuh* saja dalam belah bahagi. Keputusan 78 setuju, 49 tidak setuju. Akan tetapi sekarang dia pasang *copyright* bukan alang-alang. Sarawak dia pun pergi pasang.

**Beberapa Ahli:** [Ketawa]

**Dato' Seri Tiong King Sing [Bintulu]:** Memang ada. Saya bukan kelentong, sini. Sarawak pun ada, Bintulu pun ada pasang.

**Seorang Ahli:** Dia suka yang *you* undi dulu.

**Dato' Seri Tiong King Sing [Bintulu]:** Itulah saya mahu tanya. Yang Berhormat Ketua Pembangkang setuju tidak, kita sekarang mahu tanya betul-betul ini kerajaan punya ataupun swasta? Kalau swasta punya, *what is terms of reference* ataupun mana-mana kawan-kawan ada terlibat. Sila terangkan di Dewan yang mulia ini.

■1240

Saya nampak kali ini banyak agresif. Kalau kerajaan punya, mana ia dapat peruntukan? Kita bajet tidak ada peruntukan. Kenapa sekarang boleh pasang? Bukan kalau pasang seluruh *West Malaysia*, Malaya sini tidak apa. Sarawak pun sudah pasang, dua tiga sudah pasang sudah. Saya boleh *kasi* ini *list*, senarai. Saya punya rakyat pun cakap memang ini Yang Berhormat Bintulu sama kamu cerita kongkalikung memang betul ini... [Tepuk] Saya minta penjelasan sikit daripada Yang Berhormat Ketua Pembangkang.

**Tuan Yang di-Pertua:** Ramai MP yang baharu di sini Yang Berhormat...

**Dato' Sri Ismail Sabri bin Yaakob [Bera]:** Terima kasih.

**Tuan Yang di-Pertua:** Tolong terjemahkan kongkalikung [Ketawa]

**Dato' Seri Tiong King Sing [Bintulu]:** Kongkalikung itu hari-hari cerita kosong punya, cakap syok sendiri [Ketawa]

**Dato' Sri Ismail Sabri bin Yaakob [Bera]:** Itu bukan *unparliamentary word*.

**Tuan Yang di-Pertua:** Tidak apa. Ini sudah digunakan berkali-kali oleh Yang Berhormat Bintulu.

**Dato' Sri Ismail Sabri bin Yaakob [Bera]:** Terima kasih Yang Berhormat Bintulu. Saya pun sependapat dengan Yang Berhormat, banyak persoalan yang timbul tentang AES ini. Saya mohon masukkan dalam ucapan saya supaya Yang Berhormat Menteri boleh menjawab.

Tuan Yang di-Pertua, sejak Mei 2018, lebih 17,000 penjawat awam telah dihentikan...

**Tuan Wong Kah Woh [Ipoh Timur]:** Minta laluan Yang Berhormat Bera.

**Dato' Sri Ismail Sabri bin Yaakob [Bera]:** Atas alasan...

**Tuan Wong Kah Woh [Ipoh Timur]:** Yes.

**Tuan Yang di-Pertua:** Yang Berhormat Ipoh Timur.

**Dato' Sri Ismail Sabri bin Yaakob [Bera]:** Atas lantikan politik...

**Tuan Wong Kah Woh [Ipoh Timur]:** / ingat belum habis lagi.

**Dato' Sri Ismail Sabri bin Yaakob [Bera]:** Saya sudah habis. Boleh lagi satu?

**Tuan Wong Kah Woh [Ipoh Timur]:** Boleh tidak? Yes.

**Tuan Yang di-Pertua:** Tidak diberi laluan.

**Tuan Wong Kah Woh [Ipoh Timur]:** Bagi satu minit.

**Dato' Sri Ismail Sabri bin Yaakob [Bera]:** Saya ada dua minit.

**Tuan Wong Kah Woh [Ipoh Timur]:** Boleh.

**Dato' Sri Ismail Sabri bin Yaakob [Bera]:** Saya habiskan dulu, baru saya bagi sebab saya ada masa dua minit sahaja.

**Tuan Wong Kah Woh [Ipoh Timur]:** Boleh?

**Tuan Yang di-Pertua:** Selepas ini boleh.

**Dato' Sri Ismail Sabri bin Yaakob [Bera]:** Sejak Mei 2018, lebih 17,000 penjawat awam telah dihentikan atas alasan lantikan politik. Tanpa disedari bahawa pemberhentian ini turut melibatkan kakitangan yang bukan lantikan politik, sebaliknya melibatkan agensi-agensi kerajaan yang lain. Misalnya, ramai bekas kakitangan SPAD ataupun Suruhanjaya Perkhidmatan Awam telah mengadu bahawa mereka diberhentikan kerja atas faktor kontrak tidak disambungkan walaupun jaminan telah diberikan oleh pihak Menteri. Tidak cukup dengan itu, pada bulan Julai dan Oktober 2018 pula, seramai 1,000 pekerja Projek ECRL telah ditamatkan perkhidmatan serta 20,000 pekerja MMC GAMUDA hilang pekerjaan kesan daripada penamatan kontrak MRT. Manakala pada bulan Februari 2019, hampir 12,000 orang pegawai keselamatan sekolah telah pun ditamatkan perkhidmatannya.

Jumlah keseluruhan daripada empat kes yang dilaporkan ini sahaja telah mencecah angka hampir 50,000 orang yang hilang pekerjaan disebabkan oleh dasar Kerajaan PH yang tidak prihatin terhadap nasib rakyat. Angka ini tidak termasuk lagi dengan kontraktor-kontraktor kecil bumiputera yang telah dibatalkan projek-projek kecil mereka disebabkan alasan langkah penjimatan kerajaan. Lebih membimbangkan lagi, saya dan rakan-rakan saya di blok pembangkang ini apabila Yang Amat Berhormat Perdana Menteri telah mengumumkan untuk mengurangkan satu peratus lagi penjawat ataupun kakitangan awam.

**Dato' Seri Tiong King Sing [Bintulu]:** Boleh masuk sikit?

**Dato' Sri Ismail Sabri bin Yaakob [Bera]:** Habis saya bagi. Ternyata Manifesto PH untuk mewujudkan 1 juta peluang pekerjaan hanyalah khayalan dan retorik semata-mata. Sebaliknya apa yang dihidangkan kepada rakyat cumalah mimpi ngeri kerana ternyata hari ini di mana ramai di kalangan rakyat hilang pekerjaan.

Justeru, saya ingin memohon kepada Kementerian Sumber Manusia supaya membentangkan kepada Dewan, statistik peluang pekerjaan yang telah berjaya diwujudkan oleh kerajaan daripada 5 Mei 2018 hingga kini dan berapa banyak peluang pekerjaan yang telah berjaya diwujudkan berdasarkan kategori dan perkhidmatan serta perbandingan dalam tempoh yang sama statistik rakyat Malaysia yang telah hilang pekerjaan.

Cuma saya nak tanya satu lagi, adakah satu peratus daripada kakitangan kerajaan akan diberhentikan kerana tindakan membalas dendam kerajaan kepada kakitangan kerajaan yang dianggap masih setia kepada Barisan Nasional? Kalau inilah yang dilakukan, bermakna apa saja janji Pakatan Harapan sebelum pilihan raya untuk memberikan kebebasan memilih, kebebasan bersuara dan sebagainya hanyalah janji semata-mata.

**Tuan Yang di-Pertua:** Yang Berhormat Ipoh Timur.

**Dato' Sri Ismail Sabri bin Yaakob [Bera]:** Boleh.

**Tuan Yang di-Pertua:** Sila Yang Berhormat Ipoh Timur.

**Tuan Wong Kah Woh [Ipoh Timur]:** Terima kasih Yang Berhormat Bera, terima kasih Tuan Yang di-Pertua. Saya hendak dapatkan pandangan daripada Yang Berhormat Ketua Pembangkang berkenaan dengan isu AES yang telah pun dibangkitkan tadi. Kita sedia maklum bahawa pada tahun 2015, kerajaan yang lama telah pun mengarahkan LTAT untuk menggunakan wang rakyat sebanyak RM555 juta untuk membeli balik 47 kamera operasi yang telah pun dibina oleh dua syarikat konsesi pada masa itu bernama ATES dan juga Beta Tegap Sdn. Bhd.

Apakah pandangan? Nombor satu, kenapa 47 biji kamera operasi itu boleh diambil alih dengan sejumlah RM555 juta?

Kedua, AES yang hendak dilaksanakan oleh Kementerian Pengangkutan pada hari ini, kita menitik beratkan bahawa kesemua kompaun yang telah pun dikutip akan masuk ke

dalam dana negara. Pada dulunya tidak di bawah kontrak, RM150 akan diberi kepada syarikat konsesi, sama ada itu menguntungkan kerajaan ataupun merugikan kerajaan. Minta pandangan.

**Dato' Sri Ismail Sabri bin Yaakob [Bera]:** Yang Berhormat, maklumat lengkap tersebut tentu ada pada Yang Berhormat Menteri. Jadi, biar dia lah yang menjawab persoalan ini sebab saya bukan...

**Tuan Wong Kah Woh [Ipoh Timur]:** Boleh jawab tidak? Jika tidak boleh jawab...

**Dato' Sri Ismail Sabri bin Yaakob [Bera]:** Saya tidak ada autoriti untuk menjawab.

**Tuan Wong Kah Woh [Ipoh Timur]:** Mintalah Perdana Menteri pada masa itu...

**Datuk Seri Haji Ahmad bin Haji Maslan [Pontian]:** Yang Berhormat Bera.

**Tuan Wong Kah Woh [Ipoh Timur]:** Bos kamu yang jawab. Boleh tidak jawab? Saya hendak dapatkan pandangan. Itu maklumat lengkap yang telah pun saya beri, maklumat yang telah pun saya ajukan kepada rakan saya Yang Berhormat Bera, patutlah jawab. Masa itu Yang Berhormat Bera di dalam kerajaan bukan? Bekas Perdana Menteri duduk di sebelah Yang Berhormat Bera bukan? Bolehlah minta pandangan, bolehlah jawab.

**Tuan Haji Awang bin Hashim [Pendang]:** Yang Berhormat Bera. Yang Berhormat Bera.

**Datuk Seri Haji Ahmad bin Haji Maslan [Pontian]:** Yang Berhormat Bera.

**Tuan Wong Kah Woh [Ipoh Timur]:** Ini...

**Dato' Sri Ismail Sabri bin Yaakob [Bera]:** Tunggu kalau kita jadi kerajaan, kita jawab.

**Tuan Haji Awang bin Hashim [Pendang]:** Yang Berhormat Bera. Yang Berhormat Bera.

**Datuk Seri Haji Ahmad bin Haji Maslan [Pontian]:** Pontian.

**Tuan Wong Kah Woh [Ipoh Timur]:** Perkara ini berlaku pada tahun 2015 yang mana Yang Berhormat Bera masih kerajaan. Silalah bagi pandangan, janganlah asyik mengutuk saya.

**Tuan Haji Awang bin Hashim [Pendang]:** Yang Berhormat Bera.

**Dato' Sri Ismail Sabri bin Yaakob [Bera]:** Saya sudah beritahu...

**Tuan Wong Kah Woh [Ipoh Timur]:** Sekarang kerajaan baharu ini membuat keputusan yang memihak kepada rakyat demi kepentingan rakyat dan bukan seperti kerajaan lama hanya untuk syarikat-syarikat lain saja... *[Dewan riuh]*

**Tuan Haji Awang bin Hashim [Pendang]:** Yang Berhormat Bera.

**Tuan Yang di-Pertua:** Masa sudah habis. Sekarang Yang Berhormat Bintulu.

**Dato' Sri Ismail Sabri bin Yaakob [Bera]:** Yang Berhormat Bintulu pun tanya, adakah diberi kepada syarikat swasta untuk yang baru ini. Adakah kerajaan yang meneruskan AES ini. Kalau kerajaan, berapa bajetnya. Saya tidak akan boleh tanya kerana saya bukan Menteri. Jadi, tentulah perlu kita rujuk kepada Yang Berhormat Menteri yang akan menjawab sewaktu penggulungan.

**Tuan Wong Kah Woh [Ipoh Timur]:** Tidak apalah. Tidak boleh jawab, duduklah. Masa sudah habis.

**Dato' Sri Ismail Sabri bin Yaakob [Bera]:** Boleh saya...

**Dato' Haji Ahmad Nazlan bin Idris:** Awak pun duduklah.

**Tuan Yang di-Pertua:** Ya, silakan. Sudah habis?

**Datuk Seri Haji Ahmad bin Haji Maslan [Pontian]:** Ya, tentang AES.

**Tuan Mohd Shahr bin Abdullah [Paya Besar]:** *[Bangun]*

**Tuan Wong Kah Woh [Ipoh Timur]:** Yang Berhormat Paya Besar tidak apa, nanti ada peluang. Soalan diajukan kepada Yang Berhormat Bera. Bila Yang Berhormat Paya Besar jadi Ketua Pembangkang, saya tanya sekali lagi.

**Tuan Mohd Shahar bin Abdullah [Paya Besar]:** Apa fasal Ketua Pembangkang pula? *You faham tidak rules?*

**Datuk Seri Haji Ahmad bin Haji Maslan [Pontian]:** Yang Berhormat Bera, ini tentang AES. Pontian.

*[Pembesar suara dimatikan]*

**Tuan Yang di-Pertua:** Yang Berhormat Paya Besar sila duduk, sila duduk.

**Tuan Mohd Shahar bin Abdullah [Paya Besar]:** *[Bercakap tanpa menggunakan pembesar suara]*

**Tuan Yang di-Pertua:** Apa yang *you* tidak faham saya? Yang Berhormat Paya Besar yang tidak faham saya. Sila duduk. Ya silakan. Gulungkan.

**Datuk Seri Haji Ahmad bin Haji Maslan [Pontian]:** Boleh saya bertanya?

**Tuan Yang di-Pertua:** Terpulang kepada Yang Berhormat untuk membenarkan ataupun tidak.

**Datuk Seri Haji Ahmad bin Haji Maslan [Pontian]:** Setengah bilion duit kerajaan dibuang dan diberi kepada mereka yang melanggar undang-undang oleh Menteri Pengangkutan. Sebanyak RM450 juta segala denda saman AES itu dibazirkan. Kalau tidak, RM450 juta itu boleh dibuat macam-macam. Bererti dengan lain perkataan, orang yang melanggar undang-undang dibebaskan oleh rejim PH, orang yang membayar segala denda-denda itu terpaksa membayar dengan taat bayaran itu. Sebanyak RM450 juta dibuang begitu saja dan ini adalah satu perkara yang sepatutnya tidak dilakukan semata-mata kerana politik. Apa pandangan Yang Berhormat Bera? Setengah bilion.

**Dato' Sri Ismail Sabri bin Yaakob [Bera]:** Saya setuju Yang Berhormat...

**Tuan Wong Kah Woh [Ipoh Timur]:** Boleh tambah sikit untuk penjelasan lanjut? Boleh tidak?

**Dato' Sri Ismail Sabri bin Yaakob [Bera]:** Saya hendak habiskan. Saya tidak beri kebenaran lagi.

**Tuan Yang di-Pertua:** Tidak beri laluan.

**Tuan Wong Kah Woh [Ipoh Timur]:** Bagilah jawab sekali, jawab sekali.

**Dato' Sri Ismail Sabri bin Yaakob [Bera]:** Peraturan, saya tidak beri kebenaran. *[Menunjukkan buku Peraturan Mesyuarat]*

**Dato' Sri Bung Moktar bin Radin [Kinabatangan]:** Yang Berhormat Ipoh Timur jangan perasan jadi Menteri lah.

**Tuan Wong Kah Woh [Ipoh Timur]:** Tidak apa, tidak apa. Duduk, duduk.

**Tuan Yang di-Pertua:** Yang Berhormat Ipoh Timur. Yang Berhormat Ipoh Timur pun ada dalam senarai, bangkitkan kemudian. Sila menggulung.

**Dato' Sri Ismail Sabri bin Yaakob [Bera]:** Okey, saya gulung. Setelah...

**Dato' Sri Bung Moktar bin Radin [Kinabatangan]:** Jangan perasan jadi Menteri lah, malu sikitlah.

**Tuan Yang di-Pertua:** Yang Berhormat Kinabatangan, sila duduk. Ya, silakan.

■1250

**Tuan Wong Kah Woh [Ipoh Timur]:** Tidak mengapalah, saya tidak masuk kasino.

**Tuan Yang di-Pertua:** Silakan.

**Dato' Sri Bung Moktar bin Radin [Kinabatangan]:** Ini kurang ajar... *[Pembesar suara dimatikan]*

**Tuan Yang di-Pertua:** Duduk, duduk, duduk. Sabar, sabar. Duduk, duduk. Yang Berhormat Ipoh Timur, sila tarik balik... *[Dewan riuh]*

**Tuan Noor Amin bin Ahmad [Kangar]:** Dia bagi tahu dia tidak masuk sahaja.

**Tuan Wong Kah Woh [Ipoh Timur]:** Saya kata saya ada pergi ke Genting Highlands, tetapi saya tak masuk kasino, itu sahaja Tuan Yang di-Pertua.

**Tuan Mohd Shahar bin Abdullah [Paya Besar]:** Tarik balik lah.

**Dato' Sri Bung Moktar bin Radin [Kinabatangan]:** Ini babi, ini babi, babi!... *[Pembesar suara dimatikan]*

**Tuan Yang di-Pertua:** Okey, duduk semua. Sila menggulung.

**Dato' Sri Ismail Sabri bin Yaakob [Bera]:** Okey, setelah berbulan-bulan...

**Dato' Sri Bung Moktar bin Radin [Kinabatangan]:** Tiada kualitilah. Kalau macam inilah... *[Pembesar suara dimatikan]* *[Dewan riuh]*

**Tuan Yang di-Pertua:** Sila duduk, sila duduk, saya ingat Yang Berhormat tinggal sembilan minit sahaja lagi, silakan. *[Dewan riuh]*

**Dato' Sri Ismail Sabri bin Yaakob [Bera]:** Setelah berbulan-bulan kerajaan bertegas bahawa harga barang sudah turun selepas SST menggantikan GST. Namun, Kerajaan Pakatan Harapan akhirnya mengakui bahawa kos sara hidup terus meningkat dan mereka juga mengakui bahawa GST bukannya faktor utama yang mempengaruhi kenaikan harga barang. Ini adalah *statement* daripada Timbalan Menteri Kewangan.

Selain itu, hasil negara juga telah berkurangan kepada RM21 bilion berbanding RM44 bilion sewaktu GST dilaksanakan sehingga menyebabkan banyak peruntukan subsidi dan bantuan untuk rakyat telah dipotong dan dimansuhkan serta-merta.

Justeru itu timbul persoalan, sekiranya RM23 bilion hasil yang hilang daripada GST tidak disalurkan kepada kerajaan mahupun dikembalikan kepada rakyat, siapakah sebenarnya yang untung daripada keadaan ini? Jawapannya adalah golongan kapitalis yang merupakan golongan yang mendapat manfaat hasil daripada penghapusan GST ini.

Janji pertama...

**Tuan Sanisvara Nethaji Rayer a/l Rajaji [Jelutong]:** Tarik balik kenyataan itu! Tuan Yang di-Pertua...

**Tuan Wong Kah Woh [Ipoh Timur]:** Tuan Yang di-Pertua...

**Tuan Karupaiya a/l Mutusami [Padang Serai]:** *[Bangun]* *[Pembesar suara dimatikan]*

**Tuan Yang di-Pertua:** Semua duduk, saya lebih berminat untuk mendengar penggulangan, silakan. Ya silakan *mic, mic...* *[Dewan riuh]*

**Dato' Sri Ismail Sabri bin Yaakob [Bera]:** Tahniahlah kepada Kerajaan Pakatan Harapan yang berjaya menghapuskan GST dalam tempoh 100 hari dan menggantikan dengan SST. Walau bagaimanapun, adakah seperti mana dalam janji, satu manifesto itu telah pun berlaku? Adakah rakyat sekarang tidak terbeban dengan harga barangan serta kos sara hidup?

Saya ingin menyeru kepada kepimpinan Pakatan Harapan supaya menelan rasa ego mereka, menelan rasa sombong dan bongkak mereka dengan mengakui bahawa janji pertama itu telah pun tersasar. Malah telah gagal sama sekali, rakyat terhimpit dan dijerut dengan rantai-rantai permasalahan yang terhasil oleh sistem pemerintahan itu.

**Tuan Sanisvara Nethaji Rayer a/l Rajaji [Jelutong]:** Minta penjelasan Yang Berhormat.

**Dato' Sri Ismail Sabri bin Yaakob [Bera]:** Apa yang jelas- sudah tidak ada masa. Apa yang jelas...

**Tuan Sanisvara Nethaji Rayer a/l Rajaji [Jelutong]:** Saya minta penjelasan apa maksud kenyataan sombong dan bongkak?... *[Dewan riuh]* *[Pembesar suara dimatikan]*

**Tuan Yang di-Pertua:** Ada tujuh minit lagi, sila duduk.

**Tuan Sanisvara Nethaji Rayer a/l Rajaji [Jelutong]:** Siapa yang sombong dan bongkak?

**Dato' Sri Ismail Sabri bin Yaakob [Bera]:** Apa yang jelas...

**Tuan Sanisvara Nethaji Rayer a/l Rajaji [Jelutong]:** Tanya sanalah.

**Dato' Sri Ismail Sabri bin Yaakob [Bera]:** Apa yang jelas...

**Dato' Dr. Shamsul Anuar bin Nasarah [Lenggong]:** Yang Berhormat, orang tidak beri laluan, duduklah. Tidak faham peraturan kah? Apalah.

**Dato' Sri Ismail Sabri bin Yaakob [Bera]:** Apa yang jelas...

**Tuan Yang di-Pertua:** Yang Berhormat Lenggong pun duduk, sila duduk.

**Dato' Sri Ismail Sabri bin Yaakob [Bera]:** Apa yang jelas, negara kekurangan pendapatan sebanyak RM23 bilion, rakyat terus terbeban dengan harga barang yang naik dan yang untungnya tentu sahajalah peniaga-peniaga yang mampu memanipulasi pendapatan mereka untuk tidak membayar cukai.

**Tuan Sanisvara Nethaji Rayer a/l Rajaji [Jelutong]:** Yang Berhormat, selama 60 tahun Barisan Nasional buat apa Yang Berhormat?

**Tuan Mohd Shahar bin Abdullah [Paya Besar]:** Eh! Duduklah! Eh! Duduk! Duduk!... *[Pembesar suara dimatikan]*

**Tuan Sanisvara Nethaji Rayer a/l Rajaji [Jelutong]:** Selama 60 tahun Barisan Nasional buat apa?

**Tuan Yang di-Pertua:** Yang Berhormat Jelutong sila duduk, selepas ini giliran Yang Berhormat Jelutong, ya silakan.

**Dato' Sri Dr. Haji Ismail bin Haji Mohamed Said [Kuala Krau]:** Selama 60 tahun Yang Berhormat Jelutong jadi wakil rakyat.

**Tuan Sanisvara Nethaji Rayer a/l Rajaji [Jelutong]:** Selama 60 tahun Barisan Nasional buat apa?... *[Dewan riuh]*

**Tuan Yang di-Pertua:** Yang Berhormat Tanjong Karang sila duduk. Yang Berhormat Lenggong sila duduk. Silakan.

**Dato' Sri Ismail Sabri bin Yaakob [Bera]:** Tuan Yang di-Pertua saya hendak tutup ini. Saya hendak gulung ya. Tuan Yang di-Pertua, di dalam Dewan ini kita mendengar daripada Yang Berhormat Bagan bahawa negara kehilangan sebanyak RM19.47 bilion wang bayaran balik GST yang dianggap dirompak dan disamun.

Daripada sumber yang dipercayai, tiada bukti kehilangan sebanyak RM19.47 bilion wang bayaran balik GST seperti didakwa oleh Yang Berhormat Menteri Kewangan di dalam Dewan yang mulia ini pada sesi yang lepas. Oleh itu, saya menggesa Yang Berhormat Menteri Kewangan menjelaskan sekali lagi kepada Dewan yang mulia ini mengenai status kehilangan RM19.47 bilion tersebut. Apa yang saya percaya, kini sedang disiasat oleh PAC.

**Tuan Yang di-Pertua:** Yang Berhormat kalau sedang disiasat, bagaimana Yang Berhormat boleh membuat tuduhan begitu. Saya ingat ini tidak mematuhi peraturan. Sila gulungkan, tutupkan tutup. Silakan *mic, mic*.

**Dato' Sri Ismail Sabri bin Yaakob [Bera]:** Tuan Yang di-Pertua, jadi saya Cuma tanya dan minta penjelasan daripada Yang Berhormat Bagan. Kalau mahu diperjelaskan, ini sebab saya percaya jikalau jawapan kita terima nanti, saya percaya tidak ada kehilangan wang tersebut, saya percaya Yang Berhormat Bagan perlu memohon maaf kepada Parlimen ini dan jika tidak, kita rujuk Jawatankuasa...

**Tuan Sanisvara Nethaji Rayer a/l Rajaji [Jelutong]:** Sepatutnya Yang Berhormat Bera yang memohon maaf, kalau perkara itu masih disiasat, macam mana buat tuduhan.

**Tuan Mohd Shahar bin Abdullah [Paya Besar]:** Hei! Diam! You bangkitkan perkara-perkara dan isu-isu apa ini... *[Pembesar suara dimatikan]*

**Tuan Yang di-Pertua:** Sila duduk, sila duduk Yang Berhormat Jelutong, sila duduk. Ada empat minit.



**Dato' Sri Ismail Sabri bin Yaakob [Bera]:** Ahli-ahli Yang Berhormat, sebagai penutup, saya teringat kepada lagu Tan Sri SM Salim.

*Di manis gula semut binasa;  
Kail berduri bersalut umpan;  
Di manis kata insan terlena;  
Kerana budi hamba terkorban.*

Cuma yang *last* sekali kita tukar, "*Kerana janji rakyat terkorban.*" [Tepuk]

Jadi Yang Berhormat, saya ada tiga minit, kalau saya bawa beberapa isu lagi tentu tidak dapat. Tiga minit lagi.

**Tuan Yang di-Pertua:** Tiga minit, silakan.

**Dato' Sri Ismail Sabri bin Yaakob [Bera]:** Yang Berhormat, di dalam ucapan Yang Amat Berhormat Perdana Menteri di dalam *Malaysian Insight* pada 24 Januari 2018, mengatakan tindakan kerajaan menghalang penjawat awam terlibat dengan politik terutamanya membabitkan pihak pembangkang, bertentangan dengan kebebasan bersuara dan hak asasi manusia.

Walau bagaimanapun, Yang Berhormat Timbalan Perdana Menteri telah mengingatkan di dalam satu majlis di dalam ucapannya, telah mengingatkan semua penjawat awam di seluruh negara agar menyokong kepimpinan Pakatan Harapan atau kemungkinan dikenakan tindakan.

Tuan Yang di-Pertua, saya ada satu contoh, seorang Ketua Pengarah iaitu Ketua Pengarah JAKOA yang bernama, rekodkan Dato' Ajis bin Sitin. Telah pun ditukarkan serta merta setelah Pakatan Harapan kalah di dalam PRK Cameron Highlands. Dato' Ajis bin Sitin adalah Ketua Pengarah JAKOA yang pertama di kalangan masyarakat Orang Asli. Akan tetapi oleh sebab pengundi Orang Asli di Cameron Highlands memberikan undi hampir 90 peratus kepada Barisan Nasional iaitu calonnya daripada Orang Asli...

**Tuan Sanisvara Nethaji Rayer a/l Rajaji [Jelutong]:** Minta penjelasan Yang Berhormat.

**Dato' Sri Ismail Sabri bin Yaakob [Bera]:** Saya difahamkan...

**Tuan Sanisvara Nethaji Rayer a/l Rajaji [Jelutong]:** Tentang isu pemecatan Peguam Negara macam mana?

**Dato' Sri Ismail Sabri bin Yaakob [Bera]:** Saya difahamkan...

**Tuan Sanisvara Nethaji Rayer a/l Rajaji [Jelutong]:** Peguam Negara semasa kes 1MDB yang menyiasat 1MDB Yang Berhormat Pekan... [Pembesar suara dimatikan]

**Tuan Yang di-Pertua:** Yang Berhormat Jelutong, duduk Yang Berhormat Jelutong, ini tidak berbangkit secara langsung. Teruskan ya.

**Dato' Sri Ismail Sabri bin Yaakob [Bera]:** Saya difahamkan Dato' Ajis Sitin telah pun ditukarkan, jadi apa yang berlaku...

**Tuan Sanisvara Nethaji Rayer a/l Rajaji [Jelutong]:** Isu Peguam Negara saya minta penjelasan.

**Dato' Sri Ismail Sabri bin Yaakob [Bera]:** Bertentangan sekali.

**Tuan Mohd Shahar bin Abdullah [Paya Besar]:** Hei! Yang Berhormat Jelutong, lain isulah Yang Berhormat Jelutong.

**Tuan Sanisvara Nethaji Rayer a/l Rajaji [Jelutong]:** Yang dipecat semasa 1MDB.

**Dato' Sri Ismail Sabri bin Yaakob [Bera]:** Bertentangan sekali.

**Tuan Sanisvara Nethaji Rayer a/l Rajaji [Jelutong]:** Yang Berhormat Pekan boleh bagi penjelasan, minta Yang Berhormat Pekan... [Pembesar suara dimatikan]

**Tuan Yang di-Pertua:** Yang Berhormat Jelutong sila duduk, sila duduk. Penutup, silakan.

**Dato' Sri Haji Tajuddin bin Abdul Rahman [Pasir Salak]:** Apa ubat sudah makanlah Yang Berhormat Jelutong.

**Dato' Sri Ismail Sabri bin Yaakob [Bera]:** Apa yang berlaku adalah bertentangan sekali dengan janji-janji yang dibuat oleh Pakatan Harapan. Jadi jelas, jelaslah saya ulang sekali lagi bahawa penolakan pengundi di Semenyah dan Cameron Highlands adalah satu isyarat kepada Pakatan Harapan bahawa rakyat sudah muak dengan janji-janji palsu dan juga penipuan yang dilakukan oleh Pakatan Harapan ketika ini.

Saya dengan ini menyokong ucapan Titah Diraja.

**Tuan Yang di-Pertua:** Terima kasih Yang Berhormat Ketua Pembangkang, oleh sebab masa adalah pukul 1 tengah hari sekarang, jadi kita tempohkan. Selepas ini apabila kita bersidang semula, pembahas yang pertama ialah Yang Berhormat Jelutong... *[Dewan riuh]*

**Dato' Seri Dr. Shahidan bin Kassim [Arau]:** Kami akan tunggu Yang Berhormat Jelutong! Kami akan tunggu Yang Berhormat Jelutong!

**Dato' Dr. Shamsul Anuar bin Nasarah [Lenggong]:** Boleh bagi laluan. Boleh bagi laluan.

**Tuan Sanisvara Nethaji Rayer a/l Rajaji [Jelutong]:** Kalau berani balik Dewan, kalau berani balik Dewan... *[Dewan riuh]*

**Dato' Seri Dr. Shahidan bin Kassim [Arau]:** Kita tidak akan lari, kita akan tunggu Yang Berhormat Jelutong. Kita mahu... *[Pembesar suara dimatikan]*

**Tuan Yang di-Pertua:** Belum mula pun dah riuh. Duduk-duduk dan seterusnya...

**Dato' Seri Dr. Shahidan bin Kassim [Arau]:** Kita akan tunggu Yang Berhormat Jelutong jangan bimbang Yang Berhormat Jelutong kita tunggu.

**Tuan Yang di-Pertua:** Kita akan memanggil Dato' Seri Tiong King Sing dan selepas Dato' Seri Tiong King Sing, kembali kepada Yang Berhormat Kapar dan seterusnya.

**Dato' Seri Dr. Shahidan bin Kassim [Arau]:** Kita akan tunggu Yang Berhormat Jelutong.

**Tuan Yang di-Pertua:** Saya akan sediakan senarai. Kalau hendak baca, nanti lama sangat. Ya, silakan.

**Dato' Seri Dr. Shahidan bin Kassim [Arau]:** Yang Berhormat Jelutong jangan lari ya.

*[Mesyuarat ditempohkan pada pukul 1.01 tengah hari]*

*[Mesyuarat disambung semula pada pukul 2.30 petang]*

■1430

*[Timbalan Yang di-Pertua (Tuan Nga Kor Ming) mempengerusikan mesyuarat]*

**Timbalan Yang di-Pertua [Tuan Nga Kor Ming]:** Ahli-ahli Yang Berhormat, sidang diteruskan dengan perbahasan Titah Tuanku. Sebelum saya menjemput Ahli Yang Berhormat yang seterusnya, Parlimen Malaysia mengamalkan kebebasan bersuara tetapi sila patuhi dan hormati peraturan mesyuarat.

Sekarang saya menjemput Yang Berhormat Jelutong. Masa selama 20 minit, sila.

2.33 ptg.

**Tuan Sanisvara Nethaji Rayer a/l Rajaji [Jelutong]:** Terima kasih Tuan Yang di-Pertua di atas peluang yang diberikan kepada saya untuk turut berbahas Menjunjung Kasih

Titah Duli Yang Maha Mulia Seri Paduka Baginda Yang di-Pertuan Agong. Pertamanya, saya ingin menyentuh ada beberapa isu, tetapi isu yang penting yang ingin saya sentuh pertama sekali adalah, Titah Yang di-Pertuan Agong dalam muka surat lapan yang telah diedarkan kepada semua Ahli Yang Berhormat. Ini di mana, Tuanku telah bertitah, rakyat hari ini bukan sahaja mahukan pembangunan, bahkan sebuah kerajaan yang bersih, telus, bertanggungjawab serta mendaulatkan undang-undang untuk membawa negara ke tahap yang lebih baik.

Dalam konteks ini, saya ingin menyentuh satu kejadian atau berita yang telah menjadi isu baru-baru ini iaitu pendedahan yang dibuat oleh seorang hakim yang masih melaksanakan tugas, dengan izin, *a sitting judge* di Mahkamah Rayuan yang telah memfailkan satu affidavit dalam satu prosiding yang telah dimulakan oleh anak kepada mendiang Yang Berhormat Bukit Gelugor, Yang Berhormat Karpal Singh iaitu Sangeet Kaur Deo, di mana di dalam pendedahan yang dibuat di dalam affidavit tersebut, Hakim Mahkamah Rayuan mendedahkan bahawa terdapat salah guna kuasa oleh pemimpin-pemimpin daripada Kerajaan Barisan Nasional yang dahulu dan juga campur tangan.

Ini di mana dalam campur tangan tersebut, yang melibatkan dua kes utama yang telah didedahkan. Satu, melibatkan Yang Berhormat Port Dickson pada masa sekarang. Kedua, Yang Berhormat Bukit Gelugor pada masa itu mendiang Karpal Singh. Beliau telah mendedahkan dalam keputusan-keputusan yang telah dibuat oleh mahkamah dalam perbicaraan-perbicaraan jenayah, melibatkan Yang Berhormat Port Dickson dan juga Yang Berhormat Bukit Gelugor, terdapat individu-individu tertentu, pemimpin-pemimpin tertentu daripada Barisan Nasional yang telah memberikan arahan supaya Yang Berhormat Port Dickson dan juga Yang Berhormat Bukit Gelugor pada masa itu disabitkan dengan pertuduhan-pertuduhan yang dihadapkan atau dibawa terhadap mereka.

Kita masih lagi ingat, nasib yang menimpa Yang Berhormat Port Dickson ketika Pilihan Raya Kecil Kajang diumumkan, mahkamah bersidang sampai pukul 8 malam. Ini menunjukkan dengan jelas bahawa ada individu-individu tertentu dalam Kerajaan Barisan Nasional di dalam pimpinan yang lama yang telah secara langsung melibatkan diri dan mungkin memberikan arahan-arahan tertentu kepada hakim-hakim yang mendengar kes itu untuk membuat keputusan-keputusan supaya mendapati Yang Berhormat Port Dickson dan juga Yang Berhormat Bukit Gelugor didapati bersalah.

Sila, Yang Berhormat Sungai Petani.

**Dato' Johari bin Abdul [Sungai Petani]:** Tuan Yang di-Pertua?

**Timbalan Yang di-Pertua [Tuan Nga Kor Ming]:** Sila.

**Dato' Johari bin Abdul [Sungai Petani]:** Bersetuju kah Yang Berhormat Jelutong dengan saya, kalau saya katakan satu Suruhanjaya Diraja hendaklah diadakan dengan *proper*—Tetapi yang lebih penting sekali bukan suruhanjaya itu *terms of reference* itu. *At the end of the day*, kita hendak tahu hendaklah disiasat hingga ke *bottom* apa yang telah terjadi.

Biarlah masyarakat umum tahu bahawa di negara kita ini ada perubahan yang luar biasa walaupun melibatkan hakim-hakim dan juga bidang-bidang yang lain seperti Parlimen, bidang kehakiman dan eksekutif bahawa ini satu reformasi yang sedang berlaku. Ini menunjukkan bahawa kita telus, walaupun ada pihak-pihak mengatakan *House* tidak perlu masuk campur dalam hal *judiciary*. Akan tetapi apabila kepentingan awam terjejas, maka, kita harus buka supaya akhirnya sampai ke *bottom*, mesti tahu apa yang berlaku. Terima kasih, Tuan Yang di-Pertua.

**Tuan Sanisvara Nethaji Rayer a/l Rajaji [Jelutong]:** Terima kasih Yang Berhormat Sungai Petani. Saya mohon ucapan itu turut dimasukkan ke dalam ucapan saya juga. Perkara ini ialah perkara penting. Kalau perkara ini boleh berlaku kepada seorang seperti Yang Berhormat Port Dickson, Yang Berhormat mantan Ahli Parlimen Bukit Gelugor Karpal Singh, bayangkan nasib orang-orang biasa di luar sana semasa pemerintahan Barisan Nasional?

Kita ingin tahu, apakah lagi benda-benda yang telah dilakukan oleh pemimpin-pemimpin Barisan Nasional untuk menekan rakyat, untuk mendapati orang-orang biasa di luar sana, yang dihadapkan dengan macam-macam pertuduhan di mana mereka telah didapati bersalah sehingga terpaksa masuk ke penjara.

**Dato' Sri Haji Tajuddin bin Abdul Rahman [Pasir Salak]:** [Bangun]

**Dato' Seri Dr. Shahidan bin Kassim [Arau]:** *[Bangun]*

**Tuan Sanisvara Nethaji Rayer a/l Rajaji [Jelutong]:** Yang Berhormat Pasir Salak saya ingin teruskan. Saya akan bagi peluang. Di sini, perubahan yang ingin kita buat di bawah Pakatan Harapan adalah kita ingin bersihkan sistem kehakiman. Perkara-perkara ini adalah perkara yang serius yang saya fikir patut, wajib diberikan perhatian oleh kerajaan sekarang seperti yang telah dititahkan oleh Yang di-Pertuan Agong.

Isu kedua yang ingin saya sentuh adalah, selalu parti DAP dikatakan sebagai parti yang rasis. Selalunya ada tuduhan-tuduhan dilemparkan terhadap...

**Dato' Sri Haji Tajuddin bin Abdul Rahman [Pasir Salak]:** *[Bangun]*

**Tuan Sanisvara Nethaji Rayer a/l Rajaji [Jelutong]:** Yang Berhormat Pasir Salak saya akan bagi peluang.

**Dato' Sri Haji Tajuddin bin Abdul Rahman [Pasir Salak]:** Sebelum pergi tajuk lain...

**Tuan Sanisvara Nethaji Rayer a/l Rajaji [Jelutong]:** Tunggu dahulu Yang Berhormat Pasir Salak. Saya akan bagi.

**Dato' Sri Haji Tajuddin bin Abdul Rahman [Pasir Salak]:** Tajuk yang pertama tadi.

**Tuan Sanisvara Nethaji Rayer a/l Rajaji [Jelutong]:** Saya akan bagi peluang, saya akan bagi peluang.

**Dato' Sri Haji Tajuddin bin Abdul Rahman [Pasir Salak]:** Tuan Yang di-Pertua...

**Tuan Sanisvara Nethaji Rayer a/l Rajaji [Jelutong]:** Yang Berhormat Bagan akan menjadi *target*...

**Dato' Seri Dr. Shahidan bin Kassim [Arau]:** *[Bangun]*

**Tuan Sanisvara Nethaji Rayer a/l Rajaji [Jelutong]:** Yang Berhormat Arau saya akan bagi peluang. Biar saya habiskan ini dahulu. Tadi kita lihat Ahli-ahli Yang Berhormat di sebelah sana menghentam Yang Berhormat Bagan mengatakan bahawa kenyataan yang dikeluarkan oleh beliau adalah tidak patut, beliau merupakan seorang rasis dan sebagainya-dan juga Yang Berhormat Teluk Intan, Tuan Yang di-Pertua.

Tahukah Ahli-ahli Yang Berhormat di sebelah sana, bahawa setelah Yang Berhormat Bagan menjadi Menteri Kewangan beberapa perkara-perkara penting yang telah dilakukan oleh beliau adalah seperti berikut.

#### ■1440

Saya ingin mengingatkan Dewan yang mulia ini. Pertama, peruntukan yang diberikan kepada Maktab Rendah Sains Mara adalah RM50 juta... *[Tepuk]* Peruntukan yang telah diberikan kepada sekolah mubaligh RM50 juta... *[Tepuk]* Sekolah Agama Bantuan Kerajaan RM50 juta... *[Tepuk]* Sekolah tahfiz RM50 juta... *[Tepuk]* Sekolah pondok berdaftar RM25 juta telah diberikan... *[Tepuk]* Malahan, baru-baru ini juga Yang Berhormat Menteri telah memberi sumbangan sebanyak RM5 juta untuk kos operasi menerbitkan ayat-ayat suci al-Quran, di mana perkara itu juga telah diputar belitkan oleh orang-orang yang tidak tentu yang hanya mengatakan bahawa Yang Berhormat Bagan telah pergi ke sana untuk merasmikan majlis tersebut.

Walhal beliau hadir di situ untuk memberikan peruntukan RM5 juta tidak pernah dalam sejarah Yang Berhormat Menteri Kewangan berbuat demikian. Dalam sejarah Barisan Nasional, saya ingin tanya pernahkah Menteri Kewangan memberikan RM5 juta atau apa-apa kewangan bantuan kewangan bagi kos operasi menerbitkan ayat-ayat suci al-Quran? Tidak ada.

Akan tetapi Yang Berhormat... *[Disampuk]*

**Dato' Seri Dr. Shahidan bin Kassim [Arau]:** Ya. Boleh saya... *[Disampuk]*

**Datuk Seri Haji Ahmad bin Haji Maslan [Pontian]:** Mencelah?

**Tuan Sanisvara Nethaji Rayer a/l Rajaji [Jelutong]:** Saya akan bagi peluang.

**Datuk Seri Haji Ahmad bin Haji Maslan [Pontian]:** Menteri Kewangan ini dahulu bagi RM30 juta.

**Dato' Sri Haji Tajuddin bin Abdul Rahman [Pasir Salak]:** Bila hendak beri peluang ini? Tunggu sampai habis dah.

**Tuan Sanisvara Nethaji Rayer a/l Rajaji [Jelutong]:** Di sini Yang Berhormat... *[Disampuk]*

**Datuk Seri Haji Ahmad bin Haji Maslan [Pontian]:** Untuk membina... *[Disampuk]*

**Tuan Sanisvara Nethaji Rayer a/l Rajaji [Jelutong]:** No. Yang Berhormat.

**Timbalan Yang di-Pertua [Tuan Nga Kor Ming]:** Ahli-ahli Yang Berhormat, sekarang giliran Yang Berhormat Jelutong. Sila hormat.

**Tuan Sanisvara Nethaji Rayer a/l Rajaji [Jelutong]:** Dengar. Dengar dahulu Yang Berhormat. Saya akan beri peluang. Masa saya tidak cukup.

**Dato' Seri Dr. Shahidan bin Kassim [Arau]:** Tanya pasal hakim, hakim.

**Datuk Seri Haji Ahmad bin Haji Maslan [Pontian]:** Majlis Agama Islam... *[Disampuk]*

**Tuan Sanisvara Nethaji Rayer a/l Rajaji [Jelutong]:** Saya akan bagi peluang. Saya akan bagi peluang.

**Datuk Seri Haji Ahmad bin Haji Maslan [Pontian]:** Di bawah arahan Menteri Kewangan, bagi lagi RM30 juta.

**Timbalan Yang di-Pertua [Tuan Nga Kor Ming]:** Sila duduk.

**Tuan Sanisvara Nethaji Rayer a/l Rajaji [Jelutong]:** Malahan, saya difahamkan bahawa Timbalan Tuan Yang di-Pertua sendiri telah menggunakan dana yang disumbangkan untuk memberikan bantuan kepada sekolah-sekolah agama di kawasan Teluk Intan... *[Tepuk]* Dana telah diberikan untuk berbagai-bagai projek untuk meluaskan masjid, memperbaiki masjid. Dana juga telah diberikan untuk majlis-majlis berbuka puasa dan sebagainya seperti yang telah dilakukan oleh semua wakil rakyat daripada Pakatan Harapan.

**Timbalan Yang di-Pertua [Tuan Nga Kor Ming]:** Yang Berhormat Jelutong. Saya penaja utama Majlis Berkhatan beramai-ramai di masjid untuk 10 tahun dan saya pernah bagi RM1.6 juta untuk membina Masjid Al-Naim di Teluk Intan... *[Tepuk]*

**Datuk Seri Haji Ahmad bin Haji Maslan [Pontian]:** Boleh saya minta mencelah?

**Dato' Sri Haji Tajuddin bin Abdul Rahman [Pasir Salak]:** Tuan Yang di-Pertua pula ambil bahagian dalam perbincangan ini.

**Timbalan Yang di-Pertua [Tuan Nga Kor Ming]:** Untuk rekod. Untuk rekod.

**Tuan Sanisvara Nethaji Rayer a/l Rajaji [Jelutong]:** Saya di sini... *[Disampuk]*

**Datuk Seri Haji Ahmad bin Haji Maslan [Pontian]:** Bila hendak bagi ini?

**Tuan Sanisvara Nethaji Rayer a/l Rajaji [Jelutong]:** Saya akan bagi. Saya akan bagi. Saya akan bagi.

**Dato' Sri Haji Tajuddin bin Abdul Rahman [Pasir Salak]:** Bila hendak bagi ini?

**Datuk Seri Haji Ahmad bin Haji Maslan [Pontian]:** Bila hendak bagi ini?

**Dato' Sri Haji Tajuddin bin Abdul Rahman [Pasir Salak]:** Bila lagi?

**Tuan Sanisvara Nethaji Rayer a/l Rajaji [Jelutong]:** Saya akan bagi. Saya akan bagi. Saya akan bagi. Saya cukup tertarik dengan Yang Berhormat... *[Disampuk]*

**Datuk Seri Haji Ahmad bin Haji Maslan [Pontian]:** Ingat 10 minit, tiga orang.

**Tuan Sanisvara Nethaji Rayer a/l Rajaji [Jelutong]:** Sebentar. Sebentar. Sebentar..

**Datuk Seri Haji Ahmad bin Haji Maslan [Pontian]:** Takut kah?

**Tuan Sanisvara Nethaji Rayer a/l Rajaji [Jelutong]:** Yang Berhormat Arau. Yang Berhormat Arau

**Dato' Seri Dr. Shahidan bin Kassim [Arau]:** Yang Berhormat, kerja-kerja itu semua kita sudah buat pada masa yang lepas.

**Timbalan Yang di-Pertua [Tuan Nga Kor Ming]:** Yang Berhormat Arau, sekarang adalah giliran Yang Berhormat Jelutong. Nanti Yang Berhormat Arau akan diberikan peluang. Sila.

**Dato' Seri Dr. Shahidan bin Kassim [Arau]:** Saya hendak tanya pasal hakim tadi.

**Timbalan Yang di-Pertua [Tuan Nga Kor Ming]:** Yang Berhormat Jelutong, teruskan.

**Tuan Sanisvara Nethaji Rayer a/l Rajaji [Jelutong]:** Saya ingin juga menarik perhatian Dewan yang mulia ini kepada satu watak yang kita panggil "*Bossku*". *Sorry*, bukan *boss* saya, saya malu tidak mahu *boss* macam itu, "*Bossmu*" lah kita panggil "*Bossmu*".

Saya ingin cerita di sini pengalaman saya. *Boss* Yang Berhormat Pasir Salak lah. Duduk! Saya akan beritahu.

**Dato' Sri Haji Tajuddin bin Abdul Rahman [Pasir Salak]:** Sudah tiga tajuk ini, tidak beri lagi peluang.

**Tuan Sanisvara Nethaji Rayer a/l Rajaji [Jelutong]:** Saya akan beri peluang. Saya akan beri peluang. Saya akan beri peluang.

**Timbalan Yang di-Pertua [Tuan Nga Kor Ming]:** Yang Berhormat Pasir Salak, sila duduk.

**Dato' Sri Haji Tajuddin bin Abdul Rahman [Pasir Salak]:** Apa ini, penakut betullah.

**Tuan Sanisvara Nethaji Rayer a/l Rajaji [Jelutong]:** Baru-baru ini... *[Disampuk]*

**Dato' Sri Haji Tajuddin bin Abdul Rahman [Pasir Salak]:** Tadi, *you* kacau orang... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Yang Berhormat Pasir Salak, sila duduk. Jangan... *[Disampuk]*

**Dato' Sri Haji Tajuddin bin Abdul Rahman [Pasir Salak]:** *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Sila, Yang Berhormat Jelutong.

**Tuan Sanisvara Nethaji Rayer a/l Rajaji [Jelutong]:** Terima kasih Tuan Yang di-Pertua, ini adalah kisah Orang-orang Asli di Cameron Highlands. Walaupun saya daripada kawasan Jelutong, saya telah diberikan tugas untuk berkempen di Cameron Highlands. Banyak daripada kita telah pergi ke sana dan saya lihat keadaan Orang-orang Asli atau orang asal di Pos Serindit di Sungai Koyan yang hidup serba kekurangan.

**Dato' Seri Dr. Shahidan bin Kassim [Arau]:** *Point of order.*

**Dato' Sri Haji Tajuddin bin Abdul Rahman [Pasir Salak]:** Ini hendak bagi kah, tidak ini?

**Timbalan Yang di-Pertua [Tuan Nga Kor Ming]:** Yang Berhormat Jelutong, teruskan.

**Datuk Seri Haji Ahmad bin Haji Maslan [Pontian]:** Pos Senderut, bukan Serindit. Senderut... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Yang Berhormat Jelutong, sila duduk. Yang Berhormat Arau bangkitkan, bacakan peraturan mesyuarat. Mana? 36(8), sila bacakan.

**Dato' Seri Dr. Shahidan bin Kassim [Arau]:** Yang Berhormat Jelutong telah menyentuh sifat-sifat hakim, kononnya hakim telah tidak berlaku adil. Ini tidak boleh disebut. Hakim tidak ada di sini untuk mempertahankan diri mereka. Malah tidak adil untuk kita

menyentuh sifat-sifat hakim, seolah-olahnya hakim tidak berlaku adil semasa pemerintahan Barisan Nasional.

Tadi Yang Berhormat menyebut tentang pemimpin Barisan Nasional. Namakan pemimpin itu kita hendak dengar. Sebab menuduh pemimpin Barisan Nasional, tidak adil. Kami di sini tidak tahu apa-apa pun. Kata Yang Berhormat main pakai hukum Barisan Nasional. Kami tidak buat macam itu. Kalau kami hendak tuduh, kami sebut Yang Berhormat Jelutong, Yang Berhormat Bagan. Ha! Kami sebut macam itu ataupun *Speaker* kami sebut macam itu.

**Timbalan Yang di-Pertua [Tuan Nga Kor Ming]:** Yang Berhormat.

**Dato' Seri Dr. Shahidan bin Kassim [Arau]:** Jadi, kita tidak sebut secara umum macam itu. Jadi, *point of order* saya minta tarik balik menyentuh tentang kelakuan hakim di bawah Peraturan Mesyuarat 36(8).

**Tuan Sanisvara Nethaji Rayer a/l Rajaji [Jelutong]:** Baiklah, saya tarik baliklah. Tiada masalah. Saya akan teruskan dengan perbahasan saya Tuan Yang di-Pertua. Di sini saya ingin menarik perhatian... *[Disampuk]*

**Dato' Seri Dr. Shahidan bin Kassim [Arau]:** Bagus. Bagus. Bagus.

**Tuan Sanisvara Nethaji Rayer a/l Rajaji [Jelutong]:** Saya akan menarik perhatian Dewan yang mulia ini kepada nasib orang-orang asal di Kampung Senderut di Sungai Koyan. Mereka hidup dalam keadaan yang begitu daif tidak ada bekalan elektrik, tidak ada bekalan air bersih, tidak ada sekolah, tidak ada hospital ataupun klinik. Ketika saya sampai di sana untuk berkempen, saya tertanya-tanya apakah yang telah dilakukan oleh Barisan Nasional semasa mereka memerintah dan saya sungguh dukacita. Kita lihat Yang Berhormat Pekan, seorang Perdana Menteri, datangnya daripada negeri yang sama Pahang... *[Disampuk]*

**Datuk Seri Haji Ahmad bin Haji Maslan [Pontian]:** Yang Berhormat Jelutong. Saya berada di Pos Sinderut beberapa hari.

**Tuan Sanisvara Nethaji Rayer a/l Rajaji [Jelutong]:** Saya tidak bagi peluang.

**Datuk Seri Haji Ahmad bin Haji Maslan [Pontian]:** Klinik ada, sekolah ada, jalan raya ada.

**Tuan Sanisvara Nethaji Rayer a/l Rajaji [Jelutong]:** Tidak ada.

**Datuk Seri Haji Ahmad bin Haji Maslan [Pontian]:** Saya pergi di sana.

**Tuan Sanisvara Nethaji Rayer a/l Rajaji [Jelutong]:** Tidak ada.

**Datuk Seri Haji Ahmad bin Haji Maslan [Pontian]:** Duduk di sana... *[Pembesar suara dimatikan]*

**Tuan Sanisvara Nethaji Rayer a/l Rajaji [Jelutong]:** Tidak ada.

**Timbalan Yang di-Pertua [Tuan Nga Kor Ming]:** Ahli-ahli Yang Berhormat, saya ingatkan kepada Peraturan Mesyuarat Perkara 35(1).

**Datuk Seri Haji Ahmad bin Haji Maslan [Pontian]:** Kan ada gambar-gambar saya duduk... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Ahli-ahli Yang Berhormat, seseorang ahli tidak boleh berucap selain daripada dipanggil oleh pengerusi.

**Dato' Sri Haji Tajuddin bin Abdul Rahman [Pasir Salak]:** Pengerusi biar adil.

**Timbalan Yang di-Pertua [Tuan Nga Kor Ming]:** Tidak payah. Yang Berhormat Pasir Salak.

**Dato' Sri Haji Tajuddin bin Abdul Rahman [Pasir Salak]:** Biar adil.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, terima kasih. Saya teruskan... *[Disampuk]*

**Timbalan Yang di-Pertua [Tuan Nga Kor Ming]:** Yang Berhormat Pasir Salak.

**Dato' Sri Haji Tajuddin bin Abdul Rahman [Pasir Salak]:** Apa?

**Timbalan Yang di-Pertua [Tuan Nga Kor Ming]:** Sila tunjukkan adab dan tatatertib dalam... *[Disampuk]*

**Dato' Sri Haji Tajuddin bin Abdul Rahman [Pasir Salak]:** Tunjukkan adab? Tuan Yang di-Pertua pun kena adil. Jangan hendak tunjuk ya. Hendak tunjuk kah?

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua.

**Timbalan Yang di-Pertua [Tuan Nga Kor Ming]:** Seluruh rakyat boleh perhatikan perangai.

**Dato' Sri Haji Tajuddin bin Abdul Rahman [Pasir Salak]:** Ya, perhatikan Tuan Yang di-Pertua. Tuan Yang di-Pertua yang *bias*.

**Timbalan Yang di-Pertua [Tuan Nga Kor Ming]:** Perangai inilah yang telah menjatuhkan imej Dewan yang mulia ini.

**Dato' Sri Haji Tajuddin bin Abdul Rahman [Pasir Salak]:** Tuan Yang di-Pertua hendak tunjuk hebat. *You* hebat.

**Timbalan Yang di-Pertua [Tuan Nga Kor Ming]:** Rakyat boleh menilai.

**Dato' Sri Haji Tajuddin bin Abdul Rahman [Pasir Salak]:** Menilai? Ini Taliban kah? *You* panggil orang Taliban.

**Timbalan Yang di-Pertua [Tuan Nga Kor Ming]:** Menilai tingkah laku Yang Berhormat Pasir Salak. Samseng. Ala samseng.

**Dato' Sri Haji Tajuddin bin Abdul Rahman [Pasir Salak]:** Ini panggil orang taliban. Yang Berhormat Teluk Intan.

**Timbalan Yang di-Pertua [Tuan Nga Kor Ming]:** Boleh teruskan. Rakyat sedang menilai.

**Dato' Sri Haji Tajuddin bin Abdul Rahman [Pasir Salak]:** Ya menilai Taliban... *[Dewan riuh]*

**Timbalan Yang di-Pertua [Tuan Nga Kor Ming]:** "Siapa makan cili, dia rasa pedas".

**Tuan Willie anak Mongin [Puncak Borneo]:** Tarik balik itu. Tarik balik Taliban itu.

**Dato' Sri Haji Tajuddin bin Abdul Rahman [Pasir Salak]:** Yang Berhormat Teluk Intan panggil kita Taliban.

**Tuan Willie anak Mongin [Puncak Borneo]:** Dia tidak sebut pun.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua.

**Timbalan Yang di-Pertua [Tuan Nga Kor Ming]:** Sila, sila. Masa ada lima minit lagi.

**Datuk Seri Haji Ahmad bin Haji Maslan [Pontian]:** Yang Berhormat Jelutong ini mengelirukan Dewan. Mana ada di Pos 'Senderut' itu sebagaimana yang disebutkan... *[Disampuk]*

**Tuan Sanisvara Nethaji Rayer a/l Rajaji [Jelutong]:** Yang Berhormat Pontian.

**Datuk Seri Haji Ahmad bin Haji Maslan [Pontian]:** Saya duduk di sana. Ada sekolah. Ada klinik. Ada jalan raya.

**Tuan Sanisvara Nethaji Rayer a/l Rajaji [Jelutong]:** Tidak ada. Tidak ada. Tidak ada.

**Datuk Seri Haji Ahmad bin Haji Maslan [Pontian]:** Pembohong!

**Tuan Sanisvara Nethaji Rayer a/l Rajaji [Jelutong]:** Saya beritahu tidak ada. Jalan raya pun tidak ada. Air tidak ada. Elektrik ada.

**Dato' Sri Haji Tajuddin bin Abdul Rahman [Pasir Salak]:** Yang Berhormat Jelutong tipu!

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua... *[Disampuk]*



**Dato' Seri Dr. Shahidan bin Kassim [Arau]:** *Point of order. Point of order.*

**Tuan Sanisvara Nethaji Rayer a/l Rajaji [Jelutong]:** Ini adalah cerita yang benar.

**Datuk Seri Haji Ahmad bin Haji Maslan [Pontian]:** Pergi *Google* sekarang Sekolah Kebangsaan Sinderut. Keluar ada.

**Tuan Sanisvara Nethaji Rayer a/l Rajaji [Jelutong]:** Saya minta supaya dibenarkan untuk meneruskan Tuan Yang di-Pertua. Tidak mahu diganggu, terima kasih.

**Timbalan Yang di-Pertua [Tuan Nga Kor Ming]:** Sila teruskan perbahasan.

**Dato' Seri Dr. Shahidan bin Kassim [Arau]:** *Point of order.*

**Tuan Sanisvara Nethaji Rayer a/l Rajaji [Jelutong]:** Persoalan saya kepada Dewan yang mulia ini adalah semasa pemerintahan Barisan Nasional... *[Disampuk]*

**Dato' Seri Dr. Shahidan bin Kassim [Arau]:** *Point of order.*

**Tuan Sanisvara Nethaji Rayer a/l Rajaji [Jelutong]:** Mengapa tidak perkara-perkara atau nasib orang-orang asal di Cameron Highlands terutamanya Kampung Senderut diberi perhatian.

**Dato' Sri Haji Tajuddin bin Abdul Rahman [Pasir Salak]:** Macam-macam kita buatlah. Macam-macam... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Yang Berhormat Pasir Salak. Ini teguran kali kedua.

**Dato' Seri Dr. Shahidan bin Kassim [Arau]:** Yang Berhormat Pasir Salak.

**Dato' Sri Haji Tajuddin bin Abdul Rahman [Pasir Salak]:** Tiga pun tidak apa!

**Dato' Seri Dr. Shahidan bin Kassim [Arau]:** *Point of order* untuk Yang Berhormat Pasir Salak.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua.

**Timbalan Yang di-Pertua [Tuan Nga Kor Ming]:** Yang Berhormat Pasir Salak hendak tunjukkan kejaguan tetapi dengan ala samseng. Ini amat mengecewakan.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, kalau Yang Berhormat Pasir Salak ingin meneruskan macam itu, saya minta dia dihalau keluar. Beliau mengganggu masa saya.

**Timbalan Yang di-Pertua [Tuan Nga Kor Ming]:** Niat dia memang hendak dihalau keluar supaya dia jadi *hero*.

**Dato' Sri Haji Tajuddin bin Abdul Rahman [Pasir Salak]:** Ini depan, depan ini.

**Timbalan Yang di-Pertua [Tuan Nga Kor Ming]:** Akan tetapi kita boleh perhatikan perangai inilah.

**Tuan Sanisvara Nethaji Rayer a/l Rajaji [Jelutong]:** Yang Berhormat Pasir Salak.

**Dato' Sri Haji Tajuddin bin Abdul Rahman [Pasir Salak]:** Perangai Tuan Yang di-Pertua sangat tidak adil.

**Timbalan Yang di-Pertua [Tuan Nga Kor Ming]:** Perangai ini patut dilihat oleh rakyat di luar.

**Dato' Sri Haji Tajuddin bin Abdul Rahman [Pasir Salak]:** Tuan Yang di-Pertua yang tidak adil. Di luar cakap berani.

**Timbalan Yang di-Pertua [Tuan Nga Kor Ming]:** Sila.

**Tuan Sanisvara Nethaji Rayer a/l Rajaji [Jelutong]:** Terima kasih Tuan Yang di-Pertua. Saya sungguh tertanya-tanya...

**Dato' Seri Dr. Shahidan bin Kassim [Arau]:** Tuan Yang di-Pertua, siapa yang tuduh Taliban ini? Siapa yang tuduh? Tuan Yang di-Pertua, apakah benar Tuan Yang di-Pertua menuduh Taliban kepada kami?

**Tuan Sanisvara Nethaji Rayer a/l Rajaji [Jelutong]:** Duduklah Yang Berhormat Arau. Duduklah... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Ahli-ahli Yang Berhormat, nanti Yang Berhormat Jelutong duduk. Ahli-ahli Yang Berhormat, apabila jubah ini atas bahu saya, saya akan menjalankan tugas dengan tegas, adil, saksama dan beramanah. Akan tetapi, apabila ada Ahli Yang Berhormat yang cuba lemparkan tuduhan terhadap Tuan Yang di-Pertua... *[Disampuk]*

**Dato' Sri Haji Tajuddin bin Abdul Rahman [Pasir Salak]:** Ia betul bukan tuduhan. Yang Berhormat sebut di luar.

**Timbalan Yang di-Pertua [Tuan Nga Kor Ming]:** Adakah Yang Berhormat Pasir Salak pernah dengar? Yang Berhormat Pasir Salak, ada Yang Berhormat Pasir Salak pernah dengar tidak?

**Dato' Sri Haji Tajuddin bin Abdul Rahman [Pasir Salak]:** Kita bacalah. Ada baca.

**Timbalan Yang di-Pertua [Tuan Nga Kor Ming]:** Baca apa?

**Dato' Sri Haji Tajuddin bin Abdul Rahman [Pasir Salak]:** Dalam surat khabar.

**Timbalan Yang di-Pertua [Tuan Nga Kor Ming]:** Surat khabar.

**Tuan Willie anak Mongin [Puncak Borneo]:** Itu surat khabar.

**Timbalan Yang di-Pertua [Tuan Nga Kor Ming]:** Ini sekali lagi, Yang Berhormat... *[Disampuk]*

**Dato' Sri Haji Tajuddin bin Abdul Rahman [Pasir Salak]:** Kalau berani... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Duduk. Biar saya jelaskan. Biar saya jelaskan. Saya tadi katakan, apabila jubah atas bahu saya, saya Tuan Yang di-Pertua. Akan tetapi, jika hendak tuduh Tuan Yang di-Pertua, kita boleh debat di luar. Apabila saya tidak pakai jubah ini.

#### ■1450

Jangan buat tohmahan kecuali kamu ada bukti. Semua ini laporan media. Tadi pagi *Speaker* dah buat *ruling*. Jangan hanya bersandarkan pada media dan kemudian buat tuduhan melulu. Ini saya rasa tidak adil. Jika ada, kita boleh bahas di luar tetapi jangan, jangan sekali cuba untuk mengundang kekecohan dan mencabar kewibawaan kerusi ini.

**Dato' Sri Haji Tajuddin bin Abdul Rahman [Pasir Salak]:** Kalau berani di sini. Dalam Dewan kalau berani, jangan di luar.

**Timbalan Yang di-Pertua [Tuan Nga Kor Ming]:** Duduk!

**Dato' Seri Dr. Shahidan bin Kassim [Arau]:** Siapa sebut Taliban ini? Siapa?

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, saya mohon diberi masa lima minit kerana gangguan. Saya mohon diberi *injury time* lima minit, dengan izin.

**Timbalan Yang di-Pertua [Tuan Nga Kor Ming]:** Ya.

**Tuan Sanisvara Nethaji Rayer a/l Rajaji [Jelutong]:** Terima kasih Tuan Yang di-Pertua.

**Dato' Seri Dr. Shahidan bin Kassim [Arau]:** Satu jam.

**Tuan Sanisvara Nethaji Rayer a/l Rajaji [Jelutong]:** Di sini saya rasa terkilan kerana keadaan orang-orang asal di Cameron Highlands, di perkampungan-perkampungan orang asal di situ tidak diberikan perhatian dan saya ingin menegur wakil-wakil rakyat daripada MIC khususnya yang telah menjadi wakil rakyat di kawasan Cameron Highlands untuk empat atau lima penggal. Apakah yang dilakukan oleh mereka?... *[Tepuk]*

**Seorang Ahli:** Betul!

**Tuan Sanisvara Nethaji Rayer a/l Rajaji [Jelutong]:** Apa yang mereka buat? Langsung tidak diberi perhatian. Nasib Orang Asli, orang asal di Cameron Highlands langsung tidak diberi perhatian.

**Dato' Seri Dr. Shahidan bin Kassim [Arau]:** Penjelasan.

**Tuan Sanisvara Nethaji Rayer a/l Rajaji [Jelutong]:** Saya di sini...

**Datuk Seri Haji Ahmad bin Haji Maslan [Pontian]:** Tidak sebut lagi Pos Senderut.

**Tuan Sanisvara Nethaji Rayer a/l Rajaji [Jelutong]:** Ingin memohon dewan...

**Datuk Seri Haji Ahmad bin Haji Maslan [Pontian]:** Pos Senderut ada jalan 40 kilometer, jalan tar.

**Tuan Sanisvara Nethaji Rayer a/l Rajaji [Jelutong]:** Tidak ada Yang Berhormat Pontian, tidak ada! Saya cabar tidak ada.

**Datuk Seri Haji Ahmad bin Haji Maslan [Pontian]:** 22 tahun mereka menunggu Yang Berhormat Langkawi...

**Tuan Sanisvara Nethaji Rayer a/l Rajaji [Jelutong]:** Tidak ada! Memang tidak ada!

**Datuk Seri Haji Ahmad bin Haji Maslan [Pontian]:** Akan tetapi dalam masa 9 tahun, Yang Berhormat Pekan buat jalan 40 kilometer, Pos Senderut.

**Dato' Seri Dr. Shahidan bin Kassim [Arau]:** Yang Berhormat...

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, saya tidak mahu diganggu.

**Datuk Seri Haji Ahmad bin Haji Maslan [Pontian]:** SK Senderut ada.

**Tuan Sanisvara Nethaji Rayer a/l Rajaji [Jelutong]:** Saya Cuma ingin meminta Kerajaan Pakatan Harapan...

**Datuk Seri Haji Ahmad bin Haji Maslan [Pontian]:** Klinik Senderut ada.

**Tuan Sanisvara Nethaji Rayer a/l Rajaji [Jelutong]:** Walaupun kita telah gagal dalam Pilihan raya...

**Datuk Seri Haji Ahmad bin Haji Maslan [Pontian]:** Sebanyak RM30 juta Menteri Kewangan dulu bagi Nasyrul Quran, tetapi *you* kata tidak ada. Menteri Kewangan bagi kepada Nasyrul Quran.

**Timbalan Yang di-Pertua [Tuan Nga Kor Ming]:** Yang Berhormat Pontian, Yang Berhormat Pontian, sila duduk.

**Datuk Seri Haji Ahmad bin Haji Maslan [Pontian]:** Pembohong!

**Timbalan Yang di-Pertua [Tuan Nga Kor Ming]:** Yang Berhormat Pontian...

**Dato' Seri Dr. Shahidan bin Kassim [Arau]:** Apakah Yang Berhormat sedar bahawa tanah-tanah Orang Asli...

**Timbalan Yang di-Pertua [Tuan Nga Kor Ming]:** Yang Berhormat Arau.

**Dato' Seri Dr. Shahidan bin Kassim [Arau]:** Banyak yang dicuri oleh penyokong-penyokong DAP.

**Tuan Sanisvara Nethaji Rayer a/l Rajaji [Jelutong]:** Saya tidak bagi laluan Yang Berhormat. Saya tidak bagi laluan.

**Timbalan Yang di-Pertua [Tuan Nga Kor Ming]:** Tidak payah bagi laluan, mereka tidak pernah minta kebenaran. Teruskan Yang Berhormat Jelutong.

**Tuan Sanisvara Nethaji Rayer a/l Rajaji [Jelutong]:** Terima kasih. Terima kasih. Di sini, saya yakin dan percaya bahawa Kerajaan Pakatan Harapan akan melaksanakan tugas sebagai kerajaan untuk memastikan bahawa nasib orang asal di Cameron Highlands diberi perhatian.

Saya yakin dan percaya sebabnya mereka mengundi Barisan Nasional adalah disebabkan oleh isu-isu perkauman yang dimainkan oleh Barisan Nasional. Isu-isu yang dimainkan oleh PAS dan UMNO untuk mengaburi rakyat di sana.

**Tuan Haji Awang bin Hashim [Pendang]:** Minta laluan. Kamu sebut PAS, apa dia yang PAS buat isu perkauman?

**Tuan Sanisvara Nethaji Rayer a/l Rajaji [Jelutong]:** Saya akan beritahu.

**Tuan Haji Awang bin Hashim [Pendang]:** Bagi satu contoh!

**Tuan Sanisvara Nethaji Rayer a/l Rajaji [Jelutong]:** Duduk dulu, duduk dulu.

**Tuan Haji Awang bin Hashim [Pendang]:** Saya tidak peduli, sekarang!

**Tuan Sanisvara Nethaji Rayer a/l Rajaji [Jelutong]:** Duduk dulu, duduk dulu.

**Tuan Che Alias bin Hamid [Kemaman]:** Apa dia PAS kata?

**Tuan Haji Awang bin Hashim [Pendang]:** Kalau PAS Taliban, kami tidak peduli.

**Tuan Che Alias bin Hamid [Kemaman]:** Apa dia PAS buat?... *[Pembesar suara dimatikan]*

**Tuan Haji Awang bin Hashim [Pendang]:** Bagi satu contoh.

**Timbalan Yang di-Pertua [Tuan Nga Kor Ming]:** Ya sila Yang Berhormat Jelutong, teruskan.

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua...

**Timbalan Yang di-Pertua [Tuan Nga Kor Ming]:** Sila menggulung.

**Tuan Sanisvara Nethaji Rayer a/l Rajaji [Jelutong]:** Saya di sini, sekali lagi ingin memohon Dewan yang mulia ini supaya rakyat di luar sana.

**Tuan Haji Awang bin Hashim [Pendang]:** Tidak, saya tidak puas hati! PAS dengan UMNO melalui isu perkauman apa dia?

**Tuan Sanisvara Nethaji Rayer a/l Rajaji [Jelutong]:** Saya akan beritahu nanti.

**Dato' Haji Ahmad Nazlan bin Idris [Jerantut]:** Beritahu sekarang, jangan nanti, nanti!

**Timbalan Yang di-Pertua [Tuan Nga Kor Ming]:** Sila menggulung.

**Tuan Mohd Shahr bin Abdullah [Paya Besar]:** Sekaranglah.

**Seorang Ahli:** Sekarang bagi.

**Timbalan Yang di-Pertua [Tuan Nga Kor Ming]:** Yang Berhormat Jelutong, sila menggulung.

**Tuan Sanisvara Nethaji Rayer a/l Rajaji [Jelutong]:** Tuduhan dibuat terhadap Kerajaan Pakatan Harapan. Saya akan beritahu. Bagilah masa.

**Dato' Haji Ahmad Nazlan bin Idris [Jerantut]:** Apakah tuduhan yang dibuatnya sedangkan Kerajaan Pakatan Harapan menuduh jika UMNO dan Barisan Nasional... *[Bercakap tanpa menggunakan pembesar suara]* Bersatu, negara yang akan huru-hara. Siapa lagi yang tuduh?

**Seorang Ahli:** Siapa yang tuduh?

**Timbalan Yang di-Pertua [Tuan Nga Kor Ming]:** Sila menggulung.

**Tuan Haji Awang bin Hashim [Pendang]:** Jangan main perkauman!... *[Pembesar suara dimatikan]*

**Timbalan Yang di-Pertua [Tuan Nga Kor Ming]:** Ahli-ahli Yang Berhormat. Ahli Yang Berhormat, ini Dewan Rakyat bukan warung kopi. Suka tengking menengking macam ini tanpa kebenaran bukan tabiat dan tingkah laku seorang Ahli Yang Berhormat. Saya tidak merujuk kepada sesiapa. Jika hendak berucap boleh, tetapi tolong minta kebenaran... *[Dewan riuh]* Minta kebenaran satu persatu. Ini adalah laluan Yang Berhormat Jelutong. Mengikut Peraturan Mesyuarat, dia ada hak hendak bagi laluan atau pun tidak. Ini adalah kebebasan beliau. Sama juga dengan Ahli Yang Berhormat yang lain. Sekarang saya jemput Yang Berhormat Jelutong untuk menggulung... *[Dewan riuh]* Duduk!.. *[Dewan riuh]*

**Tuan Sanisvara Nethaji Rayer a/l Rajaji [Jelutong]:** Saya Cuma merayu kepada rakyat di luar sana supaya jangan...

**Dato' Haji Ahmad Nazlan bin Idris [Jerantut]:** Akan tetapi tidak bermakna boleh buat tuduhan Tuan Yang di-Pertua... [*Pembesar suara dimatikan*] [*Dewan riuh*]

**Timbalan Yang di-Pertua [Tuan Nga Kor Ming]:** Yang Berhormat Kota Bharu tidak payah menghasutlah. Yang Berhormat Kota Bharu dah senior kan. Tidak payahlah. Saya dah minta Yang Berhormat Jelutong untuk menggulung. Okey, sila.

**Seorang Ahli:** Cameron Highlands.

**Tuan Ramli bin Mohd Nor [Cameron Highlands]:** [*Bangun*]

**Tuan Sanisvara Nethaji Rayer a/l Rajaji [Jelutong]:** Saya akan menggulung. Duduk dulu. Saya hanya merayu kepada rakyat di luar sana supaya jangan percaya kepada penyamun dan pencuri... [*Dewan riuh*]

**Dato' Haji Ahmad Nazlan bin Idris [Jerantut]:** Macam mana dengan penipu? Macam mana dengan penipu?

**Tuan Haji Awang bin Hashim [Pendang]:** Siapa penyamun, siapa penyamun?

**Tuan Sanisvara Nethaji Rayer a/l Rajaji [Jelutong]:** Penyamun dan pencuri.

**Dato' Haji Ahmad Nazlan bin Idris [Jerantut]:** Bagaimana dengan penipu Yang Berhormat Jelutong?... [*Dewan riuh*]

**Timbalan Yang di-Pertua [Tuan Nga Kor Ming]:** Okey, masa Yang Berhormat Jelutong sudah tamat. Sekian, terima kasih. Yang lain pun duduk. Yang lain duduk. Sila jaga tatatertib mesyuarat. Seterusnya saya jemput Yang Berhormat Bintulu. Sila berbahas berdasarkan kepada fakta jangan kongkalikung.

**2.56 ptg.**

**Dato' Seri Tiong King Sing [Bintulu]:** Terima kasih Tuan Yang di-Pertua. Tuan Yang di-Pertua saya dalam bahas saya tidak mahu bagi laluan terutama sekali Yang Berhormat Jelutong jangan kacau... [*Dewan ketawa*] Pasal dia cerita memang kongkalikung.

Terima kasih Tuan Yang di-Pertua kerana telah memberi peluang kepada saya untuk terus berbahas dalam ucapan Titah Ke Bawah Duli Yang Maha Mulia Seri Paduka Baginda Yang di-Pertuan Agong, bagi Mesyuarat Pertama, Penggal Kedua, Persidangan Parlimen Yang Keempat Belas di Parlimen Malaysia yang mulia ini.

Saya merafakkan sembah atas perkenan Duli Yang Maha Mulia Seri Paduka Baginda Yang di-Pertuan Agong mencemar duli untuk menjayakan satu lagi proses demokrasi yang cukup penting kepada negara yang kita cinta.

Tuan Yang di-Pertua, saya mahu sentuh beberapa perkara mengenai masalah-masalah atau isu-isu soal daripada rakyat. Kejatuhan harga komoditi seperti getah, *rubber* dan sawit telah membimbangkan rakyat dan menjejaskan ekonomi negara. Inilah kesan yang paling besar kepada peladang dan pekebun kecil yang terus merasa kesengsaraan akibat kejatuhan harga sawit dan getah.

Apakah tindakan pihak kementerian untuk mengatasi masalah ini bukan hanya membuat cadangan-cadangan yang tidak masuk akal seperti selalu minta rakyat. Contoh baru-baru ini, Menteri kata suruh orang jangan tanam sawit. Sawit semua hapus. Mana-mana kalau sudah *replanting* kasi tanam *bamboo*. Ya buluh. Ini *bamboo* bahasa Inggeris ya.

Kenapa kita kalau mahu buat, mahu tukar tanaman bukan sahaja macam tukar baju. *Overnight* kita boleh buat. Sepatutnya daripada kementerian, mahu keluar satu cadangan macam mana hendak bantu dan tolong rakyat menyelesaikan apabila harga jatuh. Janganlah kita cerita pun, macam dalam masa dalam hujan kita boleh buat *rubber tapping*. Macam mana masa dalam hujan pun kita boleh buat?

Sebagai Menteri, kalau kita belum lagi faham macam mana jalankan tugas, belajar dulu. Fasal kita sekarang sebagai Menteri, bila kita umum apa-apa dalam masyarakat kita atau pun negara kita akan menjejaskan imej negara kita. Tidak kira kita kerajaan atau pun pembangkang. Kita jangan cerita suka hati. Adakah kita sekarang sudah dapat satu jaminan daripada pihak China, adakah betul mereka hendak terus memberi sawit kepada kita atau

pun dalam *volume* yang lebih besar? Walaupun baru-baru ini ada *sign*. Malaysia kita punya syarikat sama negara China. Itu *signing* MOU itu betul punya ke atau pun tidak? Atau pun itu *company sign* Cuma wayang sahaja sudah ada terlibat atau pun sebahagian *share* daripada *company* di negara kita.

■1500

Kalau sebegini, mana ada pertolongan kita punya lain-lain pekebun-pekebun kecil ataupun mana-mana sawit, kalau tidak dapat bekalan daripada negara China. Begitu juga apakah tindakan pihak kementerian untuk bertemu dan berbincang dengan EU. Saya nampak hari itu EU sudah bergaduh dan sudah tidak mahu beli sawit kita. Kita kata kita mahu boikot semua barang EU. Selepas itu, nanti kita cerita lagi, "*oh! Kita jangan lagi boikot. Kita jangan boikot, kita pun teruskan.*" Apa cerita ini? Hari-hari kita buat *U-Turn, check turn*, apa *term* semua saja kita masuk. Kalau macam ini, macam mana ekonomi negara boleh berkembang. Inilah saya mahu minta, Menteri daripada Kementerian Industri Utama, sila bagi satu penjelasan ataupun cadangan cukup yang jelas untuk rakyat Malaysia kita ataupun peladang-peladang ataupun pekebun kecil ini.

**Dato' Seri Dr. Shahidan bin Kassim [Arau]:** Penjelasan.

**Dato' Seri Tiong King Sing [Bintulu]:** Ini tidak kasi, dia nanti marah.

**Dato' Seri Dr. Shahidan bin Kassim [Arau]:** Arau. Tidak, saya setuju. Ucapan Yang Berhormat hari ini cukup baik dan di antara yang terbaik lah. Ini Yang Berhormat cukup hebat. Tadi fasal buluh tadi. Apakah Yang Berhormat hendak cadang kepada Menteri ini supaya tubuh Lembaga Buluh Negara ataupun "LEMBU"? Adakah Yang Berhormat ingin mencadangkan kepada kerajaan?

**Dato' Seri Tiong King Sing [Bintulu]:** Terima kasih Yang Berhormat Arau. Kita punya mencelah masuk ucapan saya, nanti minta Menteri jawab. Dia punya cadangan selalu yang baik, saya tidak boleh jawab.

Tuan Yang di-Pertua, saya mahu sentuh ini Lebuhraya *Pan Borneo*. Saya rasa Tuan Yang di-Pertua pun ada dengar beberapa kali saya sudah hujah dalam Dewan. Lebuhraya *Pan Borneo* ini saya tidak faham kenapa Menteri Kerja Raya turun padang. Dia pusing satu *round*, dua *rounds* dia kata, saya banyak puas hati atas pembinaan. Akan tetapi, jalan depan kawasan dia pun tidak boleh nampak begitu teruk. Berapa kali sudah *accident* berlaku di kawasan itu.

Dia masih lagi boleh bagi tahu media, dia cukup puas hati. Kemalangan sudah beberapa kali. Baru-baru ini ada satu bas lagi, fasal dia punya *signage improper*. Bas sudah langgar masuk longkang, nasib nyawa tidak terbang. Saya mahu tanya JKR ini Menteri. Bila ada, baru hendak bagi membaiki ataupun penyelenggaraan jalan raya itu? Kita berlubang-lubang itu, dalam masa Tahun Baru Cina. Oh! Wakil rakyat Pakatan Harapan dia mahu pergi pusing satu *round*. Dia kata 48 jam akan siapkan semua. Akan tetapi lepas Tahun Baru saya pergi masih lagi sama. Berlubang sini sana, tetapi gambar itu keluar jalan cantik. Akan tetapi, itu jalan bila dalam pembinaan, dia sudah *first layer* sudah terhasil tetapi masih belum lagi bagi rakyat pakai, guna.

Jadi, macam mana kita selalu pergi tipu rakyat. Ini kita tidak kira kerajaan atau pembangkang atas ini perkara serius fasal *road user*, nyawa dia tergantung. Kenapa kita ambil ini perkara yang main-main sahaja, tidak ambil serius? Berapa kali sudah saya sentuh mengenai kontraktor-kontraktor ataupun sub kontraktor? *Signagenya* tiada, *clipping lightning* tiada, simpanannya tidak dijelas untuk rakyat. Malam-malam hujan kuat, orang tidak boleh nampak. Begitu juga itu jalan *diversion*, dia pun tidak buat *tar-seal*. Kenapa Malaya sini, kita buat jalan raya semua bina *diversion*, semua *tar-seal*. Janganlah Sarawak punya ada *standard* lain, tidak buat *tar-seal* ini. Jalan batu sahaja, ada punya tempat tanah sahaja. Sebegini kah?

Kenapa kita tidak jalankan satu tugas sebagai Menteri, buat betul-betul untuk rakyat. Saya tidak fahamlah. Sebagai kerajaan baharu, polisi baharu ataupun Malaysia baharu, rakyat sudah fikir ini perkara yang kecil. Boleh tolong rakyat selesaikan masalah ini. Akan tetapi, akhir sekali ini bukan tolong selesai, lagi teruk jalan ini. Ini jalan akhir sekali Tuan Yang di-Pertua memang kongkalikung punya jalan. Ini rakyat minta saya soalkan.

**Tuan Willie anak Mongin [Puncak Borneo]:** Yang Berhormat Bintulu, minta laluan.

**Dato' Seri Tiong King Sing [Bintulu]:** Minta kerajaan Menteri Kerja Raya...

**Tuan Willie anak Mongin [Puncak Borneo]:** Yang Berhormat Bintulu, minta laluan.

**Dato' Seri Tiong King Sing [Bintulu]:** ...Mestilah bagi satu tarikh yang cukup tepat beritahu rakyat bila jalan raya ini...

**Tuan Willie anak Mongin [Puncak Borneo]:** Yang Berhormat Bintulu, Puncak Borneo minta laluan.

**Dato' Seri Tiong King Sing [Bintulu]:** ...Khususnya Lebuhraya Pan Borneo ini dalam pembinaan boleh tolong beri membaiki semua ini. Oleh sebab ini jalan lama semua bagi rosak masa dalam pembinaan kontraktor-kontraktor ataupun sub kontraktor dia.

**Tuan Willie anak Mongin [Puncak Borneo]:** Yang Berhormat Bintulu, minta laluan.

**Dato' Seri Tiong King Sing [Bintulu]:** Kamu puncanya. Kamu kongkalikung Yang Berhormat Puncak Borneo ini? Dia bukan ada sana. Jalan sana pun sudah habis.

**Tuan Willie anak Mongin [Puncak Borneo]:** Dua minit sahaja, dua minit.

**Dato' Seri Tiong King Sing [Bintulu]:** Tuan Yang di-Pertua.

**Timbalan Yang di-Pertua [Tuan Nga Kor Ming]:** Yang Berhormat Puncak Borneo minta, hendak bagi tak?

**Dato' Seri Tiong King Sing [Bintulu]:** Tidak payah bagi, sebab jalan dia di sana tiada. Sudah habis, dia bukan faham. Dia mahu tunjuk saja, mahu petik dia punya bos.

**Tuan Willie anak Mongin [Puncak Borneo]:** Dalam kawasan dia jalan semua baik-baik belaka ya.

**Dato' Seri Tiong King Sing [Bintulu]:** Yes. Tuan Yang di-Pertua, saya di sini pun mahu sentuh sedikit mengenai *airport* Malaysia, lapangan terbang. Masalahnya kita nampak, bukan hari ini walaupun kerajaan yang lepas ada timbul ini. Kita rakyat pun kata, rasa ini kerajaan baharu ini boleh hebat boleh di selesai fasal mereka pun cukup menghormati Yang Berhormat Menteri Pengangkutan cukup hebat, boleh selesai. Akan tetapi, tiba-tiba hari ini pun banyak tidak selesai.

Contoh saya Bintulu, saya sudah soal bila luar hujan, bangunan dalam pun hujan. Bila orang sudah *complained*, dia pakai *paper tape* kasi tutup sama dia. Kasi cat putih saja. Lama-lama tidak sampai dua bulan... [Disampuk] Itu bukan romping balik, hujan balik. Inilah satu *maintenance* di *airports* ataupun di mana-mana lapangan terbang ini. Bila lah Malaysia *airport* boleh betul-betul menyenggara...

**Tuan Sanisvara Nethaji Rayer a/l Rajaji [Jelutong]:** Yang Berhormat Bintulu, Jelutong minta penjelasan.

**Dato' Seri Tiong King Sing [Bintulu]:** ...Ataupun kita betul-betul menaik taraf.

**Tuan Sanisvara Nethaji Rayer a/l Rajaji [Jelutong]:** Yang Berhormat Bintulu.

**Dato' Seri Tiong King Sing [Bintulu]:** Sampai hari ini, tadi saya sudah beritahu-Yang Berhormat Jelutong tidak payah buang masa.

**Tuan Sanisvara Nethaji Rayer a/l Rajaji [Jelutong]:** Yang Berhormat Bintulu, ada jumpa Yang Berhormat Menteri tak? Ada beritahu pada Yang Berhormat Menteri tak?

**Dato' Seri Tiong King Sing [Bintulu]:** Inilah masalahnya. Sudah tiba masa kita betul-betul, jangan hari-hari kita cerita boleh pandai buat macam-macam *charge* kepada rakyat tetapi penyelenggaraan tidak pandai. Kita boleh naik *airport tax* semua macam-macam, tetapi penyelenggaraan *last* sekali tiada. Saya mahu tanya, bila perkara ini boleh diselesaikan?

Saya mahu sentuh satu masalah daripada Kementerian Kesihatan. Separuh telah dinaik taraf menjadi sebuah daerah. Dulu saya sudah minta, daerah ini meliputi lebih 50,000 orang penduduk di kawasan tersebut. Saya sudah meminta klinik ini dinaiktarafkan menjadi hospital daerah. Akan tetapi, sampai hari ini kementerian tiada apa-apa pun tindakan.

**Tuan Sanisvara Nethaji Rayer a/l Rajaji [Jelutong]:** Yang Berhormat Bintulu, minta penjelasan.

**Dato' Seri Tiong King Sing [Bintulu]:** Saya fikir kerajaan...

**Tuan Sanisvara Nethaji Rayer a/l Rajaji [Jelutong]:** Sebelum ini ada minta tak? Selama 60 tahun Barisan Nasional buat apa Yang Berhormat Bintulu?

**Dato' Seri Tiong King Sing [Bintulu]:** ...Pakatan Harapan lebih hebat dan tepat. Itulah rakyat kata, Pakatan Harapan kata dia banyak hebat. Ini lah rakyat tanya, kenapa satu tahun perlu tunggu lagi?

**Tuan Sanisvara Nethaji Rayer a/l Rajaji [Jelutong]:** Tunggulah,unggulah masa. Bagi masa sahaja.

**Dato' Seri Tiong King Sing [Bintulu]:** Untuk rakyat, saya soal apa salah?

**Tuan Sanisvara Nethaji Rayer a/l Rajaji [Jelutong]:** Selama 60 tahun *you* orang tidak buat.

**Dato' Seri Tiong King Sing [Bintulu]:** Kamu Menteri Kesihatan kah? Kamu tolong jawab, jawab apa?

**Tuan Sanisvara Nethaji Rayer a/l Rajaji [Jelutong]:** Ada beritahu masalah ini pada Menteri?

**Dato' Seri Tiong King Sing [Bintulu]:** Kalau tidak boleh, masa kasi sama saya, kita gaduh tiada masalah. Tuan Yang di-Pertua, kalau mahu gaduh boleh.

**Tuan Sanisvara Nethaji Rayer a/l Rajaji [Jelutong]:** Ada Yang Berhormat Bintulu jumpa Yang Berhormat Menteri beritahu masalah ini? Soalan saya.

**Dato' Seri Tiong King Sing [Bintulu]:** Tanya dulu, ada surat? Surat ada. *Lu* fikir saya tak ada tulis surat? Mahu tengok surat? Nanti saya beritahu. Apa lah.

**Tuan Sanisvara Nethaji Rayer a/l Rajaji [Jelutong]:** Tulis surat itu tidak mencukupi. Ada jumpa Menteri?

**Dato' Seri Tiong King Sing [Bintulu]:** Eh! Tanya Menteri, mahu jumpa kita kah?

**Tuan Sanisvara Nethaji Rayer a/l Rajaji [Jelutong]:** Kalau kita betul-betul prihatin.

**Dato' Seri Tiong King Sing [Bintulu]:** Tanya Menteri, Menteri kamu mahu jumpa kita kah? Kita minta *appointment*.

**Tuan Sanisvara Nethaji Rayer a/l Rajaji [Jelutong]:** Apa ini Yang Berhormat?

**Dato' Seri Tiong King Sing [Bintulu]:** Apa ini, kamu kalau tidak tahu jangan campur tangan.

■1510

**Tuan Sanisvara Nethaji Rayer a/l Rajaji [Jelutong]:** Yang Berhormat...

**Dato' Seri Tiong King Sing [Bintulu]:** Jangan buat bodoh sendiri. Yang Berhormat Jelutong... [*Berucap tanpa menggunakan pembesar suara*]

**Tuan Sanisvara Nethaji Rayer a/l Rajaji [Jelutong]:** Kita boleh jumpa siapa-siapa Yang Berhormat, jangan buat tuduhan.

**Timbalan Yang di-Pertua [Tuan Nga Kor Ming]:** Ahli-ahli Yang Berhormat, sini bukan warung kopi. Ini adalah Dewan yang mulia. Sekarang waktu berbahas, bukan waktu bergaduh. Hendak gaduh, sila pergi luar. Sini kita berbahas atas fakta, sila.

**Dato' Seri Tiong King Sing [Bintulu]:** Itulah, Tuan Yang di-Pertua...

**Dato' Seri Dr. Shahidan bin Kassim [Arau]:** Apa di luar kita boleh bergaduh kah?

**Dato' Seri Tiong King Sing [Bintulu]:** Saya beritahu fakta kenapa Yang Berhormat Jelutong ganggu? Yang Berhormat Jelutong lawan.

**Dato' Seri Tiong King Sing [Bintulu]:** Dia tahu saya punya kawasan semua di manakah? Inilah kawasan...

**Timbalan Yang di-Pertua [Tuan Nga Kor Ming]:** Ya, masa lima minit lagi.

**Dato' Seri Tiong King Sing [Bintulu]:** Dia kacau, saya mesti mahu tambah. Tadi dia tambah, saya pun mesti mahu tambah juga. Tuan Yang di-Pertua, sepatutnya kawasan ini, perkara ini yang serius, membantu menolong menaik taraf klinik jadi hospital daerah.



Fasal ini kawasan kalau pergi Bintulu pun, mahu dekat satu jam lagi. Masalahnya Hospital Bintulu pun tidak mencukupi. Fasal Hospital Bintulu ini bukan sahaja untuk rakyat Bintulu, termasuk daripada Mukah, Hulu Rajang dan lain-lain juga.

Saya minta Kementerian Kesihatan naik taraf peralatan-peralatan dan peruntukan untuk Hospital Bintulu. Kalau tidak, selalu orang pergi Hospital Bintulu kadang-kadang orang beritahu ubat tidak cukup kerana peruntukan tiada. Inilah saya minta kementerian ini, ataupun Kerajaan PH ini ambil kira. Jangan selalu beritahu negara mahu bankrap. Akan tetapi rakyat kata kalau ada wang untuk buat *research* ataupun mahu buat *third national car*, ada peruntukan yang cukup besar. Kenapa ini peruntukan yang kecil-kecil untuk rakyat tiada? Inilah saya minta Kerajaan PH ambil kira. Jangan kita hari-hari sebut dan juga kita syok sendiri sahaja.

Tuan Yang di-Pertua, mengenai tebatan banjir di Bintulu. Daripada penggal yang lepas, saya sudah bersuara mengenai isu ini. Saya pun sudah bagi cadangan, memang pada masa itu dia orang buat satu *feasibility study* untuk projek tebatan banjir yang telah dipohon beberapa tahun lalu, hanya satu telah dilaksanakan.

Akhir sekali dilaksanakan satu. Sepatutnya isu lain yang dipohon termasuk naik taraf sistem perparitan dan juga mendalamkan Sungai Kemena, Sungai Sebieu harus lah dijalankan secara serentak bagi mengatasi banjir kilat dan lain-lainnya. Saya mahu tanya Kementerian Air, Tanah dan Sumber Asli, bila ini projek, lain-lain punya fasa boleh dapat dilaksanakan. Fasal bila hujan kuat, banjir kilat akan berlaku di kawasan Bintulu itu, di beberapa tempat.

Tuan Yang di-Pertua, mengenai peruntukan naik taraf bagi bekalan air dan bekalan elektrik untuk seluruh negeri Sarawak. Kerajaan PH mengumumkan negara tiada wang untuk melaksanakan projek-projek. Memang sekarang masalah di kawasan itu ada kabel, tiada elektrik. Ada paip, tiada air. Kita Kerajaan Negeri Sarawak sudah mengumumkan bagi RM2 bilion bagi menaik taraf bekalan air dan bekalan elektrik. Akan tetapi peliknya saya dengar bekalan air PH ataupun daripada Kementerian Pembangunan Luar Bandar sudah bagi tahu mereka pun ada peruntukan sudah. Sudah dalam tender ini. Saya mahu tanya ini, betul-betul ini tender sudah berlaku kah? Kalau sudah, bila boleh dilaksanakan?

Kalau boleh, saya mahu cadang. Kalau susah bayar, bagi lah Kerajaan Negeri Sarawak melaksanakan projek bekalan air dan bekalan elektrik ini di kawasan Sarawak. Lagi bagus PH berbincang sama negeri Sarawak ataupun kita kaji mana-mana aset, kalau kita melaksanakan sendiri, semua aset itu *transfer* kepada negeri Sarawak. Kita menjalankan mana-mana projek yang kena tinggal. Kita naiktarafkan sendiri untuk rakyat Sarawak ini.

Tuan Yang di-Pertua, satu lagi rakyat tanya sama saya. Kerajaan Pakatan Harapan dalam masa kempen bila pilihan raya, sudah berjanji akan mewujudkan 1 juta pekerjaan. Sampai hari ini dia orang belum nampak lagi kewujudan ini untuk 1 juta untuk rakyat Malaysia ini. Saya hendak tanya ini bila.

**Timbalan Yang di-Pertua [Tuan Nga Kor Ming]:** Yang Berhormat Bintulu, masa sudah tamat.

**Dato' Seri Dr. Shahidan bin Kassim [Arau]:** Penjelasan sedikit sahaja.

**Timbalan Yang di-Pertua [Tuan Nga Kor Ming]:** Tiada penjelasan. Masa sudah tamat.

**Dato' Seri Tiong King Sing [Bintulu]:** Kenapa dia orang kacau boleh tambah masa, saya tidak boleh tambah masa?

**Timbalan Yang di-Pertua [Tuan Nga Kor Ming]:** Sila menggulung.

**Dato' Seri Tiong King Sing [Bintulu]:** Boleh kasi saya habiskan?

**Dato' Seri Dr. Shahidan bin Kassim [Arau]:** Saya mahu tolong.

**Timbalan Yang di-Pertua [Tuan Nga Kor Ming]:** Teruskan.

**Dato' Seri Tiong King Sing [Bintulu]:** Saya mahu tanya bila ini diwujudkan. Rakyat kata Pakatan Harapan boleh wujudkan. Saya hendak gulung. Saya minta Pakatan Harapan, rakyat banyak berharap sama kita fasal kita memang tuduh Barisan Nasional macam-macam, tidak bagus. Mereka fikir Pakatan Harapan yang baik. Sampai hari ini, rakyat kata belum nampak apa-apa lagi. Lagi teruk daripada Barisan Nasional... [*Tepuk*] Dia tanya ini, bila boleh

betul-betul naik taraf kehidupan harian untuk rakyat dan juga barang-barangan boleh betul-betul dikurangkan lagi murah daripada Barisan Nasional? Sekian, terima kasih.

**Dato' Seri Dr. Shahidan bin Kassim [Arau]:** Penjelasan.

**Timbalan Yang di-Pertua [Tuan Nga Kor Ming]:** Terima kasih Yang Berhormat Bintulu. Sekarang saya jemput Yang Berhormat Kapar, sila.

**Dato' Seri Dr. Shahidan bin Kassim [Arau]:** *Point of order...*

**3.17 ptg.**

**Dato' Abdullah Sani bin Abdul Hamid [Kapar]:** Terima kasih Tuan Yang di-Pertua. *Assalamualaikum* salam sejahtera.

**Dato' Seri Dr. Shahidan bin Kassim [Arau]:** Tuan Yang di-Pertua...

**Dato' Abdullah Sani bin Abdul Hamid [Kapar]:** Saya mulakan dengan ucapan terima kasih kerana membenarkan saya menyertai perbahasan Menjunjung Kasih Titah Seri Paduka Baginda Yang di-Pertuan Agong.

Isu pertama yang hendak saya bangkitkan ialah isu kawasan saya dahulu, Tuan Yang di-Pertua kerana memberikan keseluruhan daripada Titah Tuanku menyentuh tentang kos sara hidup, menyentuh tentang infra, menyentuh tentang masa depan rakyat dalam keadaan yang cukup bercelaru hari ini. Pertama yang saya hendak bangkitkan ialah soal jalan raya yang telah pun diluluskan.

Saya hendak minta kementerian, bila hendak dibuat jalan raya di Klang ke Kapar, Klang ke Meru kerana jalan itu mengikut laporan daripada siaran TV3, tayar pun terkeluar. Jadi, bayangkanlah kalau tayar terkeluar, bagaimana kualiti jalan itu. Sudah begitu mudarat dan menyiksa. Hospital, saya minta Menteri Kesihatan, bila hendak dilancarkan dan keperluan itu amat mendesak. IPD, tanah sudah ada, semua sudah ada, sudah luluskan bajet. Bila hendak dibuat?

Keempat, sekolah. Saya terkejut apabila saya sudah 10 bulan di Kapar. Sekolah Rendah Kebangsaan Tok Muda, kelas ada sembilan, pelajar hampir 500 orang. Pakai *plywood* lagi, sekolah berpapan. Amat mudarat dan saya tidak nampak kenapa sebelum ini tidak diangkat isu ini termasuk Jabatan Pendidikan Daerah dan juga negeri mahupun persekutuan. Saya mohon sekolah ini segera disiasat dan diberikan rancangan khas untuk mereka mendapat fasiliti dan prioriti sebagai pelajar, sebagai guru-guru pengajar dan mereka ini memerlukan sangat pembangunan yang berada di sekitar Sekolah Kebangsaan Tok Muda di Kapar.

Kedua, saya hendak beri maklum Kampung Delek Seri Perantau, Kampung Sirih, Kampung Keretapi, kepadatan 40 ribu orang. Sekolah tidak ada, terpaksa keluar kawasan. Oleh sebab itu, saya minta jalan daripada Kampung Delek ke Kampung Raja Uda diberikan jambatan untuk menyenangkan ibu bapa menghantar anak ataupun keluar masuk ke bandar Klang. Ini adalah keperluan yang saya nampak *very urgent*, yang sangat mendesak. Di Sekolah Kampung Delek itu juga mengharapakan pembinaan sekolah menengah dan sekolah rendah. Tanah pun sudah ada. Mohon supaya kerajaan dan Jabatan Pendidikan, supaya peka dengan keperluan-keperluan. Walaupun ia di bandar tetapi amat malang bila kepadatan dan kapasiti itu mendesak supaya diwujudkan sekolah.

■1520

Begitu juga dengan Sekolah Rendah Kebangsaan Rantau, kepadatan penduduk sekolah itu lebih 4,000 pelajar dan rancangan untuk membina satu sekolah di Teluk Kapas, tanah sudah ada mohon supaya ianya diberi pertimbangan untuk disegerakan.

Ketiga, Sekolah Kebangsaan Meru, kepadatan pelajar lebih 5,000 orang. Lebih 5,000, saya kira di Kapar ini sekolah dia. Ya Allah, yang terbanyak pelajarnya kalau dibandingkan dengan negeri yang lain tetapi pembangunannya tidak dapat menyertai perseimbangan daripada kepadatan penduduk.

Oleh sebab itu, Sekolah Kebangsaan Meru, saya mohon supaya dipertimbangkan untuk dirikan kelas tambahan supaya keselesaan anak murid ataupun pelajar-pelajar dapat diatasi untuk mereka menumpu kepada pendidikan. Termasuk juga Sekolah Kebangsaan Bukit Kapar, keperluan kegunaan asas tidak menepati piawaian atau kehendak syarat

prosedur sekolah. Mohon Menteri Pelajaran untuk meninjau dan membuat kajian, keperluan-keperluan yang diperlukan oleh Sekolah Kebangsaan Bukit Kapar.

Jeti sepanjang Parlimen Kapar di Rantau Panjang, Perepat, Tok Muda mintakan *centralized jetty* kerana jeti-jeti kecil ini sebenarnya tidak membantu nelayan. Diharap dapat didirikan satu jeti *centralized* untuk nelayan-nelayan yang mencari makan di pinggiran pengairan Kapar agar dapat dimanfaatkan untuk ditambah baik supaya mereka-mereka ini tidak tercelaru kerana kapal-kapal kecil ini biasanya akan dipinggirkan ataupun tidak mendapat keselesaan dalam memastikan pendapatan hasil mereka itu tidak tergugat.

Begitu juga di perumahan *flat* di Seri Sementa. Saya ini, Kementerian Perumahan dan Kerajaan Tempatan, saya hendak beritahu dengan Kementerian Perumahan di blok Seri Sementa sekitar dalam lapan blok, tingkat empat bumbungnya semua sudah ranap. Tingkat empat, semua penduduk sudah tidak duduk kerana takut daripada tirisan dan juga keselamatan mereka, hinggakan bumbung pun melayang-layang di *flat* Seri Sementa.

Saya mohon Kementerian Perumahan dan Kerajaan Tempatan segera melawat Seri Sementa dan tolong keluarkan peruntukan segera untuk memastikan di tingkat empat di seluruh lapan blok itu dibaik pulih dengan segera kerana ini sebenarnya telah pun mengurangkan ataupun menakutkan ataupun menarik keselesaan hidup mereka-mereka yang berada di tingkat empat di seluruh blok di Seri Sementa. Ini kerana saya diberitahu hampir 20 tahun usianya, maka sewajarnya Kementerian Perumahan dan Kerajaan Tempatan memfokuskan untuk memastikan bahawa keselamatan dan keselesaan rakyat itu dapat terbina.

Ini tidak boleh dikompromi sebab saya ada gambar, saya ada lakaran bangunan dan saya melihat bahawa ini tidak boleh dipendekkan atau dipandang sepi oleh kementerian. Buat kerja tengok perumahan, jangan dok tengok kilang sahaja. Perumahan pun perlu. Itu adalah tanggungjawab kementerian supaya melaksanakan tugas dengan baik dan keyakinan rakyat terhadap Pakatan Harapan itu dapat diangkat keyakinannya.

Saya ingin menyinggung persoalan guru. Sudah begitu lama guru mengalami kesengsaraan dari segi konteks hak mereka. Elaun penolong kanan pendidikan khas tidak pernah dapat dan ini tidak adil bagi mereka yang menjalankan tugas sebagai pendidik, walaupun mereka dalam pendidikan khas tetapi tugas dan peranan mereka untuk memastikan murid-murid ataupun pelajar-pelajar ini dapat pendidikan yang sempurna.

Kedua, elaun penolong kanan sudah begitu lama RM60 ini. Dia punya elaun keraian sudah lama sangat, sudah berpuluh tahun. Saya minta Menteri Pendidikan, supaya sedikit memberi pertimbangan untuk kenaikan mereka supaya mereka juga dapat keselesaan untuk mereka pastikan tugas dan deskripsi mereka itu tidak terganggu bila melibatkan kewangan.

Ketiga, elaun perbelanjaan aktiviti sekolah kokurikulum. Sebelum ini kokurikulum RM60,000 setahun, sebelum ini jumlahnya RM92,000 setahun dan telah pun dikurangkan hampir enam tahun yang lalu. Jadi, saya minta Kementerian Pendidikan untuk mengkaji semula kerana ini adalah kokurikulum yang memberikan aktiviti luar sekolah itu dapat diperkasakan lagi dan tidaklah perlu meminta sedekah kepada mak bapa untuk menambah keperluan untuk mengadakan program-program kokurikulum.

Keempat, kerja spesifikasi guru yang khusus. Sekarang ini guru-guru tidak ada khusus, suruh buat itu, suruh buat ini. Nasib baiklah PBS atau pengumpulan data itu sudah habis, kalau tidak, bermacam-macam kerja guru-guru kena buat. Jadi, deskripsi mereka terganggu kerana mereka tidak fokus.

Begitu juga dengan kekurangan guru mengikut nisbah negeri. Kalau kita tengok Melaka ada 100 orang, Kedah ada 312 orang dan mereka mendapat gaji harian. Jadi saya minta supaya Jabatan Pendidikan mengkaji semula untuk memastikan bahawa guru-guru ini tidak terpinggir kerana standard guru-guru tetap dan guru yang dibayar gaji harian ini sebenarnya tidak adil dan harus dibuat perubahan untuk memastikan *reform* itu dapat disaksamakan.

Juga pekerja kontrak, yang saya maksudkan pekerja kontrak ini urus tadbir rintis yang selama ini tiap-tiap tahun *renew*, *renew*, *renew*. Jadi, puluhan tahun ada yang saya diberitahu mereka melaksanakan tugas. Saya mohon, kementerian kaji semula pembantu tadbir rintis ini supaya mereka di-*permanent*-kan dan ini memberikan satu sedikit kesengsaraan secara tidak langsung kepada mereka-mereka yang pekerja kontrak di bawah Jabatan Pendidikan.

Saya terus menuju kepada masalah polis, SOSMA, POCA, keperluan yang mendesak. Tanggungjawab polis menjaga keselamatan negara. Serangan terhadap anggota polis keterlaluan. Tugas dan tanggungjawab polis selalu diperkecil. Beberapa insiden berlaku sebelum ini dan memohon supaya dimantapkan atau diberikan kekuatan untuk menjaga keselamatan negara ini lebih efisien.

Oleh sebab itu, saya mendesak supaya kebajikan anggota polis yang terabai sekian lama. Saya sudah beritahu sebelum ini. Kenaikan pangkat mereka tidak berada di landasan keadilan. Sebagai contoh, 34 tahun mereka penjawat pemegang pangkat koperai, 32 tahun berlalu. Apakah mereka ini tidak layak, sedangkan mereka telah bertugas 32 tahun hendak menunggu persaraan. Ini menunjukkan bahawa sistem itu perlu dibuatkan anjakan untuk *reform* dan juga memberikan keadilan kepada anggota-anggota polis.

Saya beritahu sebelum ini, yang pertama harus tidak boleh bergantung terus kepada panel kenaikan pangkat *interview*, kita kena menggunakan sistem yang saya telah bawa sebelum ini sistem *seniority*, pendidikan, *accuracy*, *complexity*, *term and condition*. Ini adalah syarat *evaluation* ataupun penilaian pekerjaan yang harus dipegang dalam sistem yang penuh cabaran dan juga pengaliran yang mereka lalui.

Jadi, saya minta Kementerian Dalam Negeri supaya memikir kembali mereka-mereka yang selama ini telah pun menyumbang jasa bakti yang keterlaluan, hebat dan juga seriusnya dan meletakkan jiwa raga mereka di depan dan keluarga mereka di belakang.

**Datuk Seri Haji Ahmad bin Haji Maslan [Pontian]:** *[Bangun]*

**Dato' Abdullah Sani bin Abdul Hamid [Kapar]:** Saya tidak boleh terima kalau 34 tahun masih lagi memegang koperai.

**Datuk Seri Haji Ahmad bin Haji Maslan [Pontian]:** Yang Berhormat Kapar, boleh mencelah Yang Berhormat Kapar?

**Dato' Abdullah Sani bin Abdul Hamid [Kapar]:** Saya tidak boleh terima jawatan-jawatan anggota polis ini.

**Datuk Seri Haji Ahmad bin Haji Maslan [Pontian]:** Yang Berhormat Kapar, mohon pencelahan.

**Dato' Abdullah Sani bin Abdul Hamid [Kapar]:** Saya mengikut Peraturan 37 tidak membenarkan sesiapa membuat pencelahan.

**Datuk Seri Haji Ahmad bin Haji Maslan [Pontian]:** Tidak pula, sudah.

**Timbalan Yang di-Pertua [Tuan Nga Kor Ming]:** Sila duduk.

**Dato' Abdullah Sani bin Abdul Hamid [Kapar]:** Tuan Yang di-Pertua, ini adalah peraturan. Tolong baca peraturan, Yang Berhormat Pontian orang lama, dia tahu peraturan.

**Timbalan Yang di-Pertua [Tuan Nga Kor Ming]:** Ya, dia wajar hafal sebenarnya.

**Dato' Abdullah Sani bin Abdul Hamid [Kapar]:** Saya percaya dan yakin anggota polis di luar sana menanti atas anjakan untuk mereka juga di-*reform* dan kedudukan mereka juga diangkat, martabat dan diberikan penghargaan yang telah mereka sumbangkan sebelum ini.

Saya terus kepada penjara...

**Dato' Seri Dr. Shahidan bin Kassim [Arau]:** Saya sokong Yang Berhormat Kapar.

**Dato' Abdullah Sani bin Abdul Hamid [Kapar]:** Saya minta penjara, elaun mereka berbeza dengan anggota polis.

**Dato' Seri Dr. Shahidan bin Kassim [Arau]:** Penjelasan. Saya sokong Yang Berhormat Kapar.

**Timbalan Yang di-Pertua [Tuan Nga Kor Ming]:** Yang Berhormat Arau..

**Datuk Seri Haji Ahmad bin Haji Maslan [Pontian]:** Saya pun sokong.

**Dato' Abdullah Sani bin Abdul Hamid [Kapar]:** Gaji mereka jauh dengan anggota polis dan tentera. Begitu juga dengan pangkat, kalau pegawai itu seorang pegawai yang besar pegawai anggota penjara, sarjan polis pun mereka tidak dapat langkau. Jadi saya minta supaya elaun penjara, gaji mereka dan juga pangkat perlu dibuat kajian semula. Sumbangan

mereka keterlaluan hebatnya, menjaga pesalah-pesalah yang daripada pelbagai kategori manusia dan mereka ini berdepan dengan begitu banyak permasalahan sosial tetapi mereka teruskan kerja mereka yang suci ini. Maka, Kementerian Dalam Negeri kaji semula untuk mereka memastikan bahawa mereka juga diberikan penilaian yang terbaik.

Subsidi pengedar minyak masak. Saya diberitahu, betul tidak betul, Menteri Pengguna kena sedar, apakah benar antara syarikat gergasi besar-besar pun dapat juga subsidi pengedaran minyak ini. Bagilah dekat syarikat-syarikat yang kecil-kecil ini untuk cari makan, ini Sime Darby pun dia bagi. Apalah punya teruk ini!

#### ■1530

Ini perlu dibuat pembaharuan! Bagi dekat syarikat-syarikat kecil nak hidup ini! Tidak payah bagi Sime Darby. Untung berbilion-bilion, nak ambil juga subsidi minyak 60 sen ini. Apa punya teruk ini. Yang Berhormat Menteri harus bangkit dan cakna! Maklumat daripada Yang Berhormat Menteri tolong maklumkan kepada saya. Adakah benar? Kalau benar, tolong hentikan. *Create* syarikat-syarikat bumiputera yang mana-mana yang ada ini untuk pastikan mereka juga boleh cari makan.

Seterusnya saya hendak beritahu tentang PERHEBAT. Semalam saya beritahu RM62 juta peruntukan, sebenarnya tidak. Sebenarnya dulu RM32 juta, sekarang RM28 juta. Saya minta Yang Berhormat Menteri Pertahanan supaya, hendak tutup PERHEBAT ini pun. Apa PERHEBAT pun hendak ditutup, yang nak melatih 5,000 angkatan tentera setiap tahun ini. Janganlah buat cadangan yang mengarut ini.

Saya minta supaya Kementerian Pertahanan supaya peruntukan untuk bajet PERHEBAT ini, yang akan menjana keilmuan, kemahiran kepada 5,000 anggota persaraan setiap tahun, supaya ditambah sekurang-kurangnya RM40 juta untuk mereka juga merasai peningkatan gaji dan juga untuk memastikan setiap program-program untuk pesara-pesara ini tidak tersentak atau pun tidak terganggu.

Saya hendak beritahu baru ini, saya dapat dalam Mutiara Smart Sdn. Bhd., Yang Berhormat Menteri Kewangan, saya nak tegur sedikit ini Yang Berhormat Menteri Kewangan. Betul atau tak betul Mutiara Smart Sdn. Bhd. ini tidak dibayar gaji empat bulan? Kalau tidak dibayar, tolong bayar! Mengikut Seksyen 19 Akta Kerja, wajib dibayar dalam masa tujuh hari sebelum tiap-tiap bulan. Minta Kementerian Kewangan supaya pastikan jangan menzalimi mana-mana kumpulan, kerana ini tidak bertentangan dengan falsafah kita untuk memastikan kita tidak akan tercicir untuk memastikan rakyat terbela, keseluruhannya.

Saya juga ingin menyinggung tentang TNB ini. TNB saya dah beritahu berkali-kali, tugas TNB atau *grid electrical*. Saya sudah beritahu Suruhanjaya Tenaga bahawa harus meneliti semula satu Rangka Kerja Keselamatan Tenaga Negara (*National Energy Security Framework*), berkaitan elektrik dan penyaluran gas di industri, yang wajib digubal semula oleh Suruhanjaya Tenaga (ST) ke arah keselamatan *energy* negara.

Saya hendak beritahu kepada Tuan Yang di-Pertua, kita ini sudah 30 tahun, tetapi saya tidak nampak pun Universiti Tenaga. Saya tidak nampak pun pembangunan untuk memastikan penyertaan orang awam untuk mengangkat kedudukan atau membantu tenaga. Yang saya lihat sekarang ini ialah mengenakan kenaikan tarif. Ini tidak boleh berlaku, sebab keuntungan berbilion itu harus dipakai dengan cermat dan pengurusan TNB harus peka dengan tuntutan rakyat, kos sara hidup ini meningkat secara mendadak. Tolong beri ruang kepada rakyat juga untuk bernafas dengan penurunan tarif yang tertentu.

Setelah menjalani pengkorporatan atau pun *corporatization* selama hampir 30 tahun, industri tersebut harus diubah oleh Suruhanjaya Tenaga demi keselamatan negara dan ini adalah melibatkan *National Security* di bawah pemantauan Suruhanjaya Tenaga. TNB dipertanggungjawabkan untuk membangun dan menyelenggarakan Sistem Grid Elektrik Negara. Pihak swasta digalakkan ber-*participant* di *retail energy market* sahaja, ini ada *limited*.

Saya juga ingin menyinggung Perkara 2, peranan Tenaga Nasional Berhad (TNB) di bawah kepimpinan kerajaan yang baharu, sepatutnya memberi tumpuan dan fokus yang jitu terhadap membangunkan satu grid elektrik yang tahap keselamatan serta kestabilan tinggi, sesuai Akta-akta serta standard-standard Suruhanjaya Tenaga. Dengan demikian, TNB sahaja yang harus dipertanggungjawabkan untuk membangun serta memastikan semua stesen jana kuasa yang baru dapat memenuhi permintaan tenaga, *maximum demand* dan *reserve margin*. Dengan ini, TNB tidak dibebankan membayar kapasiti *payment* yang tinggi.

Saya juga ingin menyinggung perkara yang melibatkan Suruhanjaya Tenaga serta TNB, yang dipertanggungjawabkan untuk memastikan kestabilan gred elektrik melalui *development planning*, *generation planning* dan *transmission planning* serta *distribution planning* secara menyeluruh. Terakhir ialah, Suruhanjaya Tenaga dan juga TNB harus meneliti semula beberapa investasi di luar negara dan yang dalam negeri yang tidak berdaya maju dari segi kewangan, yang merugikan harus diberhentikan. Jangan diteruskan disebabkan oleh kroni ataupun sahabat yang mendapat kontrak tersebut.

Saya juga ingin menyorong perkara-perkara yang membabitkan pekerjaan. Saya diberitahu ada dalam Titah Seri Paduka Baginda Yang di-Pertuan Agong menyebut tentang perubahan Akta-akta yang melibatkan pekerja buruh. Saya juga ingin menyinggung tentang pekerja asing. Sebelum ini kita telah dimaklumkan pekerja asing seramai 1.8 juta orang tetapi waktu ini kita ada seramai 2.1 juta orang, seramai 300,000 orang itu telah ada peningkatan. Saya hendak tanya, dalam soal kita untuk menyelesaikan masalah pengangguran ini Tuan Yang di-Pertua, kita harus ingat bahawa pengangguran seramai 511,000 orang ini sebenarnya boleh diselesaikan, dengan syarat sektor pembuatan dan sektor perkhidmatan itu harus diberi peluang kepada pekerja tempatan.

Kalau itu diambil pendekatan, saya percaya kita akan berada dalam sifar pengangguran. Akan tetapi, kalau kita pergi ke hotel, pergi ke *supermarket*, pergi ke pasar raya, pergi ke *petrol pump*, kita tengok semua orang asing. Jadi, saya minta Yang Berhormat Menteri, kita tidak boleh bagi alasan! Alasan kita ini, sama ada kita hendak buat atau tak buat. Jadi, saya minta Kementerian Sumber Manusia dan juga Menteri Dalam Negeri mengkaji semula tentang penyertaan pekerja asing ini, sebab saya melihat bahawa kalau tidak ada tindakan segera dan drastik, perkara ini tidak akan selesai.

Begitu juga dengan pindaan rang undang-undang, yang saya dimaklumkan akan dibuat penambahbaikan mengikut standard Konvensyen ILO dan di bawah Titah Seri Paduka Baginda Yang di-Pertuan Agong yang menyebut, dalam proses untuk kita memastikan pekerja-pekerja ini dapat diberikan sedikit penghargaan, maka pindaan itu perlu. Oleh sebab saya ingat ketika saya menjadi Pemangku Presiden MTUC, memang ada perbincangan dan cadangan yang dibuat. Belanja dah berjuta dan saya melihat sampai ke hari ini, tidak ada pindaan dibuat. Sebagai contoh, sebelum ini kita bersetuju...

**Timbalan Yang di-Pertua [Tuan Nga Kor Ming]:** Yang Berhormat, sila menggulung.

**Dato' Abdullah Sani bin Abdul Hamid [Kapar]:** ...Di bawah seksyen 37 iaitu Akta Kerja 1955, yang mana kita telah pun bersetuju untuk beri 90 hari bercuti pekerja untuk wanita cuti bersalin. Akan tetapi, sampai hari ini pun, tidak ada pindaan dibuat. Maka untuk selari dengan Titah Seri Paduka Baginda Yang di-Pertuan Agong untuk mengangkat martabat pekerja, maka saya dengan ini mencadangkan supaya Yang Berhormat Menteri Sumber Manusia memberikan tumpuan atas permintaan saya dan juga Tuanku Yang di-Pertuan Agong. Di samping itu, saya berterima kasih di atas ruang yang diberikan ini. Terima kasih Tuan Yang di-Pertua.

**Dato' Seri Dr. Shahidan bin Kassim [Arau]:** *Point of order* Tuan Yang di-Pertua.

**Timbalan Yang di-Pertua [Tuan Nga Kor Ming]:** Terima kasih Yang Berhormat Kapar, lain kali tak payah pakai mikrofon, suara cukup lantang sekali.

**Dato' Seri Dr. Shahidan bin Kassim [Arau]:** *Point of order* untuk Tuan Yang di-Pertua, 35(7).

**Timbalan Yang di-Pertua [Tuan Nga Kor Ming]:** Apa ini?

**Dato' Seri Dr. Shahidan bin Kassim [Arau]:** Oleh kerana ramai orang hendak berucap tetapi tempoh tamat Parlimen hanya 5.30 petang. Jadi, saya minta Yang Berhormat jangan ubah 20 minit itu, teruskan. Akan tetapi, kita sambung tempoh berbahas, masa Parlimen disambung. Jadi, *Point of Order* 35(7) ini, Yang Berhormat ada kuasa untuk pastikan supaya semua orang dapat 20 minit. Saya takut dan bimbang, nanti orang yang menghabiskan dapat lima minit. Jadi, tidak bermakna, sebab ucapan ini ialah ucapan Menjunjung Titah Perintah Tuanku.

**Timbalan Yang di-Pertua [Tuan Nga Kor Ming]:** Okey, terima kasih Yang Berhormat Arau atas cadangan ini. Akan tetapi, untuk makluman Yang Berhormat Arau yang cukup berpengalaman, sekiranya kita hendak memanjangkan waktu sidang, kita perlu usul di

bawah Perkara 12(1) daripada Yang Berhormat Menteri. Akan tetapi, setakat hari ini tiada usul, maka saya akur kepada peraturan mesyuarat. Hari ini Mesyuarat akan tamat 5.30 petang.

**Dato' Seri Dr. Shahidan bin Kassim [Arau]:** Yang Berhormat Menteri ini, dia kurang pengalaman sedikit, jadi saya minta Tuan Yang di-Pertua cadang kepada Yang Berhormat Menteri.

**Timbalan Yang di-Pertua [Tuan Nga Kor Ming]:** Tapi ada juga cadangan supaya Yang Berhormat Menteri wanita boleh balik rumah cuci baju. Oleh sebab itu kita cuba elakkan ada persidangan waktu sampai larut malam. Selepas waktu Maghrib biasanya tidak produktiflah.

**Dato' Seri Dr. Shahidan bin Kassim [Arau]:** Ya, ini Parlimen Yang Berhormat, bagilah peluang untuk semua orang boleh berucap.

**Timbalan Yang di-Pertua [Tuan Nga Kor Ming]:** Ya, sebab itu saya kata janganlah ada, kita boleh bertikam lidah, bertukar-tukar pendapat tetapi tak sampailah seperti tadi yang berlaku ini. Ia bukan untuk mencari satu persefahaman tetapi sengaja untuk mengundang kekecohan. Inilah yang wajib dan wajar dielakkan. Saya berterima kasih kepada Yang Berhormat Arau.

**Dato' Seri Dr. Shahidan bin Kassim [Arau]:** Ya, sebab semua orang telah buat persediaan yang cukup rapi.

**Timbalan Yang di-Pertua [Tuan Nga Kor Ming]:** Ya, sebab itu kita hendak berikan peluang kepada seramai yang boleh. Sekarang saya jemput Yang Berhormat Kubang Kerian, sila patuhi kepada masa 20 minit.

**3.39 ptg.**

**Dato' Tuan Ibrahim bin Tuan Man [Kubang Kerian]:** *Bismillahi Rahmani Rahim. Assalamualaikum warahmatullahi wabarakatuh* dan selamat petang. Terima kasih Tuan Yang di-Pertua kerana beri ruang kepada saya dalam tempoh 20 minit ini.

Pertama sekali saya ingin merakamkan bagi pihak Parti, ucapan tahniah kepada Yang Amat Berhormat Perdana Menteri yang bertegas tidak membenarkan kemasukan atlet Israel ke negara kita walaupun Malaysia kehilangan hak penganjuran Sukan Renang Paralimpik di Sarawak... [Tepuk]

■1540

Prinsip kita dalam perkara yang menguntungkan negara demi memelihara maruah negara, kita sentiasa mendukung dan menyokong, *insya-Allah*. Walau bagaimanapun, kami berdukacita di atas tindakan kerajaan dan melahirkan kekesalan terhadap tindakan kerajaan yang melakukan penangkapan dan penghantaran pulang beberapa orang yang didakwa sebagai aktivis politik pembangkang Mesir untuk diserahkan kepada Regim Kudeta Mesir baru-baru ini sebagaimana yang dilaporkan oleh media tempatan dan media antarabangsa.

Tindakan kerajaan dalam hal ini jelas bertentangan dengan standard hak asasi manusia, apatah lagi mereka akan diserahkan kepada Regim Kudeta Mesir pimpinan As-Sisi yang mempunyai rekod sangat buruk dan kejam terhadap musuh politiknya. Mereka yang dihantar pulang ini termasuk pelajar di universiti tempatan akan terdedah kepada risiko dihilangkan secara paksa, penyeksaan penahanan sebelum bicara yang berpanjangan dan percabaran yang tidak adil yang berleluasa di Mesir pada waktu ini. Sehubungan dengan itu, PAS mengharapkan supaya kerajaan berpegang kepada prinsip bahawa melindungi seseorang daripada kezaliman merupakan tanggungjawab bagi sesebuah negara.

Ketiga, saya juga ingin bangkitkan isu yang melibatkan hutang peneroka sebagaimana dijanjikan dalam manifesto Pakatan Harapan. Dalam sidang yang lalu, kita dijanjikan bahawa peneroka tidak akan dibuat potongan hasil sekiranya pendapatannya kurang daripada RM1,500. Di tangan saya ini sekarang ialah resit yang saya ambil daripada peneroka yang menyerahkan dan membuktikan bahawa mereka dibuat potongan pada tahap yang sangat tidak munasabah.

Sebagai contoh, resit di tangan saya ialah resit peneroka yang mendapat hasil pada bulan Oktober 2018. Bayangkan peneroka mendapat hasil sebanyak RM484.17. Jumlah potongan sebanyak RM392 dan baki tunai hanya RM92.17 sebulan. Sebanyak RM92.17, nak makan apa? Apa yang lebih membimbangkan, bila pendahuluan tunai. Apa sebenarnya

pendahuluan tunai yang dibuat? Potongan pendahuluan tunai sebanyak RM387 daripada jumlah RM484 yang mereka dapat, berbaki sebulan hanya RM92.17.

Kedua, peneroka mendapat hasil sebulan sebanyak RM961.40. Jumlah potongan RM774, berbaki hanya RM187.40. Ini realiti. Kita bercakap dalam Dewan bahawa kita tidak akan mengenakan potongan kepada peneroka yang hasil kurang daripada RM1,000 – RM1,500. Akan tetapi realiti di bawah, dengan hanya pendapatan RM961, potongan RM774, mereka hanya berbaki RM187 sebulan. Lebih malang lagi, ada peneroka yang hanya pendapatan RM275.28. Bayangkan dengan RM275 kalau dibuat potongan, sebab saya memerlukan penjelasan daripada Menteri berkenaan. Apakah maksud potongan pendahuluan tunai? Peneroka ini tanam sendiri, dia usaha sendiri ladang dan bila ditanya kepada pihak pengurusan di peringkat tanah rancangan FELDA, mereka gagal menjawab dengan tepat apakah dimaksudkan dengan pendahuluan tunai dan kenapa jumlah sangat besar dipotong pada setiap kali hasil bagi peneroka ini yang mereka buat ke atas peneroka tersebut.

Tuan Yang di-Pertua, kita mengharapkan bahawa kerajaan mengambil perhatian yang serius berhubung dengan nasib peneroka FELDA, khususnya yang melibatkan hasil yang sangat kritikal pada waktu ini. Jangan lagi kita mencadangkan supaya peneroka ataupun kerajaan tidak menanam lagi sawit, suruh tanam buluh dan seumpamanya.

Ketiga, kerajaan hanya ada masa lebih kurang dua bulan lagi untuk genap setahun pemerintahan. Sampai lah masanya pihak pengurusan pentadbir hendaklah menghentikan atau menyalahkan kerajaan yang lalu. Dua bulan lagi kerajaan akan berusia setahun, mana ada CEO di mana-mana syarikat yang dilantik untuk selesaikan masalah bukannya menyalahkan CEO yang lepas. Rakyat sudah naik muak dengan alasan menyalahkan kerajaan yang terdahulu. Kejujuran ialah memberitahu perkara sebenar selari dengan realiti. Integriti ialah menunaikan janji dan memenuhi hasrat rakyat. Hari ini kerajaan perlu sedar yang ia sedang mengalami defisit kejujuran dan integriti. Kurangkan politik, lebihkan tumpuan kepada pentadbiran agar rakyat tidak lagi diperitkan dengan kehidupan seharian.

Tuan Yang di-Pertua, saya melihat mutakhir ini negara kita berdepan dengan pelbagai kemelut gejala penghinaan antara satu sama lain sama ada penghinaan melibatkan bangsa ataupun maruah agama. Demikian juga penghinaan kepada Rasulullah SAW. Sampai masa kerajaan menimbangkan suatu peraturan dan hukuman lebih tegas daripada apa yang ada. Kalau ikut kaedah Islam, menghina Rasulullah hukumnya bunuh walaupun dia bertaubat sekalipun. Kita mengharapkan bahawa suasana ini perlu dibendung supaya ia tidak menjadi satu polemik dan kita ucap tahniah di atas tindakan yang telah diambil.

Apa yang saya hendak bangkitkan di sini, perlunya suatu semakan undang-undang supaya undang-undang yang lebih keras dapat digunakan dan di waktu yang sama meneliti kembali tentang Akta Hasutan yang digambarkan bahawa akan dihapuskan akta tersebut. Kita melihat bahawa yang penting bukan akta ini sahaja, tetapi membetulkan supaya akta ini tidak disalahgunakan sebagaimana yang sering kali dibangkitkan dalam setiap kali persidangan.

Tuan Yang di-Pertua, di antara isu besar yang melanda negara juga ialah masalah kedudukan kewangan negara yang serius. Sampai masanya kerajaan mencari jalan bagaimana untuk menaikkan nilai Ringgit. Ini kerana jika nilai Ringgit kembali ke tahap RM3.80 nisbah USD1, maka ia akan menaikkan hampir 10 peratus daripada nilai yang ada sekarang dan nilai hutang negara juga akan turun kerana pertukaran wang asing. Rakyat juga mendapat manfaat daripada nilai Ringgit yang lebih tinggi memandangkan sumber utama makanan negara adalah daripada import. Bahkan buah-buahan, sayur-sayuran, beras dan sebagainya, kita masih bergantung pada negara jiran termasuk Thailand dan Australia.

Selain itu, dalam bidang teknologi, Malaysia perlu melupakan hasrat bagi membina kereta ketiga ataupun kereta terbang. Malaysia perlu bergerak ke arah menguasai teknologi hijau sebagai sumber tenaga bagi menampung keperluan tenaga negara. Pelaburan strategik perlu dibuat supaya Malaysia boleh *move* ke hadapan dalam bidang pembuatan yang kurang nilai tambah kepada rakyat kepada bidang-bidang penciptaan khususnya *design* terutamanya ICE Design yang merupakan satu bidang berpendapatan tinggi untuk rakyat. Tidak mustahil kalau kita teroka sepenuhnya bidang ini, Malaysia mampu menjadi pengeluar kepada senjata teknologi hijau dan seumpamanya.

Tuan Yang di-Pertua, hari ini negara kita dikejutkan dengan isu pencemaran yang berlaku di Johor Bahru. Kerajaan perlu membuat dan mengambil tindakan yang tegas bagi



menutup kilang-kilang haram di seluruh negara. Kita terkejut dengan insiden yang berlaku di kawasan Pasir Gudang dan hari ini bekas Menteri Besar Johor menyifatkan kerajaan negeri gagal menangani masalah pencemaran kimia di Johor Bahru. Beliau berkata, kerajaan tidak menunjukkan ketegasan dalam menangani masalah ini. Setakat ini, ia telah mengakibatkan 200 yang dimasukkan ke hospital. Apa yang mendukacitakan, hari ini masih lagi berlaku. Pencemaran masih lagi merebak dan kita harapkan supaya ketegasan...

**Puan Wong Shu Qi [Kluang]:** Minta laluan.

**Dato' Tuan Ibrahim bin Tuan Man [Kubang Kerian]:** Sila.

**Puan Wong Shu Qi [Kluang]:** Ya. Saya Cuma nak tanya, Yang Berhormat sudah baca berita yang paling terkini tak? Ini kerana Menteri sebenarnya sudah kata bahawa orang yang melupakan sisa yang sia-sia itu akan disaman, dituduh di mahkamah esok. Ini tindakan yang telah diambil oleh kerajaan... [Tepuk]

**Dato' Tuan Ibrahim bin Tuan Man [Kubang Kerian]:** Ini berita terkini di tangan saya, semua.

**Puan Wong Shu Qi [Kluang]:** Minta baca, ada berita yang terkini lagi. Jangan baca berita semalam.

■1550

**Dato' Tuan Ibrahim bin Tuan Man [Kubang Kerian]:** Betul, saya sebut bahawa perlunya ketegasan dalam konteks undang-undang. Saya fikir kenyataan yang saya buat ini selaras dengan apa yang disebutkan oleh Yang Berhormat Menteri pun. Denda RM500,000 yang dikenakan sekarang perlu disemak kembali supaya lebih tegas. Saya menegaskan bahawa perlunya suatu kajian ataupun operasi dibuat bagi menutup kilang-kilang haram yang ada. Kita- sebagai contoh, mana mungkin kilang begini berada di kawasan perumahan, kawasan sekolah, kawasan berisiko tinggi. Kilang-kilang berisiko ini sepatutnya diletakkan di dalam kawasan zon industri yang tidak melibatkan kawasan penduduk ataupun tambahan kawasan sekolah. Bagi saya kerajaan perlu menyemak kembali supaya kilang-kilang yang berisiko tinggi ini dapat diletakkan dalam zon yang tertentu bagi mengelakkan tragedi berulang pada masa akan datang.

Tuan Yang di-Pertua, seterusnya soal kemasukan pelancong yang menyalahgunakan pas pelawat.

**Puan Wong Shu Qi [Kluang]:** Maaf, boleh minta laluan lagi.

**Dato' Tuan Ibrahim bin Tuan Man [Kubang Kerian]:** Sila.

**Puan Wong Shu Qi [Kluang]:** Cuma hendak tanya, bersetuju kah tidak Yang Berhormat saya setuju sangat, kilang haram yang bahaya itu tidak sepatutnya terletak ataupun diizinkan oleh kerajaan untuk buka kilang haram ataupun yang bahaya itu dekat dengan zon perumahan atau sekolah, itu saya minta pandangan Yang Berhormat tentang kilang Lynas. Ini kerana kilang Lynas itu memang dekat dengan orang awam. Apakah pandangan Yang Berhormat?

**Dato' Tuan Ibrahim bin Tuan Man [Kubang Kerian]:** Itu maklumat tidak betul. Kilang Lynas bukan terletak di kawasan awam. Kawasan kilang Lynas terletak dalam zon industri yang jauh daripada penempatan penduduk. Ini kena baca semula beritalah.

**Tuan Wong Tack [Bentong]:** Parit Buntar.

**Timbalan Yang di-Pertua [Tuan Nga Kor Ming]:** Ya Yang Berhormat Bentong.

**Tuan Wong Tack [Bentong]:** Dalam radius sejauh 30 kilometer adalah di dalam bandar Kuantan, seluruh Kuantan. Sebanyak 700,000 penduduk di...

**Datuk Zahidi bin Zainul Abidin [Padang Besar]:** Sejauh 30 kilometer.

**Tuan Wong Tack [Bentong]:** Ini tidak boleh diterima dalam standard biasa internasional.

**Timbalan Yang di-Pertua [Tuan Nga Kor Ming]:** Sebelum Yang Berhormat Kubang Kerian jawab, hari ini hari jadi Yang Berhormat Bentong. *Happy birthday* Yang Berhormat, sila.

**Puan Hajah Siti Zailah binti Mohd Yusoff [Rantau Panjang]:** Yang Berhormat Kubang Kerian. Satu minit, minta penjelasan sedikit. Rantau Panjang. Terima kasih Tuan Yang di-Pertua. Saya tertarik apa yang disebutkan oleh Yang Berhormat tadi. Yang Berhormat Menteri Kesihatan ada menyebut semalam, menjawab dalam sesi soal jawab, bagaimana tidak ada kesan kanser yang disebabkan tentang apa yang disebut tentang kilang Lynas.

Jadi tidak ada bukti yang mengatakan pencemaran ini membawa kepada masalah awam. Akan tetapi isu yang berlaku di Johor Bahru yang melibatkan Sungai Kim Kim, beratus-ratus orang pelajar terlibat dan yang terkini kita mendapat maklumat air kencing pesakit itu menjadi seperti darah. Kesannya cukup besar dan boleh membawa maut. Ini sudah terbukti kesannya cukup besar. Minta pandangan Yang Berhormat.

**Dato' Tuan Ibrahim bin Tuan Man [Kubang Kerian]:** Ya, saya bersetuju dengan pandangan daripada Yang Berhormat Rantau Panjang dan boleh dimasukkan sebahagian daripada ucapan saya. Cuma saya ingin jelaskan Yang Berhormat Bentong, kita bersama dalam menentang kilang Lynas. Kita mengakui bahawa kita ada menerima maklumat daripada pakar-pakar yang ada. Setelah kilang Lynas beroperasi sehingga ke hari ini, kita dapati bahawa tidak ada sebarang kes yang melibatkan pekerja terkena kesan radioaktif dan sebagainya.

Isu kita ialah sisa ke mana hendak dibuang. Laporan Berita Harian beberapa hari lepas telah pun melaporkan kerajaan bersetuju menyediakan satu tapak untuk pembuangan sisa di negeri Pahang dan kita memerlukan penjelasan daripada Yang Berhormat Menteri, di mana lokasi yang telah dipersetujui dan apakah mekanisme yang dibuat bagi memantau kawasan lokasi tersebut.

Saya juga pergi ke kilang Lynas dan membuat pertemuan dengan pegawai-pegawai Lynas. Bagi kita, kita harus berlaku adil dalam situasi ini. Kalau sekiranya kilang ini tidak mendatangkan mudarat dan bahaya, kerajaan perlu menyediakan tapak bagi pelupusan. Kalau betul sisa residu yang dikeluarkan itu tidak mendatangkan bahaya, saya fikir kerajaan perlu mengeluarkan satu sijil menjamin tetapi kalau sekiranya *confirm*, bagi kami, kami tidak akan berkompromi dalam perkara yang membawa mudarat kepada rakyat.

Kita bersama dengan kerajaan dalam menangani isu yang besar. Apa yang disebutkan oleh Yang Berhormat Rantau Panjang, yang berlaku di Johor ini terang-terang dan mendatangkan mudarat. Siapa sangka tiba-tiba jadi bom jangka yang meletus dan ini yang kita tahu hari ini di Johor Bahru, bagaimana pula kalau berlaku di tempat lain? Di Selangor umpamanya banyak kilang-kilang haram. Jadi kita perlu bertegas bagi memastikan tindakan diambil.

Tuan Yang di-Pertua, saya punya masa agak terbatas. Mohon maaf. Saya hendak berbalik kepada isu pelancong yang menyalahgunakan pas pelawat. Kita dapati bagaimana serbuan-serbuan yang dibuat di pusat-pusat hiburan khususnya mendapati sebahagian pelancong ini yang menyalahgunakan pas pelawat untuk bekerja dalam kerja-kerja sosial, kerja-kerja maksiat. Apa yang mendukacitakan kita, berapa kali serbuan dibuat. Operasi pub tersebut atau kelab-kelab malam itu terus diberikan kebenaran.

Kita mengharapkan kerajaan bertegas dalam perkara ini. Kalau sekiranya sampai dua, tiga kali serbuan dibuat dan setiap kali serbuan, kita mendapati pusat inilah yang menyebabkan berkembangnya penyalahgunaan dadah, pelacuran dan seumpamanya, kerajaan mesti menutup dan menarik balik lesen yang diberikan kepada pusat-pusat tersebut.

Ketegasan sangat penting. Kita perlu menjaga keselamatan rakyat kita. Pada waktu yang sama, saya ingin mendapatkan penjelasan daripada pihak Yang Berhormat Menteri. Berapa ramai pelancong yang masuk yang tidak keluar daripada negara ini. Kita mendapati angkanya ribuan. Mereka masuk sebagai pelancong tetapi mereka tidak keluar daripada negara kita. Kita mengharapkan kerajaan menimbang semula suatu visa yang lebih ketat dikenakan kepada negara yang masuk, yang bekerja di sini secara haram dan seumpamanya. Kita perlu menangani negara kita dengan lebih harmoni, lebih cermat bagi kebajikan rakyat pada masa hadapan.

Tuan Yang di-Pertua, di antara isu besar juga yang ingin saya sentuh ialah berhubung dengan kawasan di Kubang Kerian. Isu beberapa pengairan, isu pengairan sawah khususnya di Padang Jerujung, di Salor, di Tanjung Puri, di Pengkalan Kubor dan sebagainya di mana kedudukan pengairan ini lebih rendah daripada sawah tersebut. Apa yang

mendukacitakan kita ialah mesin yang menyedut air itu telah lama rosak dan kerajaan tidak membaiki hingga ke hari ini. Kita mendesak supaya satu tindakan segera.

Untuk makluman Tuan Yang di-Pertua dan Dewan, hari ini penanam-penanam padi sedang berada pada tahap yang sangat kritikal. Sebahagian sungai-sungai kering. Kawasan ini hanya menampung tiga hari sahaja dalam masa seminggu yang dibekalkan air. Baru-baru ini sampai bergaduh, pengusaha-pengusaha sawah apabila ada pihak yang menyekat air untuk ke sawah dia sehingga menyebabkan orang lain tidak dapat. Saya harap tindakan segera perlu diambil di mana mesin bagi menyedut air ini dapat dilaksanakan segera.

Seterusnya saya ingin menarik perhatian soal rungutan daripada sebahagian nelayan khususnya nelayan pantai. Sampai masa, kerajaan diminta untuk mengharamkan pukut tunda. Banyak negara termasuk Indonesia, Hong Kong dan negara-negara lain yang mengharamkan penggunaan pukut tunda. Di negara kita apa yang lebih malang, dua bot menarik satu pukut dan lebih mendukacitakan mereka masuk kawasan Zon A iaitu lima batu nautika daripada pantai, kawasan nelayan yang menyebabkan pencerobohan terhadap sumber-sumber pembiakan ikan, tukun-tukun dan seumpamanya.

Saya mencadangkan kerajaan mengharamkan penggunaan pukut tunda dan di wakil sama mendesak supaya kapal-kapal nelayan yang ditahan ini dapat disegerakan perbicaraan kerana kos kita untuk mengurus kapal ini sangat besar. Saya difahamkan baru-baru ini ada sebuah kapal daripada negara luar yang ditahan tenggelam sementara hendak menunggu perbicaraan berbulan-bulan lamanya. Kos untuk penyelenggaraan ini sangat mahal. Maka, kerajaan mesti beri perhatian supaya isu dapat disegerakan supaya kos tidak lagi menjadi bebanan kepada negara.

Tuan Yang di-Pertua, untuk akhirnya ialah soal apa yang disebutkan oleh Duli Yang Maha Mulia Seri Paduka Baginda Yang di-Pertuan Agong soal pengurusan atau *maqasid syariah*. Saya melihat bahawa pendekatan yang digunakan dalam kes ini perlulah lebih cermat dan hati-hati supaya kita menggunakan istilah "*maqasid syariah*" ini kepada benda yang betul. Jangan ambil *maqasid* dengan menolak syariah kerana *maqasid* makna tujuan, tujuan syariah itu kerana setelah hasil daripada hukum. Bagaimana kita ingin menolak tidak mahu ambil gula tetapi hendak manis. Kita hendak dia punya tujuan yang baik tetapi menolak hukum. Maka kerana itu pengkajian, penelitian terhadap kaedah *maqasid syariah* dapat dilaksanakan dengan lebih cermat, hati-hati supaya tidak semua benda diletakkan atas *maqasid syariah* sampai AES pun menepati *maqasid syariah*.

Akhirnya saya hendak tutup dengan pantunlah.

*Buah kelapa tandannya enam;*

*Satu hilang waktu malam;*

*Buluh apa yang rakyat hendak tanam;*

*Buluh leman atau buluh meriam.*

■1600

*Jatuh terjunam terhidu asap;*

*Tepi kilang buat kicap;*

*Jangan ditanam buluh kasap;*

*Pangkal hilang hujung lesap.*

Saya dengan ini menyokong Titah Duli Yang Maha Mulia Seri Paduka Baginda Yang di-Pertuan Agong. Terima kasih.

**Timbalan Yang di-Pertua [Tuan Nga Kor Ming]:** Terima kasih Yang Berhormat Kubang Kerian. Sekarang saya menjemput Yang Berhormat Kota Kinabalu. Selepas itu, Yang Berhormat Ayer Hitam.

**4.03 ptg.**

**Tuan Chan Foong Hin [Kota Kinabalu]:** Ya, Tuan Yang di-Pertua. Terima kasih saya ucapkan atas peluang yang diberikan untuk saya bagi menyertai bersama perbahasan Usul Menjunjung Kasih Titah Duli Yang Maha Mulia Seri Paduka Baginda Yang di-Pertuan Agong bagi pembukaan Parlimen bagi sesi yang pertama pada tahun 2019.

Sebenarnya, persidangan kali ini amat dinanti-nantikan oleh rakyat Sabah. Hal ini kerana dalam persidangan kali ini, kita akan membuat pindaan Perlembagaan, Perkara 1(2) untuk mengembalikan status Sabah dan Sarawak masing-masing sebagai *equal partners* dalam Persekutuan ini. Saya hendak menegaskan bahawa orang Sabah menghargai komitmen Pakatan Harapan dalam hal ini tidak macam kerajaan terdahulu walaupun memerintah 60 tahun masih *kongkalikung*.

Dengan ini, Sabah dan Sarawak membentuk Malaysia. Sama-sama Tanah Melayu kita membentuk Malaysia, kita hendak satu Malaysia yang agak mementingkan perpaduan. Orang Sabah sangat sensitif dengan apa-apa jenis politik yang berasaskan perkauman dan agama. Dengan ini, saya amat bimbang tentang perkembangan yang baru-baru ini berlaku di Semenanjung kerana semua retorik politik, semua perdebatan berasaskan perkauman dan agama ini semakin berleluasa.

Saya harap Kerajaan Pakatan Harapan di peringkat Persekutuan ini boleh mempercepatkan pembentangan Rang Undang-undang Akta Suruhanjaya Harmoni dan Perdamaian supaya kita sama-sama menghargai perpaduan di negara ini. Hal ini seperti yang dititahkan oleh Baginda bahawa tindakan tegas hendaklah diambil terhadap perbuatan yang boleh menjejaskan perpaduan dan keharmonian negara. Orang Sabah juga sensitif tentang harmoni, sensitif tentang perpaduan. Itulah sebabnya saya rasa kenapa Ahli-ahli Dewan Rakyat yang bekas UMNO keluar dari UMNO dan juga kenapa tiada wujudnya kerjasama PAS di Sabah? UMNO di sana tidak bekerjasama dengan PAS di sana. Saya minta pencerahan daripada pihak sebelah.

**Seorang Ahli:** *[Berucap tanpa menggunakan pembesar suara]*

**Tuan Chan Foong Hin [Kota Kinabalu]:** Kita hargai keharmonian.

**Dato' Tuan Ibrahim bin Tuan Man [Kubang Kerian]:** Okey, pencerahan. Saya bagi pencerahan sebab...

**Tuan Chan Foong Hin [Kota Kinabalu]:** Sikit.

**Dato' Tuan Ibrahim bin Tuan Man [Kubang Kerian]:** Sebab dia minta pencerahan.

**Tuan Yang di-Pertua:** Tidak diberikan laluan. Beri lalu?

**Dato' Tuan Ibrahim bin Tuan Man [Kubang Kerian]:** Beri atau tidak?

**Tuan Chan Foong Hin [Kota Kinabalu]:** Sikit saja.

**Tuan Yang di-Pertua:** Terima kasih. Silakan Yang Berhormat Kubang Kerian.

**Dato' Tuan Ibrahim bin Tuan Man [Kubang Kerian]:** Okey. Untuk makluman, semua parti-parti terikut dengan kepimpinan di peringkat pusat. Tidak perlu di setiap negeri. Apabila pusat putus, negeri-negeri akan ikut. Terima kasih.

**Tuan Chan Foong Hin [Kota Kinabalu]:** Cuma masalahnya, saya baca berita itu bukan PAS yang tidak mahu bekerjasama dengan UMNO. Cuma UMNO sama, tidak mahu bekerjasama dengan PAS di sana. So, itulah. Saya tidak faham itu. Kena tanya Yang Berhormat Kinabatangan.

**Tuan Willie anak Mongin [Puncak Borneo]:** Kahwin sekerat jalan.

**Tuan Chan Foong Hin [Kota Kinabalu]:** Sekarang saya ingin sambung. Okey, Kerajaan Pakatan Harapan sememangnya membuat banyak reformasi yang membawa kebaikan untuk Sabah dan Sarawak. Salah satu contohnya adalah subsidi bersasar. Daripada apa yang saya dapat melalui maklumat ini, di antara RM140 juta peruntukan yang kita beri subsidi kepada pengangkutan bagi tujuh jenis *essential goods* untuk perkampungan termasuk *diesel*, *petrol*, *liquefied petroleum gas*, gula, beras, tepung dan minyak. Ini adalah 90 peratus daripada peruntukan ini akan disasarkan ke kampung-kampung di Sabah dan Sarawak. Saya ingin menghargai hasrat dan komitmen Kerajaan Pakatan Harapan untuk menyeimbangkan kemajuan wilayah dalam hal ini.

Selain daripada itu, untuk Tahun Baru Cina yang baru berlalu ini, rakyat Sabah dan Sarawak juga dapat menikmati tiket kapal terbang yang lebih murah. Hal ini kerana sudah *fixed* satu *fare* supaya orang atau murid dan pelajar Sabah dan Sarawak di Semenanjung boleh balik untuk sama-sama merayakan Tahun Baru Cina ini dengan kos yang lebih memadai.

Selain daripada ini, memandangkan Yang Berhormat Ayer Hitam di sini, sana hendak cakap hal ini. Fi lesen kenderaan motor dan saya ingin mengucapkan setinggi-tinggi terima kasih kepada Kerajaan Persekutuan atas keputusan untuk menghapuskan penggunaan asas Berat Dengan Muatan (BDM) bagi mengira fi Lesen Kenderaan Motor (LKM), kenderaan perdagangan di negeri Sabah.

Sebagai ganti mulai 1 April yang akan datang ini, kriteria bagi pengiraan fi Lesen Kenderaan Motor akan menggunakan kriteria Berat Tanpa Muatan (BTM). Cara pengiraan fi menggunakan BDM sememangnya membebankan rakyat jelata dan pengiraan fi menggunakan BTM adalah lebih baik. Sebagai contoh, bagi lori penggerak utama kontena, walaupun dengan berat yang sama, kalau menggunakan cara BDM, fi Lesen Kenderaan Motor adalah RM2,478. Akan tetapi, kalau guna cara BTM, fi lesen kenderaan motor hanya RM718.

Hal ini adalah perbezaan yang sangat besar dan rakyat jelata terutamanya yang terlibat dalam industri pengangkutan perdagangan sudah tentu dapat menikmati hasil simpanan. Orang-orang yang bekerja di dalam industri ini, pengerusi persatuan ini dia mengatakan di surat khabar bahawa dia sudah berjumpa dengan lima atau enam *Transport Minister* yang terdahulu yang dipegang oleh MCA, akan tetapi tiada satu pun yang membuat pembetulan yang macam ini. Terima kasih kepada Kerajaan Pakatan Harapan.

**Datuk Seri Haji Ahmad bin Haji Maslan [Pontian]:** Yang Berhormat Kota Kinabalu...

**Tuan Willie anak Mongin [Puncak Borneo]:** Yang Berhormat Kota Kinabalu. Yang Berhormat Puncak Borneo minta laluan.

**Datuk Seri Haji Ahmad bin Haji Maslan [Pontian]:** Ini penstabilan harga barang Sabah dan Sarawak ini lama sudah. Masa zaman BN lagi kita bagi.

**Tuan Chan Foong Hin [Kota Kinabalu]:** Minta maaf kerana memandangkan Cuma 13 minit, saya...

**Tuan Willie anak Mongin [Puncak Borneo]:** Puncak Borneo.

**Tuan Yang di-Pertua:** Beri laluan.

**Tuan Chan Foong Hin [Kota Kinabalu]:** Ini boleh.

**Tuan Willie anak Mongin [Puncak Borneo]:** Okey...

**Tuan Yang di-Pertua:** Puncak Borneo, ya silakan.

**Tuan Willie anak Mongin [Puncak Borneo]:** Saya hendak minta pandangan Yang Berhormat Kota Kinabalu bahawa sebelum ini Kerajaan Pakatan Harapan juga ada memperuntukkan dana untuk negeri Sabah dan negeri Sarawak di mana disalurkan kepada negeri masing-masing dan juga dana ini diletakkan di dalam *State Consolidated Fund*. Selain daripada itu, pada tahun 2018 dan 2019 Kerajaan Pakatan Harapan memperuntukkan peruntukan MARRIS yang berbilion-bilion ringgit. Selain daripada itu, Kementerian Perumahan dan Kerajaan Tempatan juga membuat peruntukan, memberi peruntukan dalam bentuk Projek BP1 kepada majlis-majlis perbandaran di negeri Sabah dan Sarawak.

Selain daripada itu, dana berbentuk geran juga diberi kepada negeri. Akan tetapi, sebagai agensi pelaksana di peringkat negeri kenapa jalan di Sabah dan Sarawak masih berlubang-lubang khususnya jalan negeri, *state road*? Sedangkan peruntukan diberi. Sedangkan tahun lepas, di dalam Dewan yang mulia ini, RM1.8 bilion telah diberi kepada Kerajaan Negeri Sarawak untuk menyelesaikan masalah air, namun tidak selesai. Adakah Yang Berhormat Kota Kinabalu bersependapat bahawa agensi pelaksana di bawah kepimpinan kerajaan negeri ini tidak cekap? Sekian, terima kasih.

**Tuan Chan Foong Hin [Kota Kinabalu]:** Inilah satu kerajaan yang walaupun sekarang namanya bukan Barisan Nasional tetapi mereka bawa saja semua amalan yang diwarisi oleh Barisan Nasional. Walaupun mereka sudah menukar nama di kerajaan- macam

Kerajaan Sarawak. Itulah saya rasa Yang Berhormat Puncak Borneo hendak cakap dan saya rasa ini hendak dimasukkan ke dalam sebahagian daripada ucapan saya.

Sekarang ini, saya ingin membincangkan kawasan saya, isu kawasan saya Kota Kinabalu. Di kawasan saya, merupakan destinasi pelancongan yang sangat popular dalam kalangan pelancong asing terutamanya dari negara China dan Korea. Kawasan saya juga telah pun mendapat manfaat dari segi keuntungan kewangan apabila pelancong-pelancong asing datang dan berbelanja di kedai-kedai tempatan. Ini satu perangkaan. Dalam tahun yang lalu, kita mendapat RM8.342 bilion *tourism receipts* dengan *high record*, dengan rekod yang tertinggi pada tahun lalu berbanding dengan tahun terdahulu RM3.879 juta *arrivals*- juta pelancong datang ke negeri Sabah. Setiap minggu, kita ada 125 *direct flights* yang terus daripada China kepada *Kota Kinabalu International Airport* (KKIA).

#### ■1610

Pada 2 Mac yang lalu, surat khabar Berita Harian. Saya juga baca Berita Harian telah pun melaporkan bahawa Yang Amat Berhormat Perdana Menteri Tun Dr. Mahathir Mohamed telah pun secara dasarnya bersetuju visa ketibaan ataupun, dengan izin, *Visa on Arrival* (VOA) dilaksanakan di kawasan beliau di Langkawi.

Di sini saya ingin buat cadangan supaya terutamanya kepada Kementerian Pelancongan dan Kementerian Dalam Negeri agar VOA, *Visa on Arrival* ini juga dapatlah dilaksanakan di KKIA di Kota Kinabalu supaya lebih pelancong asing boleh tertarik dan dapat datang ke Kota Kinabalu.

Sebagai satu maklumat, Sabah ini sangat bergantung kepada pelancongan. Ini kerana Cuma 7.5 peratus KDNK Sabah ini disumbangkan oleh sektor industri. Dalam masa yang terdekat, kita susah hendak kerja, susah hendak mencapai kemajuan yang setaraf dengan Semenanjung. Oleh dengan sebab tersebut, saya minta Kerajaan Persekutuan boleh mempertimbangkan pengecualian untuk Sabah ini supaya VOA dapat dilaksanakan di KKIA.

Untuk projek *infrastructure* ini, Baginda Yang di-Pertuan Agong telah pun bertitah bahawa kerajaan harus terus berusaha untuk meningkatkan kesejahteraan rakyat luar bandar, Orang Asal Sabah dan Sarawak serta masyarakat Orang Asli dengan mengambil pendekatan yang menyeluruh meliputi pembangunan ekonomi, modal insan dan *infrastructure*.

Di samping itu, pembangunan wilayah yang lebih seimbang dan inklusif juga akan diberi tumpuan agar dapat mengurangkan jurang pembangunan antara negeri-negeri serta kawasan bandar dan luar bandar.

Berkenaan dengan ini, saya ingin berterima kasih terdahulu kepada Jabatan Kerja Raya kerana di antara jalan raya yang diperlukan untuk peningkatan dan pembinaan baru di Kota Kinabalu ini, Jalan UMS Kuala Menggatal, Jalan Tun Fuad Stephen di Teluk Likas, *KK Outer Ring Road*, Jalan Lintas Fasa Satu dan Fasa Dua yang empat projek ini kita sudah terima RM3 bilion, sudah diluluskan untuk pelaksanaan projek-projek tersebut.

Akan tetapi, saya ingin juga meminta kerajaan supaya boleh mempertimbangkan untuk menambah RM1 bilion lagi supaya Jalan Kuala Luyang, Jalan Rambaian Kuala Menggatal, Jalan Donggongan Tambunan, Penampang dan Jalan Tuaran *Bypass* Kuala Menggatal. Ini juga dapat dilaksanakan menjelang tahun 2025 supaya Kota Kinabalu ini boleh bebas daripada masalah kesesakan lalu lintas sebelum kita menyediakan sistem *bus rapid transfer* di kawasan Kota Kinabalu. Ini yang saya amat harap kerajaan boleh mempertimbangkan.

Selain ini, saya juga ingin membangkitkan satu isu iaitu isu tenaga. Kerajaan Barisan Nasional terdahulu Cuma tahu beli SESB daripada Sabah tetapi tentang urusan di bawah TNB ini setiap tahun SESB ada kerugian. Terima kasih kepada Kerajaan Pakatan Harapan kerana Kerajaan Persekutuan bersetuju secara prinsip untuk menyerahkan kembali Sabah *Electricity* Sendirian Berhad (SESB) kepada Kerajaan Sabah pada 19 Disember 2018. Ini seiring dengan hasrat dan aspirasi rakyat Sabah di mana Sabah kita punya, Sabah kita ubah.

Saya rasa, inilah semua yang kita sudah lakukan untuk membangunkan Sabah ini. Orang Sabah pun juga tolong untuk menyumbang dalam kemajuan dan pembangunan di Malaysia. Sebagai contoh, ini saya ingin hendak memuji, mengambil kesempatan untuk memuji Kementerian Perdagangan Antarabangsa dan Industri yang dipegang oleh Yang Berhormat Penampang, rakan yang dari sebelah kawasan saya.

Saya mendapati bahawa terdapat peningkatan prestasi perdagangan pada tahun 2018, di mana jumlah dagangan Malaysia pada tahun 2018 kekal berdaya saing, berkembang sebanyak 5.9 peratus kepada RM1.876 trilion berbanding dengan RM1.771 trilion pada tahun 2017.

Selain itu, eksport meningkat sebanyak 6.7 peratus untuk mencapai nilai RM998 bilion melepasi ramalan pertumbuhan eksport sebanyak 4.4 peratus dalam tinjauan ekonomi tahun 2019. Manakala import meningkat 4.9 peratus kepada RM877.74 bilion.

Dalam hal ini, perdagangan Malaysia dengan China pada tahun 2018 telah pun meningkat juga iaitu RM8.1 peratus kepada RM313.8 bilion dan merupakan 16.7 peratus daripada jumlah perdagangan Malaysia. So, ini menunjukkan bahawa tanggapan di mana Kerajaan Pakatan Harapan tidak ada hubungan baik bersama negara China adalah sangat salah.

Saya juga difahamkan bahawa lebih perdagangan Malaysia melebar sebanyak 22.1 peratus kepada RM120.27 bilion. Ini mencatatkan kadar terpanjang dalam 10 tahun dan lebih dagangan terbesar sejak tahun 2012. Ini adalah lebih perdagangan 21 tahun berturut-turut sejak tahun 1998.

Peningkatan dan pertambahan ini dicapai walaupun terdapat ketidakpastian dalam persekitaran global, ini menunjukkan orang Sabah juga boleh dan berkemampuan untuk memimpin dan layak memegang portfolio penting dan juga Kerajaan Pakatan Harapan juga kita pun berkemampuan memacukan ekonomi dan membawa Malaysia ke era yang baru.

Dengan begini, saya ingin memohon sokong usul menjunjung Titah Yang di-Pertuan Agong. Terima kasih.

**Tuan Yang di-Pertua:** Terima kasih Yang Berhormat Kota Kinabalu. Sekarang saya jemput Yang Berhormat Ayer Hitam. Silakan Yang Berhormat.

#### 4.16 ptg.

**Datuk Seri Ir. Dr. Wee Ka Siong [Ayer Hitam]:** Terima kasih Tuan Yang di-Pertua kerana memberi peluang kepada saya untuk berbahas Titah Diraja yang telah disampaikan tempoh hari. Dengan izin Tuan Yang di-Pertua, saya minta supaya saya dapat terus kepada 10 isu yang saya akan bawa tanpa celahan.

**Tuan Yang di-Pertua:** Ya silakan.

**Datuk Seri Ir. Dr. Wee Ka Siong [Ayer Hitam]:** Pertama, integriti pentadbiran Kerajaan Pakatan Harapan. Saya ingin menyentuh mengenai integriti dan akauntabiliti Yang Berhormat Menteri Pakatan Harapan. Saya rasa sesetengahnya saya pun tidak tahu di mana silapnya. Apakah maksud atau standard integriti dan akauntabiliti Ahli Kabinet Pakatan Harapan jika ada di kalangannya menipu kelayakan akademik dan juga ada yang memiliki ijazah palsu.

Saya rasa ini adalah satu nilai murni yang tidak boleh kita pandang remeh kerana sudah terbukti ada menteri sendiri yang menyatakan mereka tidak tamat pengajian. Jadi masalah, tidak masuk universiti pun dia kata masuk universiti. Saya rasa lebih sedih ialah kenapa BERNAMA dipersalahkan. Kalau info grafik siapa yang buat? Berdasarkan maklumat yang telah dibekalkan oleh Pejabat Menteri. Siapa yang bagi? Setiausaha-setiausaha menteri yang bagi. Tak kan dia tahu siapa anak dilahirkan di mana? Berapa orang anak? Nama anak apa?

Dia pun tidak tahu dari segi mutu pendidikan seseorang itu terima daripada kecil sampai universiti. Maka, jangan gunakan helah yang tidak masuk akal. Jadi, tidak patut kita mempersalahkan BERNAMA kalau itu isu kita tidak jujur, maka kita terima sahaja. Saya rasa ini bukan Menteri, Timbalan Menteri, Menteri Besar, Exco pun ada. Jadi, ini patut kita ambil iktibar.

Kalau kita lihat Carmen Monton, bekas Menteri Kesihatan Sepanyol ataupun Pallo Jordan, Ahli Parlimen Afrika Selatan antara sebilangan contoh penjawat awam yang telah menjunjung tinggi prinsip integriti dan akauntabiliti dan mereka meletakkan jawatan. Kita tidak minta letak jawatan tetapi kena berlaku jujur. Kata apa yang benar. Jangan sekali Cambridge daripada UK sampai Cambridge di Amerika Syarikat.

Saya minta agar kerajaan menyemak semulalah kelayakan akademik seluruh Ahli Kabinet supaya perkara ini tidak lagi mencalarkan nama baik atau imej negara. Mungkin juga saya terkilan apabila dilaporkan di media asing, perkara ini memalukan negara kita dan kepimpinan melalui teladan yang telah disarankan oleh Yang Amat Berhormat Perdana Menteri sekarang yang juga Perdana Menteri Keempat orang yang sama iaitu satu semangat atau slogan yang patut dipatuhi oleh Pakatan Harapan sekarang.

Saya minta supaya kita dapat mempamerkan integriti dan akauntabiliti yang bermutu tinggi bersesuaian dengan reformasi pentadbiran yang seperti mana yang diuar-uarkan oleh pihak sana.

Jadi, kedua wujud keraguan sama ada kerajaan benar-benar mempraktikkan prinsip kedaulatan undang-undang, *rule of law*, dengan izin. Ini berikutan ramai yang menyifatkan kerajaan dalam kes-kes tertentu mengenakan pendakwaan secara selektif dan condong kepada sebelah pihak.

#### ■1620

Terdapat banyak contoh, saya ingin mengambil, boleh saya kemukakan sebagai rujukan. Pada 15 Februari tahun ini, seorang jurucakap daripada parti saya MCA, namanya Puan Chan Kuen Ler telah dipanggil oleh polis untuk memberi keterangan di Bukit Aman dan telefon bimbitnya turut dirampas hanya kerana beliau membangkitkan, mengeluarkan satu kenyataan akhbar persoalan berhubung dengan kandungan e-mel yang bocor dan di-*viral*-kan oleh pihak lain melalui sosial media dan kandungan e-mel yang bocor itu dikeluarkan oleh Peguam Cara III di Jabatan Peguam Negara, Dato' Mohamad Hanafiah bin Zakaria yang disifatkan pihak eksekutif memberi gangguan kepada Jabatan Peguam Negara dalam menangani kes-kes jenayah berprofil tinggi.

Pekeliling itu merujuk kepada satu mesyuarat Kabinet pada 19 Disember 2018 dan secara jelas menyarankan bahawa Jabatan Peguam Negara menerima arahan daripada Perdana Menteri di mana kes jenayah yang dilaikan atas individu tertentu yang tidak dinamakan perlu dijalankan sebagaimana mengikut jadual dan dipersetujui dan tidak boleh ditangguhkan dan kebetulan juru cakupnya adalah seorang yang pernah berkhidmat di AGC, *AG Chambers*.

Dia adalah bekas PPP dan beliau tahu dari segi normanya tidak pernah berlaku dalam sejarah AGC dalam pentadbiran yang dulu. Jadi apabila di-*viral*-kan idea sebegini, maka sebagai seorang rakyat yang bertanggungjawab bertanya supaya satu tindakan boleh diambil.

Kita tidak mahu, kita tidak rela melihat ada pihak yang akan menyatakan bahawa ini campur tangan pihak eksekutif di dalam badan yang sepatutnya bebas dan berkecuali seperti Jabatan Peguam Negara. Sepatutnya pihak berkuasa memilih dan bukan untuk memilih, memburu pemberi maklumat atau *whistleblower* dan saya hendak tanya Akta Perlindungan Pemberi Maklumat 2010, Akta 711 yang dahulunya bersungguh-sungguh mahu dilakukan oleh Pakatan Harapan tetapi sehingga hari ini *whistleblower* yang *handphone*-nya telah dirampas.

Saya rasa kita kena menyelidik perkara dan ianya juga membangkitkan persoalan di mana pihak kerajaan, sejauh manakah ketelusan pengasingan kuasa kehakiman eksekutif dalam sistem pentadbiran kerajaan Pakatan Harapan? Jadi ini persepsi dan begitu juga kebebasan bersuara dan akauntabiliti bagi rakyat Malaysia.

Saya turut ingin mempersoalkan mengapa kerajaan Pakatan Harapan masih berdiam diri mengenai penggunaan Akta Rahsia Rasmi 1972. Cuma satu kenyataan dibuat oleh Perdana Menteri tiba-tiba senyap, tidak ada sebarang kenyataan dari pihak sana. Dulu *action* tiap-tiap hari kita buat tindakan. Akan tetapi, hari ini semua diam, diam, diam, tidak boleh cakap. Jadi saya rasa patut- ini manifesto Pakatan Harapan walaupun dianggap bukan satu kitab suci tapi telah menjanjikan semakan semula dilakukan atas akta ini. Apa sudah jadi?

Baru-baru ini, NGO BERSIH, SPR mengatakan bahawa Pakatan Harapan telah melakukan kesalahan paling banyak di dalam PRK Semenyih. Namun tidak ada sebarang tindakan undang-undang diambil terhadap mana-mana pemimpin Pakatan Harapan yang jelas melanggar undang-undang pilihan raya. Kalau itu yang dikatakan oleh SPR, itu yang disarankan oleh BERSIH, apa silapnya?



Selain daripada itu seorang individu terpaksa meringkuk di dalam penjara selama 3 hari dan perlu membayar wang jaminan hanya kerana memanggil seorang Menteri itu dengan gelaran bodoh. Dalam masa yang sama, kes melibatkan seorang peguam, seorang individu lain yang menunjukkan isyarat lucah kepada kumpulan yang tidak sehaluan dengannya digugurkan terus.

Ironinya pengguguran kes tersebut berlaku selepas video beliau menari dengan Peguam Negara menular di media sosial. Ini persepsi yang perlu kita uruskan. Baru-baru ini Yang Berhormat Menteri Kewangan sendiri pun terlibat dalam satu keadaan di mana, satu kenyataan yang dilakukan, yang dibuat berbaur hasutan. Apabila beliau menyifatkan kerjasama dua parti ini. Walaupun perkataan pengisytiharan perang yang telah digunakan beberapa jam selepas mempersalahkan setiausahanya tidak semak, dia pun tidak tengok, lepas itu dia pinda balik.

Persoalannya itu bukan disalah petik oleh media. Seorang sudah kenyataan telah dibuat. Tidak sepatutnya kita menyalahkan pihak media dan apa yang diucapkan itu sebenarnya mewakili pendirian yang dikeluarkan oleh Menteri atau wakilnya.

Jadi saya rasa dalam kes ini mujur sekali semalam baru kita dengar Ketua Polis Negara yang kata baru hendak mulakan siasatan. Akan tetapi, persepsinya kenapa lewat dan saya rasa ini adalah persepsi yang perlu diurus oleh kerajaan sekiranya kalau kita hendak memberi keyakinan kepada masyarakat luar.

Ketelusan SPRM. Pagi tadi saya akur dengan keputusan Yang Berhormat Tuan Yang di-Pertua. Cuma dari substantifnya saya hendak bagi tahu, isu kebocoran dokumen sulit skandal Terowong Dasar Laut Pulau Pinang. Ini satu kes *study* yang patut kita menilai sejauh manakah ketelusan SPRM?

Saya hendak bagi tahu, saya tidak hendak tahu apa kandungan itu, Cuma SPRM kena beritahu kita adakah mereka dapat mengesahkan sama ada dokumen bocor itu sah atau sebaliknya. Walaupun laporan polis telah dibuat oleh pihak SPRM sendiri. Jadi apa kandungan dalam laporan SPRM itu? Kalau tidak betul, kita bersihkan nama, individu, pemimpin-pemimpin di sana atau di sini. Itulah tugas kita.

Kalaulah perkara itu memang direka ataupun sengaja dicipta oleh pihak tertentu, lagi kita kena ambil tindakan di bawah MCMC. Jadi saya rasa kita tidak boleh berdiam diri. Apakah diam itu tanda mengiakan kebenaran yang terserlah?

**Tuan Sanisvara Nethaji Rayer a/l Rajaji [Jelutong]:** Minta penjelasan.

**Datuk Seri Ir. Dr. Wee Ka Siong [Ayer Hitam]:** Jika benar ia sah, maka katalah sah.

**Tuan Yang di-Pertua:** Yang Berhormat Jelutong minta laluan.

**Tuan Sanisvara Nethaji Rayer a/l Rajaji [Jelutong]:** Saya minta penjelasan.

**Datuk Seri Ir. Dr. Wee Ka Siong [Ayer Hitam]:** Okey perlu juga dinyatakan....

**Tuan Yang di-Pertua:** Tidak diberi laluan.

**Datuk Seri Ir. Dr. Wee Ka Siong [Ayer Hitam]:** Apa yang saya hendak beritahu perkara ini bukan sahaja disiarkan dalam media sosial. Pada 28 Februari tahun lalu....

**Tuan Sanisvara Nethaji Rayer a/l Rajaji [Jelutong]:** Saya bagi tahu kepada Yang Berhormat Ayer Hitam kalau berani ulangi kenyataan itu di luar Dewan.

**Datuk Seri Ir. Dr. Wee Ka Siong [Ayer Hitam]:** Di mana pada ketika itu syarikat yang mendapat kontrak ini iaitu Konsortium Zenith Construction.

**Tuan Yang di-Pertua:** Yang Berhormat, kalau akur dengan *ruling*, bermakna bahawa kandungan-kandungan yang seperti mana yang dilaporkan oleh media sosial tidak boleh digunakan semasa berbahas.

**Tuan Sanisvara Nethaji Rayer a/l Rajaji [Jelutong]:** Dengarlah dulu. Patuh arahan Tuan Yang di-Pertua. Yang Berhormat Ayer Hitam.

**Datuk Seri Ir. Dr. Wee Ka Siong [Ayer Hitam]:** Sekejap, saya akur, jangan kkuatir. Saya tahu apa saya cakap kerana surat yang dikeluarkan oleh 'Zarul', surat peguam yang disiarkan secara meluas kita tahu pada 28 Februari tahun lalu, satu surat mewakili syarikat

supaya RM19 juta yang dibayar kepada seorang individu, Dato' Sri Gnanaraja, itu adalah untuk menutup kes. Saya tidak ambil tahu...

**Tuan Sanisvara Nethaji Rayer a/l Rajaji [Jelutong]:** Yang Berhormat Ayer Hitam.

**Datuk Seri Ir. Dr. Wee Ka Siong [Ayer Hitam]:** Saya tidak tahu sebab ini syarikat...

**Tuan Sanisvara Nethaji Rayer a/l Rajaji [Jelutong]:** Tuan Yang di-Pertua, perkara ini adalah untuk membuat fitnah.

**Datuk Seri Ir. Dr. Wee Ka Siong [Ayer Hitam]:** Ini syarikat....

**Tuan Sanisvara Nethaji Rayer a/l Rajaji [Jelutong]:** *Come on* Yang Berhormat Ayer Hitam, *be a gentleman*-lah.

**Datuk Seri Ir. Dr. Wee Ka Siong [Ayer Hitam]:** Sekejap, sekejap. Ini adalah satu kenyataan di mana dia buat *letter of demand* kepada pihak yang satu lagi dan ia telah diketahui umum.

**Tuan Yang di-Pertua:** Yang Berhormat, adakah ini salah satu butir yang terkandung dalam apa yang disiarkan oleh...

**Datuk Seri Ir. Dr. Wee Ka Siong [Ayer Hitam]:** Saya sudah tahu lama sudah. Lebih kurang setahun lebih. Sebab masa itu memang disiarkan secara meluas.

**Tuan Sanisvara Nethaji Rayer a/l Rajaji [Jelutong]:** Adakah Yang Berhormat Ayer Hitam mempunyai dokumen tersebut?

**Datuk Seri Ir. Dr. Wee Ka Siong [Ayer Hitam]:** *Okay, letter of demand* telah dihantar... [Disampuk].

**Tuan Sanisvara Nethaji Rayer a/l Rajaji [Jelutong]:** Adakah Yang Berhormat Ayer Hitam mempunyai dokumen tersebut?

**Tuan Yang di-Pertua:** Yang Berhormat Ayer Hitam tidak benarkan. Memandang kepada *ruling* yang saya buat awal tadi. Apa-apa berita yang diambil daripada sosial media tidak boleh digunakan.

**Tuan Sanisvara Nethaji Rayer a/l Rajaji [Jelutong]:** Tarik balik, saya minta Yang Berhormat Ayer Hitam tarik balik. Jangan ulangi.

**Datuk Seri Ir. Dr. Wee Ka Siong [Ayer Hitam]:** Yang Berhormat, Tuan Yang di-Pertua...

**Tuan Yang di-Pertua:** Itu yang dikeluarkan oleh Raja Petra.

**Tuan Willie anak Mongin [Puncak Borneo]:** Setahun lebih itu masa zaman mana itu?

**Datuk Seri Ir. Dr. Wee Ka Siong [Ayer Hitam]:** Tuan Yang di-Pertua, ini bukan saya petik daripada sosial media.

**Tuan Sanisvara Nethaji Rayer a/l Rajaji [Jelutong]:** Ada dokumen itu tidak?

**Datuk Seri Ir. Dr. Wee Ka Siong [Ayer Hitam]:** Ini yang dilaporkan...

**Tuan Sanisvara Nethaji Rayer a/l Rajaji [Jelutong]:** Yang Berhormat Ayer Hitam ada dokumen itu tidak?

**Tuan Yang di-Pertua:** Tenang ya.

**Datuk Seri Ir. Dr. Wee Ka Siong [Ayer Hitam]:** ...Pada tahun lalu yang mana orang yang terlibat itu telah mendedahkan, membuat satu kenyataan akhbar mereka telah menyaman...

**Tuan Sanisvara Nethaji Rayer a/l Rajaji [Jelutong]:** Kenyataan akhbar sekali lagi.

**Datuk Seri Ir. Dr. Wee Ka Siong [Ayer Hitam]:** Menyaman orang itu supaya pulangkan RM19 juta. Saya tidak sebut fasal apa, saya sebut ini kenapa takut? Saya hendak tanya....

**Tuan Sanisvara Nethaji Rayer a/l Rajaji [Jelutong]:** Bukan takut, saya cabar Yang Berhormat Ayer Hitam berani ulangi luar Dewan.

**Datuk Seri Ir. Dr. Wee Ka Siong [Ayer Hitam]:** Saya akan cakap.

**Tuan Sanisvara Nethaji Rayer a/l Rajaji [Jelutong]:** Kita jumpa di mahkamah nanti.

**Datuk Seri Ir. Dr. Wee Ka Siong [Ayer Hitam]:** Budaya, perkataan yang digunakan satu tahun yang lalu dia kata menutup kes.

**Tuan Sanisvara Nethaji Rayer a/l Rajaji [Jelutong]:** Yang Berhormat Ayer Hitam *if you are a gentleman, you repeat it outside the Dewan and we'll take you on.*

**Datuk Seri Ir. Dr. Wee Ka Siong [Ayer Hitam]:** Ini adalah satu kes yang perlu dipandang serius oleh SPRM.

**Tuan Yang di-Pertua:** Walau apapun Yang Berhormat...

**Tuan Sanisvara Nethaji Rayer a/l Rajaji [Jelutong]:** Buat laporan SPRM-lah Yang Berhormat Ayer Hitam. Saya cabar.

**Tuan Yang di-Pertua:** *Ruling* telah dibuat dan terdapat pertindihan di antara apa yang terkandung dalam laporan Raja Petra dengan apa yang dibincangkan sekarang. Jadi seharusnya lah tidak dibangkitkan sekarang kecuali Yang Berhormat melihat surat itu sendiri?

**Datuk Seri Ir. Dr. Wee Ka Siong [Ayer Hitam]:** Tuan Yang di-Pertua.

**Tuan Yang di-Pertua:** Kalau tidak, tidak adil.

**Datuk Seri Ir. Dr. Wee Ka Siong [Ayer Hitam]:** Tuan Yang di-Pertua, saya sudah tengok surat yang telah dikeluarkan, surat *lawyer* yang dikeluarkan untuk tuntutan RM19 juta.

**Tuan Sanisvara Nethaji Rayer a/l Rajaji [Jelutong]:** Bukan surat *lawyer*.

**Datuk Seri Ir. Dr. Wee Ka Siong [Ayer Hitam]:** Sudah disiarkan tahun lalu ya.

**Tuan Willie anak Mongin [Puncak Borneo]:** Yang Berhormat Ayer Hitam buat laporan, buat laporan polis dan ajukan kepada SPRM.

**Tuan Sanisvara Nethaji Rayer a/l Rajaji [Jelutong]:** Kalau berani, *gentleman*, ulangi di luar Dewan. Saya cabar.

**Tuan Willie anak Mongin [Puncak Borneo]:** Ulangi di luar Dewan dan... *[Disampuk]*.

**Tuan Sanisvara Nethaji Rayer a/l Rajaji [Jelutong]:** Kalau berani hantar pada SPRM, ulangi luar Dewan.

**Datuk Seri Ir. Dr. Wee Ka Siong [Ayer Hitam]:** Tengok, kacau. Yang Berhormat saya terus kepada ini. SPRM pada 4 Mac telah menyatakan sebanyak lima Kertas Siasatan telah selesai. Tiga siasatan telah dikembalikan kepada Suruhanjaya untuk siasatan lanjut.

#### ■1630

Manakala dua lagi masih dalam kajian Timbalan Pendakwa Raya daripada AGC.

**Tuan Yang di-Pertua:** Kalau masih disiasat adalah tidak adil untuk mengeluarkan tohmahan-tohmahan sebegini.

**Datuk Seri Ir. Dr. Wee Ka Siong [Ayer Hitam]:** Saya tidak membuat tohmahan Tuan Yang di-Pertua.

**Tuan Yang di-Pertua:** Jadi apa tujuan Yang Berhormat membangkitkan isu ini sekarang ini. Tunggulah sampai siasatan habis.

**Tuan Sanisvara Nethaji Rayer a/l Rajaji [Jelutong]:** Tunggulah Yang Berhormat Ayer Hitam.

**Datuk Seri Ir. Dr. Wee Ka Siong [Ayer Hitam]:** Oleh sebab itu saya minta- kita tunggu tapi minta supaya tidak lewatkan, itu saja. Oleh sebab ini kenyataan yang dibuat oleh SPRM untuk tidak memberi respons.

**Tuan Yang di-Pertua:** *Move on, move on to other things... [Rakaman kurang jelas]* Teruskan perkara lain.

**Datuk Seri Ir. Dr. Wee Ka Siong [Ayer Hitam]:** Seterusnya pemansuhan hukuman mati. Pagi tadi kita telah menyaksikan satu persembahan yang agak menarik. Saya tertarik dengan kenyataan Yang Berhormat Timbalan Menteri di Jabatan Perdana Menteri. Saya masih ingat lagi orang ini pun duduk dekat sini, Yang Berhormat duduk dekat sini.

Pada 16 Oktober tahun lalu bila saya tanya, saya merayu supaya kita kalau hendak hapuskan hukuman mati setakat mandatori boleh tetapi kalau hendak sekali Duli Yang Maha Mulia Seri Paduka Baginda Yang di-Pertuan Agong kita mansuhkan jangsan. Saya mengesyorkan supaya tubuhkan satu Jawatankuasa Pilihan Parlimen masa itu ditolak. Saya masih ingat ketika itu dengan begitu angkuh sekali Menteri daripada Yang Berhormat Batu Sapi terus terang dia cakap dan dia kata, "*oh, tidak. Ada tiga asas kita kena standard international.*" Kedua dia kata, "*ini tidak, deterrent itu tidak main*" ini yang digunakan oleh pihak sana..

Sekarang sudah tiga bulan rakyat menderita dan kata jangan, jangan, jangan dan *survey* telah dibuat 82 peratus tidak setuju. Ini adalah kemenangan mutlak daripada rakyat kerana sudah 70,000 orang menandatangani kata tidak setuju dengan pendirian kerajaan hendak mansuhkan sekali Duli Yang Maha Mulia Seri Paduka Baginda Yang di-Pertuan Agong. Jadi saya hendak mengatakan di sini biarlah dengar pandangan rakyat dulu. Jangan buat sesuatu secara tergesa-gesa dan ianya tidak baik. Ini kerana akhirnya kalau kita tidak mengambil kira pandangan daripada rakyat jelata ini yang jadi masalah kepada kita.

Satu perkara lagi Khazanah, Yang Berhormat ada. Cuma pagi ini saya terbaca satu kenyataan yang telah dikeluarkan oleh Pengarah Urusan Khazanah, mantanlah, Tan Sri Mohd Sheriff Mohd Kassim. Beliau telah menyatakan bahawa apabila kenyataan Perdana Menteri, beliau rasa terkilan. Dia kata "*Khazanah ini menyimpang daripada objektif asalnya. Sepatutnya untuk bumiputera.*" Ho Kay Tat daripada *The Edge* kata ini tidak betul. Sepatutnya Khazanah itu adalah duit yang telah dikumpulkan daripada rakyat untuk membantu rakyat tidak kira siapa. Oleh sebab itu kita kena melabur Khazanah dan akhirnya apabila keuntungan itu kita peroleh akan kita gunakan sepenuhnya dan kita membantu rakyat sesiapa saja yang perlukan.

Jadi sudah lapan bulan yang lalu saya kata saya tidak setuju dengan pandangan Tun Dr. Mahathir atau Perdana Menteri, saya kata ianya sepatutnya melihat dalam konteks Malaysia. Ia bukan untuk mengkayakan sesetengah *cronies*. Ini tidak boleh. Sudah berapa puluh tahun ianya telah berjalan dan itu terbukti adalah satu kegagalan.

**Tuan Sanisvara Nethaji Rayer a/l Rajaji [Jelutong]:** Yang Berhormat Ayer Hitam saya minta penjelasan.

**Datuk Seri Ir. Dr. Wee Ka Siong [Ayer Hitam]:** Jadi seterusnya...

**Tuan Sanisvara Nethaji Rayer a/l Rajaji [Jelutong]:** Kroni mana, siapa yang mengaitkan kroni? Kita tidak Jho Low. Pakatan Harapan tidak ada Jho Low.

**Datuk Seri Ir. Dr. Wee Ka Siong [Ayer Hitam]:** Seterusnya saya hendak bertanya kepada Yang Berhormat Menteri apa hala tuju...

**Tuan Yang di-Pertua:** Yang Berhormat Jelutong minta laluan dahulu. Ya, silakan.

**Datuk Seri Ir. Dr. Wee Ka Siong [Ayer Hitam]:** Yang Berhormat, tidak akanlah dia tidak kenal Tajuddin siapa, zaman emas. Macam mana dia jual sana dan jual sini. Saya tidak hendak cerita saja, saya Cuma terus kepada soalan. Apa hala tuju dan visi Khazanah yang sejelasnya di bawa Pakatan Harapan? Sejauh mana strategi '*kitchen-sinking*' ini boleh menjamin Khazanah untuk kembali ke landasan asal? Apakah polisi dasar yang akan diguna pakai memperkasakan struktur pelaburan *dual fund* iaitu dana komersial dan dana strategik bagi mereformasi semula fungsi Khazanah? Kesemua ini kita kena tengok.

Jadi saya minta supaya ada beberapa perkara yang ingin saya bawa lagi iaitu tentang aset negara, hutang negara. Tadi telah disebut saya tidak hendak ulangi. Saya Cuma hendak bertanya kalau *Axiata Investments Singapore* telah dijual...

**Tuan Haji Awang bin Hashim [Pendang]:** Yang Berhormat Ayer Hitam.

**Datuk Seri Ir. Dr. Wee Ka Siong [Ayer Hitam]:**...Keseluruhan kepentingan *Axiata* di dalam M1 Limited kepada Connectivity Private Limited...

**Tuan Haji Awang bin Hashim [Pendang]:** Yang Berhormat Ayer Hitam minta laluan mencelah.

**Datuk Seri Ir. Dr. Wee Ka Siong [Ayer Hitam]:** ...Pada harga RM1.65 bilion dan begitu juga IHH Healthcare Berhad kepada Mitsui and Company Limited. Baru-baru ini Hotel Royal Chulan, Bukit Bintang walaupun dinafikan oleh Menteri Pertahanan ini telah dijual. Jadi maksud ia apa? Aset-aset ini kalau tidak baik mengapa pihak luar masih berminat? Jadi saya rasa kita kena tanya dan...

**Tuan Haji Awang bin Hashim [Pendang]:** Minta laluan.

**Datuk Seri Ir. Dr. Wee Ka Siong [Ayer Hitam]:** ...Biarlah sesuatu yang lebih telus dapat dimaklumkan kepada rakyat. Saya hendak tanya lagi pemegang permit import kereta. Ini kata Timbalan Menteri daripada Yang Berhormat Bangi yang mengatakan dia akan jawab dakwaan portal *Automotive DSNF* yang mana kerajaan kononnya telah meluluskan 38 pemegang permit import kereta AP baharu.

Saya Cuma hendak mengimbas kembali apa yang pihak sana pernah cakap. Dulu dia kata tidak boleh ada AP. Saya masih ingat apabila Rafidah bergaduh dengan Tun Dr. Mahathir, Perdana Menteri pada tahun 2005, Ratu AP namanya. Lepas itu kata apa, dia kata "*ini senang bikin duit senang buat duit.*" Oleh sebab itu, masa itu kata tidak boleh. Pihak daripada DAP juga, saya masih ingat Tuan Yang di-Pertua yang ada pada hari ini daripada Teluk Intan mencadangkan Kerajaan Persekutuan supaya memansuhkan permit import daripada 23 Ogos 2010, DAP kata kerajaan hilang RM3.6 bilion daripada AP setiap tahun. Apa sudah jadi? Saya hendak tanya itu saja, apakah pendiriannya.

Satu perkara lagi tentang isu di mana kesesakan lalu lintas. Saya pun hairan Manifesto Pakatan Harapan sepatutnya memansuhkan tol tapi tiba-tiba berlaku penjenamaan istilah kutipan tol tiba-tiba jadi caj kesesakan. Ramai mencabar saya, saya kebetulan dalam bidang ini saya hendak beritahu perkara ini ada dua perkara yang berbeza, tidak sama. Kalau tol itu kutipan dibuat untuk kos bina jalan penyelenggaraan jalan itu tapi *congestion cost* atau caj adalah tujuan untuk kita mengehadkan kereta masuk ke kawasan sendiri. Perlu kita tahu kalau dalam kes ini caj kesesakan itu disamakan sebagai kutipan tol Cuma penjenamaan itu tidak betul.

Jadi tolonglah balik ke jalan asal. Kalau dijanjikan mansuhkan tol, itu yang sepatutnya dilakukan. Contoh Singapura kalau hendak buat caj kesesakan, saya sama-sama terlibat. Mulakan dengan CBD lepas itu *ALS Restricted Zone* baru ada ERP. Di sini tiba-tiba keluar kerana hendak menyeronokkan rakyat, tiba-tiba keluar satu perkara sebegini. Empat batang jalan itu yang dikatakan hendak diambil alih tetapi masalahnya itu dua konsep yang berlainan.

Dia gunakan contoh di Singapura, Hong Kong tetapi tahu atau tidak Ahli-ahli Yang Berhormat sama ada dalam Hong Kong atau di Singapura *fee structure* untuk *parking* itu lain dan kita hendak tengok *road tax* atau struktur lesen memandu ini semua lain. Ada yang dalam seumur hidup bayar sekali. Kita kena mengambil kira semua *variables* sebelum kita dapat mengeluarkan satu *regression model*. Itu yang saya nak beritahu. Janganlah kita hendak tukar konsep, akhirnya kita rugi.

Terakhir sekali, saya minta Tuan Yang di-Pertua iaitu apa yang berlaku di Pasir Gudang Cuma ringkas 30 saat sahaja. Saya minta rayulah kepada kementerian ini tolonglah sudah 13 sekolah telah ditutup, 200 orang mangsa yang masih duduk hospital. Tadi saya mengikuti perbincangan tadi, Cuma satu perkara, kenapa sampai *punitive action* diambil pada hari esok? Ianya sepatutnya ada *Environment Management Plan*. Akta Kualiti Alam Sekitar 1974, seksyen 34B patut digunakan. Bagaimana kita hendak membuat pemantauan, kualiti air sungai itu? Ini bukan perkara yang remeh. Ianya patut dilihat. Masyarakat di sana sudah panik.

Saya merayulah tidak kira kerajaan negeri, kerajaan pusat atau semua agensi turun. Kita sama-sama bantu kerana kita tidak mahu masyarakat panik. Dengan kata-kata ini oleh kerana kesuntukan masa, akhir sekali sebelum saya menggulung Tuan Yang di-Pertua, mintalah supaya Kementerian Pendidikan tengok guru yang tidak cukup. Sebanyak 432 buah sekolah yang telah dikaji baru-baru ini oleh Dong Jiao terdapat 300 lebih kekosongan. Baru-baru ini untuk bulan satu dan bulan dua, Januari dan Februari mereka membayar RM260,000 di bayar oleh PIBG dan LPS.

Tolonglah cari satu perancangan yang jangka panjang. *Redeployment* kalau cikgu-cikgu jangan sampai hujung bulan Januari mahu tukar. Jadual waktu telah disusun awal tahun iaitu Januari. Kenapa selepas empat minggu hendak ubah lagi kerana cikgu tukar? Tolong,

tolong, tolong. *Redeployment* perlu dibuat dengan tarikh yang sesuai, pada waktu yang sesuai supaya tidak menjejaskan perjalanan P&P dalam kelas. Sekian terima kasih.

■1640

**Tuan Yang di-Pertua:** Terima kasih Yang Berhormat Ayer Hitam, sekarang saya menjemput Yang Berhormat Jeli, silakan.

4.40 ptg

**Dato' Sri Mustapa bin Mohamed [Jeli]:** *Assalamualaikum warahmatullahi wabarakatuh*, salam sejahtera dan terima kasih Tuan Yang di-Pertua. Seperti Yang Berhormat Ayer Hitam, saya juga mohon supaya tidak ada pencelahan, kalau ada hujung-hujung boleh jawab soalan.

Penghargaan dan junjung kasih Seri Paduka Baginda Yang di-Pertuan Agong atas Titah Diraja yang diterima baik oleh kita semua Ahli Dewan yang mulia ini. Tuanku antara lain juga menggesa supaya kita semua hormati Perlembagaan, pelihara kedudukan agama Islam sebagai Agama Persekutuan. Tuanku menasihati kita supaya kerajaan tegas dalam menguatkuasakan undang-undang dan peraturan, nasihat ini amat relevan sekali.

Kerajaan perlu tegas dan pantas dalam melaksanakan undang-undang kepada mereka yang menghina agama Islam dan agama lain, yang melanggar undang-undang alam sekitar seperti di Sungai Kim Kim. Pendatang tanpa izin seperti di Pasar Borong Selayang, di Petaling Street dan lain-lain. Mereka yang melanggar undang-undang multimedia dan komunikasi dalam media sosial perlu diambil tindakan tegas dan pantas. Penguatkuasaan perlu diberi perhatian yang lebih serius oleh kerajaan.

Tuan Yang di-Pertua, Tuanku juga bertitah supaya kita jaga perpaduan bukan setakat retorik. Tahun 1969 adalah tahun hitam bagi negara kita. Perdana Menteri kedua, Allahyarham Tun Razak antara lain telah memperkenalkan Rukun Negara dan Dasar Ekonomi Baru. Langkah-langkah ini telah berjaya menyatupadukan rakyat dan memulihkan ekonomi negara. Sekarang tahun 2019, suasana politik kadang-kadang panas dan kadang-kadang tegang. Saya berpendapat perlu disediakan naratif baharu mengenai hala tuju negara kita untuk mengukuhkan perpaduan yang sebenarnya supaya kita dapat beri lebih fokus kepada hal-hal rakyat, hal-hal cari makan supaya kita dapat membina negara yang lebih hebat.

Tuan Yang di-Pertua, negara kita mempunyai potensi yang cukup besar, jangan kerana percakaran, terlalu banyak *politicking*, tidak ada *consensus* mengenai hal-hal asas, mengenai hal-hal Perlembagaan, kita dilanda malapetaka. Tuan Yang di-Pertua, hal ekonomi, hal cari makan adalah amat penting. Yang Berhormat Menteri Kewangan memaklumkan negara mempunyai kekangan kewangan, isu 1MDB, jumlah hutang yang tinggi. Kita dimaklumkan oleh Yang Berhormat Menteri, masa tiga tahun diperlukan untuk atasi masalah hutang dan kewangan negara.

Oleh sebab kerajaan memainkan peranan penting dalam ekonomi negara melalui belanja mengurus dan pembangunan dan dasar-dasarnya termasuk rancangan-rancangan lima tahun dan belanjawan. Projek infrastruktur, projek perumahan mampu milik, bina dan selenggara jalan, bina hospital, kontraktor Kelas F, usahawan bumiputera, penyelenggaraan dan kebersihan sekolah-sekolah, kawalan keselamatan sekolah dan lain-lain.

Saya cadangkan kerajaan beri penerangan sejelas-jelasnya tentang isu hutang negara yang menjadi tajuk hangat dalam Dewan ini setiap kali kita bersidang. Belum dapat ada kepastian berapa jumlahnya kerana ada pertikaian tentang definisi dan lain-lain. Ia perlu dibuat dalam bahasa yang senang difahami oleh orang kampung. Komunikasi yang difahami oleh semua pihak, jangan tinggi-tinggi bahasanya. Semua rakyat Malaysia perlu faham kenapa kerajaan tidak mampu menyediakan peruntukan secukupnya untuk tujuan-tujuan tertentu, jika tidak rakyat akan buat pelbagai andaian.

Di dalam Dewan ini Tuan Yang di-Pertua, kita memohon pelbagai projek dan program hospital, sekolah, untuk menampung jalan-jalan yang lain dan ada peruntukan-peruntukan yang mungkin tidak dapat disediakan dan apabila kita tidak faham apa keadaan sebenarnya maka kita akan membuat pelbagai andaian dan tuduhan yang melulu. Begitu jugalah hal-hal Khazanah, tadi- terima kasih banyak bos Khazanah telah memberikan taklimat kepada anggota-anggota kerajaan. Esok pada Ahli-ahli Yang Berhormat yang

mewakili kerajaan, esok saya difahamkan bahawa taklimat akan diberikan kepada pembangkang. Ini satu langkah yang amat baik, taklimat diberikan kepada kerajaan, ahli-ahli kerajaan dan juga pembangkang.

Dalam konteks *transparency* dan ketulusan, saya mengalu-alukan langkah ini, semoga dengan taklimat ini akan ada pencerahan dan dengan itu tidak ada pelbagai andaian tentang jual beli, untung rugi dan lain-lainnya. *Insyah-Allah* esok akan diberi taklimat, semoga dengan pencerahan ini Ahli Dewan punya maklumat lebih tepat. Apabila maklumat lebih tepat, sukar untuk kita buat andaian.

Tuan Yang di-Pertua, kita juga berharap Majlis Tindakan Ekonomi akan merangka satu pelan untuk memantapkan ekonomi negara bagi menghadapi cabaran ekonomi global. Ekonomi Amerika Syarikat, ekonomi China sedang menghadapi beberapa cabaran. Pertumbuhannya perlahan sedikit, *trade war* kedua-dua buah negara gergasi tersebut dan keadaan tidak menentu. Semalam ada undi di Parlimen UK, Perdana Menteri kalah dalam undian tersebut. Keadaan tidak menentu di Eropah ini boleh menggugat kedudukan dunia, maka kedudukan dunia agar tidak menentu.

Selain daripada itu, langkah-langkah perlu diambil untuk merencanakan ekonomi akar umbi, perusahaan kecil dan sederhana, menyediakan peluang pekerjaan yang berkualiti untuk rakyat Malaysia dan mewujudkan peluang-peluang perniagaan yang lebih banyak bagi para graduan yang dua, tiga bulan lagi akan membanjiri pasaran pekerjaan dalam negara kita.

Tuan Yang di-Pertua, saya ucapkan terima kasih kepada Yang Berhormat Menteri Hal Ehwal Ekonomi kerana memberi perhatian kepada pembangunan negeri Kelantan semasa lawatan minggu lalu ke negeri tersebut, termasuk antara lain projek pembinaan lebuh raya daripada Gua Musang ke Kota Bharu. *Insyah-Allah* pembesaran *Airport* Kota Bharu, Cuma kita harap projek-projek ini dapat disegerakan pelaksanaannya supaya jurang antara Kelantan dengan negeri-negeri maju dapat dikurangkan. Seperti mana hasrat kerajaan untuk memajukan enam buah negeri yang dikatakan tertinggal di belakang termasuk Kelantan, Terengganu, Sabah, Sarawak, Kedah dan juga Perlis.

Tuan Yang di-Pertua, saya juga sokong kenyataan Yang Berhormat Menteri Hal Ehwal Ekonomi untuk memperkasa ekonomi bumiputera. Bumiputera masih perlu pembelaan, sama ada pemilikan ekuiti, pemilikan aset di bandar dan peluang-peluang yang lebih dalam bidang perniagaan. Saya cadang TERAJU diaktifkan semula dan diberi peranan utama selaras untuk menyelaraskan semua agenda bumiputera dan MARA diperkasakan. Pada masa yang sama, selari dengan konsep *share prosperity* yang diperjuangkan oleh kerajaan pada hari ini dan keperluan menangani isu B40 dan kemiskinan yang merentasi kaum di bandar dan desa, kemiskinan di negeri-negeri dan juga agenda untuk menangani sekarang ini satu perkara yang amat penting. Maka kita harap kerajaan akan ada satu rancangan yang mantap untuk memastikan kita dapat kurangkan dan *insyah-Allah* dapat membasmi kemiskinan dalam negara kita.

Tuan Yang di-Pertua, selaras dengan pembangunan yang inklusif, saya ulangi saranan saya sebelum ini dalam Dewan yang mulia sidang yang lalu supaya pelan pembangunan ekonomi, pendidikan, kesihatan yang komprehensif disediakan bagi menjamin taraf hidup yang lebih baik untuk Orang Asli di seluruh negara. Antara rakyat saya di Jeli ialah perkampungan Orang Asli Sungai Rual yang mempunyai 200 orang ketua isi rumah. Hari Sabtu lalu saya berjumpa dengan mereka, mereka maklumkan saya bahawa Kerajaan Negeri Kelantan baru meluluskan kawasan-kawasan balak seluas 300 hektar di sebelah Kampung Sungai Rual. Saya tahu ini bukan urusan Persekutuan tetapi mereka dukacita kerana pembalakan yang sedang berjalan menyebabkan pencemaran alam, menjejaskan bekalan air mereka dan mengurangkan kawasan-kawasan untuk mereka cari makan.

Bagi pihak pengundi saya di Jeli, saya juga mohon kerajaan membantu hasrat kami untuk menjadikan Jeli sebagai hab pendidikan. Ada universiti, ada politeknik dan ada kolej komuniti tetapi perlu diperkasakan lagi dengan menambah bilangan kursus dan pelajar. Saya harap ini akan diberikan perhatian oleh Kementerian Pendidikan Malaysia kerana kami di luar bandar mengharapkan intervensi kerajaan untuk merencanakan pembangunan.

Tanpa intervensi kerajaan, kalau diharapkan semata-mata kepada swasta maka kawasan-kawasan luar bandar dan pedalaman tidak akan ke mana. Oleh itu, kita harap kerajaan akan memperkasakan lagi agenda pembangunan luar bandar. Kita tahu bahawa kerajaan menghadapi kekangan kewangan tetapi oleh sebab luar bandar ini satu kawasan

yang perlu pembelaan termasuklah juga orang-orang miskin B40 seluruh negara maka kerajaan harus ada agenda yang mantap untuk memastikan bahawa luar bandar dapat dimajukan.

Saya juga mohon supaya usaha-usaha lebih berkesan diadakan bagi memperbaiki prestasi pelajar-pelajar luar bandar. Di Jeli kawasan saya, kita dapati bahawa prestasi tidak berapa memberangsangkan. Di dalam tempoh 20 hingga 30 tahun ini, tidak banyak berlaku perubahan. Oleh itu, saya harap Kementerian Pendidikan Malaysia akan memastikan bahawa kawasan-kawasan di mana prestasi pelajar yang tidak berapa menggalakkan, tidak berapa memberangsangkan, satu strategi yang khusus harus diadakan untuk memastikan prestasi pelajar-pelajar yang kurang menggalakkan ini dapat dilonjakkan. Jikalau tidak, jurang antara bandar dan luar bandar akan terus lebar dan ini akan menjejaskan usaha-usaha kita untuk memajukan negara kita.

#### ■1650

Selain itu juga, perlu diberikan tumpuan lebih untuk membina dan memperbaiki infrastruktur luar bandar termasuklah jalan-jalan kampung dan juga kemudahan asas.

Tuan Yang di-Pertua, untuk memastikan kerajaan ini dapat menyampaikan perkhidmatan dengan lebih berkesan lagi pada rakyat adalah perlu dimantapkan hubungan antara pegawai kerajaan dan anggota pentadbiran. Kerjasama, kepercayaan, saling hormat-menghormati antara kedua-dua cabang kerajaan ini. Pentadbir selaku mereka yang melaksanakan dasar dan anggota pentadbiran harus dimantapkan lagi. Semua pihak hendaklah memastikan bahawa segala projek dan program kerajaan dapat dijayakan. Itu sahaja cara untuk kita memastikan bahawa hasrat untuk mewujudkan sebuah negara yang hebat akan terlaksana. Ini adalah satu perkara yang penting dengan adanya keyakinan, hormat-menghormati antara satu sama lain, maka agenda kita untuk memajukan negara kita akan berjaya.

Tuan Yang di-Pertua, saya ingin menyambung perkara yang saya bangkitkan pada pagi ini dalam sesi soal jawab di mana saya telah membangkitkan tentang masalah kelapa sawit. Jawapan kementerian mengatakan bahawa ada beberapa badan yang sedang berusaha untuk menangani isu kelapa sawit, gerakan anti-kelapa sawit yang sedang dilakukan di Eropah termasuklah Parlimen Eropah. Walaupun beberapa buah negara Eropah bersimpati dengan negara kita Malaysia, tetapi yang penting ialah orang ramai. Apa yang penting ialah *environment movement* yang begitu agresif di Eropah. Apa yang penting ialah *Members of the European Parliament* (MEPs).

Oleh itulah saya telah mencadangkan supaya satu pasukan yang khusus yang *dedicated*. Saya tahu bahawa beberapa badan sedang berusaha untuk menangani masalah diskriminasi terhadap kelapa sawit di pasaran Eropah. Ini kita ucapkan tahniah dan terima kasih kepada pihak-pihak yang turut menjalankan tugas tersebut. Kita menghargai apa yang mereka lakukan itu.

Akan tetapi, saya rasa, ia tidak memadai memandangkan betapa seriusnya perkara ini, memandangkan betapa pentingnya industri kelapa sawit pada negara kita Malaysia, Indonesia dan beberapa buah negara lain. Maka saya cadangkan supaya satu pasukan yang berwibawa, yang hebat, pakar-pakar dalam bidang-bidang tertentu merentasi beberapa jabatan. Bukan setakat Kementerian Air, Tanah dan Sumber Asli sahaja tetapi kementerian yang lain satu pasukan yang hebat, bagaimana kita berjaya untuk menangani masalah kelapa sawit dibangkitkan oleh pihak Amerika Syarikat suatu masa dahulu. Ini di mana pihak tertentu Amerika Syarikat menyatakan kelapa sawit adalah satu bahan makanan yang boleh menjejaskan kesihatan termasuklah menyebabkan sakit jantung dan lain-lain. Melalui tokoh-tokoh ketika itu termasuklah Tan Sri Dr. Augustine Ong dan lain-lain. Kita telah berjaya untuk menangani masalah itu dengan jayanya.

Maka, oleh sebab kita menghadapi krisis yang besar pada masa ini, saya mencadangkan satu pasukan yang *dedicated*, satu pasukan yang khusus yang cukup berwibawa ditubuhkan bersama-sama dengan Indonesia, disediakan peruntukan yang secukupnya, disediakan sekretariat yang berwibawa untuk pastikan kita benar-benar dapat menghadapi masalah yang serius. Ini penting demi masa depan negara. Ini penting bagi menjamin kesejahteraan pekebun kecil untuk memastikan eksport negara terus berkembang, untuk memastikan bahawa industri ini dapat terus maju di negara kita.

Tuan Yang di-Pertua, itu sahaja yang saya ada pada petang ini dan oleh sebab ada masa...



**Datuk Seri Haji Ahmad bin Haji Maslan [Pontian]:** Mohon pencelaan?

**Dato' Sri Mustapa bin Mohamed [Jeli]:** ...Saya sanggup menerima beberapa celaan. Terima kasih.

**Tuan Yang di-Pertua:** Ya, silakan Yang Berhormat Pontian.

**Datuk Seri Haji Ahmad bin Haji Maslan [Pontian]:** Terima kasih. Yang Berhormat Jeli mempunyai sijil kelulusan yang tulen daripada *University of Melbourne, first class honours*, daripada *Boston University*, Master dalam *Development Economics Masters*. Saya kira, Yang Berhormat Jeli patut dimasukkan dalam salah seorang untuk menjadi ahli jawatankuasa Majlis Tindakan Ekonomi. Ini kerana, Yang Berhormat Jeli pernah menjadi Menteri Pembangunan Usahawan, Menteri Kewangan Kedua, Menteri Pertanian, Menteri Pengajian Tinggi, Menteri MITI.

**Tuan Willie anak Mongin [Puncak Borneo]:** Ini batu api ini.

**Datuk Seri Haji Ahmad bin Haji Maslan [Pontian]:** Saya kira, Yang Berhormat Jeli dan Yang Berhormat Port Dickson patut dimasukkan dalam jawatankuasa itu. Tadi, Yang Berhormat Jeli menyebutkan tentang kekangan kewangan yang dihadapi oleh kerajaan sekarang. Apakah cadangan-cadangan Yang Berhormat Jeli, dengan pengalaman yang begitu luas yang patut dibuat oleh kerajaan sekarang untuk menambah sumber-sumber kewangan apabila RM21 bilion hilang akibat ditiadakan GST. Terima kasih.

**Dato' Sri Mustapa bin Mohamed [Jeli]:** Apa yang penting, saya hendak ulang apa yang saya sebutkan tadi, ramai rakyat yang keliru. Dalam Dewan ini, ada perbincangan yang pada saya tidak produktif yang berjela-jela. Ini kerana dibahaskan tentang hutang negara, Khazanah itulah saya lalukan tindakan Khazanah hari ini dan esok untuk pembangkang. Satu pendekatan yang cukup baik oleh kerajaan hari ini. Tahniah diucapkan kepada kerajaan.

Itu sebabnya saya cadangkan supaya hutang ini, kerana kita difahamkan tiga tahun-tiga tahun ini lama. Jadi, dalam-terpulang kepada kerajaan. Apa sumber hasil baharu, sudah pasti kena kurangkan ketirisan, kena tingkatkan kecekapan, kena pastikan hasil yang tidak terkutip, dikutip, itu serahkan kepada kerajaan. Akan tetapi, apa yang penting, Tuan Yang di-Pertua, sebagai sebuah negara yang ingin maju, kita semua Ahli Parlimen mahu peruntukan lebih untuk memajukan rakyat, sudah pasti kita perlukan peruntukan yang lebih untuk membaiki jalan, untuk sekolah, untuk hospital dan lain-lain.

Oleh itu, terserahlah kepada kerajaan, saya tidak ada pandangan yang khusus dalam perkara ini. Apa yang penting, pada pandangan saya kedudukan kewangan kerajaan perlu difahami oleh ahli Parlimen. Ini kerana kalau kita tidak faham, kalau kita tidak faham isu-isunya...

**Tuan Sanisvara Nethaji Rayer a/l Rajaji [Jelutong]:** Yang Berhormat Pontian dengar tidak Yang Berhormat Pontian?

**Dato' Sri Mustapa bin Mohamed [Jeli]:** ...Maka kita akan mereka macam-macam cerita dan rakyat akan terpedaya dan percaya beberapa tuduhan dan fitnah yang tidak berasas.

**Tuan Sanisvara Nethaji Rayer a/l Rajaji [Jelutong]:** Yang Berhormat Pontian, insaallah.

**Tuan Yang di-Pertua:** Ya, itu sahaja. Eh, ada lagi?

**Tuan Haji Awang bin Hashim [Pendang]:** Yang Berhormat Jeli? Ada. Ada sedikit lagi Tuan Yang di-Pertua.

**Tuan Yang di-Pertua:** Boleh, boleh Yang Berhormat Pendang.

**Tuan Haji Awang bin Hashim [Pendang]:** Okey, terima kasih. Terima kasih Yang Berhormat Jeli. Saya mahu tanya, negara kita ada banyak GLC dan juga Kementerian Kewangan sendiri termasuk PETRONAS dan juga Khazanah. Saya mahu tanya Yang Berhormat Jeli, adakah kita ada *sinking fund* yang digunakan untuk di masa kecemasan? Macam sekarang yang dikatakan duit kehilangan wang negara semua ini, jadi Kementerian Kewangan atau negara ada terlibat menyediakan *sinking fund* bila kita menghadapi keadaan-keadaan yang agak kritis ini.

**Dato' Sri Mustapa bin Mohamed [Jeli]:** Terima kasih Yang Berhormat Pendang. Tuan Yang di-Pertua, pada saya, kita semua perlu ada simpanan untuk menghadapi

bencana, malapetaka, umpamanya Disember tahun 2014, kita berhadapan dengan banjir besar di Kelantan. Kerajaan Pusat belanjakan lebih RM1 bilion untuk membaiki infrastruktur jalan, landasan kereta api, membaiki rumah, makanan- satu angka yang besar. Jadi kalau kita sebagai sebuah negara tidak ada simpanan, maka ini akan menjejaskan peruntukan untuk tujuan itu.

Maka, pandangan peribadi saya, Yang Berhormat Pendang, kalau kita menguruskan kewangan keluarga ataupun syarikat, GLC apa sahaja, kerajaan, model yang baik boleh kita tengok adalah di Norway. Norway mempunyai *sovereign wealth fund* yang terbesar di dunia iaitu sebanyak USD1.3 trilion dan Norway mampu untuk menyediakan kemudahan yang amat baik bagi kebajikan rakyatnya. Orang Malaysia pun ada yang tinggal di Norway, yang mungkin tumpang dapat sedikit sebanyak habuan daripada kebaikan Kerajaan Norway.

Jadi, secara umumnya, kita perlu bina kekuatan kewangan secara umumnya harus ada simpanan seperti mana pada tahun 2014, kita dilanda banjir besar. Apabila kita belanjakan untuk Kelantan sahaja sebanyak RM1 bilion, maka sudah pasti ia akan menjejaskan peruntukan untuk tujuan-tujuan yang lain.

**Tuan Yang di-Pertua:** Terima kasih Yang Berhormat Jeli.

**Dato' Sri Mustapa bin Mohamed [Jeli]:** Terima kasih.

**Tuan Yang di-Pertua:** Habis masa sudah. Sekarang saya menjemput Yang Berhormat Santubong. Silakan.

4.58 ptg.

**Dato' Sri Dr. Haji Wan Junaidi bin Tuanku Jaafar [Santubong]:** Terima kasih, Tuan Yang di-Pertua. Saya ada dua atau tiga perkara yang hendak saya bangkitkan. Semuanya tidak ada kontroversilah. Tidak kontroversial.

**Tuan Yang di-Pertua:** Saya harap begitulah.

**Dato' Sri Dr. Haji Wan Junaidi bin Tuanku Jaafar [Santubong]:** Semua perkara yang anggap mending sahajalah. Jadi, saya hendak- tidak mahulah orang bising dalam Dewan. Ini kerana, pada saya, *decibel* bercakap dalam Dewan ini patutnya rendah. Orang yang budiman bukan orang yang dipilih daripada kalangan yang sembarangan. Kita sepatutnya mempunyai budi pekerti, bersopan santun yang baik. Walau sebanyak mana pun ijazah kita, banyak sebal di pun kalau sifat kita tunjuk yang tidak baik, maknanya *the education had failed you*.

Tuan Yang di-Pertua, jadi, malang sekali kalau sudah belajar sampai empat, lima tahun dalam universiti tetapi bila sampai dekat sini perangai macam orang '*ghetto*' di Chicago, malanglah pendidikan yang telah diterima... [Tepuk]

■1700

Kerananya pendidikan itu sepatutnya bukan soalan ilmu sahaja, perwatakan, budi pekerti sebagai seorang insan dan manusia dan kita hendak membina rakyat Malaysia yang sedemikian. Kita sebagai pemimpin sepatutnya menunjuk, *we must lead by example*, dengan izin Tuan Yang di-Pertua.

Pertama, saya ingin sentuh bahawa saya mengucapkan syabas dan tahniah pada Tuan Yang di-Pertua kerana nampaknya reformasi ataupun transformasi Parlimen ini berjalan lancar... [Tepuk]

**Tuan Yang di-Pertua:** *Insya-Allah*.

**Dato' Sri Dr. Haji Wan Junaidi bin Tuanku Jaafar [Santubong]:** Jadi, saya juga berterima kasih dengan Yang Berhormat Port Dickson yang menjemput saya duduk dalam kaukus. Walaupun kita orang *peripheral* di Parlimen, belum masuk dalam perundangan, peraturan dan sebagainya tetapi *we are trying to contribute to the welfare and well-being of Malaysians* menerusi reformasi Parlimen dan *governance*, Tuan Yang di-Pertua.

Tuan Yang di-Pertua, saya ingin juga menyebut bahawa anggota kerajaan iaitu pentadbiran adalah *accountable* kepada Parlimen sebenarnya. Apa sahaja dibuat oleh pihak pentadbiran, ia mesti *accountable* kepada Parlimen. Ini yang Tuan Yang di-Pertua, jalankan

ini supaya tiap-tiap pentadbir iaitu sama ada Perdana Menteri ataupun Timbalan Menteri *accountable* kepada Parlimen. Apa sahaja yang dia buat berhubung dengan pentadbiran negara dan rakyat dan menggunakan sumber kewangan kerajaan.

Jadi, *accountable* ini dalam semua sudut. Jadi, dalam keadaan sedemikian saya berharap pihak pentadbiran jangan sembarangan untuk mengeluarkan *statement* dan sembarangan untuk memberikan fakta kalau tidak sah fakt-fakta yang disebut. Oleh kerana itulah kenapa pada tahun 2005 kalau tidak salah saya, Tuan Yang di-Pertua, kita *incorporated* Peraturan 36(12) dalam peraturan kita iaitu apa dikatakan kalau dahulu selalu memang dibangkit, Tuan Yang di-Pertua. Saya buat keputusan empat kali berhubung dengan mengelirukan Dewan ini.

Jadi, sebelum kita jalan lebih jauh lagi, kita peringatkan semua kita sendiri bahawa mengelirukan Dewan adalah satu kesalahan yang amat besar dalam Dewan Parlimen. Tidak pernah pun ada orang selamat daripada kalau didapati bersalah. Orang pertama mengasaskan ini, saya ulang sekali lagi, John Populous 1960 dahulu apabila dia *denied* ada *affair* dengan *Christian killer*. Selepas itu, membuat ucapan secara peribadi sebagai Menteri-*ministerial statement*, mengaku pula. Selepas itu, dia dihendaki meletak jawatan oleh sebab berbohong dengan Dewan ataupun mengelirukan Dewan, itu asas kes ini. Malaysia baru menerima kes ini pada tahun 2005...

**Datuk Seri Haji Ahmad bin Haji Maslan [Pontian]:** Boleh, secara ringkas.

**Dato' Sri Dr. Haji Wan Junaidi bin Tuanku Jaafar [Santubong]:** Tunggu sekejap, belum habis dia punya turun bukit itu. Jadi, menjadi asas. Akan tetapi banyak masih negeri-negeri Tuan Yang di-Pertua, memang tidak ikut, belum ikut lagi, belum masuk dalam peraturan. Padahal peraturan di tiap-tiap negeri, DUN negeri Malaysia berasal dari evolusi daripada Peraturan Dewan Parlimen ini pada tahun 1962 dahulu. Apabila dirancang peraturan selepas pindaan pada tahun 1959, satu-satu peraturan itu diagih kepada semua negeri, termasuk Sabah dan Sarawak pada tahun 1963. Asal usul peraturan negeri adalah daripada Peraturan Parlimen. Akan tetapi pindaannya tidak ada bersama.

Jadi, saya cadangkan Tuan Yang di-Pertua, adakan lagi *convention* untuk Speaker sekali-skala untuk *to recommend the currency of* pandangan, peraturan dan sebagainya untuk kita *uniformize*, dengan izin, undang-undang kita, peraturan kita dalam Dewan di seluruh Malaysia.

Lagi pun kuasa negeri *evolved* daripada Parlimen Perlembagaan Malaysia. Oleh kerana perlembagaan ini yang memberi kuasa kepada kerajaan negeri dan DUN negeri untuk imuniti dan sebagainya. Dengan itu, peraturan itu juga sama. Jadi, dalam keadaan sedemikian saya memintalah supaya ini diwujudkan semula yang apa yang dibuat sebelum tahun 1965, 1964, 1963, 1962 semua itu, setiap tahun ada.

Seterusnya Tuan Yang di-Pertua, dalam Dewan ini Tuan Yang di-Pertua sudah banyak mendengar pihak daripada mana-mana negara yang datang ke negeri kita. Soalan macam mana kita hendak *organize* Parlimen. Dalam Dewan ini kita ada beberapa *grouping*, daripada kerajaan, *backbenchers* ia dan kita ada pihak BN dan kita ada pihak GPS di sini...

**Tuan Yang di-Pertua:** Dan Bebas.

**Dato' Sri Dr. Haji Wan Junaidi bin Tuanku Jaafar [Santubong]:** Jadi, sepatutnya jangan ketepikan GPS, diberikan 20 minit sahaja. Sepatutnya siapa yang bercakap dahulu diberikan elau sedikit masa kerana sebagai *leader of the group*, Tuan Yang di-Pertua. Sila.

**Datuk Seri Haji Ahmad bin Haji Maslan [Pontian]:** Terima kasih Yang Berhormat Santubong. Tadi Yang Berhormat Santubong ada menyebut tentang isu mengelirukan Dewan.

Saya ingin pandangan daripada Yang Berhormat Santubong. Tadi Yang Berhormat Jelutong ada menyebut, mana ada Menteri Kewangan yang memberi RM5 juta kepada pusat percetakan al-Quran kecuali Yang Berhormat Bagan. Saya hendak sebut bahawa ia mengelirukan Dewan kerana Menteri Kewangan dahulu, Yang Berhormat Pekan memberi RM30 juta dalam bajet yang dibacakan di sini. Kedua, Yang Berhormat Jelutong menyebut, Pos Sinderut di Cameron Highlands tidak ada sekolah, tidak ada klinik, tidak ada jalan berturap. Sedangkan Pos Sinderut di tempat Orang Asli di Cameron Highlands ada sekolah, ada jalan berturap dan ada klinik. Adakah kenyataan Yang Berhormat Jelutong itu

mengelirukan Dewan dan boleh diambil tindakan? Apa pandangan Yang Berhormat Santubong.

**Dato' Sri Dr. Haji Wan Junaidi bin Tuanku Jaafar [Santubong]:** Terima kasih Yang Berhormat Pontian. Yang Berhormat kena baca satu artikel ditulis oleh seorang hakim di India. *Title* artikel itu mengatakan, *should a judge be a hermit?* Tuan Yang di-Pertua, cantik itu. Artikel itu juga diguna pakai dalam peraturan di Lok Sabha di India. Jadi, dia mengatakan tidak semua pembohongan, kekeliruan yang dibawa oleh pihak Ahli Parlimen itu boleh mendatangkan akibat daripada di bawah Peraturan 36(12).

Jadi, bukan semua kesalahan, kekeliruan dibuat ataupun tidak kebetulan fakta di lapor dalam Dewan membawa akibat yang sama. Oleh kerana Tuan Yang di-Pertua, di bawah Peraturan 36(12) *the standard of proof is higher than the standard of probability, but lower* sedikit daripada *beyond reasonable doubt*. Ia tinggi juga tetapi rendah daripada itu. Jadi, standard itu mesti kena *maintain* semua sekali. Jadi, dalam keadaan sedemikian...

**Tuan Sanisvara Nethaji Rayer a/l Rajaji [Jelutong]:** Yang Berhormat Santubong, saya juga ada soalan. Yang Berhormat Pontian juga pernah berkata bahawa GST akan mengurangkan harga barang-barang. Bukankah itu memesongkan Dewan? Memang GST tidak mengurangkan harga barang-barang. Jadi, patutkah tindakan diambil terhadap Yang Berhormat Pontian?

**Datuk Seri Haji Ahmad bin Haji Maslan [Pontian]:** Saya rela diambil tindakan, Yang Berhormat Santubong. Saya sebut 'GST boleh menurunkan harga barang', saya tidak sebut 'kesemua harga barang'. Saya sebut dalam TV, Yang Berhormat Santubong.

**Dato' Sri Dr. Haji Wan Junaidi bin Tuanku Jaafar [Santubong]:** Yang Berhormat, masa saya bercakap ini sebenarnya.

**Tuan Yang di-Pertua:** Ya, sila duduk. Sila duduk.

**Datuk Seri Haji Ahmad bin Haji Maslan [Pontian]:** Satu jam saya sebut penjelasan itu, yang di-*viral* cuma yang enam saat, amat tidak adil.

**Dato' Sri Dr. Haji Wan Junaidi bin Tuanku Jaafar [Santubong]:** Saya hendak minta dengan Tuan Yang di-Pertua, nanti tiap-tiap *injury time* itu kena beri dengan saya, kena ganggu itu.

**Tuan Yang di-Pertua:** Ya, saya akan berikan. Oleh sebab ini perkara penting, Yang Berhormat semua. Apakah yang disebut sebagai mengelirukan Dewan? Saya ingat Yang Berhormat Santubong ingin menekan mesti ada niat untuk mengelirukan.

**Dato' Sri Dr. Haji Wan Junaidi bin Tuanku Jaafar [Santubong]:** Jadi, saya hendak sebut sahaja soalan mengelirukan- menyebut perkara mengelirukan Dewan ini. Saya tidak mahu menuduh sesiapa. Oleh kerana dalam peraturan, Tuan Yang di-Pertua lebih arif daripada saya. Ia dua perkara. Satu, perkara yang saya lihat sendiri di luar sana, bukan dalam Dewan dan saya boleh lapor kepada *Speaker* ataupun perkara yang berlaku dalam Dewan, saya sendiri, *I raise this issue* kepada *Speaker*. *Speaker take note* untuk tindakan seterusnya.

Jadi, kalau ia dilapor kepada saya, saya sendiri tidak tahu, macam mana saya hendak *handle* menilai cerita ini. Jadi Tuan Yang di-Pertua, kerana perkhabaran itu bukan semuanya mengikut verbatim yang saya terima. Jadi, dalam keadaan sedemikian- itu sebab saya bagi garis panduan sahaja tadi. Kalau betul-betul mengelirukan Dewan.

#### ■1710

Kalau kita lihat cerita mengelirukan Dewan ini, *Kelly of western Australia* meletak jawatan apabila mengelirukan Dewan ialah pertama dia melaporkan tidak ada *riot* di bandar *western Australia* itu pada suatu ketika. Selepas itu dia masuk dalam Dewan, dia lapor betul ada *riot* berlaku. Dia buat kenyataan yang pertama tidak ada dan selepas itu dia mengatakan ada pula. Itu dikatakan beliau telah mengelirukan *at least two opposite remarks* atau pun *statement* dia kena buat. Jadi, kita kena jaga-jaga perkara ini.

Jadi yang kedua, Appleton Canada, dia tidak terkena. Oleh kerana *the standard of proof* tidak boleh dibetulkan, [*Tidak jelas*] *proven that he was trying to* mengelirukan Dewan. *The standard of proof* tidak sampai oleh kerana perkhabaran orang yang digambarkan di Afghanistan ketika itu benar-benar telah berlaku sedemikian. Dia kata melihat surat khabar sahaja. Jadi dia kata dia masih ada *contingency* dalam percakapan dia. Jadi dalam keadaan sedemikian, dia tidak didapati bersalah oleh jawatankuasa di Canada. Akan tetapi 'John

Papianou' seperti mana dikatakan tersebut, dia memang *deny*, lepas itu dia mengaku, memang dia didapati bersalah. '*John Papianou*' was the Minister of Defense di England pada tahun 1960.

Tuan Yang di-Pertua, saya pindah cerita lain. Jadi itu saya berharap Tuan Yang di-Pertua, bukan *complain* pasal hari ini tetapi lain kali fikirkan-lah juga, bagi peluang setiap *representative* yang tertentu, kumpulan-kumpulan yang tertentu dalam Dewan ini mesti diberi layanan yang sama.

Satu lagi saya hendak bangkitkan di bawah ini ialah bahawa dalam Dewan sebenarnya Tuan Yang di-Pertua sudah tahu betul. Kita ada Tuan Yang di-Pertua dan Timbalan Tuan Yang di-Pertua, itu satu *group*. Perdana Menteri dan Timbalan Perdana Menteri as a *leader of the House* dan timbalan *leader of the House* patut mengikut kita punya peraturan. *The next person is* Ketua Pembangkang. *Beyond that, everybody is the same*. Semua sama, dengan izin, Ahli Parlimen biasa. Selain itu, orang yang ada dekat portfolio Menteri boleh buat usul, yang lain tidak boleh buat usul dalam masa yang dekat itu. Jadi, tidak perlu notis. Itu perbezaan dalam Dewan ini kita kena tahu.

Dalam keadaan sedemikian Tuan Yang di-Pertua, tadi saya masuk ke sini, polis larang saya masuk. Saya kata setiap kali Dewan bersidang selepas *election*, ada perjanjian yang diberi oleh pihak *Speaker* dengan IGP mengatakan laluan untuk Ahli Parlimen tidak boleh dihalang tetapi saya dihalang.

**Tuan Yang di-Pertua:** Semalam kita luluskan usul itu ya.

**Dato' Sri Dr. Haji Wan Junaidi bin Tuanku Jaafar [Santubong]:** Memang tidak boleh dihalang. Itu perjanjian. Kalau di England dia janji, ada surat yang ditandatangani oleh *Speaker* dengan *Metropolitan Commissioner* menyatakan laluan untuk Ahli Parlimen itu tidak boleh dihalang, tetapi Menteri boleh masuk, Wan Junaidi tidak boleh masuk.

**Tuan Yang di-Pertua:** Itu salah.

**Dato' Sri Dr. Haji Wan Junaidi bin Tuanku Jaafar [Santubong]:** Salah. Memang salah. Tidak ada beza Menteri dengan saya. Perdana Menteri dan Timbalan Perdana Menteri, *leaders of the House*. Tuan Yang di-Pertua dan Timbalan Tuan Yang di-Pertua, *bosses of the House*. Ketua Pembangkang *too*. Jadi Tuan Yang di-Pertua, panjang cerita saya dah di bawah itu. Jadi dalam keadaan ini, saya memohon pada *debate* masa akan datang saya berharap pihak GPS ini diberi-lah sebagai *grouping* yang berasingan dan kalau Ketua Pembangkang diberi satu jam setengah, kita kurang-kurang dapat satu jam-lah.

**Tuan Yang di-Pertua:** Satu jam.

**Dato' Sri Dr. Haji Wan Junaidi bin Tuanku Jaafar [Santubong]:** Cantik, baik betul... [*Tepuk*] Terima kasih.

Tuan Yang di-Pertua, satu lagi saya ingin sebut. Baru-baru ini ada 47 orang rakyat Malaysia ditahan di Cambodia. Jadi, ia jadi satu kontroversi politik. Saya tidak ada kena mengena mula-mula, lepas itu Ketua Menteri Sarawak minta saya pergi ke Cambodia sebab saya kenal dengan Datuk Mustapha Ahmad Marican, *Chief International Non-Governmental Organisation* (NGO). Datuk Mustapha ini kawan baik dengan Menteri yang bernama Datuk Dr Othman Hassan, *Senior Minister, Minister of Special Mission*. Kawan rapat dengan Hun Sen, Perdana Menteri Cambodia. Juga Datuk Mustapha ini *is one of the very few in the world* menerima- sebagai Ketua NGO sahaja, menerima satu anugerah yang tertinggi di Cambodia. Jadi dia mengenali semua ini.

Jadi apabila laporan yang sebenarnya didedahkan oleh Yang Berhormat Julau berhubung dengan perkara ini berlaku di Cambodia, jadi barulah kita rakyat Malaysia mengetahui 47 orang telah ditahan di sana. Seramai 40 orang daripadanya dari Sarawak, tiga orang dari Selangor dan seorang dari Kuala Lumpur. Jadi apabila mendapati perkara ini, Sarawak membuat keputusan untuk menghantar rombongan untuk berbincang dan melihat apa yang berlaku di sana sebenarnya. Jadi, itu pada 10 hari bulan.

Pada 10 hari bulan yang sama, tiga hari selepas Yang Berhormat Julau buat pengumuman. Pada 10 hari bulan, Datuk Mustapha berjumpa dengan Datuk Dr Othman Hassan dan Datuk Dr Othman Hassan kata, "*Betul belum selesaikan kes orang Malaysia yang ditangkap ini?*" Sebenarnya, polis Cambodia menyelamatkan orang ini dan disimpan dalam satu rumah yang dikunci luar belakang, dikunci daripada luar, di-*chain* pintunya dan diberi *grill* besi. Rumah itu memang rumah tahanan.

Pada ketika itu, Kerajaan Cambodia memang dah buat keputusan bahawa semua yang 47 orang itu akan dituduh di mahkamah. Jadi kerajaan memberi dua *Diplomatic Note*. Satu, pada 13 hari bulan minta kebenaran maklumat, baru diberi maklumat.

Pada 28 hari bulan baru dapat makluman, dan 2 Januari meminta kebenaran untuk melawat. Kebenaran melawat hanya diberi pada 22 Januari dan *Diplomatic Note* dihantar pada 30 Januari 2019 meminta semua rakyat Malaysia itu dibebaskan. Pada ketika itu tidak ada tindakan apa-apa diambil. Keputusan yang dibuat Kerajaan Cambodia ialah semua orang ini bertanggungjawab. *Evidences* cukup, semua cukup, akan dituduh di mahkamah. Pada ketika itu saya menghantar *Whatsapp* kepada Datuk Mustapha, beritahu dengan Datuk Dr Othman Hassan, *the best way out* ialah menerusi *diplomatic channel*, berbincang *humanitarian ground and compassion* pihak Cambodia.

Selepas itu, oleh kerana saya mengetahui apa yang berlaku di sana, Ketua Menteri Sarawak menghantar saya bersama dengan Datuk Sri Fatimah Abdullah untuk pergi ke *Cambodia*. Kita pergi pada 12 hari bulan keputusan dibuat. Bila kita sampai di sana, barulah Datuk Dr Othman Hassan mendapat arahan daripada Perdana Menteri *Cambodia* untuk membuat laporan dan hantar kepada Perdana Menteri.

Setelah Datuk Dr Othman Hassan berbincang dengan Menteri Dalam Negeri yang ditelefon oleh Menteri Luar Negeri dan berbincang dengan Menteri Kehakiman dan berbincang dengan Speaker Senat. Selepas banyak perbincangan itu, barulah laporan dibuat pada 14 hari bulan petang, baru Datuk Dr Othman Hassan hantar laporan penuh mencadangkan oleh kerana ada rombongan Menteri daripada Sarawak dan Ahli Parlimennya untuk hendak mengetahui apa keputusan yang dibuat oleh pihak Kerajaan Cambodia. Pada ketika itu pada pukul 5 petang, saya dimaklumkan Datuk Mustapha, *insya-Allah* kita dapat kejayaan tetapi rasminya hanya diumumkan pukul 4 petang pada 15 hari bulan.

Jadi Tuan Yang di-Pertua, sebenarnya itu adalah usaha bersama. Yang Berhormat Julau tidak berjumpa siapa pun, bahkan tidak jumpa dengan Jeneral Aung Su Pan, penjaga penjara di Banteay Meanchey.

#### ■1720

Kita berbincang dengan Jeneral ini semasa di sana berhubung dengan *welfare* pada pihak ini. Jadi Tuan Yang di-Pertua, sebenarnya percakapan Menteri dengan Timbalan Perdana Menteri di *Cambodia* susulan dengan rombongan kami datang ke sana, bantuan yang tidak berbelah bahagi oleh Datuk Dr. Othman Hassan dan Datuk Dr. Mustapha Ahmad Marican yang membuahkan satu kebebasan tidak bersyarat diberi oleh Kerajaan *Cambodia* untuk kebebasan semua rakyat Malaysia yang 47 orang itu yang kami bawa balik menerusi *Air Charter*.

Bukan sebab apa, oleh sebab ada di kalangan mereka ini Tuan Yang di-Pertua bukannya semua bersih. Saya dimaklumkan oleh Datuk Dr. Othman Hassan, *we need to go back there think about* sama ada hendak selidikkkan mereka ini. *Alhamdulillah*, polis sudah selidik dan saya sudah berhubung dengan pihak polis dan polis sudah menangkap. Akan tetapi, yang tinggalnya siapa *the originator* tuan syarikat di negara China yang sebenarnya membawa orang ini pergi ke *Cambodia*, yang kena tahan dan di *charge* di Sarawak itu hanya agen rekrut untuk mereka-mereka ini bawa ke *Cambodia*. Akan tetapi...

**Tuan Sanisvara Nethaji Rayer a/l Rajaji [Jelutong]:** Yang Berhormat Santubong, Yang Berhormat saya hendak minta penjelasan. Bukankah kita sepatutnya berterima kasih kepada Yang Berhormat Julau yang telah pergi ke sana membawa satu rombongan untuk menyelesaikan masalah ini.

Yang Berhormat Julau merupakan juga ahli daripada kerajaan, supaya kita dapat membawa balik semua mereka ke tanah air kita dengan selamat. Beliau sampai lebih awal, jadi kita ucapkan setinggi-tinggi penghargaanlah kepada Kerajaan Pakatan Harapan yang menghantar Ahli Parlimen Julau untuk menyelesaikan masalah dan membawa mereka balik untuk rekod.

**Dr. Kelvin Yii Lee Wuen [Bandar Kuching]:** Saya cuma hendak minta sedikit penjelasan. Adakah Yang Berhormat bersetuju bahawa peranan Wisma Putra adalah amat penting dalam untuk membebaskan semua rakyat Malaysia ke orang Sarawak ke Malaysia. Sebab *negotiation* yang dilakukan antara *government* adalah antara Wisma Putra dengan Kerajaan Cambodia. Apakah pendapat Yang Berhormat? Terima kasih.

**Tuan Sanisvara Nethaji Rayer a/l Rajaji [Jelutong]:** Dan Yang Berhormat Santubong, saya juga ingin bertanya pernahkah inisiatif ini diambil oleh mana-mana Ahli Parlimen Barisan Nasional dahulu dalam masa yang sama untuk membawa balik rakyat Malaysia? Tidak pernah dibuat. Jadi kita perlu...

**Tuan Yang di-Pertua:** Yang Berhormat Jelutong. Hendak minta laluan dulu. Ya, silakan.

**Tuan Sanisvara Nethaji Rayer a/l Rajaji [Jelutong]:** Perlu memberi setinggi-tinggi penghargaan kepada Pakatan Harapan. Terima kasih.

**Tuan Yang di-Pertua:** Yang Berhormat Jelutong, Yang Berhormat Santubong bermula dengan baik sekali. Menyatakan bahawa kita mempunyai budaya di Parlimen yang harmoni.

**Tuan Sanisvara Nethaji Rayer a/l Rajaji [Jelutong]:** Itulah dengar...

**Tuan Yang di-Pertua:** Sila duduk. Masa sudah habis Yang Berhormat Santubong. Baik, seterusnya kita masih ada masa sedikit.

**Dato' Sri Dr. Haji Wan Junaidi bin Tuanku Jaafar [Santubong]:** Minta Tuan Yang di-Pertua...

**Tuan Yang di-Pertua:** Seterusnya saya ingin menjemput Yang Berhormat...

**Dato' Sri Dr. Haji Wan Junaidi bin Tuanku Jaafar [Santubong]:** Minta saya menjelaskan soalan ini dulu.

**Tuan Yang di-Pertua:** Tentang Julau ya? Silakan.

**Dato' Sri Dr. Haji Wan Junaidi bin Tuanku Jaafar [Santubong]:** Ya, pasal sebenarnya Tuan Yang di-Pertua, Yang Berhormat Julau tidak berjumpa dengan sesiapa pun sebenarnya. Memang tidak ada jumpa dengan sesiapa pun, selain dari berjumpa dengan yang ditahan di Penjara Banteay Meanchey itu sahaja dan pegawai-pegawai penjara. Selepas itu, pegawai penjara memberi penjelasan kepada saya, Jeneral Aung Su Pan bagi tahu saya '*We are only the keeper of these people, we don't have any authority whatsoever*'. Jadi yang berbincang sebenar berjumpa dengan Menteri ialah rombongan kami daripada Sarawak.

**Dr. Kelvin Yii Lee Wuen [Bandar Kuching]:** Yang Berhormat, Yang Berhormat.

**Dato' Sri Dr. Haji Wan Junaidi bin Tuanku Jaafar [Santubong]:** Akan tetapi, saya berterima kasih dengan Yang Berhormat Julau juga...

**Tuan Che Alias bin Hamid [Kemaman]:** Buat malu saja.

**Dato' Sri Dr. Haji Wan Junaidi bin Tuanku Jaafar [Santubong]:** Saya berterima kasih dengan Yang Berhormat Julau oleh sebab pendedahan yang awal itu yang kita tidak dimaklumkan, itu sahaja. Jadi bukan kita hendak...

**Dr. Kelvin Yii Lee Wuen [Bandar Kuching]:** Yang Berhormat, saya hendak minta penjelasan sedikit.

**Dato' Sri Dr. Haji Wan Junaidi bin Tuanku Jaafar [Santubong]:** Terima kasih.

**Tuan Yang di-Pertua:** Sudah habis masa ya. Saya ingat sudah habis masa. Silakan. Sekarang saya menjemput, masa pun sudah hendak habis. Akan tetapi, tidak mengapa saya menjemput Yang Berhormat Kalabakan. Silakan.

**5.24 ptg.**

**Tuan Ma'mun bin Sulaiman [Kalabakan]:** Terima kasih Tuan Yang di-Pertua. Pendahuluan saya lah- *Bismillahir Rahmanir Rahim. Assalammualaikum warahmatullahi wabarakatuh.*

Terlebih dahulu saya melafazkan syukur ke hadrat ilahi kerana berkat limpah kurnianya saya diberikan ruang untuk mengambil bahagian membahaskan Usul Menjunjung Kasih Titah Duli Yang Maha Mulia Seri Paduka Baginda Yang di-Pertuan Agong. Semoga Allah SWT melanjutkan usia Duli Yang Maha Mulia Seri Paduka Baginda Yang di-Pertuan Agong. Pertama sekali, saya mengambil kesempatan ini untuk merakamkan penghargaan

kepada kesediaan Kabinet Persekutuan pimpinan Perdana Menteri kita membuka perbincangan mengenai Perjanjian Malaysia 1963 (MA63).

Sememangnya cadangan pindaan Perkara 1(2) Perlembagaan Persekutuan untuk mengembalikan hak asal Sabah dan Sarawak sebagai rakan kongsi Semenanjung mendapat perhatian serius daripada kami. Orang Sabah dan Sarawak sudah lama menunggu perkembangan sebegini.

Tuan Yang di-Pertua, rakyat Sabah nanti-nanti satu penyelesaian holistik dan kata putus yang menggembirakan berhubung Perjanjian Malaysia 1963. Menjadi harapan kita untuk melihat pembaharuan dapat dinikmati semua golongan rakyat dalam aspek pembangunan sosioekonomi, infrastruktur, pendidikan khususnya keselamatan. Inilah juga harapan kita pada 56 tahun yang lalu, saat pembentukan Gagasan Malaysia.

Tiada yang dapat menafikan kekayaan sumber asli di negara kita juga datang dari Sabah. Seperti gas dan minyak serta kecantikan alam semula jadi yang menjadi daya tarikan pelancong dari segenap pelosok dunia. Akan tetapi, rakyat Sabah masih terkial-kial memohon peruntukan untuk membina fasiliti seperti jalan raya, bekalan elektrik dan air. Malah anak-anak murid kami masih belajar di sekolah-sekolah daif. Di kawasan Kalabakan, boleh dikatakan 70 peratus sekolah rendah dan menengah masih dalam keadaan daif kerana berdingkingan kayu dan papan. Saya pohon perhatian Yang Berhormat Menteri Pendidikan Malaysia, jenguk-jenguklah sekolah-sekolah di kawasan saya. Saya tahu Yang Berhormat Menteri Pendidikan baru melawat Sabah minggu lalu termasuk Tawau.

Akan tetapi, sayangnya tidak berkesempatan melawat Kalabakan. Statistik terbaru Jabatan Pelajaran dan Inovasi Sabah menunjukkan terdapat banyak isu dan cabaran dalam dunia pendidikan. Misalnya terdapat sebanyak 587 sekolah daif di Sabah. Kita juga berhadapan isu sekolah tanpa *title* seperti tanpa OC, 36 sekolah yang dibina di atas tanah persendirian, syarikat dan tanah simpanan bahkan sembilan sekolah masih berkongsi bangunan untuk sesi pagi dan petang. Dilaporkan, hanya RM10 juta sahaja diperuntukkan untuk Sabah untuk pembaikan sekolah tahun ini. Mungkin dapat...

**Tuan Lukanisman bin Awang Sauni [Sibuti]:** Yang Berhormat Kalabakan. Boleh menceleh sedikit dari Sarawak? Sahabat, terima kasih. Saya sangat sedih apabila mendengar berkenaan tentang sekolah daif. Saya turut mencadangkan agar pihak Kerajaan Sabah menggunakan formula yang digunakan oleh Kerajaan Sarawak melalui peruntukan RM1 bilion agar saya juga mencadangkan agar kerajaan memandangkan Kerajaan Sabah adalah merupakan Kerajaan Pakatan Harapan. Kami adalah kerajaan yang hanya mesra Pakatan Harapan, mungkin Sabah patut mendapat peruntukan yang ataupun tawaran yang lebih baik berkenaan tentang sekolah daif. Itu sahaja.

**Tuan Ma'mun bin Sulaiman [Kalabakan]:** Ya, difahamkan Sarawak mempunyai rizab RM30 bilion. Jadi peraturannya dia membayar hutang dan diberi pinjaman kembali. Jadi di Sabah kita mempunyai hutang RM6 bilion. Jadi, atur caranya berbeza. Jadi mungkin tidak dapat dilaksanakan. Saya sambung ya. Tuan Yang di-Pertua, saya yakin dan percaya sidang Dewan Rakyat dan seluruh rakyat Malaysia bersetuju dengan saya bahawa tragedi berdarah Tanduo dan Simunul pada 2013 masih segar dalam ingatan kita. Al-Fatihah untuk semua pahlawan negara yang gugur dalam sejarah hitam ini iaitu ketika Malaysia sudah termaktub sebagai negara bebas, merdeka dan berdaulat semenjak 1963.

Siapa sangka, peristiwa sedemikian rupa dahsyatnya masih berlaku pada tahun 2013. Satu kisah perjalanan sejarah negara yang berada di lingkungan dari era penjajahan Inggeris, Komunis dan Jepun. Saya ingin menarik perhatian sidang Dewan Rakyat yang mulia ini untuk membuka mata dan fikiran seluas-luasnya, mengapa perkara ini berlaku. Adakah kerana kelemahan sistem pertahanan negara atau ada faktor lain yang pasti kita rakyat Sabah tidak mahu perkara sebegini berulang. Kawasan Pantai Timur Sabah yang begitu luas dan panjang sering kali dibangkitkan sebagai alasan betapa kekangan jenayah rentas sempadan di kawasan ini sukar untuk dibendung dengan lebih berkesan.

Pelbagai pendekatan pernah diusulkan untuk mengatasi isu berkaitan, mengambil kira kedudukan yang terletak begitu dekat dengan wilayah negara jiran iaitu Indonesia dan Filipina. Kita juga menyambut baik pembukaan *Maritime Commerce Centre* di Tawau sebagai kesinambungan komitmen kerjasama Malaysia, Indonesia dan Filipina untuk memastikan Laut Sulu sentiasa diawasi bersama tiga negara berjiran khususnya berkaitan kes rompakan dan penculikan. Kita menaruh harapan yang besar dan percaya perkongsian maklumat



risikan antara ketiga-tiga negara amat penting. Di kawasan Parlimen saya terdapat sebuah pulau yang dikongsi oleh dua negara, Malaysia dan Indonesia iaitu Pulau Sebatik.

Masa perjalanan dari tanah besar Tawau ke Sungai Tongkang Sebatik hanya memerlukan 20 minit sahaja jarak, masa perjalanan dari tanah besar Tawau ke wilayah negara jiran. Di Nunukan Kalimantan Utara pula adalah lebih kira-kira satu jam. Manakala masa perjalanan dari Pulau Sebatik ke Nunukan mengambil masa antara 15 hingga 20 minit.

**Tuan Yang di-Pertua:** Yang Berhormat, kita sambung esok.

**Tuan Ma'mun bin Sulaiman [Kalabakan]:** *Okey, insya-Allah.*

**Tuan Yang di-Pertua:** Masa sudah melangkaui 5.30, 5.31 petang. Jadi, untuk seterusnya selepas Yang Berhormat Kalabakan akan dipanggil. Yang Berhormat Pasir Puteh, Yang Berhormat Lembah Pantai, Yang Berhormat Tapah, Yang Berhormat Bukit Bendera dan Yang Berhormat Kanowit seterusnya saya akan umumkan esok.

Ahli-ahli Yang Berhormat, dengan itu Mesyuarat Dewan hari ini ditangguhkan sehingga jam 10 pagi, hari Khamis, 14 Mac 2019.

***[Dewan ditangguhkan pada pukul 5.31 petang]***